



BIBLIOTECA NAZIONALE

XXV\*

D

64

NAPOLI



115 5 59

Ally C. 114



VIII. C. 10.

115/11 24

2

FERDINANDI RUIZII  
VILLEGATIS  
BURGENSIS

QUÆ EXSTANT OPERA;  
EMMANUELIS MARTINI ALONENSIS DECANI  
STUDIO EMENDATA,

ET AD FIDEM CASTELVINIANI CODICIS  
CORRECTA:


A BERNARDO ANDREA LAMA  
*iterum recognita ac recensita nunc primum prodens*

*jussu*

EXCELLENTISSIMI DOMINI

J. BASILII A CASTELVI,

Coloma, Alagon, & Borgia, Comitum a Cervellon, &  
Buñol, Marchionis a Villa-Torcas, Baronis  
Oropessa, Hispaniæ Magnatis, Cæsaris  
nobilis Cubicularii, ejusque a consiliis in  
supremo Hispaniarum Consequi



· V E N E T I I S

TYPIS JOANNIS BAPTISTÆ ALBRIZZI HIERON. FIL.

M D C C X X I V.

SUPERIORUM PERMISSU, AC PRIVILEGIO.



EMMANUEL MARTINUS

ALONENSIS ECCLESIAE DECANUS

JANO BASILIO CASTELVINIO.

CERVELIONIS AC BUGNOLII COMITI,  
PRÆTORI VALENTINO INTEGERRIMO,  
VIROQUE ERUDITISSIMO

S. D.

**P** *Atrem tuum scis quanti faciam, Vir nobilissime, cum ob ejus mitem, senemque naturam, & come ingenium; tum ob ipsius studium in promovendis litteris, doctorumque hominum industria fovenda. Quo ego*  
no-

nomine ita illum suspicio atque revereor;  
ut ab ejus sententia vel transversum  
unguem discedere, nefas semper duxerim.  
Eo prosequor amore, eaque benevolen-  
tia, ut plane videatur ille mihi vel Ve-  
neris cestum habere, vel iungem. Cum  
igitur proximis diebus una essemus, ac  
Ferdinandi Villegatis poematum mentio  
incidisset; codicis illius edendi desiderio  
vehementer est inflammatus; meque, uti  
de hoc negotio conficiendo diligentissime  
ad te scriberem, per caput perque fortu-  
nas obrestatus est. Adjecitque numquam  
se destitutum a fodicando, donec perfice-  
ret. Eo se quoque accuratius ad te da-  
turum litteras. Nosti ejus ingenium.  
Quicquid cupit, vehementer cupit. Ita-  
que, de Te per litteras adhortando, se-  
dulo cogitare cæpi. Neve ad scrupum  
aliquem vel leviter impingeres, viam  
tibi prius complanare volui, atque pur-  
gare:

*gare : ut amotis offendiculis , nihil prorsus esset quod moram afferre posset rei perficiendæ . Codicis mendas , quantum in me erat , ex conjectura deterfi ; Præfationemque adjunxi oppido necessariam . In ea enim nitidissimi auctoris memoriam , jam pridem emortuam , quasi recenti quodam infuso spiritu , suscitavi ;*

*Quam nec Jovis ira , nec ignes ,  
Nec poterit ferrum , nec edax abolere vetustas .*

*Commodum enim accidit , ut apud Patrem tuum esset illud ipsum prototypon e bibliotheca vestra erutum ; cujus mihi liberalissime copiam fecit . De Mæcenate quærendo omnis deliberatio . Videbarur clarissimi operis amplitudo jure sibi deponere , ut non nisi ad aras sisteretur alicujus e Consensum numero . Munus enim eximium eximio egebat numine . Igitur optimum factu visum est , siquidem Hispani*

*spani scriptoris famam, Hispanæ juven-  
tuti committeremus. Verum id consi-  
lium ea tantum conditione ratum fore, si  
tu probaveris. Habes rem plane extrica-  
tam atque expeditam. Reliquum est, ut  
editionem naviter urgeas. Curæ mihi  
erunt operæ typographicæ; si Mantua-  
nas hasce Valentinis prætuleris. Quidni  
igitur ignavam istam cunctationem ex-  
cutis? Flagitat Pater, cujus opera, stu-  
dio, diligentia, sumptu, servatum est  
tam egregium Hispanicæ gloriæ monu-  
mentum. Flagitat ( si quid habent pon-  
deris officia nostra ) addictissimum tibi  
caput. Ipsius auctoris manes supplices  
( ut ita dicam ) tibi manus tendunt, fi-  
demque tuam implorant atque obtestan-  
tur. Postulat denique Hispanici nomi-  
nis decus ac splendor. Ecquid famæ tuæ  
turpissimam illam notam inures, ut incu-  
ria tua ( pene dixeram, inertia ) nitidissi-  
mi*



*mi auctoris immortalia scripta in antiquas tenebras devolvantur? Apage hoc scelus. Sitque ornamento Castelviniæ genti, quod ex domestica eorum bibliotheca clarissimum id astrum prodierit, quod fulgore suo Hispanias illustret. Per ego te optimi parentis desideria, per fortunas & salutem tuam, per charissimum tibi sanctissimumque lectissimæ consortis caput, oro atque obsecro: per utriusque genium, quorum animos non tam lecti genialis fœdus atque societas, quam morum studiorumque similitudo conjunxit. Colit enim illa impense amœniores has litteras, Musarumque oblectamenta sectatur, Nec has tantum, quarum venustate, lepore, elegantia, mortalium mentes arcana quadam illecebra deliniuntur; sed molestas alias ac spi-*

B

no-

nosiores , cuiusmodi est studium genealogiæ . In quo certe quantum illa profecerit , latet neminem , summorum mehercule virorum exemplo Varronis , T. Pomponii Attici , M. Valerii Messallæ oratoris , Hygini , aliorumque : e recentioribus autem Raphaelis Volaterrani , Fulvii Ursini , Antonii Augustini , Richardi Streinii , Jani Rosæ , & Glandorpîi . Teruntur enim omnium manibus illustrium familiarum aliquot stemmata , ab ornatissima fœmina summa industria summaque dexteritate concinnata : quodque magis mirere , id ætatis , quum muliebri ingenium formæ studio unice vacare solet . Addo in eximia pulchritudine ac venustate , pæne dixi , puella . Minime igitur dubito , quin illa quoque votis nostris accedat : quæ rata fore , pro tuo  
in-

*ingenio , pro charitate in patriam ,  
pro observantia erga parentem , pro-  
que eximia tua adversus nos benevo-  
lentia , facile spero atque confido .  
Vale . Mantuæ novæ in Carpenta-  
nis . IV. Eid. Sept. An. MDCCV.*



JANUS BASILIUS CASTELVINIUS  
EMMANUELI MARTINO,  
ECCLESIAE ALONENSIS DECANO

S. P. D.



**E***T* si suasoriam tuam epistolam accipio ex ea parte, quatenus blandis verbis, comitate, amicoque alloquio me invitare videris, ducere in viam,  
at-

atque eam mihi digito monstrare , non  
tamen ipsam probo , in qua Censoris  
veste indueris . Quid me , sponte  
mea satis incitatum , impellis , &  
verbis manibusque hortaris ? Cur-  
renti calcaria addis ? Non ne a me  
quæris id ipsum , quod abs te flagi-  
to ? In jus te voco . Te , te in-  
quam , contra te testem suscitabo .  
Licet ne antestari ? Porrigere aurem .  
Meminisse te credo , quot quantif-  
que te precibus obsecravi , immo fa-  
tigavi , ut Villegati nostro extremam  
imponeres manum , ejusque codicis  
mendas abstergeres . Tibi commissum  
opus , quam diu latuerit tu certe  
scis ; & ego sane non ignoro . Sed  
hæc sint dicta potius , ut me exper-  
tem criminis demonstrem , meamque  
ut tuear innocentiam , quam ut tuam  
accusem cunctationem : absit verbo  
in-

invidia . Scio quidem , atque exploratum habeo te numquam manum intra pallium continere , hoc maxime tempore , quo Ecelestæ Principis Κεραυνόπρωτος in disponenda in pluteis numismata , suisque in regionibus collocanda , toto pectore incumbis . Hoc enim facit , ut non modo diem tibi dictum differam , verum etiam omnino incæpto desistam . Et merito quidem : nam si Villegatis codex per diu apud te , sepositus videretur , id factum puto , ut longi temporis usuram , qua caruimus , uberrimo emendationum tuarum fructu sarciamus . Illustratum mittis , redvivum sic ipsum reddis , ut ne ego quidem , qui tam frequenter , assidue , diligenterque totas ipsius paginas perlustravi , vix ejus os agnoscere possim , ejusque faciei lineamenta ,

ta , ægre , immo , ut ita dicam ,  
inaniter rimor . Quantum mutatus  
ab illo ! Ab illo nempe Villegate ,  
qui tot mendis scatebat , tot deprava-  
tis locis laborabat : cui , eam ob  
rem , tot medelas adhibere opus erat .  
Sed erat etiam cavendum ne frumen-  
ti radices , supra modum effodiendo ,  
evellerentur . Quamobrem tu bonus  
agricola , bonusque colonus , provi-  
de prudenterque te gessisti : non te-  
mere in segetes , simul ac in noxias  
herbas , aduncam falcem immisisti ; sed  
eas leviter scalpendo , instar optimi  
sarritoris , a loliis , tribulis , carduis ,  
lappisque sarculo purgasti . Quo fit ,  
ut purgatissima messe non tantum  
Hispanam juventutem satiaveris ,  
sed etiam totum litterarium orbem  
saturaveris . Qualem messem ! vere  
auream : utpote aureo sæculo vere  
di-

dignam . Sed hæc tu scis ; & quæ-  
lia , quantique sint pretii , iudicio  
tuo probata ; lecturis ostendis . Mi-  
rari satis non possum quorundam ho-  
minum ingenia , quibus nihil placet ,  
nihil probatum est , nisi illud cui in-  
sunt stigmata patria , ejusdemque ci-  
vitatæ signa : illis simillima , quo-  
rum imbecilla palata omnia fasti-  
diunt , præter ea , quæ proprio solo  
nata , longa assuetudine , grata per-  
cipiunt : vel potius aliis , quibus adul-  
terini , suspectivæ qualescunque sunt  
nummi extranea signati nota . Isti  
ergo critici , isti pseudo-Aristarchi ,  
nescio qua censoria virga ; Hispano-  
rum hominum nomina severissime  
notarunt , eisque ademerunt humanio-  
rum disciplinarum amœnitates , &  
Philologiæ , ac linguarum notitiam .  
Sed immerito quidem . Fremant alii ,

li-



licet : dicam quod sentio : nam in  
Græcæ palestræ exercitatione , pluri-  
mos palmas tulisse nemini latet : San-  
ctios , scilicet , Barbosas , Sepulvedas ,  
Vergaras , Lacunas , Pincianos , Ver-  
zofas , Covarrubias , Statios , Ma-  
rianas , Nunnesios , Mendozas , Pon-  
cios , Salas : quibus etiam , simul & in  
arena Romana , a cuncto eruditorum  
confessu , plausus est multiplex datus.  
Ubi , nec eis invidisse ignotum est ,  
incompertumve , illos omnes Anto-  
nios , Vilchios , Resendios , Zuritas ,  
Vives , Fevios , Ciaconios , Foxios ,  
Matamoros , Perpinianos , Augusti-  
nos , Osorios , Alvaros , Cerdas ,  
Miedes , Blancas , Calvetos , &  
quamplurimos , qui æquali cursu &  
gloria , citra pulverem , ad metas  
properarunt . Sed quorsum tendit ora-  
tio ? Quo me trahit & patriæ , &

C

ve-

veritatis plusquam dulcis amor? Red-  
eamus in viam : in illam nempe præ-  
ruptam , salebrosam , quam explana-  
visti , ipsiusmet Villegatis scriptis illu-  
strasti ; cujus , e tenebris oblivionis ,  
pæne oblitteratam memoriam vindica-  
sti . Dolebam tecum , ac vehementer  
angebar , cum viderem tot incassum  
nostros iussisse labores , ut neque penes  
amicos æqualesque scriptores , quos  
ipse recenset , tanti viri mentionem  
aliquam invenire liceret . Dolet , in-  
quam , mihi , cum nec apud Hispanos  
homines eruditos , qui proprias Histo-  
rias tractarunt , nec etiam apud eos  
qui Genealogi vocantur , ipsius Ville-  
gatis , vel ipsius operum memoriam  
cernere , immo nec vestigia in pul-  
vere percipere fas sit . Unus est mihi ,  
præter Nicolaum Antonium , a te al-  
latum , Laurentius nempe Vander  
Ham-

*Hammen , qui in suo libello Philippi Prudentis, illustre nostri Auctoris testimonium reliquerit posteritati. En verba, ut sonant Latine, ex Hispanico idiomate translata : Floruit Ferdinandus Ruizius Villegates excellentissimus Poeta Latinus, ut ejus multa & docta scripta fidem faciunt : En tibi omnes fructus nostri laboris. Ceterum, ut jam ad scopum epistolæ tuæ revertar ; inhonestum mihi foret, immo & turpe, si institutæ orationi finem imponerem, priusquam tibi gratias agerem. Pergratum mihi est quod suades de Villegatis editione adornanda, quum summo studio curaverim, quod tu curari volebas : spero fore, ut ex ea mihi aliqua gloriola contingat, & Bibliothecæ nostræ non parum honoris. Fateor me tibi hoc officio magnopere devinctum esse : efficiam, ut tuum in*

*me beneficium, ad te sine mora, non  
sine fœnore, redeat. Ecquando, inquires?  
Dispeream, nisi in primis ego velim.  
Sed tempora quæ impendeant vides.  
Fubeo nihilominus te bene sperare,  
& bono animo esse: fitemus propediem  
voti compotes, si benigna fors arrise-  
rit. Sed dum in consultationibus his me  
exerceo, Francisca mea etiam atque  
etiam urget, atque adeo flagitat me,  
ut te desiderare diutius non patiar Vil-  
legatis editionem. Tanti enim est a  
tali viro laudari. Trahimur omnes  
laudis studio. Satis, vel etiam nimium  
multa me scripsisse vereor. Vale mi  
Martine; nosque, quod soles, ama.  
Valentiæ in Ædetanis. Prid. Kal.  
Octobr. An. MDCCV.*

# EMMANUEL MARTINUS

ECCLESIAE ALONENSIS DECANUS

HISPANÆ JUVENTUTI

S. D.

**C**ujusnam tutelæ postumam hæc nobilissimi parentis prolem commendarem, cum paulo attentius deliberarem; pulsavit animum, Juventus Hispana, eximia illa tua virtus, & generosa indoles, ingeniique opibus florentissima. Cui enim nostratis hominis famam tutius committerem, quam tibi; ut eam copiis, patrocinio, auspiciis tuis consecraret? Perierat funditus tanti viri memoria, atque evanuerat, nisi ita fors tulisset, ut in cum ego codicem incidissem; ac Janus Basiliius Castelvinius, Prætor Valentinus, in curam incubuisset ejus luce publica donandi. Quando igitur ille ex oblivionis tenebris erutus ac redivivus, squallore deterfo, vestram fidem implorat jure Quiritium; ferte opem, & salutem maxime indigenti. In quo profecto elegantissimi poetæ famæ, atque immortalitati consulere, unaque patriæ gloriæ atque ornamento. Habetis domesticum exemplar quo studia vestra colliment, absolutam poeticæ elegantiae imaginem quam imitemini. Arripite præstantissimum hoc munus ex cælo delapsum (veluti alterum Minervæ simulacrum) ea alacritate, qua studia litterarum, ac disciplinas soletis capessere. Non amplius Latinæ venustatis auctor foris est arcessendus. Domi habetis, cujus sectemini vestigia. Habet tandem Hispania nostra quod opponat exterorum contumeliis, qui adhuc ob inscitiam nostram Latini sermonis, vel potius ob neglectum ejus cultum, in exultationem famamque Hispanici nominis quasi facto agmine irruerunt, conviriorumque plaustra in nos impudentissime conjece-  
runt, jurene an injuria, non ausim dicere. Volo enim consulere verecundiæ vestræ. Non tamen abstinco a vos exhortando, ut in curam elegantiores has litteras revocandi quam diligentissime incumbatis. Philologiæ manum  
por-

porrigite , jam dudum animam agentī , ac tantum non mortuæ . In memoriam revocate præclara illa nomina , Antonium Nebrissensem , Franciscum Sanctium , Ludovicum Vivem , Antonium Augustinum , Petrum Ciaconium , Ferdinandum Pincianum , Alvarum Gomeſium , Palmyrenum , Sepulvedam , Ramiresium , alioſque : quorum fama tamdiu perennabit , quamdiu ſuus litteris conſtabit honos , quorumque gloria cum turpiſſima ignaviæ noſtræ exprobratione conjuncta eſt . Abolete igitur hanc dedecoris notam , jamdiu generi noſtro inuſtam . Non aliunde vobis comparandæ copiæ , ſed abunde in veſtra ſitæ ſunt poteſtate ; quibus mortales univerſos mentis acumine , ingenio , induſtria , longe antecellit . Exerite , Hiſpani Juvenes , vires veſtras , nervoſque omnes intendite , ut pulcherriſſimam hanc , omnibuſque deliciis aſſluentem amœniorum litterarum provinciam , in veſtram redigatis poteſtatem . Cujus provinciæ potiri , non tantum ſumma laus eſt , ſummumque ornamentum ; ſed & ſumma voluptas . Non enim per ſterilem aut ſpinoſam aliquam ſolitudinem , vepretis ac ſenticetis horridam , ingrediendum eſt vobis ; neque arida ac ſiriculosa regio calcanda : ſed virentia undique præta , florum varietate eximia , uberrimiſque fontibus , quadam velut illecebra , ſenſus delinientia , quorum hauſtus incredibilem aſſert voluptatem . Nihil homine liberali dignius præclaro hoc ſtudio ; cujus aſſatu nec barbarie inquinamur , nec ſordamur ſordibus , cujus ductu in abditiffima ſanctiſſimæ antiquitatis ſacraria penetramus : quo prælucente obſcura quæque illuſtrantur atque pateſcunt , enodantur irretita , perplexa explicantur . Quæ igitur inſania ( abſit verbo invidia ) honeſtiſſimæ matronæ calcem impingere , fucumque ſectari , & inanes umbras ? Vos præſertim quibus natura ſolers , ingenium acre ac vegetum , diſciplinique & artibus exhauriendis quam aptiſſimum . Quod iccirco repetere volui , ut ne veſtræ navitatis vel ignari , vel obliſi , præclariffimum hoc ſtudium deſpondeatis . Omnia vobis plana , aperta omnia , dummodo in eam incumbatis cogitationem , dummodo ad laudem

dem & gloriam connitamiui , atque allaboretis . Priusquam autem ad ea studia gradum confèratis , aliquid monere per mihi visum est necessarium ; nimirum , sine litteris Græcis irritos esse conatus , & inanem operam . In illis enim præteritorum temporum notitia , omnis eruditio , elegantia omnes , omnes ingenuæ disciplinæ , humanitas denique ipsa continetur : sine cujus ope ductuque si quid in his studiis proficere tentes , perinde facies ac si mari te commiseris , sine velis remisque . Quid M. Tullium ad sublime illud eloquentiæ fastigium evehit , ejus memoriam famæ immortalitate consecravit , nisi acre illud assiduumque in iis litteris studium ; cum ea quæ legisset Græce , Latine redderet ? ut divinam illam sibi compararet ubertatem , varietatem , copiam : Quo *Latinus Orator sine Græcis litteris pervenire non potest* , ut ipsemet testatur *de claris Oratoribus* . Ea fini , cum adhuc adolefceret , e Græco transtulit Arati *Phænomena* , *Oeconomicum* Xenophontis , contrarias orationes Demostenis & Æschinis , & Platonis Timæum , quem appellavit *De Universitate* . Sui Consulatus historiam Græce scripsit in quo *ἱστορίῳ* se jactat omnes Ipocratis munditias consumsisse : quod cum legisset Posidonius , qui tum Rhodi maxime florebat , idemque argumentum cogitabat litteris commendare ; fassus est se a scribendo plane deterritum . Conturbavit enim eo scripto , ut ipse ait , Græcam nationem . Tradit Svetonius eum usque ad Præturam Græce declamasse . Qua animi contentione id adeptus est , ut in utraque lingua aque disertus , opes illas atque ornamenta , quibus Græci ceteris mortalibus antebant , ad Romanos transtulisse videretur . Quod Apollonius Rhetor aliquando fassus est , stupore quodam correptus , cum eum Rhodi Græce declamantem audisset . Idipsum ante Ciceronem alii Romanorum clarissimi factitaverant , ut Q. Ennius , qui Epicharmi , Pythagoræ discipuli , librum *de rerum natura* Latine vertit ; nec non Evemeris *sacram historiam* : tragœdias denique quamplurimas ex Æschylo , Sophocle , Euripide . Mitto Tragicos illos Attium , Navium , Pacuvium , Comicosque Plautum , Terentium , qui Fabulas suas e Græco verterunt . Q. Fabium , & L. Cincium

Ro-

Romanorum gesta Græco sermone scripsisse, veterum monumentis proditum est. M. Catonem Censorium litteras Græcas in senectute didicisse satis constat. Lucullus Græce condidit poema, Acilius historiam. T. Pomponius Atticus sic Græce loquebatur, ut Athenis natus videretur; librumque Græce conscripsit De consulatu Ciceronis, Vir priscae libertatis, & acris subactique iudicii, qui ea quæ minus probasset in Ciceronis libris, notare miniata cera solitus erat: unde agebat Cicero, cerulas illas miniatulas se valde extimescere. L. Crassus, ut copiam facilitatemque dicendi sibi compararet, vertere Græca in Latinum solebat: uti & Valerius Messalla Orator. Bruti Græcae epistolæ exstant, in bello civili ad diversas civitates scriptæ, summa venustate atque acumine. Africanus major, cum Proconsul in Sicilia esset, tanto litterarum Græcarum amore captus est, ob earum leporem ac venustatem; ut Romano cultu deposito iis operam dederit, assumpto pallio crepidisque: quo nomine Fabius Maximus illi apud populum invidiæ faces subjecit. Octavianus Augustus Græcas disciplinas maximo studio professus est, magistro dicendi usus Apollodoro Pergameno. Claudius etiam Græce scripsit historias *Τυρρηνικῶν* & *Κερχρονικῶν*. Marcus Aurelius Antoninus conscripsit Græce libros XII. *τῶν εἰς ἑαυτὸν*. Mitto alios principes, Romanosque viros clarissimos, qui contempta maiestate patria, labores suos ac studia Græcis litteris consignaverunt: quorum catalogum texere, perquam esset putidum, perquamque molestum. Causa duplex: altera, Græci sermonis copia, venustas, elegantia: altera, quod cum ejus peritia in universum terrarum orbem pervassisset, iis litteris conscripta monumenta legerentur ubique terrarum; contra vero quæ Latinis, angustis admodum finibus continerentur. Quod vel Cicero ipse fateretur in Orat. *pro Archia poeta*. Eo celebres illæ per universum fere terrarum orbem a Græcis institutæ scholæ, generis humani erudiendi causâ, quarum nobilissimæ Athenis, Rhodi, Apolloniæ, Alexandriæ. Massiliæ etiam, quam majores nostros maxime frequentasse, ut Græcis disciplinis im-



imbuerentur, priscis monumentis traditum est; quin etiam  
 vel in ipsam Hispaniam nostram ea studia irrepsisse. Constat  
 enim ex Strabone, Asclepiadem Myrleanum in Turdetania  
 grammaticam publice docuisse. In eas scholas, quasi officinas  
 qualdam dedolendis mortalium animis institutas, Romana  
 juvenus confluebat; unde in Urbe olim utriusque linguæ  
 usus promiscuus. Qui quidem Græce loquendi amor  
 Romanam etiam plebem adeo invaserat, ut vel feminæ  
 ejus studio insanirent; nec ulla satis sibi videretur diserta  
 ac blanda, nisi Græco sermone uteretur. Existimabant enim  
 eo venustatem, leporem, elegantiam sibi comparari. Quæ  
 Græce nescirent, ineptæ habebantur ac putidæ: quam  
 insaniam acriter exagitat Juvenalis in sexta. Quid mirum  
 omnium gentium eo conspirasse animos, unde lumen  
 liberalibus disciplinis adipiscendis? Ea face extincta, fœda  
 barbarie obruuntur omnia, humanasque mentes quædam  
 veluti rubigo obsidet: quod reapse experti sumus. Regna  
 ac provincias ad Occidentem litas densissima ignorantia  
 caligo obscuraverat; sed expugnata a Mahomete secundo  
 Constantino Palæologo, exitialis illa clades & luctuosa,  
 quæ Orientis opes prostravit, ac Græciæ splendorem extinxit,  
 Occidenti nostro (quæ sunt rerum humanarum vicissitudines)  
 sapientiæ lumen attulit, cultumque litterarum veluti  
 postliminio restituit. Nam multi Græci, eruditione ac  
 scientia clari, vel patriis sedibus ejecti, vel Turcarum  
 crudelitatem exosi, cum in Italiam se receperint, litterarum  
 studia jam pridem emortua, & exanimis scholas suscitare  
 conati sunt. Quorum primus fuit Emmanuel Chrysoloras,  
 qui Venetiis primum, mox Florentiæ, Romæ deinde, ac  
 tandem Ticini litterarum Græcarum studium tam prospero  
 eventu professus est, ut ex ejus schola summi viri prodierint,  
 Leonardus Aretinus, Franciscus Barbarus, Philelphus,  
 Guarinus, Poggius, alique. Cui successit Bessarion secta  
 Platonius, in amplissimum postea Cardinalium Collegium  
 coopertus. Æqualis illorum fuit Georgius Trapezuntius

Cretenſis Peripateticus . Hic Romæ renaſcentibus tum temporis litteris primus habitus eſt , qui Græca feliciter in Latinum verteret . Amurathe deinde Græciam omnem igni ferroque vaſtante , ad Italiam appulit Theodorus Gaza Theſſalonicenſis ; vir , cum acumine ingenii , tum linguæ peritia , Græcorum longe princeps . Quippe & Grajam & Romanam locutionem tam ſcite calluit , ut utram in cunis didiciſſet , dignoſci facile non poſſet ; uti abunde teſtantur Hiſtoriæ Ariſtotelis *de Animalibus* , ac Theophræſti *de plantis* ab eo in Latium elegantiffime translata : quod ſane mirabile in tanta argumenti varietate , Latinique ſermonis inopia . Sed occurrentes identidem ſcopulos ſuperavit ingenii ſolertia , conflatis mirolepore ad analogiam vocabulis , quibus carebat Latium . Porro librum M. Tullii *de Senectute* tam ſcite Græce expreſſit , ut proſecto cum eo de palma contendendiſſe videatur . Eadem Turcarum immanitate patria ejeſtus eſt Joannes Argyropylus Byzantius , qui Florentiæ publice præfectus eſt erudiendæ juventuti . Eam ſcholam , ab Argyropylo deſertam ac jam collabentem , inſtauravit Demetrius Chalcondylas . Quem excepit Marcus Muſurus Cretenſis , qui Patavii Græcos auctores interpretatus eſt , inſignis Grammaticus , ac Poeta præſtantiffimus . Joannes item Laſcares , Græcorum qui Othomannicis armis patria pulſi ſunt , generis nobilitate clariffimus ; qui bis a Laurentio Mediceo , magno illo litterarum fautore atque parente , ad Bajazethem Byzantium miſſus eſt , ut Græcos codices omnibus latebris extractos , & quantivis coemptos , in Italiam exporteret . Eodem tempore floruit Michael Apoſtolius Byzantius , qui Græcorum proverbialia collegit , itemque gnomas & apophthegmata ; nec non Emmanuel Moſcopulus : ex quibus quatuor Græcæ linguæ præcepta conſcribere , Chryſoloras , Gaza , Laſcares , Moſcopulus . Nam Maximus Planudes , qui Caſarem *de Bello Gallico* Græce verſiſſe creditur , aliquanto fuit ſuperior ; cum circa annum MCCCCLXX. floruerit , ſuaſque ediderit *Inſtitutiones* .

Hiſce magiſtris initiisſque res litteraria radices agere cœpit  
in

in Italia . Quemadmodum enim campi cultu atque irrigatione cessante sterilefcunt , sædoque aspectu squallent ; illis autem revocatis , pullulant denuo ac revirefcunt : haud aliter Italia , quæ ob barbarorum irruptiones intermisso litterarum cultu exaruerat , Græcis fontibus irrigata , Græcorumque studiorum calore tepescata , cœpit frondescere ; ipsæque disciplinæ liberales , quæ in cœno ac sordibus jacuerant , oculos attollere cœperunt , & in cælum respicere , manum porrigentibus præstantissimis illis litterarum patronis atque fautoribus , Nicolao Quinto Pontifice summo , & Cosmo Mediceo : quorum ille Græcos etiam codices ad tria millia in Vaticanam Bibliothecam intulit , Græcia exportatos . Horum ope & auxilio ea brevi incrementa fecere scientiæ ac disciplinæ , eoque clarorum virorum proventu floruit Italia ; ut sæculum illud doctorum hominum consensu *aureum* appellari meruerit . Tum primum eruditæ antiquitatis amor mortalium animis infedit , unde orta est Critice ; quam animam sapientiæ merito dixerim , studiorum facem , ac veritatis altricem : qua sine caligant omnia , atra nube densisque tenebris obducta . Tum primum Latini sermonis virtus ac splendor humanos perstrinxit oculos : & qui antea barbarorum fæce pollutus , nativum illum colorem amisserat , pristinam cœpit faciem ostendere , nitidumque cultum , ac veterem decorem dignitatemque recuperavit . Neque hæc tantummodo inde emersere ; verum & illæ Græciæ artes civili cultui tantopere necessariæ , Tectonice , sive Architectura , Pictura , atque Ars statuaria . Allexerant namque hominum ingenia , & industriam acuerant mirabiles illæ Græcæ statuar , quæ vel Romæ adhuc supererant veteris majestatis reliquiæ , vel e Græcia exportandas curaverant summi illi viri Cosmus & Laurentius Medicei ; qui erudiendis mortalium animis , ornandæ patriæ , ac disciplinis liberalibus restituendis , immensam pecuniæ vim liberalissime infumere . In Gallias , utpote finitimas , statim irrepere Græcæ litteræ . Nam Gregorius Tiphernas , e Chrysoloræ schola profectus , omnium primus Lutetiæ Parisiorum summa cum laude eas

publice professus est. Nec multo post in Hispaniam nostram pervolarunt : sed pervolarunt tantum , nec diu consistere .

Hæc eo commemoravi , Hispana Juventus , ut ne nesciretis , quantum afferant momenti ad scientias rite adipiscendas Græca studia . Monet Quintilianus , ut pueri a Græco sermone potius litterarum initia auspicentur , quam a Latino . Rationemque subjungit : Quia disciplinis Græcis prius instituendi sunt , unde & nostræ fluxerunt . Et certe Ciceronis ætate lingua Græca , antequam Latina , erudiebantur ; ut priscis temporibus Etrusca : propterea quod illa , auguralis disciplina , ritus fere Deorum ac caremoniarum , haruspicini ac fulgurales libri , magna denique pars Romanæ πολιτείας in ritualibus Etruscorum continerentur .

Utar denique in vos adhortando iis ipsis verbis , quibus usus est Tullius ad Marcum filium : *Ut ipse ad meam utilitatem semper cum Græcis Latina conjunxi ; neque id in Philosophia solum , sed etiam in dicendi exercitatione feci : idem tibi censeo faciendum , ut par sis in utriusque orationis facultate . Quam quidem ad rem , nos ( ut videmur ) magnum attulimus adjumentum hominibus nostris : ut non modo Græcarum litterarum rudes , sed etiam docti , aliquantum se arbitrantur adeptos , & ad dicendum , & ad judicandum .*

Ad illam igitur omnis venustatis , leporis , jucunditatis , eruditionis , elegantiarum parentem animos intendite . Quod si obtinuero , profecto mihi videbor mortalium omnium felicissimus , qui tam bene operam nostram locaverim . Vos autem exteris nationibus ostendetis , non naturæ vitio , ingenii hebetudine , aut laboris detractione ab iis studiis abstinuisse ; sed fato quodam gentis , & injuria temporum . Quæ in posterum fore latiora , non tantum confido , sed & prælagio . Valete . Mantuæ novæ in Carpetanis , Nonis Septembris an. MDCCCV.

# EMMANUEL MARTINUS

*Alonensis Decanus*

## LECTURIS SALUTEM.

EN, amice Lector, novum quoddam & inexpectatum *φανόμνον*; non tamen ex eorum genere, quæ ingentium calamitatum prænuncia mortalium animos terrere solent, atque concutere: sed eorum, quæ jucundo splendore voluptatem potius afferunt atque oblectationem. Rem totam paucis absolvam. Da operam. Cum ab hinc quinquennium Valentix Hedetanorum agerem, ac Josephi Castelvini, Marchionis Villatorcani, bibliothecam paulo diligentius lustrarem, cum animi causa, tum ut codices acervatim ac temere in pluteos coniectos, in certas classes aptumque ordinem redigerem (nam Castelvinius penum illam librariam, in Portu Magonis Balearico ab se coemtam, nuper advexerat, cum e provincia discederet, quam fere per septennium cum imperio rexerat) dum eximias illas Minervæ opes contemplor; oculorum obtutum in codicem quemdam defixi, qui visus mihi est antiquitatem quamdam præ se ferre. Erat enim compactus tabellis quibusdam aluta obductis; quod solenne priscis bibliopegis. Novitate illectus, statim scalas admoveri jussi: iisque consensu, in codicem incidi carmina ac poemata varia continentem, auctore Ferdinando Ruizio Villegate. Pupugit me altius novi hominis nomen ignotum, nec ullis adhuc famæ imaginibus nobilis; multoque vehementius, ubi aliquot versibus perlectis, mirabilem in iis nitorem deprehendi, cum nativa quadam facilitate, ac poetico æstu. Sed de his alias. Igitur cupido omnes invaserat, ignotum hominem ex oblivionis tenebris eruendi. Quare rimari omnia; obvios quosque de illo percontari; Nicolai Antonii Hispanam Bibliothecam evolvere; Ludovici Vivis (quem præceptorem habuit) Budæi, aliorumque, quos inter  
ami-

amicos recenſet , ſcripta conſulere . Tandem Burgos ,  
ejus patriam , accuratiſſimas litteras ſcribere ; ut ſi qua  
in domeſticis monumentis de eximio hoc poeta vel legiſſent,  
vel ſando audiviſſent , ea nobis minime inviderent . Sed  
omnia nequicquam ; incredibilis enim obliſio tanti viri  
memoriam deleverat ( Fati contumeliam ! ) Quamobrem in  
eas anguſtias devenimus , ut nitidiſſimi poetæ memoriam ,  
alioqui funditus obliſeratam , ex ipſiuſmet ſcriptis cogamur  
eruere .

Natus igitur eſt Ferdinandus Ruizius Villegas Burgos in  
Hiſpania . Ipſe in quodam diſticho :

*Burgenſis vitam præſtet mihi patria , buſtum  
Præbeat ignota vel niger Indus humo .*

In lucem editus eſt III. Nonas Aprilis ; quod ipſe memoriæ  
prodidit in carmine *De die natali* , iis verſibus :

*Nunc ego crediderim Veneri accubiſſe Gradivum ,  
Et poſita amplexus caſſide ferre Dea .*

*Nuper abiit , menſemque ſuum ſecum abſtulit ille ,  
Vulcano ut melius ſic , puto , verba daret .*

*Tertia lux hæc eſt Martis contermina menſi :*

*Ah ! ſine Marte Venus tres ſit amante dies .*

*Adde quod eſt Veneri menſisſque dieſque ſacratus ,  
Atque aperit veris dives Aprilis opes .*

Fuit patricia familia , multiſque majorum imaginibus  
clara ; ut idem prodit in eodem carmine :

*Sparge roſas , & funde merum , multiſque penates  
Floribus , & fictos ſtipite ſparge lares .*

*Stipite crediderim fictos , quos Troius heros*

*Eripuit patriis urbe cadente rogis .*

*Iſta primum atque gravem ſcimus coluiſſe Quirinum*

*Numina , & hæc eadem ſacra fuiſſe Numæ .*

*Nos quoque ab innumeris præviſque , ataviſque , penates*

*Quid mirum , & fictos ſtipite habere lares ?*

*Qualeſcumque tamen ; puer , eja age , ſparge coronis .*

*Hæc coluit multus numina noſter avus .*

*Hæc tutam tenere domum tria ſæcula noſtram :*

*Et*

*Et teneant post hæc sæcula multa , precor .*

*Dirivitiæ periere quidem , princepsque potestas ;*

*Sed Villegatum stirpsque decusque manet .*

Et in *De Genethliaco ad VVilchium* .

*Est illustre mihi , fateor , genus ; attamen hoc sum*

*Culpandus , proavum ni sequar acta magis .*

Recenset deinde majorum suorum egregia gesta ac facinora  
a Roderici clade , subjungitque :

*Nam Villegates sedem hanc habuisse , minores*

*Unde decus summum nobilitatis habent .*

*His quoniam terris , atque his in montibus orti ,*

*Bellando qui rem restituere , duces .*

Descendit deinde ad Alphonsi , cognomento *sapientis* ,  
tempora ; ac utriusque stirpis , Villegatum nimirum , &  
Ruiziorum , gesta commemorat . De illis autem alibi  
etiam :

- - - - - *illustris numeret seu stemmata gentis ,*

*Et Villegatum longus ab origine patres .*

Praturam gessit Burgis . *De Genethliaco ad VVilchium :*

*Quare ego , amice , tuo vel motus carmine , vestram*

*Praturam cura cum meliore geram .*

Texuerat enim VVilchius in Genethliaco Villegatis majorum  
seriem , eosque summis laudibus ornaverat , ut cum forte  
suorum æmulatione ad virtutem accenderet . In carmine etiam  
ad Gonzalum Illescam de Historia sua Pontificali , appellat  
se patricium Burgensem , & Pratoria dignitate illustrem .  
Rei familiaris angustia laborasse , ac pristinæ dignitatis  
splendorem amisisse , ipse indicat in Carmine *De die natali* ,  
eo versu :

*Dirivitiæ periere quidem , princepsque potestas :*

*Sed Villegatum stirpsque decusque manet .*

Videtur etiam cum durior fortuna conflictatus ; ut ipse  
innuit Cybdelo-mastige , illis versibus :

*Nec finit absentes mala nostra plangere , si sunt*

*Quos miseri morveant impia fata viri .*

Ex quibus apparet malevolum hunc , quem Cybdeli  
no-

nomine maledictis proscindit , ejus infortuniis insultasse ,  
famamque carpsisse . Quem iccirco Archilochio sale  
perfricat ; ac diris & execrationibus devovet . Gravissimo  
morbo aliquando fuisse correptum , tradit ipse in elegia  
ad Virginem Matrem , cujus opem implorat . Morbi  
genus ipse prodidit hisce versibus :

*Ad te confugio supplex ; miserere jacentis*

*Di-va tui famuli , quem premit atra lues .*

*Obruta ferali languet mea membra dolore ,*

*Nec facit officium pest-ve manus-ve suum .*

Miram in eo fuisse in pangendis versibus facilitatem ,  
cum ex ipsis patet ( non enim tam arte & labore constare  
videntur concinnarique , quam sponte sua ac naturali  
quadam facultate fundi atque fluere ) tum ipse testatur  
in epigrammate quodam ad VVilchium ; ibi :

*Quod scribis nostris peccatum versibus ; esse*

*Agnosco , & culpam , VVilchie , confiteor .*

*Vel quia stans uno centum pede carmina scripsi ,*

*Et tot scribendis versibus hora fuit :*

*Vel quod & hæc fuerit male libera , nempe rogatis*

*Bissenis etiam testibus atque tribus .*

*Adde quod a multis numeros obluta diebus ,*

*Musa per insuetum non bene currit iter .*

*Acceleransque , manum vix primam passa , relicto*

*Auctori nullo carmine , stulta abiit .*

*Quo sit ut excuses merito me . Quare age , nostros*

*Aut dele , aut versus corrige , vel patere :*

*Me tamen excusa . Nisi sim culpabilis , una*

*Quod scribo , & testes pergo rogare die .*

Vides cum , dum munus prætorium obiret , una testes  
ad tribunal stantes rogasse , eaque carmina fudisse , quæ  
ad VVilchium miserat . Mariannam quandam a Lerma ;  
civem suam , efflictim deperiit . A qua , tamquam a  
principio omnium auspicatissimo , opus suum orditur .  
Ecloga scilicet principe , quam *Marianna* nomine inscripsit .  
Eamque in scriptorum suorum limine affigi voluit ;  
tamquam



tamquam famæ suæ tutelam atque præsidium . Nihil tam auctoris nostri ingenium exercuit , quam Marianna . Tabescebat miser , atque omnes curas , cogitationes , æstus , omnes denique ægritudines versibus mandabat ; atque ( ut ita dicam ) Mariannæ foribus appendebat . Extant enim ad eam inscripta sex & viginti epigrammata . Tandem castissimæ ac nobilissimæ virginis amor succumbens , eam duxit uxorem , veluti ab aris ac pulvinaribus detractus . Semper enim in voris habuerat sacris initiari , iisdemque addici . Eoque Ecclesiastico censu fruebatur , quem sponte dimisit , ut forma potiretur tantopere concupita . Sed malis avibus id factum , ac *durum ius* . Siquidem jucundissimum illud sibi caput Mariannam paulo post extulit ; repentina morte extinctam : quique nuper laureatus epitaphium cecinerat , lautosque pueros genialem facem lucere viderat , & præcinentes tibicines ; mox vespillonibus ac præfica accitis , foribusque cupresso funestis , epitaphium conscribere coactus est : quod habetur in extremo libro :

In disciplinis apiscendis magistro usus est summo illo viro Ludovico Vive , cujus mortem acerbissime deflet Ecloga secunda , cui titulus *Virves* . In ea enim legitur :

*Aut mihi si celebrare datum per rura magistrum est .*

Quod etiam repetit in sepulchrali ejusdem elogio , hisce verbis :

*Virves ille meus magister , ille*

*Magnus , secula prisca quem timebant .*

Hujus elegiæ meminit Nicolaus Antonius Hispalensis tomo II. Bibliothecæ novæ Hispanæ pag. 214. hisce verbis : Rodericus Fernandez de Villegas scripsit *Eclogam in obitu Ludovici Virvis , ad D. Menciam , Calabriæ & Tenetti Ducissam si-ve Principissam , quæ olim fuit in Bibliotheca Antonii Augustini Tarraconensis Præsulis cod. CCCLIII* . Unde apparet , quam obscura fuerit adhuc præclarissimi hujus viri memoria .

Guillelmum Budæum inter præcipuos amicos habuisse videtur , cujus manibus parentat Ecloga V. cui titulus *Budæus* , nitidissime me hercules atque elegantissime scripta .

E

Inter

Inter amicos etiam recenset Antonium de Fonseca Pompejopolitanum Episcopum, cui carmen quoddam, sive SERMONEM ~~apocryphum~~ de urbe Pompejopoli. Joannem itidem de Pesquera, cui sermonem alium dicat cum hoc elogio:

*Pesquera, egregium Phæbi decus, Aonidumque,  
Præsidiumque ingens, culta & tutela Minervæ.*

Necnon Antonium Valdelomarum, cujus etiam nomen carmini cuidam præfigit, hisque versibus ornat:

*Valdelomare novem Musarum gloria, fontis  
Bellerophontei cui labra impleffe liquore  
Contigit haud tantum, & bijugum superasse cacumen.*

Gundisalvum Illescam, auctorem Historiæ Pontificalis Hispanico sermone conscriptæ, summis laudibus ornat, ob præclarissimi operis dignitatem atque amplitudinem, dictionisque elegantiam; illiusque facultatem in scribendo Græcæ & Latine valde commendat. Familiariter quoque usus est Salcedo quodam eximio poeta; quod ipse prodidit in quodam epigrammate, hisce versibus:

*o veteres inter numerande poetas,*

*Et nulli vatum vates cessare priorum.*

Maxima quoque illi intercessit necessitudo cum Joanne Verzosa, cui epigramma inscripsit, in quo miris laudibus extollit opus quoddam poeticum, quod ille tunc pangebatur. Aloysiam Sigeam rebus humanis defunctam lacrymis prosequitur, mœstissimo quidem epigrammate, sed elegantissimo; ubi eam appellat Hebraicæ, Græcæ, Latinæque linguæ peritam:

*Ille Palestine, Græcæ, Latineque perita,*

*Quam decimam Musis addidit Hesperia.*

Et in alio epigrammate:

*Phæbus Idumæa, Latine, Græcæque loquela, &c.*

Et in ejus epitaphio a se scripto, addit linguam Arabicam, ubi ait:

*Quam docti stupuero viri, quam maxima Roma,*

*Quam Græci, & Solymi, quamque perusti Arabes.*

*Quan-*

Quando autem in clarissimæ hujus feminæ mentionem incidimus ; temperare mihi vix possum , quin eorum manibus mala precer , qui castissimum illud caput , pudore ac verecundia insigne , dignum judicarunt cui infamem illam turpissimæ obscœnitatis notam inurerent , impurissima illa Satyra vere Sotadica , ac Dialogis flagitiosissima libidine execrandis , qui ejus nomine circumferuntur . Doli artifex Janus Meursius , qui improbo ac petulanti consilio Hispanæ virgini propudiosum illud opus impexit , quod vel Philenis ipsa erubesceret , vel Elephantis . Hominis os ! Eadem insolentia grassans est impurissimus nebulosus in famam & existimationem Ludovici Vivis hominis sanctissimi ; spurcissimam fabellam commentus , qua tanti viri memoriam , incredibili mendacio , apud posteros deturparet : cui diligentius recitandæ totum impendit Dialogum VIII. Satiræ suæ Sotadicæ , impudentior cane catulliente. Sed mali corvi malum ovum . Nunc a diverticulo in viam . Habuit etiam Ferdinandus noster inter amicos P. quemdam Beneventum Pompejopolitanum , quem poeticæ facultatis nomine sæpe laudat , variis ad illum inscriptis epigrammatis . Andream item de Cardenas , quem in ejus epitaphio a se exarato sic appellat :

*Phæbi clarum jubar , una sororum*

*Gloria .*

Nec videtur Erasmo fuisse ignotus , cui non unum scripsit carmen sepulcræ , cum versibus hendecasyllabis , tum elegiacis . Hæc sunt quæ ex auctoris scriptis expiscari potuimus ad ejus vitam concinnandam ; quandoquidem illum , ex oblivionis tenebris extractum ac redivivum , nunc primum vitali luce perfundimus . Festinemus ad alia . Habes , candide lector , poetam nitidum , venustum , elegantem . Mira in eo facilitas cum felicitate conjuncta : præsertim in epicis ac bucolicis . Quid enim elegantius poemate *De nuptiis Philippi , & Isabella* ? cujus postremus liber est de taurorum ludicro spectaculo , cannarumque lusu , in quo summus poeta omnes ingenii sui vires

exeruit . Mirabile in eo artificium . Per deorum namque ministeria , & divini furoris imagines , res alioqui difficiles ac perplexas , mira dexteritate extricat atque expedit . Quid Theocriticam simplicitatem magis referat , ac Virgilianam suavitatem , quam auctoris nostri Eclogæ ? Inter quas equidem illam censeo facile principem , quæ inscribitur CIVICE . Est enim plena pastoriciæ simplicitatis , miræque varietatis : affectibus præterea maxime turget . De utroque igitur genere ita sentio ; nihil esse prorsus , quod magis referat divinum illud Maronis ἀρχέτυπον . Ita enim exprimit imaginem præsci ævi , ut nisi argumentum & auctoris nomen prohiberent , sæculi Augustei prolem judicarem . Dictio in iis pura , elegans , castigata ; numeri sonori , teretes ; sententiæ perspicuæ , novæ , vividæ , torosæ ; inventio mirabilis . Fluit sane grandiloquus sine tumore , clatus sine fastu , sine abjectione verecundus , diligens sine morosa περιεργία . Nec tamen dissimulabo , quædam occurrere apud illum hyperbata , quæ legentis impetum remorantur , quo sine , nihil esset hoc opere perfectius . SPHÆRA MUNDI duriuscula est , & longis amfractibus salebrosa . Quo itidem vitio laborant ÆSOPI FABELLÆ . CYBDELOMASTIX poemation esset nec illepidum nec injucundum , nisi eruditionis ostentandæ studio dum omnia verit convasatque , moderationis finibus excessisset . Quicquid enim ubique gentium accidit infortunii , tam apud Græcos , quam apud Latinos , illo arcessit , diris & execrationibus suis concinnandis . Quo fit , ut legentis animus , immensa illa historiarum congerie obrutus , nec ulla recreatus varietate , fastidio legendi deficiat penitus ac fatiscat . SERMONES ad Horatianum characterem propius accedunt ; dummodo sententiæ nervos feliciter exprimat ac Romane , ut ut verba cadant , susque deque habet . Structuræ nitore unice studet , ac proprietati ; numeros sonoremque contemnit : satis illi visum , si verba ad metri leges trahantur , etsi non fluant . Itaque in iis

le-

legendis cespitabis potius, quam cures. Pleni autem sunt optimis præceptis & sapientiæ succo, moribusque vel formandis vel emendandis, oppido quam aptissimi. EXULTATIO; ob navalem victoriam ad Naupactum, poemation quidem est aridum & exsangue. Crediderim illud, in primo animi exultantis ardore ac lætitiæ motu, effudisse potius quam lucubrasse. In reliqua variorum epigrammatum congerie, quam vocat FARRAGINEM, multa reperies summa elegantia ac venustate; nonnulla autem, quæ forte expectationi tuæ minime respondeant. Equidem existimo, auctorem nostrum, quæcunque ab adolescentia usquam umquamve panxisset, in hunc librum coniecisse; non tam ut luci publicæ committeret, quam ut se penes, in unum collecta volumen, tutius cautiusque servaret. Itaque ego, nisi religione impediret, facerem quod diligentes pastores solent, quum oves rejiculas a sano ac valente grege dispescunt, atque abjiciunt. Sed quas in me cojicerent tragulas morosi isti hypercritici? Itaque de hoc volumine quicquam detrahere religioni duximus. Ea tantum præmonere visum, quæ ad lectorem instruendum, officiique nostri rationem pertinere arbitratus sum.

Auctori, qui superiore sæculo vixit, explanationes annotationesve appingere, nonnihil habere mihi visum est levitatis, ne dicam putidiusculi ac futilis. Quare auctoris nudum exemplar orbi literario proponimus: paucissimis admodum exceptis, iisque levissimis, quæ rei dilucidandæ adjecta sunt. Unum est, in quo nec operæ nec studio peperci; in restituendo scilicet exemplari, quod librarii incitiam mendis adeo scatebat, ut majorem ego molestiam in eo emendando subierim, quam Hercules in Augiæ stabulo repurgando. Num ea diligentia aliquid præstiterim, scires profecto, si volumen ipsum manu exaratum tractasses. Nec tamen ea sum confidentia, ut mihi persuadeam omnes meas lectiones  
esse

εἶτε ἀληθεύουσας τῶν Σιβύλλης καὶ Βακιδῶ . Cui enim tam  
 defæcati sunt oculi , quibus non aliqua adhæreant Sa-  
 turniæ lemæ ? Non mea sponte hanc provinciam suscepi ,  
 sed adigente viro gravissimo , mihiq[ue] omnibus officiis  
 conjunctissimo , Jano Basilio Castelvino , Prætore urbano ,  
 Musarum oculo ; cui omne studium omnemq[ue] operam  
 navare , per mihi honestum visum est , arctissimæq[ue]  
 amicitia legibus maxime consentaneum ; cuique poetas  
 studiosi maximas gratias referre debent , quod eo annitente  
 atq[ue] allaborante , immo auctore , elegantissimi poetæ  
 carminibus frui licet , qui uni illi suam debet ἀνάσσειν .  
 Labore igitur ac diligentia nostra , quali quali , frui  
 lector , & vale . Mantuæ novæ in Carpetanis , pridie Kal.  
 Septembris anni MDCCV.



EXCELLENTISSIMO VIRO

J. BASILIO CASTELVINIO

COMITI A CERVELLONE, MARCHIONI VILLAFORCARUM,  
HISPANIÆ MAGNATI, INSUPREMO HISPANICO SENATU  
CONSILIARIO, NOBILIQ; IMPERATORIS CUBICULARIO

BERNARDUS ANDREAS LAMA

S. P. D.

**N**On solum ut jussis tuis obtemperarem, Vir Excellentissime, quæ semper magno apud me in pretio fuerunt, verum etiam mea sponte adductus aliquid operæ contuli ad politissimi poetæ Ferdinandi Ruizii Villegatis emendationem, cui certe parem alium Hispania non tulit. Ægre enim mihi erat, tantum scriptorem, qui posset augere illorum numerum, qui aureo reviviscantium litterarum sæculo floruerunt, adhuc in schedis jacere non paucis etiamnum mendis deformatum. Eoque magis angebar, quod jam omnes prope Europæ gentes non solum in severioribus disciplinis, verum etiam in amœnioribus scientiis, velut in Historia, Philologia, ac Latina poesi, clarum aliquem & admiratione dignum scriptorem e suo sinu natum prædicarent. Videbatur autem Hispaniæ adhuc deesse poeseos gloria, quum in aliis eloquentiæ partibus multos protulisset, qui magnum sibi nomen apud suos exterosque paraverant. At non eo quidem honore carebat, quippe quæ Ferdinandum Ruizium ceteris aliis nullo pacto inferiorem peperisset. At ille in tenebris, nescio quo fato, delitescibat. Ubi primum vero in tuas venit manus, vinculis exsolutus est, & in libertatem assertus. Sed non ante pilco donare poterat, & in publicam lucem emittere (neque porro aliter par esse videbatur) quam squalor ac sordes, quibus fœde oblitus erat, abluerentur, & ægro ac languenti corpori pristina redderetur

retur valetudo , quam illi priorum dominorum incuria , & liberiorum inciticia ademerat .

Admoverat quidem medicam manum vir singulari doctrina atque ingenio præditus Emmanuel Martinus , nec parvum exhauserat laborem tot sanandis vulneribus , quibus ægrum illud corpus prope confectum videbatur : sed quum aliis multis , nec iis quidem exiguis , occupationibus distineretur , non potuit opus absolvere . Id vero in causa fuit , cur tam ingeniosi scriptoris opera tam fœde ad nos accepta pervenerint , quod nimirum compluscula ipse , quum subitus calor incidisset , libellis illinebat alio & commodiori tempore expoliturus ; quam rem deinde & vitæ civilis munia , & maturior mors , quæ illum interceptit , præpedivere . Post inde vero & hæc opuscula , quæ tantum informaverat , & ea quæ tenuiore lima perpoliverat , quum innumerabilibus lituris essent commaculata , exscribentium incuria & ignorantia , magis magisque vitiata sunt . Nunc autem , nisi me fallit animus , omnia videntur suo nitore restituta ; non ei profecto , quem auctor ipse suo dedisset operi , nisi præceleri fato , magnoque cum litterarum detrimento fuisset e vivis ereptus .

Habes nunc igitur , Vir Excellentissime , Ferdinandum Ruizium , quoad ejus fieri poruit , sanum , integrum , ac bene valentem , qui jam possit in publica luce versari : qua de causa tibi multum debet Hispania ob renovatam ejus gentis in doctrinis gloriam ; multum debet literatus orbis , quod ejus opus nova accessione locupletaris . O utinam velles huic felicitati cumulum addere , doctissimos tuos commentarios edendo in Julii Cæsaris opera , quæ in Hispanicum sermonem tuæ gentis utilitati serviens transtulisti , & cruditissimis adnotationibus explanasti : omne enim tuum studium , opera , industria , quum aliquid tibi laxamenti datur , in reconditis atque interioribus litteris consumitur ; quarum ob scientiam mirifice  
gratus ,



gratus, ac jucundus es Augustissimo Cæsari, qui, quum ipse sit omnibus disciplinis mirum in modum instructus, non modo illas studiosissime colit ac fovet, verum etiam illarum cultores omni benevolentia, ac liberalitate completitur; ita ut rectissime in illum congruat elogium, quo Theocritus Ptolemæum Philadelphum potentissimum Ægypti regem idyllio 14. concelebrat, .

Εὐγνώμων, φιλόμαστος, ἑρωτικός, εἰς ὅσον ἀδός.  
 Ἐδώς τὸν φιλέοντα, τὸν ὃ φιλέοντ' ἐτι μάλλον.  
 Γοητοῖς πολλὰ διδύς· αἰτίεμβρος, ἐκ ἀναίτου.  
 Οὔτα χρὲ βασιλῆϊ &c.

hoc est

*Benignus, Musarum studiosus, amabilis, summe jucundus;  
 Qui novit amicum, inimicum vero etiam magis;  
 Multis multa largiens; rogatus, non abnuens  
 Ut regem decet. &c.*

Tametſi autem gravissimæ curæ, ac negotia Hispanici Senatus, in quo Consiliarii munus exsequeris, & Italicis regnis, quæ Austriacæ ditionis sunt, consulendum est, non exiguam studiorum tuorum partem absumant; quin etiam alterius muneris functio, nobilis nempe apud Cæsarem cubicularii, non parum temporis auferat; quum tuam tamen mentis sollertiam, ingenii perspicaciam, cogitationis celeritatem expendo, nihil illa omnia mihi obitare videntur, quo minus incæpto operi extremam manum possis imponere. Neque enim tibi tantum spatii opus est ad rem omnibus numeris absolvendam, quantum alii cuipiam, qui talibus in studiis hospes sit. In illa igitur, quæ tibi identidem dabitur, vel brevissima quietis intercapedine, & consuetorum laborum intermissione, quam tu ad renovandam cultiorum doctrinarum memoriam adhibere soles, facillimo negotio poteris susceptum opus persequi, & bono publico effectum dare. Id quidem ego non diu posthac eventurum arbitror, atque ea spes animum meum alit, ac sustentat, quum brevi sperem me tam multiplici, atque eximio scientiæ

thesauro fruiturum . Nihil enim in tuis commentariis commune , nihil vulgare , nihil pervagatum , sed prope omnia nova , tuoque ingenio digna : quippe ubi multa , & egregia insunt priscæ eruditionis monumenta , quæ illis etiam admirationem pariant , qui in hujusmodi studiis subacti , atque exercitati sunt . Præcurret interea Ferdinandus Ruizius Villegas , Hispanicæ nationis in Latina poesi decus , atque ornamentum , tua opera e tenebris atque oblivione in lucem revocatus ; qui tibi quidem incitamento esse debet , ut tuum opus ad patriæ honorem , & communem omnium gentium utilitatem primo quoque tempore in publicum prodire patiaris . Ceterum vale , vir excellentissime , teque litterarum amantibus diu incolumem serva . D. Vindobonæ VI. Kal. Febr. anno a partu Virginis MDCCXXXIV.



*Ex libris F.*

# TYPOGRAPHUS LECTURO

S. D.

**F**erdinandi Ruizii Villegatis opera, non est cur longa oratione tibi commendata velimus; nec multis te morabor de nostro Auctore disputando; deque ipsius codicis inventione disserendo: Utrumque debemus Emmanueli Martino Alonensi Decano, viro de re litteraria apprime benemerito, qui Villegatis vitam, ejusque operum judicium, in epistolis limini affixis, mirifice pertractavit; & improbo labore, exemplar adeo emendavit, ut jure diceretur in integrum restituisse. Aequali studio, parique felicitate, ipsius vestigia persecutus, Bernardus Lama, quiamœniores has litteras impensissime colit, semel atque iterum eandem messem cribravit: quam tibi purgatam, puram, defæcatam libentissime damus, jurisque publici facimus. Unumque mihi superest, quod sponte præstabo: gratum scilicet, nullo non loco, nullo non tempore, me exhibere Excellentissimo Viro J. Basilio Castelvino Hispaniarum Magnati, Cæsaris nobili Cubiculario, ejusque a consiliis, qui, ea sua comitate, & litterarum amore, quibus eruditos omnes fovet, amplexaturque, ea quidem me suscepit, cum nuper Vindobonam Austriæ adiissem, mihique ostendit Villegatis codicem, depravatum quidem, sed quamdam antiquitatem præ se ferentem, quem penes se semper habuit, suarum peregrinationum fidissimum comitem: alterum mihi commisit emendatum, correctum, nitidissime transcriptum, ut in lucem ederem. En cum, amice Lector, quantum ex me fuit, pulchre decoratum, ornatum sine fūco. Sed his non immoror: res ipsa loquitur. Vale, & frue.

NOI RIFORMATORI-  
DELLO STUDIO DI PADOVA.

**A** Vendo veduto per la Fede di  
Revisione, ed Approvazio-  
ne del P. F. Tommaso Maria Gen-  
nari Inquisitore nel Libro intitola-  
to: *D. Ferdinandi Villegatis Bucolica*,  
non vi essere cosa alcuna contro la  
Santa Fede Cattolica, e parimente  
per Attestato del Segretario No-  
stro, niente contro Principi e buo-  
ni costumi: concediamo Licenza a  
*Giambatista Albrizzi q. Girol. Stam-  
patore*, che possa esser stampato, of-  
servando gli ordini in materia di  
Stampe, e presentando le solite co-  
pie alle Pubbliche Librerie di Ve-  
nezia e di Padova.

Dat. li 2. Gennajo 1733.

(  
( Andrea Soranzo Proc. Rif.  
( Pietro Grimani Cav. Proc. Rif.

*Agostino Gadaldini Segr.*

# D. FERDINANDI VILLEGATIS

## B U C C O L I C A .

### E C L O G A P R I M A .

## M A R I A N N A .

*Euzonus, Aphthonus, Philomusus.*

*Euz.* **A** Phthone, pastores (verum si dixit Iolas)  
Eumorphum tremulis doctum deducere cannis  
Carmen, & insignem Philomusum Palladis arte,  
Audisti cantu certantes. Si vacat (en nos  
Non procul ad frigus patulis vocat optima ramis  
Quercus) pascentes dum servat Tyritus agnos,  
Sub placida recubans umbra modulabere versus;  
Seu quos Eumorphus, seu quos Philomusus agebat.

*Aph.* Quodcunque optabis, nostrum est parere, iubeto;  
Sive sub umbrosa placeat requiescere quercu,  
Sive liber potius ripæ succedere; tauros  
Hac ager ad potum Lycabas; corylosque capellas  
Carpentes, Euzone, procul spectare juvabit.

*Eu.* Te quoque disparibus calamis certasse Menalcæ  
Hac sub valle, bonus Dorilo referebat Amyntas.

*Aph.* Quid facerem? Anne puer nos ille impune laceſſat?  
Quin potius victus (divini opus Alcimedontis)  
Pocula bina dedit nobis, quæ candida Chloris  
Nunc habet, illa licet peteret formosus Alexis.

*Eu.* Montibus his Lycidas cedat tibi, cedat & Ægon.

*Aph.* Quid Satyrus Phœbo si cedat, Picaque Musis?

*Eu.* Incipe: jam placidæ successimus, Aphthone, ripæ.  
Aspice ut hic, vitreas fluvius dum devehit undas,  
Murmuret, & grata spirare Favonius aura  
Cæperit: has inter salices recubabimus ambo.

Has

Has salices Lycidas cecinit , Satyrosque sequentes ,  
Has etiam magnus cantavit Tytirus olim .

*Aph.* Sylvicolæ Dryades ( nam vos meminisse potestis )  
Dicite quos versus Philomusus dixerit ; & quos  
Eumorphus , Thyrsos sub iudice , in ordine junxit .

*Phi.* Has inter cerasos , hujus prope fluminis undas  
Vidimus intactam Mariannam , vidimus ; atque heu  
Heu miseri ! fugiens , medio crudelis in igne  
Nuda sinus , lasciva oculos , me liquit amantem .

*Eu.* Montibus his primum mea Francia fœdera mecum  
Junxit , & hac nobis dedit oscula prima sub ulmo .  
Sed modo ( sive alios voluit male sana furores ,  
Sive aliud ) nostros tamen est oblita dolores .

*Phi.* Pan pater , aut altis de montibus exere dona ,  
Queis lævam placem Mariannam ; munera seu si  
Despicit , hac facito morituro in valle sepulchrum  
Et mortis causam tumulo superaddito nostro .

*Eu.* Pierides Nymphæ , sacrum genus , aut mea nostras  
Francia non spernet flammæ , revocetque petentem ;  
Aut si læva faces nostras oblita recusat ;  
Quærite , quæ nostram extinguat medicina dolorem .

*Phi.* Placatur capro Bacchus , canibusque Diana ,  
Tauro Neptunus , tauro Tyrinthius ; & te ,  
Faune pater , teneræ perplacant exta capellæ .  
Hei mihi , quod non est , quæ victima placet Amorem .

*Eu.* Magna Ceres gravidæ lenitur sanguine porcæ ,  
Falcifer at pueris gaudet pater ; Iſidis iræ  
Ansere placantur , lentoque Priapus asello :  
Eumorphi sola gaudet sed Francia morte .

*Phi.* Dulce salix pecori est , sitientibus unda capellis ,  
Atque ovibus corylus , teneris quoque floribus imber .  
Sed si nos formosa petat Marianna , vel unda ,  
Vel salice , & corylis erit , & mihi dulcior imbre .

*Eu.* Triste gelu teneris uvis , & floribus Austro ,  
Et Scyllæ rapidus Nisus , cervisique molossi ,  
Sed me pulchra fugit si Francia ; tristior Austro ,

Tri-

Tristior & Niso mihi sit, lævisque molossis .

*Phi.* Quid prodest , violæ suaves , quid dulcia mella .

Si sint ? quid flores ? quid candida lilia ? si sit

Crudelis misero Marianna , & tristis amanti ?

Tunc violæ , & flores , tunc sint & tristia mella .

*Eu.* Francia si nobis tristis sit ; tristia prata ,

Triste pecus , lac triste mihi , tristesque capellæ ;

Et somnus tristis , tristis mea fistula , tristis

Ipse mihi , & vitæ longe tristissimus usus .

*Phi.* Misimus heu quamvis gemina cum prole capellam ,

Et catulum Mariannæ pictæ tigridis ; at nos

Sæva facit tanti , quanti Jovis aliger æstrum .

Illam vos , superi , pro munere mittite nobis .

*Eu.* Nos quoque lascivum leporem , geminosque palumbos ,

Et tibi ramosi , mea Francia , cornua cervi

Misimus : hæc olim meruerunt oscula prima ,

Sed modo , si venias , tibi jam majora dabuntur .

*Phi.* Fraxinus hæc , nostros quamvis Marianna calores

Negligat ; hæc , inquam , servabit fraxinus ignes .

Fraxinus his sylvis pulcherrima , crescite rami ,

Crescite , & incisi mea nomina tollite trunci .

*Eu.* Hæc abies , atque illa falix , cerasique Myconis ;

Ipse licet nolis , crudelis Francia , nostros

Æternum referent ignes , & mixta per æthram

Nomina nostra tuis tollent ad sidera secum .

*Aph.* Hæc satis ; Occano nam mergitur æquore Phæbus :

Quæ restant alias meliora , Euzone , canemus .

F I N I S .

## V I V E S .

**E**Xtinctum Lycidas miserando funere Vivem  
 ( Gloria pastorum Lycidas , & gentis Iberæ )  
 Flebat , & adversæ repeteabant carmina sylvæ .  
 Vos mihi , vel Dryades , vel rustica numina Fauni ,  
 ( Vos meministis enim ) Juvenis memorate querelas ,  
 Commemorate pias lacrymas , renovate dolorem  
 Infandum ; nam vos fama est ad carmina mœstos  
 Adjunxisse sonos , tremulaque ululasse cicuta .  
 Cœpit , & undosæ requierunt murmura ripæ .

Quandoquidem , Musæ , lætum deducere carmen ,  
 Nec licet his posthac sylvis deponere luctum  
 Pastores , finemve aliquem sperare malorum ;  
 Plangite Thespiades mecum , renovate dolorem .

Plange , sacer collis , vosque o sanctissima ruris  
 Numina , sylvicolæ Fauni , Satyrique bicornes ,  
 Orcades , Dryadesque , & pastoralis Apollo ,  
 In lacrymas tumido dissolvite pectora fletu .

Pastorum sacri saltus , nemora ipsa , paterque  
 Pan nemorum , Panisque vagi per rura ministri ,  
 Pastores gemitu mœsto , tristisque ululatu  
 In lacrymas properate meas , & jungite fletus  
 Fletibus , ut numquam cesset dolor improbus imo  
 Pectore , vel nostris oculis educere flumen .

Plangite , campestres fagi , loca fuenta poetam  
 Audire , aut teneros ludentem carmine amores ,  
 Aut vitæ leges populos & jura docentem .  
 Plangite , & his ipsis faxis fata aspera mœstæ  
 Dicite , & in fluvios lacrymarum vertite cautes .

Vos quoque , deserti fontes , & flumina , quondam  
 Ad numeros facili lapsu consueta venire ,  
 Et vatem attonitis mirari læta sub undis ,

Scu



Seu caneret sylvas calamis , seu castra tonaret ,  
 Sive etiam antiquos exponeret ordine vates ,  
 Aut nostri vires animi , aut arcana doceret  
 Naturæ , linguæve decus , summasque verendæ  
 Relligionis opes , nostræ mysteria legis ;  
 Veræ , inquam , & certæ legis , miracula mundo  
 Genti cuique suo de dogmate duceret ; & rem  
 Conficeret varie , variis & gentibus unam :  
 Vertite lætitiâ in plangitum , mecumque dolete  
 Infandos patriæ casus , lacrymosaque fata .  
 Et tu , quæ tacitos sylvarum occulta meatus  
 Echo mæsta colis ; properare novissima verba  
 Desine , & a primo lacrymas mæstissima nostras  
 Perpetuum repete , & mediis resonantia sylvis .

Verba ipsa , & lacrymas ipsas incidito truncis .  
 Plangite , desertæ valles , atque omine mæsto  
 Pinge nigras violas , tellus , & lilia nigra .

Vives amor Phœbi , pastorum gloria Vives ,  
 Vives , quo vivente novem vixisse Camenæ ,  
 Et moriente simul merito occubuisse potestis  
 Credi , sublatus medio est in tempore vitæ .  
 Plangite , Thespiades mecum , renovate dolorem .

Nulli per campos flores , & nulla virescat  
 Herba , nec in violis , aut in formoso amarantho  
 Vividus ille color vigeat , nec fulgida virtus .  
 Marcescant violæ , marcescant luctu amaranthi .  
 Alma fides , & summa jacet facundia . Quis jam  
 Audeat hoc sperare magis , laudemque mereri ?  
 Plangite , Thespiades mecum , renovate dolorem .

Heu heu ! torrentur spinæ , paulumque moratæ  
 Dum renovant veteres vultus , viresque resumunt ;  
 Ad primam redeunt formam , gaudentque renasci .  
 At nos una semel postquam lux deficit , actum est .  
 Non venti , aut pluvix , aut soles , nos reddere terris ,  
 Non primum poterit ver , donec cuncta resurgant  
 Corpora judicium ad summum Cœlive , Erebive .

G

Plan-

Plangite, Thespiades mecum, renovate dolorem.  
 Et soles fugiunt terras, conduntque sepulcro  
 Occiduos radios, sed rursus sponte renati,  
 Inque statum revocant primum vitamque diemque.  
 Plangite, Thespiades mecum, renovate dolorem.

O ter, ter felicem Orpheum, cui fata dedere,  
 Securum ante obitum dominam ut deduceret Orco,  
 Ire lacus Stygios, quo nunc timor ultimus ire est.  
 Victus erat Rhadamantus atrox, & victa Megæra,  
 Ipse etiam in lacrymas motus rex dirus Averni.  
 Plangite, Thespiades mecum, renovate dolorem.  
 Quare ergo ad numeros curvæ tam mæsta cicutæ  
 Carmina, mi quare componere non licet, altos  
 Ut moveam divos? & Vivem reddere terris  
 Exorem? Quod si superis mea carmina nota  
 Non sunt, ut Getici vatis; miserabile fatum  
 At debet movisse deos, & reddere grata.  
 Plangite, Thespiades mecum, renovate dolorem.

Si tamen humanam divus jam ducere vitam  
 Spernat, & in terras mecum descendere nolit;  
 O, mihi si forsân reditum via clausa reculet!  
 Plangite, Thespiades mecum, renovate dolorem.

O tamen, o vana hæc mea vota! o tracta procellis  
 Mens! medicis herbis numquam, nec carmine possunt  
 Inverti decreta deum, & currentia fata.

Plangite, Thespiades mecum, renovate dolorem.

Elto possit ebur nitidum, si fabula non est,  
 Esto tamen possit, falsa sub imagine somni  
 Effigiemque viri, & vivas ostendere voces;  
 Non tamen illum ipsum sylvæ instaurare valebit,  
 Non pecor i, & mæstis poterit pastoribus umquam  
 Reddere, nec cælo tam clarum tollere sidus:  
 Sidus, de cujus fulgebant lumine sylvæ,  
 Quo sine nunc cæcæ sylvæ, nunc frigida rura.  
 Plangite, Thespiades mecum, renovate dolorem.

Et tu fertilibus, pater optime Turia, ripis

Un-

Undique collectas sacra in penetralia Nymphas  
 Coge tuas, lacrymisque urnas effundere plenas  
 Pleno e fonte jube, ne jam ferat alveus amnem.  
 Tu roseo cursu felicem interluis oram,  
 Surgit ubi partu secunda Valentia Vivis:  
 Nunc obitu mæsto miseranda Valentia Vivis.  
 Plangite, Thespiades mecum, renovate dolorem.

Te tamen ille facit, toto ut notissimus orbe  
 Tantum alios inter tollas caput arduus amnes,  
 Quantum inter fragiles abies aut palma myricas.  
 Ergo pater, si te celebrant doctissima Vivis  
 Scripta, tuum vates celebret qui dignus alumnum  
 Da facilis, Vivemque sonent nemora omnia circum,  
 Sit licet in sylvis, ac usque ad sidera notus.  
 Plangite, Thespiades mecum, renovate dolorem.

Aut mihi si celebrare datum per rura magistrum est,  
 Et satis ipse licet Vivis sit nomine clarus;  
 Attamen hoc ipsum nomen super astra referre,  
 Da faciles versus, & pondus habere cicutam.  
 Et mea sint quamvis sylvestria carmina; sed tu,  
 Tu tamen illa legi fac sint ut digna, nec obster  
 Rusticitas, quin grata dolor justissimus esse  
 Efficiat, pietasque agrestem temperet artem.  
 Non tamen ut chartis umquam sint digna notari  
 Carmina, sed mancant has inter rustica fagos,  
 Plena pii affectus tantum, quantum artis egena:  
 Hic ut pulchra viri sylvestribus edita truncis  
 Gesta legant alii pastores, optima quondam  
 Hæc qui rura colent, moresque, animumque verendum,  
 Eloquentiumque grave, & summum virtutis amorem;  
 Et magis, atque magis crescendo nomen in annos  
 Attollant sylvæ memores, & Vivis honorem.  
 Gramina dum campos, dum ornabunt sidera cælum,  
 Perpetuo servant incisi nomina trunci.

Plangite, Thespiades mecum, renovate dolorem.

Iplæ tunc sylvæ, volucresque, feræque, hominesque,  
 Atque

Atque adeo superique omnes, quibus optima curæ  
 Rura; pater Sylvanus, agri nemorumque magister;  
 Pan etiam cultos ovium, Satyrique bicornes,  
 Et Satyrum crudelis amor, non ultima Nymphæ  
 Numina, magnum illud nomen, dignumque beatis  
 Sedibus excelso celebrabunt carmine, ne sit  
 Notior in sylvis Corydon, Daphnifve Menalcæ.  
 Plangite, Thespiades mecum, renovate dolorem.

Et quoniam graviore mihi libet ire cothurno,  
 Et triviale sonans ad finem linquere carmen;  
 Plangite, Thespiades mecum, renovate dolorem.

Non facit ad nostrum vilis jam fistula votum,  
 Obscurumve sonans & pastorale cicuta;  
 Sed calami, quales Pan primus nuper in altis  
 Nonacriæ reperit sylvis, quos æthere ab alto  
 Audiat, & placido collaudet sidere Vives.  
 Plangite, Thespiades mecum, renovate dolorem.

Ille suos radios hucusque extendat, & ille  
 Auxilium præstet facilis; cælumque relinquens  
 Sæpe suum motus pietate invisat amicum,  
 Dum loquor, & tristis lacrymas effundere pergo:  
 Aut si forte viri fors est, quam laudibus æquis  
 Tollere lingua minor nequeat; levet ipse jacentem,  
 Excusetque rudem calamum, & sine pondere carmen,  
 Ostendatque viam, nostris ut versibus olim  
 Rura per & sylvas merita cum laude feratur.  
 Plangite, Thespiades mecum, renovate dolorem.

Verum & tempus crit, cum sint in honore Camœnæ,  
 Atque hominum ex oculis cæcæ caliginis umbra  
 Pulsa procul; tunc parva animis depellere longe  
 Curandum, & magnas ad res intendere mentem,  
 Tunc ego nostra latis (nam sunt) male culta videri  
 Carmina posse reor; spero tamen affore sylvis  
 Pastores, qui inculta tamen laudanda putabunt:  
 Atque hodie multi qui sunt sine honore, videbunt  
 Tunc inscripta rosis magna cum laude per agros,

Per-

Perque altas incisa legent sua nomina sylvas.  
Plangite, Thespiades mecum, renovate dolorem.

Tunc liquidi fontes, & grato murmure rivi  
Hæc, modo quæ canimus, repetent labentibus undis  
Formosæ inter viridanti gramine valles.

Tunc etiam Zephyris commota cacumina sylvæ  
(Formosæ sylvæ, tibi quas nos sevimus) ipsis  
Respondent ventis, vocemque per æra mittent.  
Ponite, Thespiades, luctum; finite dolorem.

O fortunati nimium felicibus ausis  
Pastores, tantæ moti qui laudis amore  
Solvere sunt alas ausi, & se credere cælo!  
Sit licet ignotum, quo tandem tempore habebunt  
Nomen honoratum, aut aliqua cum laude legentur.

Tu tamen, o felix anima, & magni incola cæli,  
Jam divum numerata choro, quæ numine dextro  
Nos audis, superisque ipsis ostendis ab alto  
Æthere: placato nostri leve pignus amoris  
Sidere fuscipies, mæstissima signa doloris,  
Inferias tumulo saltem cinerique dicatas;  
Et dabis, æterna ut laurus sub fronde sepulcrum  
Hoc tegat, hæc inquam laurus tibi sacra, meosque  
Incisos super astra ferat de cortice versus:  
Ut quicumque tuos cineres visurus ab omni  
Venerit orbe, meum commendet pastor amorem;  
Et dicat: Lycidas, Lycidas hic funera Vivis  
Flevit, & ingenti pietate secutus amicum est.

Interea grato circumsonet unda sepulcrum  
Murmure, & excelsæ glomerentur manibus aræ;  
Ingentes aræ, tibi queis sollempnia vota  
Agricolæ faciant hilares, & pocula fundant  
Lacte novo, & pingui spumantia pocula olivo.

Tunc, mihi si vitæ tantum concesserit ætas,  
Aut superi dederint, merita ut te laude volentem  
Tollere nec fatum, aut urgentia sidera mutent;  
Efficiam, ne te memori mors eximat ævo,

Flu-

Flumina dum cynci, dum pontum flumina amabunt:  
Hoc si nostra tamen promittere carmina possunt.

Ille hæc: sed mæstæ flebant sub flumine Nymphæ;  
Cogere donec oves puerum nox atra coegit.

F I N I S.



## C R O T A L E .

*Melibæus , Corydon . .*

*Me.* Quid, Corydon, patulæ solus prope frigora fagi,  
Innexus cubito, capiti cervice reposita,  
Ingemis, & rapido modulantes sole cicadas

Hæc inter dumeta miser comitaris, & æstus  
Angustam pateris umbram vitare galeri ?

*Cø.* Ah Melibæe, meum flerent quæ carmina fatum  
Hic mæstus meditabar . Erit saliuunca, vel illa  
Cedrus erit testis, Crotale quum nostra futuram  
Se mihi jurabat comitem, siue ipse capellas  
Servarem, teneris seu jungere vitibus ulmos  
Gauderem potius, studioque tenerer agelli ;  
Se tamen usque suum Corydonem pulchra ferebat  
Arfuram, sibi nil præter Corydona placere:  
Nunc tamen, o Melibæe, meos oblita dolores,  
Nescio quem sequitur nostris in montibus Idam.

*Me.* Hoc erat hoc, Corydon, ergo, quod nuper in horto  
Vix bene maturos carpebat ab arbore fetus,  
Castaneas septas spinis, lanugine mala  
Atque suis ramis innixa Cydonia, nec non  
Citrea jam plenos onerantia mala canistros .  
Mirabar, Crotale, pyra cui legerentur, & horti  
Cui calathos cerasis ferrent pomaria plenos .  
Scilicet hæc Idæ servabat munera. Sed tu  
Quid mestus retices, Corydon, intextaque nodo  
Brachia stultus habes, oculos tellure moraris?  
Invenies aliam, Crotale si spernat, amantem.

*Cø.* O Melibæe, semel cum piscis perbibit hamum,  
Quum miseræ pennas visco intinxere volucres,  
Haud facile est hamum pisces, viscumque volucres  
Effugere, aut rapidam ponto retinere carinam.

Sæpe

Sæpe ego, si (quæ nunc) mihi mens, Melibæe, fuisset;  
 Vidissem missis cælo me criminis hujus  
 Fulminibus tactas quercus, fremitusque leonum,  
 Et circum stabula hæc gemitus monuisse luporum.  
 Sed nunc heu nimium sero, Melibæe, videmus  
 Fallaces Crotales complexus, oscula ficta,  
 Oscula quæ iratum poterant domuisse Tonantem.

*Me.* Ergo age nunc, Corydon, quando hæc ficta oscula nosti  
 Quæ narras, Crotales nocituras pectore curas  
 Exue; jam spoliis victor lætabere adeptis.  
 Aut alios admitte ignes: nova cura levabit  
 Quod nunc vulnus alis lacrymis male sanus acerbum,  
 Et modo te clavum clavo pepulisse juvabit.  
 Atque age, dum Phœbus medio est altissimus orbe,  
 Qui referant veteres ignes, causasve malorum  
 Præsentem, tremula versus modulare cicuta.

Hæc nobis fagus dabit, aut hæc populus umbram:

*Co.* Imo hæc, quæ solus mæsta modo mente notabam,  
 Experiar, tamen hæc nil carmina dulce resultant.

*Me.* Non ego lacte novo nutriri dulcius agnos  
 Crediderim, nec apes succo, nec rore cicadas,  
 Quam lacrymis, questuque hominum mens ægra levatur;

*Co.* Ergo hæc nunc quocumque modo pro tempore dicam.  
 Forte dies, Melibæe, dabit, quæ læta canamus.

Has Corydon, Crotale, lacrymas, hæc tracta medullis  
 Imis nequicquam impendit suspiria: questus  
 Hos tibi pro violis, & pro formoso hyacintho  
 Mittimus: infelix quid enim tibi mittere majus  
 Ille tuus quondam Corydon nunc posset, avena  
 Postquam felices modulari destitit ignes?

Vos mihi pastorum, Dryades, quæ nostis amores,  
 Cunctaque ruralis Veneris secreta videtis,  
 Vos testes, primo quum me puer aliger igne  
 Ureret in Crotalem, semper dixisse: Manebit  
 Et Crotales Corydon, Corydonis & illa; nec unquam  
 Divisos Crotalem Corydonaque rura videbunt,

Dum



Dum fluvii liquidos fontes post terga relinquent.  
Vertite jam, fluvii, cursus; & linquite pontum:  
Ac retro in fontes labentia currite vestros,  
Flumina: deseruit Crotale (quis credat?) amantem.  
Crudelis Crotale! sine te nec lilia nobis,  
Nec segetes, nec rura placent, nec roscida mella,  
Nec gravidis pomis rami, vitese racemis.  
Sed si tu, Crotale, Corydonis, ut ante solebas,  
Rura venis; placeat spinis paliurus amaris,  
Et lolium infelix, sterilisque placebit avena.  
Quem gemitus, nostræque preces, quem nostra movebunt  
Vota? quis aut lacrymas miserabitur advena nostras;  
Si te nulla tui Corydonis cura, nec ipse  
Ipse movet Corydon, vili moribundus arena?  
An ne ego se Hyrcanis dubitem de tigribus ortam?  
An canibus natam Scyllæ? durisve Charybdis  
In scopulis? an te Pænos genuisse leones?  
An dubitem duri pectus tibi marmoris esse?  
Me ne fugis, Crotale, cui tu tam sæpe dedisti  
Oscula cantanti? quem propter, rura placere  
Et sylvas, simumque pecus jurare solebas?  
Quin etiam occiduo vesper tibi gratus olympo  
Mergebatur aquis, quod mecum sidera somnos  
Suaderent placidæ sub tegmine carpere rupis.  
Non illic lateri dubitasti jungere nostro  
Ipsa latus, non rapta mihi mille oscula, mille  
Sponte dare, & nostris recubare infusa lacertis.  
Nescio quis superum tamen, o, male faustus, amores  
Transiit a nobis, jussitque relinquere nostram  
Invidus has Crotalen sylvas, hæc rura Napæis  
Cognita, dum festas ducebat pulchra choreas.  
Nunc postquam Crotalen Idas habet, ultima rerum  
Dum patitur Corydon; & rura reliquit Apollo,  
Et quamquam sylvas Sylvanus condidit, ipse  
Sponte tamen sylvas pater optimus, ipse reliquit.  
*Mr.* Quam resonant, Corydon, tua carmina dulce! Cicutam

H

Non

Non Lycidas , Lycidas , inquam , modulabitur ipse .  
Alme , puer calamis cantuque cris alter ab illo .

Co. Non mihi tanta mei spes est , Melibæe , canorum  
Ut Lycidam cantu calamifve æquare laborem .  
Ille fuit , Melibæe , maris qui primus ad undas  
Lusit , & instabilem Proteum , Glaucumque biformem  
Carminе lenivit . Nereus , Panopeque canenti ,  
Et Melite , & Galatea assultavere sub undis :  
Qui docuit primus numeros delphinās habere ,  
Immanisque suo stupefecit carmine Phocas .

F I N I S .



P A N .

**N**unc quoque, majori quamvis juvat ire cothurno,  
 Pergite, Pierides, quod adhuc triviale resultet,  
 Et sylvas & rura sonet, deducere carmen.  
 Nunc me vel fortes agere ad præsepia tauros,  
 Vel decet (in medio dum sol fervecit olympto)  
 Inter oves, humiles incidere cortice versus,  
 Dum nos sylva tenet, tenuis dum fistula carmen,  
 Horrificis impar bellis & Cæsare, dicet.  
 Tempus erit, quum nos egressi mentibus, ausi  
 Jam majora, duces & fortia bella canemus,  
 Materiamque dabis fecundam in carmina, Cæsar,  
 Cæsar Sithonio nunquam cessure Gradivo.  
 Interea multi quoniam tua dicere gesta  
 Qui cupient, tibi erunt, pullosque expromere tota  
 Italia Gallos hostes, regemque ferocem  
 Vincula captivo subiisse Hispanica collo;  
 Aut canere Hungaria trepidum fugisse relicta  
 Regnatorem Asiæ, nec te veniente tulisse  
 Horrificam, armatam, regalis nominis umbram:  
 Vel Rhenum indomitum, vel pictis Saxonas armis,  
 Danubiumque, Albimque tuo celsisse subactos  
 Imperio, tumidasque gerentia tela per undas  
 Ora virum (visu horrendum) expavisse natantum;  
 Gueldrensemve ducem captum, flavosve Suevos,  
 Aut Libyam, Libyæve urbes, atque alta Goletæ  
 Regna, ubi præcellæ fuerant Carthaginis arces,  
 Capta tibi, & rufo per vim præcepta tyranno.  
 Nec mundum domuisse satis: sed signa per orbis  
 Induxisse novos, quos nulla Erimanthidos ursæ  
 Astra vident, tardi nec sidera clara Bootæ;  
 Sed nostris adversa pedum vestigia firmant.

Ipse

Ipse meas dum pascō boves, agrestia dicam  
Carmina, sylvicolis gratissima carmina Musis.

Fortē puer Lycabas, puer & formosus Amyntas  
Pana deum Arcadiæ videre ad murmura ripæ  
Captantem, quas ipse sua disperferat, umbras;  
Cristatum pinu, & calamos quos nuper in altis  
Arcadiæ reperit sylvis, de more gerentem.  
Ille ubi paltōres contra videt: Ocyus, inquit,  
Huc agite, o pueri; dabit hæc quoque tegmina vobis  
Pinus, & hinc mecum, totis si montibus errent,  
Prospicere est armenta procul; nec parva paramus  
Dicere, nec frustra: septem compagine ceræ  
Distinxi primus calamos, nec parva futura est  
Gloria, disparibus juncis audisse canentem.  
Pana, simulque deo jacuisse ad frigora pinus.  
Hæc deus, atque ultro præbet venientibus umbram,  
Et Nonacrina simul incipit ipse cicuta.  
Tum vero innumeros descendere monte videres  
Admixtos ovibusque lupos, damisque leones,  
Et Satyris Dryadas, ipsamque ad carmina sylvam  
Affixis capita alta tamen deducere truncis.  
Tunc etiam volucres, immotis aere pennis,  
Audito stupuere deo, Nymphæque morati  
Fluminis attonitis assultavere sub undis.  
Namque canebat, uti faber ingeniosus olympi  
Ex illo cæcoque chao, rerumque latenti  
Congerie, in geminas partes diviserit orbem;  
Altera ut æthereas sedes, mansuraque cælo  
Atria magnorum faceret generosa deorum,  
Et complexa novem distingueret ordine circos.  
Quis daret aurigas totidem, primumque vocaret  
Mobile, quod celeri secum ferat omnia lapsu,  
Inscius astrorum, nec pervius ignibus orbis.  
Post hunc sidereo daret ut discurreret axe  
Conspicuus stellis circus, lateque vagante  
Astrorum serie; hinc rutilos errare planetas,

Fal-

Falciferumque senem , magnique æterna tonantis  
 Sidera virgineos monstrantia nunc quoque raptus.  
 Inde truce[m] quinto discurrere in orbe Gradivum ,  
 Et secum ardentes Pyrois deducere amores,  
 Nec circumfusas Cythereæ horrere catenas.  
 Hinc medium claro procedere sidere Phœbum  
 Præciperet, sineretque sui miserabile nati  
 Corpus ab extremo deferre ad sidera mundo,  
 Inque deis meritum numerare. Hinc Cyprida cyncis  
 Poneret assiduis vectam , quam mille sequantur  
 Depictis pueri pharetris , pictisque sagittis ,  
 Milcens turba deos hominesque , atque ultima Averni  
 Regna , per obscuras iterans quoque tela cavernas.  
 Hos prope falcatum celeri consurgere gressu  
 Mercurium jubeat , sævas de Cecrope nata  
 Sumentem pœnas : fraterna luce coruscantem  
 Imperet instabili Phœbe consurgere vultu:  
 Et quicquid tellus, quicquid mare , quicquid & aer,  
 Quicquid habet mundi pars ultima fervidus ignis ,  
 Complecti , & magnis circumdare flexibus orbem .  
 Altera ut instabiles species , passuraque semper  
 Corpora mixtorum , varias inducere formas ,  
 Æternasque acies, atque implacabile semper  
 Fraternalia elementa odium exercere sub armis  
 Præcipiat: jubeat certa statione vagari  
 Omnia, supremam mundi conscendere in arcem  
 Ponderis expertem flammam , summoque nitentis  
 Ferre deæ cursus , & tangere vertice Lunam:  
 Aera sub flammis triplici regione vagari;  
 Quarum quæ media contenta est parte, remoto  
 Igne procul, Zephyro glaciali torpeat; & quæ  
 Altior est , flammis & tacto ferveat igne:  
 Tertia, quæ terras & cingit Nerea, Phœbo  
 Clara repercussio , & radiorum luce tepescat.  
 Cingere deinde solum majori pondere pontum ,  
 Et ponto subitare tamen non undique terram ,

O-

Omnia ne pereant animalia mersa profundo .  
 Hinc canit, ut formam surgentia corpora cœlo  
 Deducant, rebusque recens nascentibus aptam  
 Materiam præstent elementa; utque ordine certo  
 Inferiora polo parent; præscribat ut alto  
 Nascendi leges Deus æthere; ne æquore tellus  
 Mutetur, nisi victa prius; neu Nereus aer  
 Fiat, ni ille hosti cedat quoque; Juppiter ignis  
 Ne sit, si flammis non cesserit; hæc quoque certum  
 Cogantur fervare modum, si crescat in aquor  
 Telluris facies conversa; sit æthere in alto  
 Major aquæ species, quantumque increverit illa,  
 Hæc quoque; & ignitam formam si sumpserit aer,  
 Aufeſcat vultus, quantum vel terra, vel aquor.  
 Inde refert, geminos ut Phœbo tacta Cybele  
 Exhalet fumos, quorum ferat alter aquarum  
 Naturam; tactoque licet de sole tepelcat,  
 Et linquat terras, & pontum rarior: at sit  
 In pluviam pronus converti, & nubilus agros  
 Imbribus assiduis liquefactus sponte maritet;  
 Alter in æthereas sedes, Vulcania regna,  
 Ire parer, multumque deum gerat ore; nec ulla  
 Parte sui pontum referat, sed ficcus & expers  
 Frigoris, admoto conflagret protinus igne.  
 Hinc docet & varias sortita incendia formas:  
 Nunc stipulas referant ardentes, tela videri  
 Nunc possint, jacula, & clypei; nunc sidera cœlo  
 Demissa, & tereti fulgens modo lancea ferro,  
 Sint modo saltantes capræ, modo cornua, crines,  
 Nunc quoq; quadrupedes, turres modo, nunc quoq; hædi,  
 Accensæve pyræ; seu quas capit æthere in alto  
 Spiritus incensus, facies referebat; ut aer  
 Ignibus attiguus varios ostendat hiatus,  
 Clara per obscurum si lux lucescere fumum  
 Cœperit: hinc formas narrat, variosque colores,  
 Multaque quæ nostras terrent phantasmata mentes.

Tunc

Tunc canit, ut denso quum se glomeravit acervo  
Ingens spirituum cumulus, tetigitque supremum  
Cœli orbem, cepitque novos in nubibus ignes,  
Nunc barba, nunc crine rigens flagrante cometes,  
Sæviat in populos regesque immanis, & agros  
Urat, & in miserum pecus ingruat, ipsaque cœli  
Conetur promissa novis evertere monstros.

Tum vero, ut claro pars ætheris illa nitore,  
Qua petitur domus alta Jovis, conflagret, & ipso  
Fulgeat aëthrorum cumulo, seu surgat in illam  
Cœli oram cœlesti humor virtute perennis,  
Qui excipiat radium aëthrorum, fractaque nitescat  
Stellarum luce, & referat sub nubibus æthram,  
Seu Phaetontæis conflagret nunc quoque flammis,  
Antiquumque Jovis referat scelus, aut ibi cœlum  
Densus oppositi candescat lumine Phœbi.  
Hæc deus, invito donec sol aureus orbe  
Cessit, & æquoreis surgens nox humida regnis  
Obscura infecit terras, & sidera nube.

F I N I S.



C. 17.

## ECLOGA QUINTA.

## C I V I C E.

**F**orte rosas Civice vicini in vallibus horti  
 Quum legeret, violasque simul studiosa coronis  
 Liliaque infereret, crinesque ornaret acantho;  
 Formosi dominus pecoris Polydorus, & horti  
 Callimus, insignis calamis puer atque cicuta,  
 Aspexere simul Civicem, simul arsit uterque,  
 Ambo in amore pares, nimium sed dispare forma.  
 Jam senior Polydorus; at hic tamen ire juvencas:  
 Mille ad mulctra videt, totidemque sub ubere campo  
 Ludere lascivos spectat cum matribus agnos.  
 Ille novem, totidemque simul formosos aristas  
 Viderat intonsis etiam tunc crinibus; & jam  
 Vestire albentes tenera lanugine malas  
 Cœperat, & graciles dextra comprehendere ramos.  
 Illa, licet pueri primum flagrasset amore  
 Victa piis lacrimis, & pubescente juvena,  
 Et quibus ante alios pastores versibus ibat;  
 Attamen ( ut varium & mutabile femina semper )  
 Muneribus corrupta senis, meliore relicto,  
 Dona sequebatur senioris perfida amici.  
 Ergo inter salices densas, ad frigora noctis  
 Exierat lectum pertasus, & inter opacum  
 Mollibus hos verbis recubans ad murmura ripæ  
 Jactabat juvenis questus, & sylva tacebat.  
 Horte rosis speciose, meam quo ferta parantem  
 Conspexi primum Civicem; fons splendide, Mopsi  
 Post Salices, Lycidæ in pratis salientibus undis,  
 In quo virgineum lavit pulcherrima corpus;  
 Tuque nitens arbor ramis florentibus, illa  
 Qua niveum fulsit, tunicas discincta decoras,  
 Et latus, & fufis caput alba in colla capillis;

Et



Et vos prata, novis fragrantia floribus, almam  
Quæ vestem, tenerumque sinum fovistis amico  
Cespitem, & irrigua viridantis graminis herba;  
Vosque auræ, vosque arva, meæ male conscia flammæ;  
Si qua mover pietas, lacrymis pereuntis adeste,  
Dum quæror, & vos suprema nunc alloquor hora.  
Si sic fata volunt, & ineluctabile divum  
Consilium, Civice Polydorum ut nostra sequatur,  
Et mihi condant Amor crudeli lumina morte;  
Hoc mihi pro pietate mea concedite saltem,  
Frigida ut in vestra liceat deponere terra  
Membra tamen, sacraque locare cadaver arena:  
Fulgeat hæc tantum si spes, nec obire recuso,  
Nec, licet ante diem, nigrantes visere manes.  
Quandoquidem nullus sylvis locus, aptius in quo  
Spiritus hos linquat, vel quo felicius artus,  
Quam quo visa mihi Civice pulcherrima primum,  
Quo primum dilecta fuit: nam pulvis & ossa  
Si, quo te videre, loco sint forte sepulta;  
Hortus ut ille mihi, fons lucidus, uvida prata,  
Arbor opaca, novo mentem devinxit amore;  
Elysiis velut in campis hac sede quiescent,  
Et volucris super astra mihi splendentia gressu  
Evectus, magnique Jovis super arva videbor,  
Atque ibi pascere oves, ubi sidera clara resurgent.  
Illic te flores texenda in læta legentem,  
Et salientis aquæ linquentem marmora vidi,  
Et vidi simul, & flammæ simul ossibus hausi.  
Undique purpurei ramis florentibus, imbris  
Instar, in ambrosiosque sinus, teretesque papillas  
Manabant flores; hic se dabat ungue decoro  
Carpendum, niveoque secandum pollice: at ultro  
Ille super vestem, crines super ille vagantes,  
Hic super oris ebur, mellitaque labra cadebat.  
Tu florum cumulis, & nimbo testâ rotarum  
Puniceos horti pergebas carpere honores.

I

Ipse

Ipse mihi surreptus eram, mecumque profundo  
 Pectore suspirans; Hæc æthere venit ab alto,  
 Aut certe Oreadam, dicebam, sanguinis una est.  
 Tunc quasi mentis inops, plenusque speique metusque  
 Accessi; sed nulla animum sunt verba secuta,  
 Sim licet ipse meos lacrymis tibi fassus amores.  
 Rixisti, blandumque tuens, tanquam ipsa caveres:  
 Audiri: Formosæ puer, te præmia tanti,  
 Dixisti, non parva manent, quem faris, amoris;  
 Oraque præteriens in me conversa tulisti.  
 Collegi intuitum, atque animi prænuncia verba;  
 Verbaque contuitumque abeuntis, & ossibus imis  
 Abdita sic servo, sic ipsis fixa medullis,  
 Excidere ut ne mente queant, sed nocte dieque  
 Versum animo meditans, illaque in imagine oberrem.  
 Ex illo miseræ exedit flamma medullas,  
 Unaque præ cunctis mihi tu formosa videris.  
 Thestylis ah quoties! quoties Amaryllis Iolæ!  
 Munera quin Lalage nuper mihi misit, & alto  
 Pectore suspirans: Mittit quæ munera, dixit,  
 Mittit & ipsum animum; tu suscipe, Callime, utrumque,  
 Et deserticis ne castra sequaris amicæ.  
 Vir tamen ante ovium mutabit vellera fetis,  
 Velleribusque caper setas; geret ante leonis  
 Terribilesque jubar & tela nocentia cervus,  
 Et cervi ramosa leo prius induet arma;  
 Quam nisi, depereo quo te, contingar amore,  
 Quamque aliam, nisi te, mea signa sequantur amicam.  
 Tu tamen (ah!) sequeris Polydori munera rauci,  
 Nec nostras male sana facies, aut carmina curas:  
 Hei mihi! nec quis erit, qui temporis illius acta  
 In mentem, Civice, revocet tibi; quum simul antrum,  
 Antrum præruptis ingens sub rupibus, ambo  
 Murmure dum magno calum miscetur, & imber  
 Grandine commixta sequitur, devenimus, atque  
 Es lacrymas miseratæ meas, miserata labores,

Quum

Quum jam furtivi impatiens pertæsaque amoris,  
 His mecum in sylvis voluisti ducere vitam,  
 Et mecum incolere, & mecum in convalle virenti,  
 Aut nemore in denso recubare, & vimine lento  
 Texere fiscellam, lactique parare premendo.  
 Ipseque dum tenui carmen modularer avena,  
 Esse simul mecum, & pendere canentis ab ore;  
 Quin calamos tentare etiam, pariterque canenti  
 Concinere, & nostro nunc dulcia basia cantu,  
 Gaudia nunc Veneris miscere salacia nudæ.  
 Non ego opes Cræsi, non tunc quodcunque per orbem  
 Est gregis, attritæ non terræ quicquid ubique est  
 Vomere, & incurvi profcissum pondere aratri,  
 Optassem; non quæ rupissent horrea messes.  
 Te sola contentus eram; tu farris acervi,  
 Tu vice profcissi splendenti vomere campi,  
 Tu gregis, & multi Cræsi prædivitis auri.  
 Sola mihi, votisque meis, animoque fuisti.  
 Tunc fata læta licet canis æstifer ureret, acri  
 Vel glacies concreta gelu nascentia pëssum,  
 Effusive darent imbres; licet horridus Auster  
 Turbine jactaret valido pomaria, & altis  
 Sterneret omne solum ramis; licet improba grando  
 Fructibus arboreis stragem daret, & daret uvis,  
 Discuteretque ulmos vineta sequentia summas;  
 Omne tamen tecum damni discrimen obisse.  
 Ridebam; raperentur oves, raperentur & agni,  
 Ditior ipse tamen mihi cunctis esse videbar.  
 O tamen, o hominum miserum genus, aspera quorum  
 Dulcibus, & lætis succedunt tristitia rebus  
 Pocula melliti calicis de margine, tetro  
 Felle quibus, taboque putri perfusa bibuntur.  
 Scilicet evectum clarum super æthera, ab alto  
 Dejicis, ut gravior pulso sit ab æthere casus;  
 Quemque sequebaris cæco modo percita amore,  
 Nunc fugis? ah demens! sequeris quem? num tibi sordet  
 Calli-

Callimus, accensæ Polydori informis amore?  
 Fistula num, magnum qua vici Thyrsida cantu?  
 Thyrsida, qui mecum contendere versibus ausus  
 Judice sub Lycida, superatus fregit avenam,  
 Et cessit sylvis indignabundus avitis.  
 Ille mihi calamos, lussit queis Tytirus olim,  
 Thyrsida queis magnum donavit Tytirus ipse,  
 Victori pretium pugnae dedit; & super, inquit,  
 Esto puer, tecum si certet carmine Mopsus,  
 Ipse suo victus cum carmine Mopsus abibit.  
 Ex illo egregios calamos mihi tempore servo,  
 Et videor, qualem Venus ipsa libenter amaret.  
 Anne adeo informis videor tibi? judice sed te  
 Sat nuper formosus eram, requiescere vili  
 Quum culmo, pecudes inter, per prata placebat;  
 Dum mecum amplexu tenero detenta cubares.  
 Quin ego me, patrios agerem quum ad flumina tauros,  
 In placido, ventis non conturbantibus undas,  
 Flumine conspexi; quantumque ego noscere possum,  
 Nec Daphnis mecum, nec conferretur Alexis,  
 Formosum pastor Corydon si laudet Alexim,  
 Et Daphnim licet usque extollat ad astra Menalcas.  
 Adde, quod auritum leporem tibi misimus, & quos  
 Rupe sub umbrosa teneros deprendimus hædos,  
 Hædos sylvestres, maculosis pellibus ambos.  
 Me tamen ipsa fugis, me surda despicias aure,  
 Nec prodest, alios quod forma & carmine vinco,  
 Hei mihi! nec miserum quod me dilexeris ante.  
 Crudelis Civice, postquam me spernis amantem,  
 Nulla gregis jam cura mei me tangit: it ipsum,  
 It miserum pecus, & sine me vix pabula sumit,  
 Impastumque redit per se sub vesperis umbras.  
 Nemo tondet oves, nemo ad mulctralia ducit,  
 Aut distenta premit mulgentibus ubera palmis.  
 Cuncta vacant, niveoque carent mulctralia lacte,  
 Permissoque greges onerantur vellere terga.

Quin

Quin studium cultus horti , quo clarus habebar ,  
 Excidit ex animo penitus mihi. Crescite inertes ,  
 Et mortem oppressis inducite frugibus , herbæ.  
 Ite , leves recta fluvii , nec adusta calore  
 Arva , per errantes inducto flumine sulcos ,  
 Temperet æstivis contrarius ignibus humor.  
 Cæpite per ramos nascentia germina passim ,  
 Cæpite , aves , impune ; & carmina temnite ficta .  
 In tenebris læves amites , pedicæque tenaces ,  
 Nexaque lina jacent , & perlita vimina visco.  
 Ille hæc : mœsta tamen repetebant carmina sylvæ .

F I N I S.



**H**Oc etiam mœstæ carmen concedite, Musæ,  
 Hoc etiam Lycidas flevit miserabile carmen  
 Budæi ad tumulum; & gelido, de more, sepulchro  
 Pocula bina novi lactis, totidemque caprini  
 Sanguinis, & totidem generosi fudit lacchi;  
 Fudit, & ingentem florum cumulavit acervum.  
 Tum vocem ad querulæ strepitum cohibere cicutæ  
 Cœpit, & insignes pastoris dicere laudes.  
 O decus, o Budæe, vale lux inclyta ruris:  
 Et ( si forte aliquid post mortem nosse beatis  
 Concessum est mortale animis ) mea carmina lætus  
 Ausculta, & felix quacunque in parte quiescis,  
 Quos tibi supremos impendimus, accipe honores.  
 Certe equidem hasylvas, atque hæc sacra omnia circum  
 Sanctam animam volitare puto, quin cernere cuncta  
 Atque videre, tui memores, ad inane sepulchrum  
 Quæ facimus, nostrasque audire & noscere voces.  
 Quæ si certa tamen res est, cur vocibus illa  
 Respondere negat nostris, nec se objicit ultro?  
 O hominum miseranda, brevisque, caducaque semper  
 Gloria! Tu cantu sylvas implere solebas,  
 Et numeris ornare nemus, queis magne Menalcam  
 Vincebas, calamis ageres seu voce canora.  
 Nunc vero inclusus parva tellure, jacere  
 Cogaris æternum saxa inter frigida mutus;  
 Pastoresque, pecusque relinquere mortuus omne.  
 Tu placido sermone graves discernere lites,  
 Et dubios poteras solus decidere casus  
 Pastorum, lætaque nemus sub pace tenere.  
 Nunc dubios omnes linquis, pressosque dolore  
 Ingenti, ereptus terris discrimine mortis.

O pater, o legum doctor, rurisque magister  
Nobilis, o! cujus post te præcepta sequemur?  
Quo duce securam trahimus sub pace quietem,  
Certe equidem ignoro, postquam te fata tulere;  
Judicio teneat quis fido compita, vel quis  
Consilium præstet dubiis in rebus amicum.  
O venerande senex, quando te rura videbunt  
Ulterius? quando nostris in montibus æquum  
Servatum magis est? quando reverentia divum?  
Vivendique modus? quæ res te sospite pulchre  
Floruit usque adeo in sylvis, ut forte verendus  
Ambiguos nunquam signarit terminus agros  
Æquius, aut dederit tondendos falce colonis.  
Heu quis erit, Nymphas nostris jam in montibus unus  
Qui canat? aut cujus saliant ad carmina Nymphæ?  
Heu quis erit duris in rebus amicus? & idem  
Solamen miseris præstabit? ut ipse solebas  
Carmine pastorum curas lenire dolentum;  
Seu dulces caneres versus ad fluminis undas,  
Seu magis umbrosæ recubans sub regmine silvæ.  
Te sine vix fluvios, vix carpere graminis herbam  
Scit pecus, atque tuam poscunt armenta cicutam;  
Ad numeros armenta, tibi dum vita manebat,  
Læta nemus petere, & placidos consueta per agros,  
Aut dulces corylos, salices vel carpere amaras,  
Vel rapidos æstus solis vitare sub umbra.  
Hei mihi! namque tuum discessum noster Apollo,  
Nostra Pales, nosterque gemit Sylvanus, & omnes  
Flent Nymphæ, Faunisque dolent, Satyrique bicornes,  
Et pariter te turba deum moriente secuta est  
Sanctam animam, sylvasque cohors divina reliquit.  
Heu quoties fulcis ausos committere pingue  
Fru mentum fraudavit humus male fida colonos,  
Et lolium infelix, sterileque rependit avenas!  
Et jam pro violis, & pro formoso amarantho,  
Aut taxi, aut spinis surgit Paliurus amaris.

Ergo

Ergo agite & flores, & candida lilia late  
 Fundite humi, & fertis generosum ornatè supulchrum,  
 Pastores: Budæus enim fieri hæc sibi mandat.  
 O Budæe vale, Budæe vale, optime pastor  
 Æternum Budæe vale: Sylvanus Apollo  
 Ecce tibi sacras hederæ de fronde coronas  
 Ultro adfert, quales meruit vix Tityrus olim,  
 Insignesque venit manes ornare sepulchro.  
 Ecce etiam fertis intexti cornua Fauni,  
 Forte datum ut cuique est, sylvestria dona reportant;  
 Dona tibi, e campis spicas, e vitibus uvas,  
 Maturosque etiam quacumque ex arbore fortus.  
 Nec non lascivæ, quondam tua cura, Napææ  
 Certatim calathis adportant lilia plenis,  
 Officioque pio grates tibi reddere dignas,  
 Acceptosque student olim persolvere honores,  
 Et quod perpetuum magis est, dignumque suprema  
 Laude ( potest majus tradi quo munere nullum  
 Manibus ) ecce tibi Musæ nova carmina reddunt,  
 Ecce tibi mœstæ reddunt nova carmina Musæ.  
 Nos quoque te calamis canimus, semperque canemus;  
 Dum pecus errabit sylvis, dum pabula sylvæ  
 Præbebunt pecori, & placidam pastoribus umbram.  
 Quin etiam sanctum circumfusa sylvæ sepulchrum,  
 Et platani, salicesque tuum per sæcula nomen  
 Ad murmur referent auræ, dulcique susurro  
 Omne nemus, Budæe, pater Budæe, sonabit.  
 Ipsi te tauri, atque ipsa hæc armenta vocabunt,  
 Et pecus omne tuos venerabitur undique manes.  
 Numen adorabunt sylvæ, numeroque deorum  
 Semper eris nobis: atque ut solemnina Baccho,  
 Aut Cereri sanctæ facimus, sic nostra quotannis  
 Ante tuas aras fumabit victima pinguis,  
 Assertusque deis, pastorum vota precantum  
 Accipies: taxique prius fragrantia mella  
 Sudabunt, suavesque rosæ lethale venenum;

Bruma



Bruma prius segetes lætas , & messis olivas  
Ante feret nigras , nostris quam montibus unquam  
Ipse magis notus non sis , quam Tityrus ipse.  
Plura puer dicturus erat ; sed Phœbus acerbam  
Impatiens siccis oculis audire querelam  
Non potuisse, fugam accelerans, caput occulit undis.  
Cogere deinde gregem puerum nox cæca coegit.



DE PACE ET NUPTIIS

D. D.

PHILIPPI ET ISABELLÆ  
HISPANIÆ REGUM

LIBELLI DUO.

**O** Ptandos superis thalamos, tua dulcia bella,  
Alme puer Veneris sanctæ, pacemque beatam  
Gentibus extortam ferro, victriciaque arma,  
Hispanumque Ducem formæ cessisse puellæ,  
Dicere Pierius mentem mihi fuscitat ardor.  
Tu mihi, quæ caneris, vires in carmina præbe,  
Alma Venus; si te colui, tenerisque sub annis  
Si Mariannæo profosius pectora telo  
Te vel deserta Cyprio in mea fata ruentem  
Excepi tamen, & purus pia thura sacerdos  
Sæpe dedi fecique tuas, Cythereia, ad aras.  
Tuque adeo, pater Hesperia, felicibus armis  
Qui pacem optatam mundo, tibi digna parasti  
Præmia conjugio tali; paulisper ab alta  
O tibi si libeat vacuum descendere mole,  
Et nostras audire preces; tu fautor adesto  
Carminis incepti, fontesque reclude sororum  
Pierios, monstraque aditus. Consultior alter  
Nam neque Musarum fuerit, neque Apollinis antri;  
Nec magis igne calent alio frigentia vatum  
Pectora, concipiunt tantos nec mentibus æstus,  
Quam te agitante animos; vasti furit impetus ignis  
Cordibus, & flammæ spirantia pectora anhelant.  
Ergo

Ergo pater , seu te cupido nova nupta maritum  
Detinet amplexu ; populos vel ab hoste receptos  
Restituis fociis , & pectora fida tuorum  
Devincire novis ( qui mos tuus , optime ) donis  
Pergis , & obtentæ partiris præmia palmæ  
Divisis spoliis ; pacisque quietus honore  
Frænatum patriis sub legibus aspicias orbem ;  
Seu Libycos iterum meditaris , dive , triumphos ,  
Jordanemve paras , Solymumque laceßere bello  
Regna , tuis armis parcarum debita fufis ;  
Palmiferæque tuum dirus regnator Idumes  
Vindicis adventum pavet , & poscentia pœnas .  
Signa , tuas aquilas , captivæque Græcia regnis  
Successisse tuis , votis dudum omnibus optat .  
Cede tamen facilis , teque harum subtrahe moli  
Curarum , dum nostra tuas mens dicere tædas  
Ardet , & assertum divinæ pacis honorem ,  
Et pergit , qua cœpit iter : tu , maxime , cuncti  
Pande viam , & gressus per operi dirige callis  
Avia , & ad nostras vacuus descende Camœnas .  
Oppressum mediis regni penetralibus hostem  
Henricum Regem Gallum , procereque , ducesque  
Ad Samarobrinam victos , & Terme subactos  
Geldrudis rigida ad muros , & cæde suorum  
Et bello fractos diuturno , & Marte feroci  
Pulsos Italia tota , victricibus armis  
Maximus Hesperiaë rectorque paterque Philippus  
Urgebat , toties perfractæ fœdera pacis  
Ulciscens , totiesque dolis atque arte maligna  
Tentatos populosque suos , procereque suorum  
Signa externa sequi , seque ultro prodere Gallis  
( Infandum ! ) emptos auri vi gazaque nefanda ,  
Naturæ leges contra : certusque subactos ,  
Antiquis ardens odiis , regemque , ducemque ,  
Et plebem invisam , & populos abolere feroces ,  
Aut pacem æternam terris dare , claudere belli  
Æternum

Æternum portas , finemque imponere ferro ;  
 Acrior instabat fufis , & terga premebat  
 Increpitans hafta victrici , & cæde madente  
 Purpurea , Marti fimilis Titania campis  
 Agmina vastanti ferro , faturaque cruoris  
 Robora quassanti dextra . Pavitantia passim  
 Terga dabant hostes victi , cum turba deorum  
 Forte Jovem summa cæli lucentis ab arce  
 Subiectasque procul terras , pontumque profundum ,  
 Et varios hominum casus terraque marique  
 Omnivoris lustrantem oculis , miseramque tuentem  
 Henrici regis sortem infelicis , & ingens  
 Gallorum excidium , stragemque , fugamque , necesseque ,  
 Vinculaque , & totis undantia sanguine campis  
 Flumina , Francorum nigro turgentia tabo ;  
 Invasere alacres , pariterque ante ora sedentis  
 Procubuerunt omnes , & adoravere precantes  
 Gallorum rebus veniam , pariterque deorum  
 Atque hominum regem suprema in vota vocantes .  
 Præcipue Juno genua amplexata sinistra ,  
 Hirsutum dextra mentum fratrisque virique ;  
 Talibus aggressa est dictis regina Tonantem .

O fator , o divum genitor , cui summa potestas  
 Imperiis regere æternis hominesque deosque :  
 Funditus evertenda tibi gens ergo Pipini ,  
 Bissenique patres , & magnum Francia nomen ?  
 Quid pius Henricus potuit , quid Gallia tantum  
 Patrasse in superos , ruat alto a culmine ut omnis  
 Gloria Francorum tot sustentata per annos ?  
 Nam si fata vetant hoc regnum gentibus esse ,  
 Hispanisque datum est mundi moderamen , & unum  
 Quicquid id est , hoc imperii quod Gallia claudit  
 Alpibus , atque salo , & ferrugine Pyrenæi ,  
 Henricum agnoscat dominum ; sint libera sceptris ,  
 Magne Philippo , tuis : superest pars optima mundi  
 Aulpiis moderanda tuis , tota Africa , tota  
 Magna

Magna Asia , & multo Europæ pars maxima culturæ ,  
Indorumque novus nunquam antea cognitus orbis ,  
Argentique , aurique ferax , viridisque smaragdi .  
Nec moror ; hoc tantum conjux tua , maxime divum ,  
Deprecor , afflictis Gallorum prospice rebus ,  
Mucronemque viris instantem averte subactis .  
Finibus exceptis Gallorum , terminet astris  
Imperium late Carolo fatus , & regat orbem  
Immensum , legesque ferat mortalibus unus .  
Hæc dea : sed tacito nihil his Saturnius ore  
Respondit dictis , nec tetrica lumina movit ;  
Immotisque superciliis , quibus aera densat  
In tenues nebulas , & turbida nubila cogit ,  
Arduus excelsa sedet immutabilis arce  
Sedis Olimpiacæ . Magis hunc quo diva fatigans ,  
Amplexu genua & mentum tenet , atque ita fatur :  
Quod peto vel promitte , hominum pater atque deorum ,  
Omnino , aut reginæ hominum divumque roganti  
Annue , consortique tori : nam scisse juvabit ,  
Quid soror & conjux possit Jovis ab Jove summo  
Opratum sperare , sit aut Junone dearum  
Vilior ulla tibi , qui quæ justissima posco  
Abnuis , & Thetidi pro nato plura petenti ,  
Proque pio Ænea Veneri graviora dedisti .  
Ecce autem Thetis hoc petit , & Venus , atque deorum  
Omnis turba toro coram projecta sedentis .  
Omnibus id dederis , mihi quod concesseris uni .  
Huic pater omnipotens , imo suspiria postquam  
Pectore laxavit , vocique remisit habenas :  
Hem tibi quæ , conjux , inquit , vox excidit ore ?  
Quæve tuam movit mens imperterrita linguam ?  
Me ne tibi , tibi me , quæ justa poposceris unquam ,  
Abnuere ? aut quicquam Thetidi Venerive dedisse ,  
Quod tibi non dederim cumulatus ? ipsa nisi acres  
Opprobriis moveas iras mihi , nostra lacerans  
Consilia atque opera , unanimi cum numina cœtu  
Conve-

Conveniunt dubiis consultatura vicissim  
 De rebus? quoties etenim lacerabis acerbis  
 Me dictis coram superis, sperare futurum  
 Desine, ut ulla tibi succedant vota, Tonante  
 Aut quicquam irato accipias; nisi forte (pudendum  
 Quod tibi reginæ superum) ter verberare duro  
 Invieta pulsabo manu; parere marito  
 Nam decet uxoremque probam, fratrique sororem.  
 Nunc quoniam supplex oras, perstasque precando;  
 Vota mihi curæ tua erunt, regemque nefando  
 Implicitum bello eripiam, quod fœdere rupto  
 Invieta cum gente gerit, modo nostra capessat  
 Iussa prior, veniamque roget, pacemque precetur,  
 Accumuletque hostem donis, lætisque hymenæis,  
 Armaque contineat castris sua: namque quietos  
 Quæ rabies capere arma viros, quæ dira libido  
 Sollicitat, ferrique furor? num gloria tanta est  
 Conseruisse manus, & tandem occumbere victos?  
 An dubium expertis confurgat quantus in hostes,  
 Turbine fraxineam vel quali torqueat hastam,  
 Cæsaris Augusti proles augusta Philippus?  
 Ecquis in Hispanos, dominos rerum, impia movit  
 Arma amens, ausus scelerata lacessere bella,  
 Quin dederit pœnas moriens, aut vulnere multo  
 Saucius infosso victorem effugerit hostem?  
 Mitto ea, quæ magni Caroli gessere parentes,  
 Invidiam factura deis. Victoria longa,  
 Longa est gestorum series, nec temporis hujus  
 Sive loci: mundum quoniam implevere trophæis,  
 Et rerum pulchre gestarum insignibus ausis.  
 Quidve prius referas? Divum sator ipse, hominumque,  
 Omnia qui solus cæli, terræque, marisque  
 Consiliis moveo æternis, & fata guberno,  
 Deficio memorans: siquidem quis funera fando,  
 Quis tetram illius cladem, gemitumque dici  
 Explicet, ardente Hesperia civilibus armis?

Du-

Ductores Gallum ferus Asparossus, & ingens  
Turnonus monstrum domitor, qua perdere possent  
Hispanos hostes meditati, Gallica signa  
Qua Reniega viam præbet lambentibus astra  
Hinc atque inde jugis (Reniegam namque coloni,  
Difficili sumta de re sed voce, vocarunt)  
Qua patet ad magni Pompeii mœnia rectus  
Per juga Pyrenes ab Stellæ transitus urbis  
Mœnibus, immisere alacres, paribusque vicissim  
Pugnantes inter se armis, odiisque feroces  
Hispanos ferro aggressi, cecidere sub ausis,  
Vinclaque captivis subiere horrentia collis.  
Quot Galli periere duces! quæ corpora late  
Strata solo! vel quæ rapidus fulgentia volvit  
Arma virum, galeas auro, clypeosque micantes,  
Qui Mediolanos interfuit Addua campos;  
Dum Populus ripa Hispanos avertere tentat,  
De Aufoniæ imperio certantes! dira Lutrechum  
Quæ clades miserum exceperit, discrimina belli  
Tentare, & totis occurrere viribus hosti  
Audentem, pugnaque laceßere castra Bicochæ!  
Vix fugiens, Latio amisso signisque superbis,  
Eripuit ferro se se rerum omnium egenum,  
Servavitque animam pavitantem & cuncta timentem.  
Gonferum fortuna ducem melior ne secuta,  
Ad vada Sessitis congressum milite Ibero,  
Trajectumque fero dextrum mucrone lacertum?  
Vulnere felicem, si nunquam saucius Alpes  
Aereas superet rursus, & verita induat arma.  
Sed quid agat? Nil fas quemquam sperare sinistris  
Cælicolis. Ingens Gallorum exercitus Alpes  
Rursus Hyperboreas remeat; Franciscus & ipse,  
Ampla Pipinæ gentis qui sceptrum tenebat,  
Agglomerat bello se se, ducitque phalanges  
Threjicio sublimis equo, per colla, per armos:  
Distincto late maculis albisque, nigrisque ....

Ipse

Ipse auri aspersus fulgentia floribus arma,  
 Liligerasque jubas, Gallorum insigne ( beato  
 Munere calicolum terris missum aethere ab alto )  
 Et galeam, & clypeum multo quoque flore coruscum  
 Induit, & lateri fulgentem accommodat enssem.  
 Occupat Ausoniam terror; quaque impetus egit,  
 Aut furor, & everfas totis cum mœnibus urbes,  
 Accensos flammis populos, gentisque Latinæ  
 Agmina cernere erat totis palantia campis,  
 Armorum ingruere horrorem, cæcumque tenere  
 Cuncta metum Martis rabidi. Comes aureus arma  
 Gonfies ibat, agri dives, sed in arva paterna  
 Haudquaquam rediturus; opum nec divite gaza  
 Inferior Fufius: sed enim nec sorte beatus  
 Ipse magis, pugna quoniam periturus eadem,  
 Ibat ovans equitum moderator; tanta superbas  
 Excæcat mentes hominum caligo, suique  
 Instantis dubii stupida ignorantia fati.  
 Ibat & exultans domitor Severinus equorum,  
 Cabbaneusque, genusque deum Tramulla, nec ulli  
 Gallorum genere aut virtute Paliza secundus,  
 Heroesque alii, quorum desilevimus omnes  
 Funera calicolæ. Nam postquam ad mœnia magni  
 Ticini ventum est, & se se in prælia fortis  
 Expediit, solvitque, & in arma paravit Iberus;  
 Proh superi! quæ bella illis, quæ vulnera campis  
 Vidimus, & Gallum quæ propugnacula ferro  
 Diruta castrorum! plenis quæ funera fossis,  
 Ad vallum pluteosque, prius quam calce soluta  
 Moles corrueret veteris muri ariete crebro,  
 Et denso tonitru fulmen jaciente ruina,  
 Hispanusque ferox campo exultaret aperto!  
 Namque ubi facta manu pugnandi cominus armis  
 Copia, virque viro, rabidorum more leonum,  
 In sua grassantes alterna viscera cæde  
 Conseruere manus; peditumque equitumque cadentum  
Tunc



Tunc gemitus, tunc armorum ferus ingruit horror :  
 Sidera tunc clamorque virum , stridorque tubarum  
 Pulsat , & infani nutrix discordia Martis ,  
 Quæ superum sola horrifono clamore ciebat  
 Bella ferox ; nam sola aderat , pugnamque videndo ,  
 Lætitia toto carpebat pectore sensum .

Vos ego continui cælo , ne fata favore  
 Aut odio divorum aliquis prævertere posset ,  
 Quæ mihi consilio æterno decreta manebant .  
 Tunc vero spatiis camporum plurima late  
 Corpora strata virum variis periisse sub armis  
 Cernere erat , variisque jacentia casibus atras  
 Exhalasse animas ferro : nec cedere quemquam ,  
 Nec se terribili , memorem mortisve meruisse ,  
 Spectasses tanto e cœtu subducere pugna ;  
 Corpora sed passim fortissima cæde cadebant  
 Sanguinea , ambiguo in nixu , Martisque furore  
 Præcipiti , multo fœdata per arva cruore .  
 Et stetit hæc anceps diri fortuna laboris ,  
 Cæsariana cohors donec succensa pudore ,  
 Vincendique mora , se se exhortata phalanges  
 Gallorum rupit valida vi , animique vigore .  
 Tum vero infelix lævo , fata turba Pipino ,  
 Marte cadit ; Fufius fraterque comesque Lutrechi ,  
 Cabbaneusque ferox , equitum moderator uterque ,  
 Procumbunt ducis ante oculos ; perit ille sagitta ,  
 Cominus hic rigido cadit ense per ilia adactò .  
 Regius occumbit domitor Severinus equorum  
 Sublimi dejectus equo procul igne micantis  
 Tormenti , & tonitru jaculantis ahenea tela .  
 Sternitur infelix tereti Tremelius hasta ,  
 Gonfiet ancipiti rursus mucrone per imum  
 Transfixus jugulum . Quis enim fata aspera lædat ,  
 Diraque Parcarum digitis currentia fila ?  
 Jam senior telo perit confossus acerbo  
 Infelix Tramulla , deum qui maximus unus

L

Cul-

Cultor erat , pietas nec te , miserande Paliza ,  
 Plurima , nec virtus , nec avorum insignia letho  
 Defendunt , caditisque omnes ; locupletis in agro  
 Ceu segetis , crebri cadere assuevere manipuli  
 Falce sub incurva flaventia farra metentum .  
 Quis tibi tunc sensus cernenti talia , magne  
 Franciscæ ? aut quæ mens fuit ? Ipsi occumbere morti ,  
 Quam trepidæ dare terga fugæ imperterritus optas .  
 Et quamquam mœrore animi calor ossa reliquit ,  
 Attamen in densos urgens calcaribus hostes .  
 Cornipedem impellis : pilis exceptus Iberis  
 Corruit at quadrupes , generosæque pondera dorso  
 Excussit moriens , pugnam capis ipse pedester ;  
 Attamen obrueris numero , manibusque revinctis  
 Vincla subis , sacros Caroli ornature triumphos .  
 Sed quid opus magni memorare Philippidis arma ,  
 Cunctaque rapta manu quocumque ex hoste trophæa ?  
 Quidve opus excisas urbes ? quid regna ? quid hostes ?  
 Quid varias rerum facies , quas gessit amico  
 Numine divorum , & ferro , & victricibus armis  
 Per totum sparsas orbem ? Duramne subactam ,  
 Gueldrensemque ducem ? an Latialis mœnia Romæ  
 Commemorem , captosque patres , arcemque Quirini ?  
 An Genuam portu celebrem pictisque carinis ,  
 Florentemne urbem Medicæ gentis , an almam  
 Parthenopem ? Senam nè alacrem , Lucam nè beatam ,  
 An referam Insubres campos , Trinilumque , Comumque ,  
 Atque Albam magni Pompeii , Cæsareamque  
 Augustam , Leucum , Ticinum , & parva , Novaram ,  
 Mœnia nunc , olim magno oratore superbam  
 Albutio , & densis ornata civibus urbem ?  
 An demum Italiam totam ? Victa Africa , victa  
 Æmula Romani imperii Carthago , triumphos  
 Ornâvit Caroli armipotentis , & inclita Taphra ,  
 Massyli , Numidæque truces , & inhospita Syrtis ,  
 Sabathra , Ciniphiique Macæ , Sarranaque Leptis ,

Et

Et Zama, & insignis Rutulorum funere Tapsus,  
Et Clupea, & multum dilectus regibus Hippos;  
Quasque referre mora est, & quas ditione premebat  
Barbarus, horrendum cui nomen rufa tyranno  
Barba dedit, pugna superatus ad alta Guletræ  
Mœnia, & ingenti regnis vi pulsus avitis.  
Numquid non Asiæ dirus regnator optimæ,  
Qui Grajos premit imperio, Syriosque, Arabasque,  
Quique colunt gelidas cœnosi Phalidos oras,  
Et Libyæ ardentes urbes, ultamque Syenem,  
Euphratisque feros populos, quicumque liquores  
Ore bibunt, & qui te, turbide Bragada, potant,  
Qui te, Nile, decus fluviorum, atque Iltica regna  
Quæ colit, & Getici gens Hebri gaudet honore,  
Horruit ad nomen Caroli venientis, & acri  
Filius equo patrias fugiens remeavit ad oras,  
Ungaria cedens tota, & fera castra relinquens  
Hostibus in prædam invisus, & Cæsaris umbra  
Eminus armatos hostes sine nomine vicit?  
An non Germanos, non pictis Saxonas armis  
Sub iuga, non Rhenum indomitum, flavosque Suevos,  
Danubiumque Scytham, Moscumque, Geramque coegit,  
Et Salas, Drusi spoliis lethoque superbas,  
Atque Albim, Albim quem nunquam superavit Iulus;  
Nunc acies Albim Hispanas, nunc ora natantem  
Miratum tumidas portantia tela per undas  
Teuthonico late spumantes sanguine, & urbes,  
Captivosque duces, & diruta mœnia passim?  
Namque ego quid gentes dicam, quas Tiphys Iberus  
Permenso premit Oceano, qua nulla Bootæ  
Sidera prospiciunt, signumve Erymanthidos ursæ;  
Sed Garamantiacos, diverso tramite, nautas  
Qui regit, opposito vertex Antarcticus Arcto,  
Indorumque novos, quos nec Semeleius heros,  
Amphitryoniades nec novit claviger orbes?  
Credo equidem, auspiciis Caroli si Cæsaris olim

In

In Superos sævi movissent bella Gigantes ;  
 Ipse ego cessissem cœlis, & vincla subissem,  
 Quæis pater expulsus regno sine honore tenetur.  
 Sed nulquam pietas major, cultusque deorum,  
 Nusquam religio, & fidei reverentia veræ;  
 Quæis meruit cœlum virtutibus, & juvat astris  
 Assertam superis animam regnare, beatis  
 Conciliis divum adscriptam, votisque vocari.  
 Ne prudens, ne se committat talibus armis,  
 Aut tali cum gente gerat bella impia demens  
 Regnator gentis Clodovejæ, digna vetusti  
 Martelli soboles; sed pacem & fœdera jungat  
 Dum licet, & ferri caveat vel ludicra, vitæ  
 Si cupit optatæ consultum, atque exuat arma;  
 Agnoscatque suam sortem, veniamque precatus,  
 Armatis diro caveat concurrere ferro.  
 Assurgit Caroli majora in fata Philippus.  
 Hæc ubi dicta, fidem promissis insuper addit  
 Juppiter, ambrosios fundens de vertice crines,  
 Æterno nutu, Superum quo nota voluntas  
 Extat, & ulterius nunquam revocabile fatum :  
 Utque superciliis divum pater annuit atris,  
 Terrifico ingentem nutu tremefecit olympum.  
 Tum noctem immisit terris, quæ lurida fuscis  
 Involvit tellurem alis, pugnamque diremit.  
 Inde vocat Maja genitum; Celeresque per auras  
 Vade age nate, inquit, levibusque illabere pennis,  
 Qui portas mandata deum, Zephyrosque volatu  
 Transnata, & Henricum, qui gentis sceptrâ comatæ  
 Ampla gerit, veteris regna invidiosa Pipini,  
 Alloquere, & quæ sit victo via certa salutis,  
 Quæque meæ mentis doceas immota voluntas.  
 Dum licet, abstinet bello, veniamque precetur,  
 Muneribusque sibi placatum vinciat hostem,  
 Flaventisque deæ crines optato Hymenæo,  
 Quam Veneri similem genuit; nam sola Philippum

Vi-

Victorem medio vincendi in tramite fister,  
Æternamque dabit terris Isabella quietem.  
Juppiter hæc : Venus alma Jovis sed filia , postquam  
Flaventes dextra , formæ studiosa , capillos  
Composuit , pectusque , oculos , frontisque decorem ,  
Ambrosiosque sinus apte curavit ; Olympi  
Omnipotens regnator , ait , qui nubila torques :  
Si sedet hoc , gratumque tibi servare Pipini  
Progeniem , & mundum æterna donare quiete ;  
Idque nisi accepta thalami consorte Philippo  
Egregia Henrici nata felici Hymenæo  
Contheri nequit , ignavissima dicar , & alto  
Haudquaquam orta salo , si non inimica ligaro  
Pectora connubio stabili , sponsamque marito  
Si non tradidero , & concordî fœdere jungam ,  
Accensura virum , flammæque in pectora trudam ,  
Ardeat ut , versetque novos sub sensibus æstus.  
Ipse Atlantiadem , quod agis , dimitte per auras ,  
Qui tua jussa ferat : sunt mihi cætera curæ ,  
Quæ faciles aditus novi , mulcere precando  
Cui fas Carolidæ mentemque animosque feroces .  
Dixit , & a Superum cœtu laudata recessit .  
Ast alii patrem , multa jam nocte , decorum  
Concilio ducunt redeuntem in recta soluto ,  
Quæ faber æterno construxit Lemnius olim  
Cœlicolum regi , fulvo variavit & auro .  
Hinc cubitum cedunt : jussus volat alite penna  
Interea Maja genitus Tegeæus alumnus ,  
Horrificæque Metus per amica silentia noctis  
Pacifer ingreditur sedes . Stant limine nigro  
Horrendæ visu facies , lymphaticus Error ,  
Sollicitusque Pavor , & pallida Mortis imago ,  
Et Tremor ad strepitum dentum membra hirta fatigans ;  
At gelidus late circumfluit omnia sudor  
Atria , & attonitis pendens vox faucibus hæret .  
Mentis inops animus generosis degener ausis ,  
Con-

Consciaque admissi sceleris mens, impia lustrant  
 Limina; crescentes volitant nigra atria circum  
 Larvæ rerum facies, & major imago  
 Damnorum veris, spes nulla, gravisque pericli  
 Horror, & ignavus subcunda ad munera torpor.  
 Pervigil ipse intus, quamvis penetralia compler,  
 Attamen apparet nusquam deus, & jacet expers  
 Luminis, inque hominum dominatur corda tyrannus  
 Mollia crudelis, deformique intima morfu  
 Viscera corrodit mendax vice corporis umbra.  
 Ergo introgressus placido sic ore potentem  
 Impiger alloquitur divum Cyllenius ultro.  
 Magne Metus, quoniam tibi fas lenire superba  
 Corda virum, elatisque magis præsentior altas:  
 Huc age, Gallorum accepta modo clade furentum  
 Maximus Henricus dominator, ut arma reponat  
 Nomine sceptrigeri Jovis flectendus, & ultro  
 Ut veniam pacemque roget, ne vindicis iræ  
 Impatiens, belli tentet discrimina rursus,  
 Atque impar magno congressus forte Philippo  
 Intereat: tu carpe viam, regemque superbum  
 Aggredere, atque imis totum te sensibus infer,  
 Ut veniens facilem admoneam, sanique capacem  
 Consilii, magnique Jovis mandata faceßam.  
 Paret Majugenæ dictis Metus, & volat inde  
 Vincere magnanimum regem, perque omnia lustrat,  
 Qua ratione viri fortissima pectora tentet.  
 Tempus erat, medium cæli quum Cynthia nigris  
 Alta tenebat equis, & nox diffusa per orbem  
 Suadebat placidos mortalia carpere somnos  
 Corpora fessa opere, & vigilēs seponere curas.  
 Henricum fufum stratis sopor altus habebat  
 Defessum belli studiis, Martisque sinistri  
 Casibus adversis, pugnaeque labore diurnæ:  
 Volvere quæque vigil mentis vigor improbus ægro  
 Est animo suetus, reddit sacer omnia somnus

Per

Per noctem, tacitoque refert in senſa ſopore  
Admiſcens falſis nimium quoque vera, futuri  
Incertus, quandoque tamen veriſſimus augur.  
Ipſe videbatur per ſomnum prælia ruſum  
Inſtaurare, novisſque offendere turpiter auſis,  
Armataſque manus fugiens vitare Philippi  
Magnanimi iſtantis telo, jam jamque tenentis  
Verſa manu, rigidaque prementis culpide terga.  
Vix tandem elapſus magni de cæde Philippi,  
Accipere occurſu vulnus lethale ſuorum,  
Orbarique oculo, vitæque & lumine caſſi  
Omne decus ſolvi letho, niveoſque per artus  
Ire color Stygius, formæque extinguerè honorem  
Purpureum, multoque comas cum ſanguine mœſtum  
Decidere in vultum; capitis nec pondera ferre  
Ipſa ſui cervix violata, caputque caducum  
Ambroſium in jugulum, pectusque recumbere in imum.  
Dormiat, an vigilet, nescit; vivat ne ſuperſtes,  
An ſit apud manes: nigrique ad judicis urnam  
Ire videbatur trepidus, Minoaque dirum,  
Obduſtum tetra nebula caput, impiaque ora  
Cernere terribili poſcentem crimina voce;  
Inſtantiemque novas tantorum diſcere cauſas  
Bellorum, vivens Superum queis miſcuit orbem,  
Totque virum fortes animas demerſit acerbo  
Funere, & innocuo fœdavit ſanguine terras.  
Tunc Metus exanguem aggreditur, miſcetque veneno  
Cuncta malus rerum interpres, & peſſimus augur.  
Quaque via pejore poteſt, trahit omnia mœſto  
Augurio; premit exemplis, dirumque Ephialtem  
Objicit, Enceladumque trucem, cumque anguibz Oetum,  
Fulmine ſemuſtos magni Jovis, oribus attos,  
Et quinquagenis ruſtantes faucibus ignes,  
Sidera conatos, Superosque laceſſere ferro,  
Et veritas tentare vias in celſa deorum  
Atria, magnanimumque Jovem detrudere cœli

Im-

Imperio . Tum magni ingentia gesta Philippi  
 Ante oculos ponit ; Samarina fluentia tabo  
 Æquora , Geldrudis cladem , Termisque subacti  
 Vincula , & ingentem stragem cædemque suorum ;  
 Tum Memoransini excidium , procerumque , ducumque  
 Immensum . Pavet ille metu , torosque per artus  
 Manabat sudor gelidus , cum somnia rupit  
 Mercurius virga , qua manes evocat orco ,  
 Tristia quaque alias animas sub Tartara mittit .  
 Tum regem invadit , placidoque ita pectore fatur :  
 Antiqui soboles Martelli , gloria gentis  
 Ampla Pipinæ , Clodoveia regna feroci  
 Qui regis imperio , claro sate sanguine magni  
 Francisci , haud unquam tali inficiande parenti  
 Henrice , exitiale geris cum gente decorum  
 Invisisque viris bellum , quos nulla laborum  
 Ærumna assuetos , bellive pericula frangunt ,  
 Prælia pro ludo queis sunt , & pro nuce ferrum :  
 Quo demum ipse loco jaceas rerumque ruina ,  
 Hostis dum Samaram bibit intra mœnia victor ,  
 Et Termes pugna victus , fusæque cohortes ,  
 Vinculaque captivi proceres subiere tuorum ,  
 Vidimus , atque tuo perculsi sæpe dolore  
 Planximus , & lacrymis divina rigavimus ora .  
 Nunc tibi me claro Superum regnator olympo ,  
 Numine qui torquet cælum terralque beato ,  
 Dimittit , celeres atque hæc mandata per auras  
 Ferre jubet . Quid bella paras renovare nefanda ?  
 Aut qua spe toties victus nova prælia tentas ?  
 Quin veniam pacemque roga , quin fœdera junge ,  
 Quin certa officiis . Nescis heu perditæ , nescis ,  
 Quam grave de regno cadere , & servire malum sit ,  
 Quam fragili sint regna loco sine numinis aura .  
 Quod si nulla tuæ tangit te cura salutis ,  
 Et victum tædet vitæ ; tamen optima virgo  
 Est Isabella tibi , Superum quæ maxima cura ,

Digna



Digna Jovis thalamis, Jove vel meliore marito;  
Quam tædis fraudare nefas, regnisque parentum.

Talibus affatus magni Jovis aliger Arcas  
Nuntius, in medio regem sermone reliquit  
Attonitum, manifesta poli super æquora lapsus  
Ante oculos, claraque refulsit luce recedens.



## DE PACE ET NUPTIIS

D. D.

PHILIPPI ET ISABELLÆ  
HISPANIÆ REGUM

## LIBER SECUNDUS.

**A** Ttonito gelidus circum præcordia regi  
 Sanguis hebet, rigidisque hæret vox faucibus, almo  
 Aspectu, & monitu tanto, imperioque decorum.  
 Corripit e stratis corpus, sequiturque supino  
 Ore deum, junctas tendens ad sidera palmas.  
 Et quamquam nullus pavitanti suppetit usus  
 Oris, & obfesso riguerunt verba palato;  
 Munera sacra Jovi libat tamen, atque precatur  
 Imo corde deos veniam, supplexque beatam  
 Pacem optat, dignisque locare Isabellam hymenæis,  
 Et tædas generumque omnis vel dote pacifici  
 Imperiî, Clodovæ, tui, gentisque Pipini.  
 Sed quid agat? medio in cursu retinere furentem  
 Victorem precibus? quem totò corpore regni  
 Obvius armati, quem objectis mœnibus, atque  
 Ignea terribili tonitru jaculantibus ara  
 Tormentis picco flammati pulveris æstu  
 Haudquaquam potuit, vel ad unum sistere gressum,  
 Ipsa per ignivomi saxosa tonitrua ferri,  
 Fulminaque horribili fumantia strage ruentem.  
 An veniam supplex victori poscere ab hoste  
 Audeat, & Natæ thalamos offerre tenenti  
 Arma duci, strictoque inimica per omnia ferro,  
 Irata missi dextra Jovis instar cuncti  
 Fulminis, aut picæ vastantis cuncta procellæ?  
 Hæc tamen, hæc dubiæ tandem sententia menti  
 Visa prior, quæ sola patet via si qua salutis.

Ergo

Ergo ubi prima dies cælo se immisit aperto ,  
Tithonique senis linquens Aurora cubile  
Ostendit roseum terris caput , astraque toto  
Cesserunt cælo radios fugientia Phœbi  
Instantis , rutilaque accensi lampade crines ;  
Qui mandata ferant , pacem veniamque precentur ,  
Ire jubet , ramosque manu prætere olivæ.  
Centum oratores prima de gente comatos ,  
Munera portantes , argenti pondus & auri ,  
Et claves centum populorum , olim aucta rapina  
De fociis spolia , & Clodovæis addita regnis.  
Unum etiam donis , regi quæ plurima mittit  
Hispano , unum etiam , quo non præstantius ullum  
Munere calicolum potuit contingere cuiquam ,  
Adjicit , egregia natam formaque , pudoreque ,  
Instructamque dea dignis virtutibus , orbi  
Quæ ferat æternam pacem , requiemque laborum.  
Hanc sponsam genero egregio , dignisque hymenæis  
Imperat offerri , pacemque hoc fœdere jungi .  
Dumque ea legati peragunt , Venus alma parentis  
Exequitur mandata Jovis , cælumque relinquens ,  
Horrida magnanimi , populos qui frenat Iberos ,  
Castra subit regis cælestem exuta figuram ,  
Albanique ducis corpus mentita , gradusque ,  
Et vocem , & vultus , Martique simillima membra ,  
Ingreditur magni tentoria nota Philippi .  
Ille ducum sacra circumstante corona  
Consilium summis belli de rebus habebat ,  
Qua fusos sit partē sequi præsentius hostes ,  
Quæ debellandis potior sententia , quo sint  
( Quandoquidem mutanda ) loco figenda salubri  
Castra , dapes & aquas habeant , & lecta per agros  
Ut frumenta ; quibus melius custodia vallis ,  
Excubiæque virum servandæ ; primus euntes  
Quis cuneata acie depugnaturus in hostes ;  
Quis premat a tergo fugientes ; sistat in agmen

Quæ

Quæ quadratum acies ; paribus quis frontibus ordo  
 Pugnet, & æqualis confurgat rectus in armis.  
 Expediatne globos equitum præmittere, rumpant  
 Qui fugientis iter, & scissis flumina claudant  
 Pontibus, aut victum pugnando a fronte morentur.  
 Num via clivosos ducendis optima turmis  
 Per montes, an plana magis, seu pervia campis ;  
 Amplane, & extensis melior sit cornibus, anne  
 Strictior, atque armis demum ingredienda sub arctis ;  
 Aptior insidiis quæ vallis, densius umbra  
 Quod nemus, hostiles lateant ubi forte catervæ  
 Denfos post frutices, dumetaque fraudibus apta.  
 Quot turmæ a tergo hastatæ, quot deinde sequantur  
 Præsignata cito docti loca tangere plumbo,  
 Spargere, & ingenti tonitru ferrata manipuli  
 Fulmina, per totos cumulantia funera campos ;  
 Subsidio fociis qui sint, qui nobile portent  
 Aut capri, aut cæsi regis decus. His super, atque  
 Id genus oblati aliis, dicente senatu,  
 Et consulta foris populo expectante, sub armis  
 Conspicuo variis ; Venus est hæc verba locuta,  
 Albani retinens dextra ducis aurea sceptræ.  
 Hesperia pater alme, tuo mihi munere soli  
 Inter tot proceres en maxima contigit hujus  
 Gloria, præfecto castris armisque tuorum,  
 Horrifici belli quod gessimus ; alta potestas  
 Cui soli post te populos concessa regendi  
 Indomitos Martis sub legibus, atque tenendi  
 Intra militiæ præcepta severa furentes,  
 Quæ me cumque tuus docuit pater : hujus in armis  
 Namque eductus ego didici, quibus ille per hostes  
 Impetibus ruerit, seu latis prælia campis  
 Milcuerit, five arcta loco commiserit arma,  
 Seu manus in dextrum cornu mutanda sinistra,  
 Seu globus in lævam dexter, seu colle supino  
 Ingenti clamore, manum qui vinceret ipsam,

Plu-

Plurima signa ferens foret immittendus in hostes  
Exiguus numero miles. Tum fulmine turres  
Quo ferus, atque quibus magnas contriverit urbes  
Tormentis vidi, latuit cum mœnibus hostis  
Inclusus; quibus & male fidi noxia muri  
Excubiis, pluteisque, & ductis vimine fossis  
Caverit, optatas donec disjecerit arces.  
Qua tor bella, tulit cum fors, exhausta arte,  
Consilio vel quo furiosas Marte cohortes  
Distulerit, famamque sequens per bella tumultus,  
Obstiterit turmis hostilibus; ut novus alter  
Scipio, quem Libycos lento pressisse furor  
Marte ferunt. Hoc me bellum didicisse magistro  
Glorior, hoc mundi digno meruisse tyranno.  
Ergo his præceptis imbutus & artibus hisce,  
Hoc etiam fretus sceptro quod munere gesto  
Ipse tuo, dicam quæ me experientia rerum  
Tantarum docuit. Prostratum haud credite, patres,  
Quem propria excipiunt intra sua viscera regem  
Regna suum, fractum quamvis fusumque putetis.  
Namque ut præteream, quod adhuc exercitus hosti  
Integer est, paucis quos funere merisimo atro  
Sublatis tantum, paucisque in vincla coactis;  
At non exutas armato milite turres  
Credite, desertasque suis tot civibus urbes  
Usque adeo, ut fractas nequeant sarcire phalanges,  
Et tutum interea sumptis defendere in armis  
Exceptum muris regem. Muralibus annæ  
Mœnia tormentis, & tetri sulphuris arces  
Fulmine censetis vacuas, tonitruque minaci?  
An tota fusos exacta nocte per agros  
Palari, recipique suis neque ab urbibus hostes?  
Fingite sed cunctas externo Marte perisse.  
Gallorum oppressas sub acerba morte cohortes;  
Ut certe, obstiterit nisi nox inimica, perissent.  
Ergo præcipientes inimici in viscera regni

Ibi-

Ibitis? & varias simul obsidione premeris  
 Urbes, divisim minuentes robora castris,  
 Linquntisque feros a tergo fortiter hostes?  
 Frumento qui vos, vinoque, ciboque juvantes  
 Pro pietate sua foveant? Est scilicet omne  
 Tutum iter, & scissis nusquam irremeabile sylvis,  
 Nusquam fluminibus prærupto ponte reclusum,  
 Nullis insidiis, nulloque tricuspide ferro  
 Difficile, & nullis infecta fluenta venenis.  
 Credite, nam talis semper mihi cognitus hostis,  
 Ex quo pro mundi imperio sudamus in armis.  
 At referunt, nostros hostes nullo ordine, nullis  
 Palantes ducibus signisve, extinguere ad unum  
 Vel parva nos posse manu: possumus & illis  
 Parcere in hoc potius, diro quam more ferarum  
 Marte saginari, multoque cruore feramur.  
 Præcipue tantæ ne desit nuncius hosti  
 Cladis, & a Gallis discant sua funera Galli.  
 Vincere sit nobis satis; incrudescere diris  
 Tigribus, Hyrcana vel rupe leonibus esto.  
 Adde quod esse decet fortuna quemque secunda  
 Contentum, ne sæpe gravi irritata recedat  
 Cum noxa, & stulti damno victoris acerbo.  
 Nam quanto (o superi!) fuso magis hoste beatus,  
 Munde, fores; victos si non instantius hostes  
 Persequerere? Tuis victor fruerere Gelonis  
 Ingenti cum laude; tamen dum longius acri  
 Inlequeris fusos odio, nullumque relinquis  
 Perfugii vitæve locum fugientibus, atro  
 Vulnere mactatus cadis ipse, & parta superbo  
 Morte trophæa Goro linqvis, temereque jocantis  
 Fortunæ ludos, sortemque expertus utramque  
 Una victor ovans hora, victusque peristi.  
 At satius quanto, gemino qui ponte parandam  
 Hostibus esse fugam duxit, docuitque paventem  
 Regnatorem Asiæ, quanto in discrimine vitæ

Cœpisset victus versari, ponte reciso,  
Si via aperta, foret mox interclusa, salutis,  
Cessaretque fugam properare. Argentæus hosti,  
Dive Philippe, tuo fugienti cedat & unus,  
Si minus ampla fugæ via sit, pons cedat & alter.  
Tu palma fruiere, & partis ex hoste trophæis  
Securus, tempusque dato fugientibus, atque  
Sponte locum, faciat ne desperatio fortes.  
Crescit in angusto quoniam temeraria virtus,  
Inclususque viam vel vi parat. Anne ego prudens,  
Strenuus ut pugnet faciam meus hostis, & in me  
Insurgat melior? Non id, monstrante Camillo,  
Annibale aut patiar Libyæ ductore magistro.  
Ille etenim fovit fugientes navibus; ast hic  
Concesso spatio vertendi terga, maniplis  
Deductis, pressos Germanos (nescia prorsus  
Antea corda fugæ) Thrasymenti fudit ad undas.  
Ergo abeant, palmamque tibi, pater alme, relinquunt,  
Egregiumque decus nullis delebile sæclis.  
Atque utinam obstupescita tuis in prælia turmis  
Gallia, & abrupti vesano Martis amore  
Fœderis in pœnas proclivi vindice dextra,  
Tum studio miseris parcendi, at strage superbos  
Ingenti meritos abolendi; sanior armis  
Abstineat, noscatque tuos sibi nota triumphos,  
Et petat, atque inecat potius nova fœdera, servet  
Quæ melius: dum sese aliquo constringat Iberis  
Pignore honorifico, nostri quod habere nepotes  
Latentur, meritoque hostes venerentur honore,  
Sitque novæ monumentum ingens memorabile pacis.  
Namque ego in hostiles acies prorumpere primus  
Ut soleo, quum bella vocant, & in omnia Martis  
Irruere ambigui funesta pericula; coram  
Conveniat conferre manum, bellumque ciere,  
Seu densas aperire jubes horrentibus umbris  
Sylvas infidiis structis, seu valle profunda

Sta-

Stagna refusa vadis, & nescia flumina adiri,  
 Saxosam vasto volventia murmure molem,  
 Tentare; illatus montani prima fluenti  
 Vestigia exultans tento, volucrique natatu  
 Præverto liquidos fluvios, celebresque superbi  
 In laudes Martis propero: sic commoda pacis  
 Haudquaquam erubeo coram arma gerentibus, ut fert  
 Hora, tibi totis, o Rex, exposcere votis,  
 Et patriæ exoptare meæ. Quia funera quanto  
 Sunt optanda minus vita, minus ægra valenti  
 Temperies hominum membris animisque salute;  
 Quanto divitiis felicibus æris egestas  
 Optatur minus, & jactatis æquore nautis  
 Tempestas, placidoque salo, portuque salubri;  
 Tanto optanda magis pax est discrimine belli,  
 Haud potior tantum bello, sed ab hoste triumphis  
 Sanguinea innumeris dextra per vulnera partis.  
 Optima pax rerum, superi quas nosse sagaci  
 Concessere homini; pax aurea sæcula terris  
 Quæ tenuit, dum culta fuit, virtutis alumna,  
 Agrorum frugumque potens, æquare beatos  
 Mulcendo cives, & conservare salutem,  
 Regnaque, & innocua populos ditione tenere  
 Sola valens, & sola armis ferroque cruento  
 Digna peti: nam pace frui possimus ut alma,  
 Armamus ferro dexteras, & jure ciemus  
 Vindicibus Martem cristis, hastaque potentem.  
 Otia si ferro petimus, si tendimus ergo  
 Uulnera per, dirasque necesse, bellique pericla  
 Huc, omnes tandem tranquilla ut pace fruamur,  
 Lætitia, & festis passim sermonibus, inter  
 Conjugia, agnatosque domi, lepidosque sodales,  
 Natarumque choros pulsa formidine lethi;  
 Quis vetat hoc tibi me, regum fortissime, tandem  
 Optare, extremum peteres quod ab hoste subacti?  
 Nec melius posses quicquam, licet omnia posses.

Quare



Quare ego deposito peterent ut fœdera ferro  
Optarem Galli rursus, magnoque ferirent  
Pignore amicitia. Nam quo, pro Juppiter! orbem  
Ornaret facilis cœlesti munere nostrum,  
Fœderis in pignus; virgo si regia mitti  
Cederet, atque tuos thalamos nova nupta bearet?  
Qua Venus alma minor forma est, virtute Minerva,  
Et Jove digna minus, quamvis Saturnia Juno.  
Nunc standum, & quid agant hostes a clade manendum  
Censeo: consilium dabit hora atque hostis amicum.  
Hæc postquam est effata ducis sub imagine falsa  
Diva Paphi, genibus veteri de more reflexis  
Oscula regali libavit mollia dextræ;  
Et Jovis Idæi memor, & Junonis odoræ,  
Contactu inspirans occultum sensibus ignem  
Implicuit tacitos æstus, & pectora flammis  
Mollia commovit solitis. Tremuere veneno  
Tabifico gelida ora viri, subitusque colorem  
Purpureum infecit pallor, rursusque rubore  
Incaluit subito vultus: suspiria venis  
Ima trahit, nec adhuc tractis quid postulet illis  
Novit, & occultos alit imis sensibus æstus.  
Jam vidui tædet lecti, jam gaudia fingit  
Ipse nova, & se se numerola prole parentem  
Concipit; invidet Niobe cui Tantalus ante  
Quam Latonigenæ bis septem cœdibus orbam  
Compuerint altis mortalem cedere Divis.  
Nunc pavet armati tollant sua gaudia Galli,  
Et pacem tædasque negent: rabida æstuat atrum.  
Bile jecur, totaque invita gente Pipini,  
Rapturum in sævis Reginam dejerat armis,  
Nec magna sine clade patris: furit omnia virus  
Ossa per & venas, fibrisque tenacibus hæret.  
Uritur, & totis jam regnat flamma medulis,  
Torus & in dominæ vultus, quos finxit, aberrat,  
Conceptis sibi mente pares: exæstuat uno

N

Hoc

Hoc desiderio, domina cum pace fruendi,  
 Vel certe tota gentis cum cæde Pipini.  
 Qui tacita dum mente furit, spectante suorum  
 Concilio, & belli de rebus iussa manente;  
 Ecce trahebantur magno clamore sine armis,  
 Hostibus armatis medii per castra comantes  
 Legati, pacis ramos & dona gerentes,  
 Et recta ad magni tendebant ampla Philippi  
 Fulgenti perfusa ostro tentoria, & auro.  
 Ergo in conspectum postquam venere sedentis  
 Sublimi folio regis, coramque loquendi  
 Copia facta, gravi Lorenus pectore fatur:  
 Maxime, nate deis, deus ipse future, Philippe,  
 Fama ingens, major pietate, ingentior armis;  
 Galli te miseri, bellorum incommoda cuncta  
 Permenſi, oramus veniam, pacemque precamur.  
 Responsis moniti divum, victique fatemur  
 Commisſiſſe nefas, scelerataque bella petiſſe,  
 Rupimus augurio cum fœdera pacis iniquo.  
 Nunc tua nos, superum similis, clementia rursus  
 Optatam sperare & coram poſcere pacem  
 Movit, & ingentes animos ingentibus ausis  
 Præbuit. Ecce ultro jugulos, & inermia colla  
 Offerimus ferro. Juvat incrudescere? fontes  
 Tolle animas miseris, & iniqua in tartara mitte.  
 Sin, quod promittit pietas tua, maxime regum,  
 Gallorum fessas propior res aspicias; en te  
 Muneribus donat dignis Henricus amicum  
 Clavibus his centum, centum quibus oppida nostra  
 Capta manu quondam, & regnis super addita avitis,  
 Clauduntur, spolia Italiae, dum fara sinebant.  
 Nunc pacis pretium, & sociorum grande tuorum  
 Pignus amicitiae, argentique aurique talentis:  
 Insuper his addit formaque animoque beatam  
 Egregio genero natam, dignisque hymenæis.  
 Parce pio generi, subjectis parcere major

Glo-

Gloria, & orantis veniam cape munera Regis.  
Hæc fatus, pariterque omnes eadem ore fremebant  
Gallorum proceres, & munera læta ferebant.  
Hesperius tunc vir folio sic inquit ab alto:  
Quæ vos, o Galli, fata implicuere nefando  
Bello? vel quæ me fortuna laceßere suavit  
Improba, qui toties rupistis fœdera pacis,  
Et mecum certare armis voluistis iniquis?  
Nunc veniam oratis, nunc pacem poscitis ultro.  
Ipse equidem atque lubens concedo, bella nec amens  
Sponte gero, aut varii tento discrimina Martis.  
Nec veni, nisi bella locum factura putassem  
Æternæ paci, & mundo paritura quietem.  
Nec mihi cum Gallis bellum, Rex sancta recidit  
Fœdera: quæ quoniam cupit instaurare, novisque  
Accumulat donis, sociisque crepta rapina  
Oppida restituenda datis mihi clavibus offert;  
Accipio, & lætor causas rescindere belli.  
Connubium exopto, pacemque hoc fœdere sumo.  
Dixerat, ac inter proceres progressus ad aras  
Flagrantes, ferri jubet intonsamque bidentem,  
Setigeræque suis fœtum. Stat velte Sacerdos  
In pura, miscetque gravis crateribus auri  
Dulce merum; pecus inde pavens flagrantibus aris  
Admover, & cultro vaginæ e parte resecto  
Majoris gladii, media de fronte revellit  
Villos ambarum pecudum, procerumque catervæ  
Distribuit, gelidæque viros alpergine rorat,  
Dans salsas fruges; tum pocula libat Iacchi.  
Atque oculis cælum, & gradientis lumina solis  
Suspiciens: Animis, inquit, votisque favete,  
O proceres, facilesque dei rata vota secudent.  
Hunc ego nunc solem, terras qui lumine lustrat,  
Cornigeramque voco Phœbem, triplexque Dianæ  
Numen, & hanc proprio subnixam pondere terram,  
Vitalesque auras, & cærule numina ponti,

Bel-

Bellaque torquentem vario sub numine Martem .  
 Audiatis ipsę pater divum, qui fœdera sancit  
 Fulmine; tango aras, ignesque & sidera testor,  
 Fontesque, & fluvios, infernaque regna silentium:  
 Nulla dies pacem hanc rumpet, nec fœdera Gallis  
 Hispanisve, leves hominum quocumque cadant res.  
 Non si sideribus concurrant sidera, pontum  
 Astra petant, Phœbus nocti, vel Luna dici  
 Præsit, & in terra piscis natet, æquore taurus  
 Incedat, nulloque undai vortice merfus,  
 Nereidum cornu fiat metus & pavor unco.  
 Improbus hæc contra steterit quicumque nefando  
 Aut factō, aut dictō, superum cadat hostia, dextra  
 Ceu pecus hoc nostra. Jugulis tum misit apertis  
 Ancipitem cultrum pecudum, tum rite sacratas  
 Eripit ad flammās crepitantia viscera vivis,  
 Accumulatque merum, & pleno se proluit auro  
 Ante aras; sequitur consensus, clamor utrimque,  
 Alternæque jubent se se salvere phalanges  
 Æterna pace, & fragrantia vina propinant.  
 Tum pater Hesperia, divumque Philippus & idem  
 Progenies, jubet absolvi quæ corpora capta  
 Gallorum bello, soceroque soluta remittit.  
 Liberat Hispano Samaram tum milite, & ingens  
 Hoc Isabella tibi primum dat pignus amoris,  
 Egregio divi Quintini insigne sepulchro;  
 Emissoque facit Gallos. Illi oscula libant  
 Regali dextræ, & læta cum pace recedunt.  
 Tum vero aptari classem, sociosque parari  
 Imperat; imperio parent, & jussa faciunt  
 Ocyus, atque omnes tendunt ad littora cursu,  
 Conscenduntque rates hilares, atque æquora verrunt,  
 Hesperiosque tenent portus, amplamque Toletum,  
 Expectantque novam nuptam, ardescuntque morando.  
 Illam sed viduo genitrix lugubris amictu,

(Henricum fata abstulerant per certa suorum

Vul-

Vulnera, & hastarum certamina, ludicra quamvis  
 Attamen armorum conflictu noxia veris  
 Sæpe magis; numero divorum & sedibus ille est  
 Additus) ingentis tenuit solatia luctus,  
 Donec completo promissi tempore lecti,  
 Lugebat proficiscentem, demumque petentem  
 Optatos pridem thalamos, pactosque hymenæos,  
 Sæpe genis, & sæpe oculis tenera oscula natæ  
 Cedentis figens: Propera, cape præmia formæ,  
 Inquit, nata tuæ, fruire & quibus ignibus arsti.  
 Perge age, perfruire optatis regina hymenæis,  
 Et quem debueras generum mihi, jam mihi redde,  
 Urgentem promissâ sibi, sacrumque, morasque  
 Damnantem indignas, flammaque absolve voraci.  
 Quos debes, jam redde mihi nova nupta nepotes,  
 Dignos Carolo avo, dignosque parente Philippo.  
 I, fruire Hesperiaæ sceptris; i, filia, mundi  
 Imperio felix, sed felicissima tali  
 Nupta viro; i tandem, nostrique haud immemor esto.  
 Quam luctus lacrymæque manent, quas ipsa levabas,  
 Haud aliter quam quæ captæ post pergama Trojæ,  
 Hectoris & Priami cladem, miserandaque Teucrum  
 Funera captivæ genitrici regia virgo  
 Imminuit mœrens, donec divulsa parenti  
 Jussa est crudeles placare Polyxena manes.  
 Tu vidui mihi sola tori sic nata levamen,  
 Sic solamen eras, isto sub pectore patrem  
 Dum geris, atque istis oculis, & mellea matrem  
 Ipsa dolens mœstam verbis solaris amicis.  
 Perge tamen, matremque tua solare salute;  
 Te quoniam, incolumique tuo, mea vita, Philippo,  
 Ipsa licet caro jaceam fraudata marito,  
 Attamen haudquaquam infelix, aut orba videbor.  
 Talibus insequitur lacrymans: planxere Napææ  
 Sequanica, Nymphæque omnes Rhodanitides, & quas  
 Phrudis alit, quasque altus Arar, clarusque Gerumna,  
 Atque

Atque Illeis, Varusque pater, Mosæque fluentia,  
 Argentiſque liquor, & pingui Siccarus amne,  
 Et vitreis quæcunque undas pleniffima ab urnis  
 Spumantes late fundunt per Gallica rura  
 Flumina, ſuffuſæ lacrymis, & pectora palmis  
 Percuſſæ, dominam patria ſpectare dolebant  
 Cedentem: niveas exerta Cyrina papillas,  
 Blanda Hyale, vitreisque comis prolixior Atte,  
 Criſpa magis Dorace, ſed forma pulchrior Ægle:  
 Ægle pulchra genas, teretesque argentea mammas,  
 Clyoque, & niveis fulgens Arethufa lacertis,  
 Cæruleoque ſinu Cloto, & pulcherrima Tyro,  
 Et ſuperans cantu Phœbum formoſa Legæa.  
 Pulchra omnes forma Nymphæ, tum Celtides omnes,  
 Omnes ambroſioque ſinu, paſſisque capillis.  
 Illa ſed, Eois ceu qua pleniffima ab undis  
 Fraterna de luce micans nova Cynthia ſurgit,  
 Ibat, & oppoſitæ nullius lucis egebat,  
 Ipſa ſuo fulgore nitens, vincentibus ipſos  
 Stellarum radios, nec non Latoidos ignes  
 Luminibus, purumque comis ſuperantibus aurum,  
 Marmoreos circumque humeros, & eburnea fuſis  
 Colla: ſuis prudens quas ſi præponat Apollo,  
 Haud unquam obſcura metuat caligine cælum  
 Mergier, alternas noctemve adipiſcier horas.  
 Et quæ colla ſuis ſi præferat aurea Phœbe;  
 Ordine mutato, noctis moderamina fratri  
 Linquat, & oppoſitæ præſit regina dici.  
 Talis ab Octheis virgo Junonia flammis,  
 Æternæ referens pacis cæleſtia dona,  
 Venerat Herculeos emollitura furores.  
 Talis & ipſa deum genitrix regina, Joviſque  
 Et ſoror & conjux, poſt patrem in tartara miſſum,  
 Victori ſuperum quum ſe ſe pulchra tyranno  
 Obtulit, in partem ſceptri ventura thorique.  
 Qudrijugis invecſta rotis ſic diva paratu

Magnifico graditur, Nymphis stipata decoris;  
Sparta quibus, comites quamquam præbere Dianæ  
Dicitur; ipsa tamen concedat Sparta, dearum  
Nec Spartanarum vinci Regina recuset.  
Is decor, & pulchræ cunctis ea gratia formæ,  
Is cultus fuit, atque operum doctrina Minervæ.  
Hauferat aëria c specula nimboſa Pyrene  
Cornipedum longe fremitum, strepitumque rotarum  
Urgentum vasto ſolidam ſub pondere terram,  
Edentumque procul reſonum rigido ære fragorem.  
Et percuſſa novo ſonitu, turbæque tumultu  
Protulerat grave rupe caput, glacieque peruſta  
Ora, pruiñoſum colluſtrans undique montem.  
Attamen ut venientem illam de vertice ſummo  
Agnovit longe, atque oculis interrita vidit  
Sidereum decus; obducta diſjecit opacas  
Fronte procul nebulas, locaque undique luce replevit;  
Brumaleſque nives dorſo, pluuiamque capillis  
Excurtiens glacie hyberna, & rorantibus imbre;  
Ad ſocias ſe ſe ſylva interiore recepta  
Contulit, intentæque operi de more Minervæ,  
Sedula Bebrycias vocat hæc ad gaudia Nymphas.  
Emicat, eja agedum, mundi decus, emicat alnum  
Sidus, & o noſtri, Dryades, nova gloria ſeculi,  
Progenies ſuperum neglecto accurrite monte.  
Eja agedum, facilemque viam præbete ſecanti.  
Illa genus veſtrum augebit. Simul incita apertum  
Emicat in montem: Dryades ſubiire ſequentes,  
Floricomos niveis carpentem paſſibus agros.  
Quas inter lauro crines redimita virenti,  
Frondoſum nemore in medio caput extulit ipſa  
Pyrene, & placida venientem voce ſalutat.  
Salve virgo, decus mundi, ſalve inclyta divum  
Progenies, divos olim genitura nepotes.  
Tantane cura tui Superos coquit, unica ut omni

Fe-

Femineo cœtu venias socianda Philippo  
 Connubio stabili, thalamisque dicanda beatis,  
 Invideat quibus alma soror conjuxque Tonantis?  
 Felix, quæ regi. tanto, tot sceptra tenenti,  
 In partem cedes thalami, imperiique superbi.  
 Fortunata, quibus mundi regnabis in oris,  
 Quotque tuis hominum parebunt millia jussis:  
 Audaces animas, & nescia corda timoris  
 Alma ubi terra parit, nec corpora fortibus ausis  
 Aptæ minus, prompto firmissima pectore, & amplis  
 (Quamquam aliæ superent procero vertice gentes)  
 Lata humeris, claræque decencia munere formæ,  
 Et dubium ingeniis magis, an pollentia dextris;  
 Arma inimica quibus totum domuisse per orbem  
 Non contenta, premunt alium extra littora mundum  
 Oceani solisque vias, ubi nulla Bootæ  
 Sidera, & Arctoi nullum micat ætheris astrum:  
 Altera sed polus adversum devexus in austrum  
 Astra Helices, alios Arcturi detegit ignes.  
 His, Regina, viris dominaberis; hi tua læti,  
 Qui mundum domuere, ferent regalia jussa,  
 Accipientque ultro leges, mandata capessent;  
 Idque his in mundi regionibus, alma ubi tellus  
 Dives equis, armisque, virisque, omnique metallo,  
 Hesperium sublime tulit super æthera nomen.  
 Ergo iterum, decus o mundi, salve unica terræ  
 Gloria, belligeri quæ ferrea limina Jani,  
 Et tetro horrifonum compescis carcere Martem.  
 Pax alto demissa polo, caloque favente  
 Orta salus terris. O qui nunc læta paratis,  
 Hispani Heroes, spectacula; pergite cannis  
 Certare, & jaculis tauros agitare feroces,  
 Ocia dum, post tot famæ præconia, post tot  
 Laurigeris partos dextris ex hoste triumphos  
 Ducitis, & genio tandem post arma vacatis,  
 Et merita optatam Reginam in sede locatis.

Vos



Vos olim Libycæ fulcator Bragada arenæ  
 Excipiet placido victores amne, subactō  
 Effræni Numida, cæloque minacibus urbis  
 Mœnibus, aeris dicta de nomine Rupis.  
 Vos longa ut pressam Melitem obsidione leveris,  
 ( Insignem Melitem catulis atque arte Minervæ )  
 Cæruleum panderis iter, lateque sonanti  
 Ære reluctantes fulcabitis æquoris undas;  
 Inflatamque sinu classem ducetis in hostem,  
 Armorum cædisque avidi; vesanaque flammæ  
 Sulphureas jacent tormenta, feroque tumultu  
 Plumbea grando, Jovis velut ignea fulmina dextra  
 Missa manu horribili tonitru, concussa volabit.  
 Non tamen hanc Arabum turbæ, non ipse cruentus  
 Ductor Agenoræ classis, regnator Idumes,  
 Perferet; in trepidos sed vertens terga natatus,  
 Signa Erebo veritus metuenda, Erebiq; tyranno,  
 Ecce fugam arripit; disjecta classe per æquor  
 Ecce ruet, nec in ora caput convertere vestra  
 Audebit, celeres nec respectare carinas.  
 Sed trepidans ac mentis inops, tantumque fugaci  
 Confidens bello, & pulsantibus æquora remis,  
 Vix tandem effugiet, locaque obsidione levabit;  
 Gramen Agarena Meliteum classe fugata  
 Carpendum in celebres, palmæ monimenta, coronas  
 Militibus vestris, & digna trophæa relinquens.  
 Vobis e Solyma referentibus urbe triumphos  
 Ipse pater Jordanus aquis occurrere sacris  
 Lætus, Idumæas dabit in præconia palmas.  
 Ipsa vetus magni Pompeji exuta trophæum,  
 Palmiferis devincta comas & tempora fertis,  
 Latabor spoliis Galilææ gentis opimis.  
 Tu, Regina, viam perage, o fata sanguine regum,  
 Et reges paritura. Tibi dabit ense Philippus,  
 Progenies numerosa olim quibus imperet, orbis.  
 Sylvarum sic nymp̃ha potens effata Pyrene,

O

Sub-

Submisit caput umbriferum, genubusque reflexis  
 Admisit Reginam humeris. Per gramina nymphæ  
 Carmina concinna modulantes mollia voce,  
 Ambrosios mira arte pedes & membra regebant,  
 Virgineo tremulos variantes corpora motus.  
 Talia sed Dryades celebrant dum gaudia cantu,  
 Et pedibus plaudunt choreas ad carmina moris;  
 Progreditur Regina viam, scopulosaque cursu  
 Verticis aerii superat juga, collis ab arce  
 Divisos Celtis quæ prospectantia Iberos,  
 Vicinis aeterna tenent divortia regnis.  
 Nec mora, quos fama est longa obsidione coactos,  
 Et belli passos extrema pericula, fortes  
 Produxisse animas humani sanguinis escis  
 Vasconas, & placido quæ flumine mœnia lambit  
 Argæ pater; penetrat, Pompeji structa labore.  
 Inde Numantina arces, redivivaque carpit  
 In cineres resoluta olim Palatia flammis,  
 Quas cives struxere sibi, manibusque paratas  
 Et proprio accensas flatu subiere, tuentes  
 Ut decus antiquum, generosaque nomina gentis;  
 Hostibus eriperent præclara morte triumphos:  
 Ignibus injectos sua nempe, haud extera virtus  
 Perculit. Hinc Caracæ portis miranda propinquat,  
 Et tandem attonitæ expectata illabitur urbi.  
 Tunc zona præcincta Venus, quam fibula necit  
 Aurea, præludit graciles mitrata choreas,  
 Assuetosque choris comites regit. Illicet arte  
 Aut curvas pulsant citharas, aut voce canentes,  
 Ad numeros jucunda pedum vestigia librant,  
 Et multis, Hymenæe, vocant te, dexter usq; adsis,  
 Cantibus & vario strepitu fervente chorea.  
 Ille choris mira respondens dulciter arte,  
 Vibrabatque faces, marcescentesque coronas  
 Quassabat, castoque parans nova vincla cubili,  
 Carolidem multa repetebat voce maritum.

Carolidem ingeminant arcu pharetraque maritum  
Armati Veneris pueri, saltantque, canuntque,  
Et simul indigenis intendunt spicula nymphis,  
Formosumque iterant Hymenæum, & vulnera torquent.  
Ille quatit tædas, & vincla jugalia necens  
Applausu sponsam vocat, applausuque maritum,  
Membraque non uno librat sub carmina motu.  
Responfat chorus applausu, sponsamque maritumque.  
Ingeminat, varioque regit vestigia passu,  
Inque vices terram pedibus, saltante chorea,  
Et cælum tremulis pulsantes cantibus, ambos  
Laudibus extollunt miris super æthera Reges.  
O lapsi cælo terris, o lumina mundi,  
Aspirante polo, nimiumque faventibus astris  
Hesperix concessa! feri post funera Martis,  
Exactas post tor cædes, dirosque labores,  
Vindicibus vobis ut terræ pace fruantur  
Æterna, & populos pacata Astræa revisat.  
Illustres animæ, sæcli decora inclyta nostri,  
O macti virtute ambo! vos effera Martis  
Pectora, vos diræ Bellonæ horrentia cristis  
Arma colubriferis, rabidi vos ora furoris  
Pacastis placidi, pacemque in sæcla dedistis.  
O Virgo, superum soboles! o gloria terræ!  
O nulli cessura deum! Felicia, quæ te  
Gestavere sinu jam viscera; lacte beata,  
Admovit primis quæ nutrix ubera labris!  
Ipsa quidem ante alias felix Isabella, potensque  
Connubio tali, regique dicanda Philippo.  
Ipsa etiam ante omnes o torque quaterque beatus,  
Optata qui te potietur conjuge, matrem  
Qui faciet, superisque ipsis æquabit honore.  
O sine fine deis tellus gratissima, quæ te  
Reginam agnoscet, nulli pietate secundam,  
Religione, fide, forma, probitate, pudore!  
O digno jungenda viro, parituraque dignam

Cæ-

Cœlicolis prolem : tibi quid fortuna dedisse  
 Exceptis potuit cœlis hoc conjuge majus ?  
 Quid superi potuere alii ? quid Juppiter ipse ,  
 Juppiter æterna qui sidera lege gubernat ,  
 Telluremque premit ? Felix sed Iberia , felix ,  
 Ter felix rectore tuo , quem sidera Marti  
 Præponunt , natoque Jovis ( cui vastus Avernus  
 Victori cessit , cui triplex Cerberus , & cui  
 Vorticibus Phlegethon nigris , atraque favilla )  
 Amphitryoniadi magno ; quo Rege Gigantes  
 Successisse Jovi nolint , cui regna relinquat  
 Saturnus , quamquam abscederit sibi falce carenas ,  
 Queis senior pullus regno sine honore tenetur .  
 Tanta viri virtus , quoniam constantia tanta ,  
 Tanta est temperies , animique tenacis honesti  
 Et vigor , ingeniumque , & apertæ candida mentis  
 Simplicitas , antiqua fides , probitasque , pudorque ,  
 Sobrietas haud ficta , & nulli obnoxia fraudi  
 Credulitas : tum tantus honos , & gloria dextræ ,  
 Tot ducti ingentes Capitolia ad alra triumphi ,  
 Barbaricisque dei tot templa ornata trophæis ;  
 Nullus ut immensi , cælo aspirante sereno ,  
 Dignior undantes qui rexerit orbis habenas ,  
 Gravior aut superis fuerit , vel amantior æqui ;  
 Antiquum licet ipsa Numam ferat inclyta Roma ,  
 Victaque Pellæum jactet licet India regem .  
 Vos Arabum turmæ scitis , vos agmina Turcæ  
 Jussa triumphales præcedere victa quadrigas ,  
 Quantum erat , quum vos Libyci maris expulit ora ,  
 Atque Aphrodisiacas metuendus subdidit urbes .  
 Quantum ubi effrænes Numidas , Maurosque rebelles  
 Prostravit gladio , Arnugera Menynge subacta :  
 Aut generosam iram sacri quum pectoris ultro  
 Movistis , longa premere obsidione Madauram  
 Aggressi , diroque laceßere milite muros .  
 Nam quibus o lacrymis , qua vos pro talibus ausis  
Affecit

Affecit clade, & trepidos quo funere merfit?  
 Palmiferæ trepidavit atrox regnator Idumes,  
 Atque fugax Parthus, Persæ, Medique vagantes  
 Extimuerè procul, seque occuluerè sub antris.  
 Sed quota pars laudis Lybiam vicisse, feroces  
 Quem Galli metuere, ultriciaque arma moventem  
 Nec Samarobrinæ turres repulere, nec alta  
 Mœnia Geldrudis, nec Scheldis lata fluentia  
 Omnia vastantem ferro? quem Thuscus, & acer  
 Quem Ligur, & Venetus prudens, fortesque Latini,  
 Quique colunt Nymphæ servantia regna sepultæ  
 Numen, & Insuæ vertunt qui vomere campos,  
 Inuictum videre ducem? quem Saxones armis  
 Depicti, atque truces Germani, Hesusque, comaque  
 Flander ovans nitida, rigidisque Menapius armis  
 Extimuit, cessitque viro? quem regia virtus,  
 Qua patet undifono tellus circumdata ponto,  
 Unum frugifero docuit dominariæ orbi;  
 Officiisque armisque viros vincere sub uno  
 Fœdere, & armatum leges, mansuraque terris  
 Jura dare, atque omni populos dititione tenere,  
 Regnaque ad arbitrium regere, & componere nutu  
 Civiles hominum mores, cultusque deorum,  
 Sacrorumque ratos ritus super omnia nosse;  
 Atque eadem in cunctas mundi transmittere gentes.  
 Cui solers animi vis, prælagumque futuri  
 Pectus inest, dubios promptum prænoscerè casus,  
 Eventumque leves rerum, sortemque biforem;  
 Cor prudens, agilisque vigor, & copia mentis,  
 Consilii que potens sensus melioris, & acres  
 Pellere sedulitas curas, & flectere mentem?  
 Quo nusquam melior vel sacras condere leges,  
 Et miranda suis referare oracula regnis.  
 Vel forti pugnare manu, & prosternere turmas,  
 Seu validis immitem hastam torquere lacertis,  
 Seu vibrare juvat gladium, & consurgere in hostes;

Aut

Aut spumantis equi duris premat ora lupatis,  
 Contendatque feri fremitus, rapidoque rotatu  
 Urgeat in gyros; vel cum ruiturus in hostes  
 Deliliit, pedibusque ferox horrentia miscet  
 Funera, sanguineoque fremens ferit agmina ferro,  
 Et volvit volucres oculis ardentibus ignes.  
 Nunc illum thalami, nunc casti sacra cubilis  
 Clausura vocant, Geniusque pater male lucis amator,  
 Et post tot lauros, post tot præconia famæ  
 Parta viro, sacer ad tædas atque otia ducit.  
 Et tu pulchra, toro tanti dignanda mariti,  
 Isabella venis, thalamisque dicanda beatis  
 Connubio stabili, & pulchro socianda Hymenæo.  
 Læticia exultat tellus, exultat olympus,  
 Gratanturque tibi, atque animum testantur amicum  
 Omnia læta tuis elementa vagantia tædis.  
 Quare agedum comites & nos gratemur ovantes  
 Reginæ, meritosque deæ properemus honores.  
 Tu roseas myrto, Concordia, nocte catenas,  
 Quæis facilis teneatur amor: tu, Gratia, dulci  
 Nectare sparge domum late: vos multa, Lepores,  
 Nectite venturæ felicia gaudia nocti.  
 Nam jam pulcher Hymen, miti redimitus oliva,  
 Luxuriat splendens ostro, & regalia lustrat  
 Limina. Perge, puer, tædas attolle secundas,  
 Floricome heus formose, heus dulcis tædiser, heus, heus,  
 Vincite comas fertis, thalamos vincire pudicos  
 Cui fas, qui casto religas sub fœdere mentes;  
 Perge facies vibrare manu, tibi nulla pharetra  
 Ex humero, nullus pendet tibi lethifer arcus;  
 Pro Lycio sedenim splendet fax pinea cornu;  
 Pro levibus rutilat cuspis flammata sagittis.  
 Plumbea nulla moves, sed fulvo tincta metallo  
 Tela; nec immitis lethalia vulnera vibras,  
 Pectora sed pigro quæ frigida habere veterno  
 Nulla sinant. Perge ergo, puer; perge, optime; tædas  
 Tolle

Tolle manu : jam fulget equo nova gloria pubis  
Hesperiaë, multumque patrem gerit ore Philippus.  
Ure puer, puer ure virum : jam virginis ille  
Hæret in obtutu, visu defixus eodem.  
Porge faces, nunc porge faces, atque ure puellam.  
Hoc tibi concessum est soli; nam nostra pudoris  
Haud potuere decus tam rarum lædere tela.  
Quamquam sæpe in eam totas laxare pharetras  
Contigit, incaustum quoniam curvavimus arcus,  
Incaustum auratas excussimus usque sagittas,  
Talibus exultant hilares, & pollice docto  
Aut pulsant ebore incurvo discrimina septem  
Chordarum, totidem numeros facientia vocum;  
Mobilibusve pedum modulis ad carmina saltant  
Admixti indigenis volucres cum Cypride Amores,  
Exercentque choros, & læti spicula torquent  
Aurea, quæ juvenes passim, feriuntque puellas,  
Et tacitis cæcos immittunt cordibus ignes.  
Attamen ut, progressa domum, Regina subivit  
Splendida regali luxu palatia, fratres  
Mille pharetrati funalia ducere longo  
Ordine, venturasque rogis superare tenebras  
Expediunt. Tyrias ali prostertere vestes,  
Aut rapidis lucos flammis adolere Sabæos,  
Aut nitidos myrto pergunt contexere postes.  
Pars dapibus mensas onerant, pars pocula ponunt,  
Pars vigili noctem contendunt fallere ludo;  
Ast alii gravibus gemmis, auroque rigentem  
Ædificare torum. Surgunt adamante columnæ,  
Despectusque gemit sub pondere postis achates,  
Alternis radiat hyacinthi sponda smaragdis,  
Permutatque procul luces: de murice surgit  
Dives apex, velumque immisso interniter auro.  
At Reginaë humeris, membrisque micantibus aptat  
Ipsa Venus pallam, mundi qua diva figuram  
Texuit, & dominaë gestandam præbuit orbis.

Præ-

Præfulgentem auro pallam , gemmisque coruscis  
 Implicitam , aspersaque comas sub nectare largo  
 Idalia distinguit acu , cingitque corona :  
 Ipsa sinus auro substringit diva fluentes ,  
 Ipsaque virgineo suspendit flammea crini .  
 Tum Regem mundi imperio Cytherea beatum  
 Imperat acciri : præsto fuit ille , recenti  
 Qualis erat mundi imperio Saturnius , aut quum  
 Vere novo plenus toto micat æthere Phœbus .  
 Non humeris , neque honore minor matura juvenæ  
 Pubescit roseis tollens se gloria membris .  
 Tum dextram Cytherea viri , dextramque puellæ  
 Complexa , antiquam pariter deducit ad aram ,  
 Aram sublimem cæli terræque parenti ,  
 Virginis intactæ Nato , Dominoque deorum ,  
 Quin soli veroque Deo , Dominoque dicatam .  
 Quam postquam subiere animis concordibus ; & te ,  
 Æterni soboles patris , qui cuncta gubernas ,  
 More patrum rituque sacro sunt multa precati ,  
 Obducti vittis capita ; his mysteria dictis  
 Sublequitur Regina Paphi , & connubia sanxit :  
 Vivite concordēs , & munera discere nostra  
 Auspiciis properate bonis . Sit fœdere vester  
 Æterno conjunctus amor : desistite lectum  
 Jurgia , & effrænes rixæ infestare beatum .  
 Hæc alios vexent thalamos , ubi tigride pejor  
 Nupta , vel occulti male conscia criminis , acres  
 Dat gemitus simulans , ficta vel pellice notas  
 Ubertim fundit lacrymas ad cuncta paratas ,  
 Et promptas manare modis , quibus imperat illa :  
 Vel gravis uxorem conjux ubi litibus urget ,  
 Atque domum rabidis vacuum clamoribus implet ,  
 Impatiens subiisse toros fortasse minores ,  
 Aut tectis reperisse nefas . Vos fœdera lecti  
 Alterna firmate fide , commerciaque almi  
 Intemerata tori casto miscete pudore ;

Et



Et pro jure tori pietatis jura paternæ  
Linquite , conjugiumque perenni ducite amore ,  
Et niveos explete dies , noctesque serenas .  
Tu primum , Virgo , tantum officiosa maritum  
Obsequio studioque colas : tu conjugē tanta  
Perfruere , o patriæ decus immortale Philippe .  
Quod superest , Cæli est tanto dare digna cubili  
Pignora , mirerur quondam quæ cana vetustas ,  
Et superare suos stupeat virtute parentes ,  
Et toto imperiis late dominarier orbe .  
Dixit , & ipsa arcum læva , dextraque sagittam  
Eripuit , pariterque virum , pariterque puellam  
Certa petit , pariterque utrumque affixit arundo ,  
Securumque viris pariter spiravit amorem ,  
Et sonitum facere reductis cornua nervis .



TAURUS ET CANNARUM

LUDUS

IN NUPTIIS D. D.

PHILIPPI ET ISABELLÆ

HISPANIÆ REGUM.

**P**ublica terrifici canimus spectacula Tauri,  
Commissoſque feræ pugiles, ſimulacraque belli  
Ludicra, cetratas acies, levibuſque rigentes  
Cannarum jaculis, ſimulataque prælia veris,  
Nunquam carminibus vatum tentata priorum.  
Vos aperite viam, Nymphæ, quæ Bethis alumnae,  
Reginam coluiſtis, equos quæ prima feroces  
Oppoſuit truciſbus tauris, haſtaque trabali  
Adverſos confodit eques, & ſtravit arenæ;  
Erroreſque, viaſque, & cæca volumina curſus  
Quæ docuit, monituque brevis ſpumefcere fræni:  
Seu recta glomerare pedes, ſeu carpere gyros  
Imperet, anfractuſve, orbefve rotare citatos;  
Seu ſudare loco, properoſque ardeſcere eodem;  
Fervere & ſimiles currentibus, haud tamen uſquam  
Cedere, ſed ſemper ſpatiis hære in eiſdem:  
Primaque quæ phaleris capita alta & colla ſuperbis  
Ornavit, ſuperadjiciens quæ plurima liquit  
Digna pater, veſtroque ſolo genitore relicto,  
Et patria, & ſceptris, thalamoſque ſecuta mariti,  
Inclſta arundineæ luſit certamina pugnae.  
Tuque adſis, decus Heſperiae, quo ſceptra tenente,  
Nulla Jovis terras tenet invidioſa cupido.  
Nil magnum ſine te, noſtris & viribus impar

Ag-

Aggredimur ; tu sancte fave , tu suscipe vatem ,  
 Dive , per abruptas properantem sistere rupes  
 Audaces gressus , atque invia tendere contra  
 Monstra novis ausis . Tu si per inhospita euntem  
 Saxa regis , juvat ire viam , qua me rapit ardor ,  
 Qua furor , atque animi jubet imperiosa cupido .  
 Venerat alma dies , Veneri qua sacra parabar  
 Solvere , & auricomo solemnia festa Hymenæo ,  
 Opratis lætus thalamis & conjuge diva ,  
 Hesperius , Caroli soboles augusta , Philippus .  
 Et jam Mygdonio surrexerat alma cubili ,  
 Depuleratque polo cæcas Aurora tenebras ,  
 Rore comas excussa , genasque ornata rubore ,  
 Non procul ignita properantis lampade Phæbi :  
 Quum pater aurata circum Tagus æquora concha  
 Ingentis cavæ plenis canere aspera buccis  
 Prælia , terrificos tauros , quos herbida pascunt  
 Rura , pater Xarama caput quæ conditus alga  
 Abluit , & versa sæcundat prodigus urna ;  
 Commissasque acies cannis , simulacraque pugna  
 Horrida , & auriferis Nymphas excire sub undis  
 Fluctivagas , frontemque sacra redimitus oliva ,  
 Impexamque comam , & rorantem nectare barbam ,  
 Lustrare immensam Toleti mænia molem ;  
 Cetratosque tonare equites , taurosque feroces .  
 Hispanas vaga fama urbes , longinquaque late  
 Oppida multiplici rerum sermone repleat ,  
 Excieratque viros populis , matresque , nurusque ,  
 Et dulces juvenum curas , formosa puellas  
 Corpora , virgineis ignem inspirantia membris .  
 Appulerantque viis plenis , qui littora sulcant  
 Bethis oliviferi , vitreis qui velleæ dives  
 Aurea tingit aquis , Bromio carissimus amnis ,  
 Cecropiæque deæ ; quondam qui Thessala regna  
 Quadrupedes studio visendi , fortibus ausis  
 Ivit , & arrepta cum virgine semina equorum

Duxit

Duxit in Hesperiam ; geminas quique incolit aras  
 Temporibus sacras brevibus longisque colonus ,  
 Qui genus a Tyriis repetit ; quique ardua Calpes  
 Laudibus Herculeis tenet arva , ævoque superbus  
 Vivacis pronepos Argantoni Illipus ingens ,  
 Atque Eliber cocci dives , & mellis abundans  
 Mellarus , & Sexus , necnon Astigis , Obulco ,  
 Et solitus nitido argento præsepia anhelis  
 Turditanus equis cælata apponere , & Astur  
 Pressa pedum spumantis apri vestigia doctus  
 Pone sequi , & sylvis excitum assurgere in hostem ,  
 Et prosternere humi , & multa tellure jacentis  
 Fulmina Marmarici dentes imitantia barri  
 Spernere , & hydrarum referentes corpora feras .  
 Tum quibus arva rigat peramæno gurgite Iberus ,  
 Unde suum felix perhibetur Iberia nomen  
 Summis , & rigidis ædem posuisse colonis ;  
 Augustamque manus quæ Cæsaris incolit urbem ,  
 Pompejique procul quæ mænia ; quæque Lyæo  
 Non nisi Campano concedit Tarraco , quæque  
 Imminet undifrago pulcherrima Barcino ponto :  
 Inclytaque Aufoniis Grajisque Valentia chartis ,  
 Prima urbes longe ante alias , partuque beata ,  
 Chironem Hispano quæ te dare novit Achilli  
 Florentem gemina lauro vatisque ducisque ,  
 Maxime Honorate , ac magno præfecit alumno  
 ( Grandi operi ! ) & regi formando tradidit orbis .  
 Tum Valco inluctus galeæ , quique æquora fulcant  
 Cantabrica , & scabros nigra ferrugine campos :  
 Et veteres Burgi , anne magis te , Petre Ruyzi ,  
 Sospite felices , titulis quam forte superbis ,  
 Vel patriæ regum , capitis vel honore potentis  
 Hesperia? illustris numerent seu stemmata gentis ,  
 Et Villegatum longos ab origine patres ;  
 Seu magis excelsæ virtutem mentis , & acre  
 Judicium rerum in summam ; quo regibus olim  
Arbiter

Arbiter assumtus, patriæ tot regna dedisti ,  
 Quot novus orbis alit stellis incognita nostris ;  
 Quam misere manum , belloque & pace virentem ,  
 Et quam fertilibus surgens Pallantia campis ,  
 Misit , & a cunctis clarissima Pincia regum ,  
 Aut Caracrae ambitus lapidoso flumine murus ,  
 Et Carpetanis quæ prominet inclyta terris  
 Mantua , fatidica qualis quæ condita Manto ,  
 Ingeniis opibusque viret ; quamque unica Phœbi  
 Gloria Complutum , magni domus alma Cadenæ ,  
 Orba deo , patriæ sed non cessura Maronis ;  
 Complerantque hilares magni spatiosa theatri  
 Æquora , viluri Reginae augusta beatæ  
 Ora , novos thalamos regis quæ ingressa Philippi  
 Æternam mundo tandem dedit optima pacem .  
 Pars procerum turmas , & ludicra prœlia læti  
 Cernere , arundineam pugnam , taurosque minaces ;  
 Pars avidi certare feris , jaculisque parati  
 Figere , & igniferum cursu vitare furorem ,  
 Sive dato in lævam saltu , dextramve trementi ,  
 Accensus tanto dominæ spectantis amore  
 Quisque suæ , ut mortem cupiat pro laude pacisci .  
 Tum vero in sagulis rutilo fulgentibus auro  
 Erumpunt portis proceres , capita alta decori ,  
 Elusis auro plumis , acubusque lacernas  
 Intexto picti argento ; quibus aureus ensis  
 Accinctus lateri lævo , dextro aurea fica ;  
 Et cruce conspicuus nivea , viridive , rubrave ,  
 Vel fulvo pecudis Phryxæ vellere , lucet  
 Circulus obtorti per collum flexilis auri ,  
 Et pedibus sonipes , & fronte impellitur alba .  
 Circumfusa cohors venienti prœlia divæ  
 Spectatum , medio in cœtu niter ipsa quadrigis  
 Vecta albis , stellas inter ceu luna minores ,  
 Postquam fraterna toto micat æthere luce :  
 Aut patris Oceani ceu quum se sustulit undis

Taygete,

Taygete , & puro fulget nitidissima celo .  
 Haud aliter Regina , deum fata sanguine , sacra  
 Procedens fulget porta , niveoque serenat  
 Ore diem , graditurque , sinus tunicasque crepanti  
 Picta peregrinas auroque Indaque smaragdo ,  
 Barbaricoque graves luxu , & Gangetide gaza :  
 Ex humero vestem demissam , plurima puro  
 Argento saturam , flammisque undante pyropo ,  
 Fibula subnectit confertis aurea gemmis .  
 It gemmis caput implicitum , mollesque capilli  
 Electri flagrant in morem , & mille coruscant  
 Collecti in nodos , totidem quos nexuit hamis  
 Eois opibus massaque Tagitide crebris  
 Docta manus , similisque vigil solertia segni ;  
 Flexile collo aurum baculis micat intertextis .  
 Ardet fronte gravis adamas , Phœbi æmulus orbis ,  
 Quem novus emenso oceano , spolia ampla tyrannis  
 Hesperiiis misit gestandum Hispanus Iason ;  
 Perdomito postquam mundo , signa intulit orbi ,  
 Sidera prospiciunt quem nulla Erymanthidos urset .  
 Et pergit Nymphis stipata micantibus auro ,  
 Aurea dum religant flavos redimicula crines ;  
 Et leviter fossis lapis emicat auribus , Indo  
 Collectus pelago ; pendentque monilia collis  
 Aurea marmoreis riget & palla ; omnibus auri  
 Textilis ornatu , & limbo spectabilis aureo .  
 Alterno agglomerat sonipes vestigia gressu  
 Astur , & horrifonis auras hinnitibus implet ,  
 Ignotus Marti ; rapidos sed molliter ungues  
 Colligere ad numerum melior , pacataque molli  
 Aptior aurigæ imperio trahere esseda collo .  
 Illa via incedit sacra , matrona Tonantis  
 Qualis ad astrigeri pergit spectacula cæli ,  
 Quam fastos celebrant superi ; quam Lætæa pictis  
 Vectam avibus , superunque choris miratur alumnis ;  
 Stipatam , turbamque deum via vix capit , & se .

Re-

Reginæ agglomerant Nymphæ : supereminet omnes  
Illa deas, gradienſque poli convexa tuctur,  
Pertentantque Jovis tacitum nova gaudia pectus.  
Non humeris Iſabella minor formare petebat  
Sublimes circi portas, quum læta juventus  
Ingenti accurrit plaufu, vulguſque videndi  
Effuſum ſtudio magni tabulata theatri  
Obledere : alii choreas, luſuſque procaces  
Exercent læti coram ; cithariſque canoris  
Perſonat ingentis cavæ procul æquor, & uncis  
Cornibus adjuncto late crepitante orichalco ;  
Reſponſantque Tagus, Nymphæque Tagitides omnes ;  
Amne Tagus vitreo, atque e vorticibus præruptis,  
Aeriis Nymphæ e ſpeculis, & divite ripa ;  
Donec arenofi luſtrata eſt area campi.  
Et folio Regina alte ſuffulta reſedit  
Septa armis, mediaque novi teſtudine recti,  
Tum vero lætos præco canit aggere ludos,  
Exultantque avidi juvenes, gaudentque periculum  
Adventare ſuum, vibrantque haſtilia dextris.  
Corda pavor percuſſa quatit laudiſque cupido,  
Lætitiamque metumque inter, Tum corniger altis  
Excitur taurus ſtabulis, ceu nubibus ignis  
Elifuſ, medioſque ruit truculentuſ in hoſtes.  
In curſu tremuit telluſ, ferit æthera clamor,  
Et Galianæi ſaltuſ percuſſa fragorem  
Sylva dat, excuſſæ rupto velut æthere nubes.  
Ille furit, biſidoque ſolum pede pulſat, & ignem  
Ore vomit, flammaſque feris de naribus eſſat.  
Igne micant oculi, pendent palearia mento  
Cruce tenuſ ; ſetiſque riget, velut anguibuſ, ingens  
Et frons & cervix ; camuriſque e cornibuſ ardens  
Fulmen, & e toto venit horrida mortis imago  
Corpore, fumificiſque horrent mugitibuſ auræ.  
Primuſ Uliſſea qui venerat urbem Caliphron,  
Egregia juveniſ forma, Pleberiuſ amica

Cui

Cui jecur accendit misero, splendentia dextra  
Tela manu tendens, chlamydisque volumina læva,  
Obvius it, multaque furentem voce lacessit.  
Ille truces vultus venientis vertit ad ora  
Arduus, & caudæ ferit hispida terga flagello,  
Telluremque cavat pedibus, tum cornua jactat.  
Utque levis tenso cornu volat acta sagitta,  
Quum petit aut leporem sylvis, aut montibus aprum;  
Ignifer in juvenem rapido sic turbine fertur  
Taurus, & ardentes afflatu dividit auras.  
Objicit ille sagum venienti, & præpete saltu  
Corripit in dextram corpus, vitatque tremendum  
Vulnus; & audaci, dum præterit, ultima tauri  
Terga ferit jaculo leviter, quia missile telum  
Viribus exiguis gelidoque pavore retentis  
Emissum, summa vix hæsit pelle juvenci,  
Distinxitque cutem. Sed quamvis vulnere parvo  
Saucius, exarsit Phlegæi fulminis instar,  
Objectumque truci cornu laniavit amictum  
Pro domino. At vacuas postquam desævit in auras,  
Irruit in medios juvenes, trepidumque Lasindum,  
Durinumque fugam meditantes vulnificus bos  
Occupat, & fulva miseros prosternit arena.  
Semianimes focii rapiunt, Brocadania proles,  
Et Corianus Arabs, nigroque colore Tarinus,  
Gandandele sati. Pavido fugit Inacus ore,  
Immemor & jaculi, quod forte gerebat, & ensis.  
Sed vix terga fugæ dederat, quum taurus anhelos  
A tergo aggreditur cursu, pedibusque citatis  
Insequitur, vincitque fuga, comprehensaque terga  
Fronte ferit; recto quia præceps impete cornu  
Dirigere haudquaquam meditata in vulnere quivit;  
Vulneris immunem sed flavæ stravit arenæ.  
Tum furit, atque iterum frustrata in vulnere surgit  
Bellua, decepsque acuit truculenta furores.  
Attamen hostiles artus tellure jacere

Cernit



Cernit ubi, obrutu lustrans vi indagat odora,  
 Num dederit letho, pluresne superlit in ictus.  
 Ille jacet pavitans, vitalique abstinet aura,  
 Exanimem simulans. Proh quanta est gratia divum  
 Humanis concessa animis, vis quanta parentis  
 Naturæ! extincto similis fugit Inacus hostem,  
 Quem vivus vitare nequit; quemque ille securus  
 Viventem infensus cursu prævertit, inultum  
 Nunc fato, quamvis falsa sub imagine functum,  
 Linquit, & amatos iterum furit acer in hostes;  
 Et Lelego femur, & Tamiro crus haurit adunco  
 Fulmine, præcipiti victis conamine cursus.  
 Hos etiam comites tollunt, circoque gementes  
 Educunt, tectisque locant, Nolbulque, Lycesque,  
 Absyrusque, Darapsque, Zetesque, & magnus Otaxes,  
 Et grandævus Aron: lethales non tamen ictus  
 Effugit Bramphylus, honos quem sanguinis, atque  
 Digna viro facies, necnon optanda puellæ,  
 Inter Iberiacos tollebat ad astra colonos.  
 Quippe Cleonæo redimitum tempora rictu  
 Alcidem numerabat avum, cui filia Caci  
 Præclaram peperit Cæso genitore Toletum.  
 Illa tuum dignata torum, Millane, cadentis  
 Qui patriæ quondam pro libertate peristi,  
 Fecerat egregium pulchra te prole parentem.  
 Tantum siviisset series fati improba vitam  
 Eximio juveni cupidas producere parcas!  
 Sed puer insultantis equi dum terga ferocis  
 Cornibus igniferis heu tauri opponit, & amplas  
 In clunes propensus equi, cervice torosa  
 Cominus imposito jaculo, bovis excitat iras;  
 Illius astrigeri summo de vertice cæli  
 Cœpta tuens Juno, dignosque parentibus ausus,  
 Ingemit, & : Cælo fruitur meus hostis, & ipsa  
 Invita Junone nepos parat Herculis, inquit,  
 Sidera terrificum monstrorum cæde mereri?

Q

Quin

Quin regina poli, conjunxque, sororque Tonantis,  
Herculeo cedo generi? quin sceptrum torumque  
Pellicis arbitrio diræ, fratremque relinquo?  
Nam quid jam reliqui est cæli, nisi ut occupet arcem,  
Præripiatque patri sceptrum Tyynthius, atque  
Fulminet imperio cæli? sine nomine turba  
Nos simus, viles superi, atque ignobile vulgus?  
Scilicet expenso sperabit robore cælum  
Posse etiam Herculeis superari viribus, & qui  
Immota cervice tulit divosque polumque,  
Nec molis labor immensæ colla ardua flexit,  
Qui tot perdomitis monstris meruisse superbit  
Sidera; se divos jam nunc quoque posse putabit  
Opprimere, & vacuo per vim succedere mundo,  
Consortesque sibi natos adscribere regni.  
Quos ego; sed verbis non est opus. Opprime factò  
Ire viam in superos meditantem: perge, age, perge;  
Congredere, & primo properantem dejice passu.  
Hæc dea, seque nigro per sudum fervida nimbo  
Præcipitat, piceoque fori capit aquora lapsu,  
Et toto passim circo, perque ora virorum,  
Perque feros animos volitantem aggressa Pavorem,  
Talibus alloquitur dictis: Tibi, dive, superbos  
Imperium turbare animos, specieque pericli  
Attonitos, mentisque inopes prosternere in ausis.  
Ecce inimica mihi proles Tirynthia, tauri  
Per cædem in superos iter arripit, & mea demens  
Amphitryoniadis contemnit numina more.  
Tu juvenem insultantem animis, si quid bene de te  
Commeruit Juno, per quam divusque vocaris,  
Larvatisque hominum regnas per corda ministris,  
Opprime, & a primis surgentem intercipe cœptis:  
Et pete, quam cupies, meritis pro talibus unam  
Nympharum ex numero ( si quæ tibi forte mearum  
Præstanti placuit forma ) propriamque dicabo,  
Exigat ut vitam tecum, faciatque beatum

Egregia

Egredia te prole patrem . Sic diva profatur ;  
Quum Pavor hæc contra . Satis , o Regina , minister  
Hoc mercedis habet , dominæ si jussa capeſſat ,  
Si gratum quicquam obſequii , placitumque rependar .  
Nam mihi quæ ſuperum menſæ ? quæ ſceptra ? quis ardor  
Connubii ? conſorſive tori quæ gravior ulla ,  
Junonis quam jussa ſequi ? mihi ſumma voluptas  
Imperiis parere tuis . Sic fatus , ovanthem  
In juvenem , monſtrique iras & bella cientem ,  
Converſus terrore furit ; ſimulachraque linquens  
Ante oculos , atque ora necis , titubantia carpit  
Corda Pavor , fugit ore decus : tum lumina cæcus  
Horror obit , gelidusque fluit per languida ſudor  
Membra viri , torporque manus ignavus , & oſſa  
Corripit ; infractæ languſcunt frigore vires ,  
Deſiciunt animi , timor occupat ; ulla nec uſquam  
Jam fuga , conſiliiive locus . Vider undique lævæ  
Junoniſque minas , furialiaque arma Megæræ ,  
Verberaque & colubros , & turbida ſulphura pinus ,  
Certaque ſurgentem jam dudum in vulnera taurum ,  
Inſtrumenta metus , minitantiaque omnia mortem ,  
Dum petitur ; nec lora manu laxare fugacis  
Quadrupedis meminit , fodere aut calcaribus armos ,  
Virtutem ſuperante metu ; crudelia donec  
Ventre feri , qua lata necis via , cornua condit ,  
Purpureamque novo madefecit ſanguine arenam .  
Calcibus ille furens tenues diverberat auras ,  
Seſſoremque procul dorſo excutit ; imminet hoſtis  
Exitio , ferit adſtantum vaga ſidera clamor .  
Ille cadit reſupinus , equoque furente , per armos  
Volvitur in præceps crudeli proditus hoſti .  
Cornibus exceptum taurus violentius actò  
Turbine ſulphurei tormenti ad ſidera torſit ,  
Nec ſecus atque pilam bis , terque , quaterque retorſit :  
Donec multa leves per vulnera vita ſub umbras  
Fugit , & exangues artus miſeranda reliquit

Ah

Ah puer infelix ! quis enim tua vulnere magno  
 Cum gemitu , quis non funus spectavit acerbum ?  
 Heu quantas toto passim spectacula circo  
 Interitum in lacrymas circumspexere soluta !  
 Ipse pater patriæ , patriæ pater ipse , deculque  
 Egregium , consorlique tori regina beati,  
 Haud siccas tenuere genas , & lumina obortis  
 Imbribus implevere piis , gemitumque dedere .  
 Ingemuere sacerque Tagus , Galianaque tempe ,  
 Dumque oculis nimphæ plorant Tolerides udis  
 Heu planctu rupes vicinas implevere .  
 Sed non in lacrymas aut fœmineos ululatus  
 Bramphili miseranda parens , Tirynthia proles ,  
 Solvitur ; in superos sed iusto accensa furore ,  
 Turrutumque caput , multumque gerentia patrem  
 Oraque , & immanes humeros , & turgida mammis  
 Pectora , & exertos ingentia membra lacertos  
 Attollit late , rupique innixa minaci  
 Fulgurat horrendum , dignaque ita protonat ira .  
 Scilicet hanc decuit mortem oppetiisse nepotem  
 Hercules ? hoc sobolem Jovis immaduiffe cruore ?  
 Et tu sceptrum tenes , cæli pater ? & tua divi  
 Jussa pavent ? Si tot diros obiisse labores  
 Alcidem satis esse nequit , soror ut tua mentem  
 In melius , durasque iras convertat ; & omne  
 Stat genus Herculeum propera consumere morte .  
 Quid , pater omnipotens , in me tua fulmina cessant ,  
 Exuperiorque alias vires ? alia orba pavesco  
 Vulnere ? crudeline adeo indulgere forori ,  
 Ut tua progenies alienæ concidat ira  
 Pressa odiis , Stygiaque manu auxiliaris Erinnyss ?  
 O vere egregium facinus , dignumque Tonantis  
 Coniuge , Phlegæris vel connumerabile factis ;  
 Unus si divum puer occidit arte duorum ,  
 Si Pavor hinc , atque inde Jovis soror incluta diro  
 Irrepere dolo , tenerisque hædere medullis ,

Con-

Consilii que inopem medio fecere periclo.  
Usque adeone meam superis abolere voluptas  
Progeniem? usque adeone deum sum invisa parenti?  
Sed sic te sensi, sic pergere, Juppiter, olim,  
Injustis quando conjunx meus occidit armis  
Infelix; licet ipse cava testudine templi,  
Insignem (miseræ solatia inania mortis)  
Pro patria armatum, Junone dolente, locaris.  
Nam tibi quid cordi credam genus Herculis esse?  
Posthabita si me Burgis caput esse dedisti  
Hesperia, primisque sinis gaudere beatos  
Consiliis, paterisque meos sic cedere natos?  
Talibus ægra furit dictis, fata sanguine magni  
Alcidis, lacrymisque genas maduisse subortis  
Erubuit, se seque parem non esse dolori.  
Fœmineumque perosa genus, turgentia condit  
Ora manu, sacrumque caput dein rettulit in se,  
Acreas tantum linquens super æthera turres.  
At pater omnipotens, quoniam non aspicit æquis  
Amplius hæc oculis, neptisque dolore movetur,  
Junonisque dolis, puerique ætate peremti;  
Consortem thalami trepidam tumida increpat ira:  
Ut nova nunc tacitum tollunt tibi gaudia pectus!  
Occidit, ecce jacet primis Bramphilus in annis.  
Orba furit nati soboles Tirynthia cæde,  
Et madet exanguis pueri suffusa cruore.  
Sic ducis Hesperii thalamos, sic anxia Juno,  
Quos ciet ipsa, colit, celebratque, fovetque hymenæos?  
Divini sic læta tori connubia sancit?  
At quibus implicitam curis? quæ bella paventem  
Cernere erit? quas gentis opes? quum fœta, Toletum,  
Orba modo, luctuque & funere merfa suorum,  
Ajalas, Avalosque, atque inclyta nomina, Sylvas,  
Et numero pariet Roxas, annisque potentes,  
Albanosque duces, mundi decora alta, Toletos,  
Hercule avo, proavoque deum rectore Tonante,

Si-

Sideribusque omnes dignos: tum supplice dextra,  
 Tum precibus lacrymilque veto me fata regentem  
 Attentare: manet rerum immutabilis ordo.  
 I, Furias trepidumque move ingeniosa Pavorem,  
 Gorgoneasque faces: dabit, ah, dabit impia pœnas  
 Africa, Bramphili nec funera inulta relinquam.  
 Dixit, & Atlantis volucrem vocat inde nepotem,  
 Quem penes arbitrium virga revocare potenti,  
 Pallentes animas Stygiis e faucibus orci,  
 Vel miseras nigri detrudere in ima profundi;  
 Atque eat, & tumultis pueri det membra paternis,  
 Et justo manes absolvat honore recentes,  
 Imperat. Ille volat, nebulaque exceptus opaca  
 Transnatat immensas revolubilis ætheris oras,  
 Bramphilique artus animæ jam fortis inanes  
 Involuit nebula, spumantique abluit amne  
 Vulneraque, & multo fœdatos sanguine crines.  
 Inde patrem juxta sacra componit in urna  
 Membra viri, signatque brevi cava marmora versu:  
 Herculeum Bramphilus iter si cæde ferarum  
 Haud tenuit, magnis tamen excidit Herculis ausis.  
 Mox Acheronthæi subeuntem judicis urnam,  
 Tartareosque sinus Erebi, Stygiasque tenebras,  
 Horrentem revocat animam. Rex vincula frustra,  
 Obtendique jubet cæso ex adamante catenas:  
 Illa volat, solemque iterum, cælumque revisit.  
 Sed quanquam infernis revocata paludibus, aura  
 Cælesti fruitur rursus, visendaque nulli  
 Auditur tantum; nunquam tamen immemor atri  
 Funeris, & multa recubantis corporis umbra,  
 Fluctivagas dum jussa Tagi dea servat alumnas,  
 Aurati dices ululat super æquoris undas,  
 Vicinosque rigat lacrymarum ductibus hortos.  
 Non tamen interituve tuo, lacrymisve tuorum  
 Successivæ feræ, Bramphile, exterritus hosti  
 Occurrit jaculo splendens Medorus acuto,

Angelicæ sensus, spretis tot regibus, unus  
Qui inflexit, gelidumque accendit pectus amore;  
Virginea juvenis facie, sed mente pericli  
Contemtrice, coma per eburnea terga fluente;  
Quæ brevis in limbo sagulus coriaceus albo  
Vestit, & ad summas genualia candida furas.  
Et colui si te, Veneris puer alme, coloque,  
Hoc mihi ab Angelica concessum munus amica  
Dirige, ait: telumque manu contorsit. At illud  
Direxit volucer setola in terga Cupido  
Terrifici tauri, tremuitque hastile sub ictu.  
Corripit inde fugam, rapido nec segnius Euro  
Emicat, & sterilem celeri pede jactat arenam.  
Serius aggressa est fugientem bellua, postquam  
Sævit, & ad vulnus versavit corpus in orbes,  
Terribilesque truci mugitus edidit ore.  
At dolor accendit stimulos, atque adjicit iræ,  
Corrigit atque moram cursu, tergoque fugacis  
Imminet, & cornu prædam petit, atque tenere  
Jam putat, & vacuas diris mucronibus auras  
Dissipat hæsuræ similis, pungitque cruento  
Ultima velocis pueri vestigia cornu.  
Ille metu celer, & populi clamore faventis,  
Evolat, ut sicco possit freta radere passu,  
Possit & extantes segetis percurrere aristas:  
Eripiturque ipsis prope tauri cornibus, altum  
Insiliens, circus quo carcere clauditur, orbem;  
Despicit unde, fuga modo quem vitaverat, hostem.  
Cornibus ille furens ærato in robore tritis,  
Elicuit ferro flammæ, atque æquore toto  
Occupat ambusti cornu spectacula: pejor  
Tum furit, & secum meditantem multa Guilanum  
Sternit humi, passimque alios, ut quisque frementi  
Obvius, Ardanum, Barfinanumque, Briamque,  
Landinumque, Balamque, Agragemque, Olivamq; Abiemq;  
Galvanemque patris contentum paupere terra,

Uno

Uno omnes cursu , variis tamen ictibus haustos .  
 Regius ante fores , ipsoque in limine tecti ,  
 ( Unde deæ similis ludos regina beatos  
 Spectabat nymphis stipata ) bipenne satelles  
 Horridus in multa corpus regale cruenta  
 Arcebat turbaque simul , structaque cohorte  
 Per cuneos vigili servabat limina cura .  
 Teuthonus a dextra miles , sed parte sinistra  
 Hispanus sacros postes custodit ; uterque  
 Ampla bipenniferæ prætendens pondera dextræ .  
 Quorum aliquis cellas visus spectasse fenestras ,  
 Eque his auricomas tendentes retia nymphas ,  
 Creditur his Venerem dictis orasse potentem .  
 Alma Venus , regum quibus est custodia curæ ,  
 Haud licet in quæcumque libet procurrare bella ,  
 Et Martem miscere manu ; statione manendi  
 Sed certa hostes optati , regesque tuendi .  
 Quare pugnandi quanquam mihi summa voluntas ,  
 Spargendique cruore feri spumante bipennem  
 Impactam cerebro tauri , laudemque mereri ,  
 Et vires animosque meæ ostentare puellæ ;  
 At nequeo ducis imperio in statione retentus ,  
 Tu nisi diva faves , taurumque impellis , ut hosce  
 Invadat postes ultro . Tunc nostra recuset  
 Lux mea vota , precor , primo nisi concidat ictu  
 Macatus dextra hac taurus , duraque securi .  
 Talibus orabat , quisquis fuit ille , Tonantis  
 Filia cui faciles oranti præbuit aures ,  
 Et cælo delapsa secat magnum æra , fulgur  
 Juppiter æthereæ ceu quod jaculatur ab arce ;  
 Deponitque deæ formam , mentita Myconis  
 Effigiemque habitumque , & tela micantia sumit ,  
 Occurritque feræ , & multo prior ore lacescit .  
 Tum jaculum dextra vibratum conjicit alma ,  
 Quod quanquam sævi perstringens tergora tauri ,  
 Vix pelli affixum duræ leve vulnus inussit ,

Quale



Quale fuit, dextram Veneris fecisse, decorum:  
 Attamen ille truces vultus conversus ad ictum,  
 Verrentem extremo pepli videt æquora limbo  
 Collecti læva divam, se seque cientem  
 Nunc chlamyde objecta, strepitu nunc calcis eburni.  
 Nec mora, terribili se se rapit in pede, divamque  
 Insequitur cursu: passu volat illa citato,  
 Atque bipenniferæ qua tendunt parte cohortes,  
 Ire cito properat gressu; sed bellua cornu  
 Instat, & oppressæ fixisset vulnera, si non  
 Divinum in torvos dea projecisset amictum  
 Tauri oculos, texissetque almo cornua peplo,  
 Et profugo aereum pede conscendisset olympum,  
 Apparens oculis talis mortalibus, Euro  
 Flante solet qualis commoto pulvere turbo.  
 Restitit ille gradu tamen e regione phalangis  
 Teuthonicæ, turmasque virum torvo ore notabat,  
 Multa minans oculis, sparfa pede plurima arena,  
 Jactatoque truci cornu, caudæque flagello.  
 Teuthonas at dubius fixit pavor, ægraque nutant  
 Corda virum, quove infestæ cadat impia pendent  
 Ira feræ; rapere arma tamen, densisque coire.  
 Ordinibus, multaque horrere bipenne cohortes:  
 Quum fera præcipiti ruit infestissima cursu,  
 Et quanquam excipitur telis, sed fronte revulsis,  
 Per medios aperit cuneos fuso hoste viam vi,  
 Obvia quæque truci prosternens agmina cornu:  
 Haud secus hybernis quum torrens imbris auctus,  
 Quem nullæ objectæ moles tenere per agros,  
 Insano quin cuncta trahat fata lata fluento,  
 Turbine devolvit vasto, si quæ obvia cursum  
 Impediunt exundantem, pontesque, trabesque  
 Septaque, & instratos undai gurgite montes.  
 Teuthonicas sic tauro acies sternente, ferebat  
 Qua metus exanimes, rupta compage ruebant,  
 Audacem trepidæ nec sustinuerè phalanges.

R

Stabat

Stabat Iberiacæ sed vis immota cohortis ,  
Protenfis intenta hastis , quas corpore paulum  
Deflexo medias manibus tenet ; ultima contum  
Extensoque gradu , genubusque & poplite flexis.  
Calce premit lævo , sterilique impingit arenæ ,  
Ferratas acies diris mucronibus hosti  
Objiciens , pedibusque pedes , tela horrida telis  
Agglomerans , humerisque humeros , testudine densa ;  
Quam neque depulerit belli ferus arbiter , ingens  
Magnanimi nec dextra Jovis , nec pectore virgo  
Ægifono furibunda , caput licet exerat atræ  
Gorgonis ; & capitum tot , cervicumque capacem ,  
Urbes quot centum possent in bella virorum  
Mittere , quadrifidam cristis , auroque rigentem  
Aptet , & ingenti galeam superinduat ori ,  
Insanoque fremens veniat comitata furore .  
Sic densi agglomerant latera , & mucronibus horrens  
Stat manus , extensisque hærent ex ordine telis .  
Bellua crudeles ter movit in agmina gressus ;  
Ter peritura gradu , miserante retenta Diana ,  
Abstinit se se lethali ab acumine ferri .  
Namque Amadisiaci munus fatale laboris ,  
Hoc etiam ut monstrum occideret fore diva canebat ,  
Auricomæ rapidos ob Bryseneidos ignes .  
Quare ne divum irrita mens foret , agmina præcepit  
Si fera adorta truci caderet confossa virum vi ,  
Nec Perionianos sentiret vulnera dextræ ;  
Ire iterum in cuneos , inimicaque tela parantem  
Diva tenet , se seque equitem mentita Ophelestem  
Objicit , & virga media inter cornua tensa ,  
In clunes suspensa feræ trahit arte sequentem  
In diversa fori , mediaque relinquit arena ,  
Seque iterum in superos , atque aurea tecta recepit ,  
Nube excepta cava , plenæque simillima lunæ .

T A U R U S  
ET CANNARUM LUDUS,  
IN NUPTIIS D. D.  
PHILIPPI ET ISABELLÆ  
HISPANIÆ REGUM.  
L I B E R I L.

**A**Nnos trunco quercus innixa vetusto  
Machina, fabrilis sudata labore, tumentum  
Præbebat fessis secura sedilia membris.  
Hanc subter non æqua Thoas in prælia dextram  
Ense gravis, lævam clypei vice robore tectus  
Fulmineas multa bovis iras voce ciebat,  
Nunc minitans telo, latitans nunc objice trunci.  
Illum sed torvo postquam fera lumine vidit  
Exultantem armis, & vasti stipitis umbra,  
Extulit arrectos vultus, & cornua late  
Libravit jactans camura, & pede sparsit arenam.  
Hinc lento graditur passu, lignoque propinquat;  
Vixque acres differt iras, prædaque potiri  
Qua ratione queat, vestigans omnia lustrat:  
Inde ruit, pavor ille metu, totusque tremiscit,  
Stetne loco dubius, cedatne, fugæque paventi  
Intendat: primos tandem consistit ad ictus,  
Tectus magnanimi vastæ Jovis arboris umbra.  
Aggerat illa truces iras, & in obvia sævit  
Robora, dumque potis prædæ nequit esse, per omnes  
Urget agens gyros, & circumquaque fatigat,  
Et terit in duro crudelia cornua trunco.  
Fit sonus, & crebris gemit ictibus area circum;  
Aura procul, dirisque furit mugitibus æther.

Et

Et quanquam artificis dextra tellure cavata,  
 Fixa sui quercus sub pondere roboris hæret;  
 Juncturas tabulata dare, & concussa fragore  
 Ingenti patulas aperire sedilia rimas  
 Incipiunt, pulsū qua fundamenta labascunt.  
 Exoritur clamor spectantum, & turba sedentum  
 Erigitur, linquitque locos, pedibusque fugæque  
 Committunt pavidas animas, & ruta relinquunt  
 Expositi veris, cupidi vitare, periculis;  
 Excelsisque nurus, matresque, virique, senesque  
 Sedibus exiliunt, & qua locus, ordine nullo  
 Lymphati arripiuntque fugam, properantque salutem.  
 Bellua quum subiti conversi fragore tumultus,  
 Palantisque fugæ strepitu, queruloque ululatu  
 E specula turbæ salientis; fessa Thoantem  
 Vix jam, vix tandem demta spe membra trahentem  
 Liquit, & objectæ correpta cupidine prædæ,  
 Infert se turbæ, diversoque omnia luctu  
 Miscet agens, Circique omnem crudelibus orbem  
 Vulneribus spargit passim. Cadit Afer Echion,  
 Et venator Ares, & Tapsi frater Opheltes,  
 Atque Erymus, conjuxque Erymi pulcherrima Nise;  
 Quæ lateri dum forte viri fugientis adhærens  
 Præcipiti cursu, studioque incauta sequendi  
 Accelerat pavidos gressus, offendit, & artus  
 In præceps revoluta cadit, resupinaque late  
 Quæ sub veste solent celari membra retextit,  
 Unde amor exhausta jaculatur tela pharetra.  
 Sternitur Ancæus, Genisusque, Cotisque, Medonque  
 Ornitus, atque Imon, Glaucusque, Abarisusque, Lycusque,  
 Armaque Gesander repetens amissa, Melasque  
 Exiit imbellem fugiens qui cursibus hastam  
 Necquiquam, cornuque gemit grave vulnus adacto;  
 Phoreaue impellit, sequiturque inimica Melantum  
 A tergo, jam jamque tenet, jam vulnere summa  
 Infecto premit, & cornu ferit inguina adunco.

Se-

Seminecem rapiunt Lycidas & Tyrfis, alumni  
 Capripedis Satyri. Stricto micat Euritus ense,  
 Imbellique manum chlamydis circumdatus ostro  
 Vociferat: Quibus, ah miseri, quibus eminus armis  
 Ignavi, trepidæque fugæ, pedibusque peritis  
 Intenti? Proh vulgus iners! mea discite vestris  
 Prælia quid præstent. Valeant, quibus eminus usquam  
 Fortibus esse placet; mihi non nisi cominus esse  
 Dii dederint: sit in hoc, prædam qui cærulea vexit  
 Per freta Agenoream dorso Saturnius albo,  
 Vectorem Tyriæ perimet mea dextra puellæ.  
 Talibus ardentem dictis, & in ora ruentem  
 Torva feræ, chlamydemque manu, gladiumque rotantem  
 Occupat, & magnis præventum intercipit ausis  
 Taurus; & obliquos dum cornua librat in ictus,  
 Balteus adversum qua pectus signifer ambit,  
 Vestibus affixit directum ad pectora cornu;  
 Hærentemque rapit secum, circumque volutat  
 Ora fremens, totaque trahit (miserabile!) arena  
 Suspensum cornu, nec jam tam magna loquentem,  
 Multa sed & lacrymis, & supplice voce rogantem  
 Auxilia; abscissa donec sub pondere veste  
 Linqvit onus nudum, membris quod fugit apertis,  
 Fœmina quaque caret, pars longe apparuit ingens,  
 Et nova ridenti exhibuit spectacula circo.

At niveo sublimis equo Perionius heros  
 Galpani spolio graditur, dextraque minaci  
 Hastam splendentem multo quatit ære trabalem,  
 Urgandæ donum; quo primi horrentia Martis  
 Hostibus a solo bis quinque pericula cæsis  
 Evasis, victorque patrem Periona nefandæ  
 Eripuit morti natus, nil tale putantem;  
 Et patriam, veteremque domum servavit in illo  
 Inscius, inque hostes jurandi jura retorisit.  
 Præscia venturum quod quum sanctissima vates  
 Nosceret in fatis, Hecates Perseidos aris

Suspen-

Suspenſum quondam, quod erit medicabile telum  
 Eripit, atque triceps numen ter voce precata,  
 Uſque Amadiſiacum ſervavit tempus, & illo  
 Obvia donavit puerum, quæ fata pararent  
 Commemorans; unde hos juvenis ſervavit in uſus.

Ergo ubi ſæva trucidis contra ſtetit ora juveni,  
 Oppoſuitque ſero candentia pectora tauro  
 Quadrupedis nivei, corpusque aptavit ad iſtum;  
 Conſtitit, atque oculos Orianæ vertit ad ora  
 Spectantis, tacitoque trahit ſuſpiria corde,  
 Et pede cornipedem citat, & premit ora lupatis.  
 Spernit equus monſtrum, pedibuſque immobilis hæret,  
 In latus ire celer, vel ſiſtere, utrumque paratus.  
 Bellua num peteret viſa eſt dubitaſſe, ſed ira  
 Impulit, & miſſo balearis pondere fundæ  
 Ocior in juvenem magno ruit impete. Sævam  
 Impiger oppoſita expectat Perionius haſta:  
 Turbine quoque virum petiit ſera, fixit eodem  
 Qua cervix armis conjungitur, intima ferrum  
 Viſcera, & obſcœnum reddit ſpecus alta cruorem  
 Vulneris admiſſi, ſædatque aſpergine terram.  
 Dumque cadit, vitamque tremens bos linquit in haſta;  
 Gandalinus adeſt, & ſtriſto diſſecat enſe  
 Crura ſeræ labat exanimis, metus ante theatri:  
 Taurus, & immani procumbit corpore humi bos.  
 Acclamant læti comites, & gaudia plauſu  
 Teſtantur vario ingenti ſpectacula circo,  
 Viſtricemque manum gaudent contingere dextris.  
 Tum ſpectant trepida ora ſeræ, mirantur adunca  
 Cornua, & horriſcos vultus, ſetolaque membra  
 Attoniti juvenes tellure jacentia multa.  
 Nec contingere adhuc, propiuſve accedere tutum  
 Eſſe putant, longo ſed vulnere tela cruentant.

Audiri interea celſæ procul arcis ab alto  
 Culmine percuſſo reſonantia tympana dorſo,  
 Nigra quibus capere arma viros Mauruſia fortes

Sol-

Sollicitare solet, pugnaeque accendere equestres,  
 More Libum: strepere ingenti clangore tubarum,  
 Terrerique nemus vicinum, & regia rupes  
 Tundere pulsatas repetitis vocibus auras,  
 Et lituis mugire polus, fragor alta subire  
 Sidera; terribiles ceu quum Mavortia vellunt  
 Signa tubæ, ferit astra fragor, cælumque remugit.  
 Haud minor excipitur circo sonus, haud minor alta  
 Altra ferit fremitusque virum, clangorque tubarum.  
 Quum se se portis effundunt agmina plenis,  
 Hastatæque ruunt acies, circoque propinquat  
 Structa phalanx equitum: fremit impiger æquore toto  
 Insultans phaleris sonipes, ostroque superbo  
 Stratus, & Eois ad serica pensa lapillis,  
 India quos mittit dives; pressisque repugnat  
 Obversus frenis, nunc huc, modo vertitur illuc;  
 Agglomeratque modo gressus, modo parer habenis.  
 Præcedunt, longo faciant decedere circo  
 Qui populum effusum, jubeantque patere theatri  
 Æquora; deinde cohors subeunt cetrata ministri,  
 Arma viris, clypeos, taurorum cruda daruri  
 Tergora, mutandis qui quadrupedantibus adsunt  
 Defessis nimio cursu, pugnaeque labore.  
 Hi quoque frænatis in equis bicolore lacerna  
 Conspicui incedunt bini: miratur euntes,  
 Hesperiaque fremit veteris numerosa juvenus.  
 Erumpit peditum manus inde; jugalibus arma,  
 Cannarum jacula, argutaque ab arundine tela  
 Qui portant. Aulæa solum pendentia verrunt,  
 Pugnantum varias armorum intexta figuras.  
 Turba ministrandis jaculis promptissima quæque  
 In pictis caligata nitet thoracibus albo.  
 Jamque equitum crepitante auro micat agmen, & ingens  
 Argentum pictis collucet amictibus, orbis  
 Alter ab Eois quantum non miserit Indis,  
 Guadalcanais non improbus hauerit arvis

Fossor;

Fosfor ; & Assyrio quæ venit littore gemma,  
 Velleribus commixta nitet , ditissima Seres  
 Quæ depexerunt foliis , aut Seribus unquam  
 Nulla parte minor vel concessura Toletum.  
 Omnibus auratis capita alta involvere velis  
 Sidonio de more placet , Lybicisque cothurnis  
 Vincire adductas sinuato poplite iuras,  
 Ut Cadmæa solet soboles ; & sistere multo  
 Ære pedes , longisque citos calcaribus auri  
 Quadrupedes fodere , & celeri pedis ilia motu ;  
 Aut punctim stimulos , aut inculcantis in orbem  
 Ad numeros haurire feri currentis , arenam  
 Dum quatit , atque putrem sonitu ferit ungula campum.

Sex numero turmæ , senique vagantur in ostro  
 Versicolore duces ; bis deni quemquæ securi  
 Exultant animis juvenes : amor omnibus idem ,  
 Et metus ambiguum pectus quatit , una cupido  
 Laudis , & humanæ quæ præstat gloria vitæ.

Una acies equitum , pulcher quam ducit ovantem  
 Austria , quem Carolo Cronii maris incola magno ,  
 Gloria Nynpharum peperit Tongritis , aquolum  
 Sub iuga dum Rhenum , dum pictis Saxonas armis ,  
 Danubiumque , Albimque trahit : quem Bethicus atris  
 Portat equus maculis clunes distinctus ab albo ,  
 Collaque , Babiequæ proles bellacis & Harpæ ,  
 Harpæ magnanimi , generosæ matris , Ilerdæ.

Altera , quam niveo soboles Romana Pæccus  
 Ducit equo , Zephyros cursu , candore pruinas  
 Qui superat , mentisque ipsum prævertit acumen.  
 Thessalica de gente ferunt , & stirpe Pelori ,  
 Donatum puero : cessit tibi tertia sorte ,  
 Pimentele , decus Beneventi ; quarta Gyrone  
 Est tua ; Mendocæ fuerat sed quinta , relato  
 Quo tamen in divos nuper , bellisque deorum  
 Præfecto , egregius forma Sylvanus , & armis ,  
 Successit curæ , & quinta agmina circumduxit :

Extre-



Extremus , sed quo nec forma pulchrior alter ,  
 Munere nec pacis , nec bello insignior , aut quo  
 Telluris pelagisque magis se ditia jactent  
 Regna duce , & magno patriæ patre , ceu Jove cœlum ;  
 Lotophago est invecus equo , cui Pegafus alas  
 Submittat pavidas , Eurique , Notique securi  
 Mirentur cursu se se post terga relinqui  
 Certantes , vincique fuga ; quem maximus armis  
 Trinacriæ imperio præfectus Cerda , subacta  
 Menynge , exuvias inimicæ miserat urbis  
 Invicto regi , nullos cervicis amantem  
 Applausus , non fræna pati , non cingula ferre ;  
 Donec regali domitus sub pondere , cessit  
 Sponte tibi , parent merito cui cuncta , Philippe ,  
 Augustumque subit pondus : quare ipse relicto ,  
 Quo fueras vectandus equo , quoque alta rebellis  
 Et Samarobrinæ calcaras mænia victor ,  
 Et rigidæ Geldrudis opes , procereque , ducesque ,  
 Agminaque , attonitosque hostes in vincla coactos ;  
 Hoc potius gaudes , qui regia pondera passus ,  
 Bellorophontæas est indignatus habenas .

Cætera vel Lybicus pubes , vel fortis Iberi  
 Fertur equis , dextrosque humeros exerta , lacertis  
 Horret protensis , longèque micantibus hastis .

Ergo ubi cuique suus cessit locus , & cava signum  
 Æra dedere lono expectantibus ; ecce repente  
 Exiliere pares , deductisque agmina bini  
 Dissolvere choris : quæ sic volat æquore puppis ?  
 Parthorum quæ tela fuga ? quis concitus amnis  
 Hybernis pluviis , quum summi e culmine montis  
 In præceps revolutus agit nova flumina torrens ?  
 Nubila tarda magis cœlo glomerantur , & Arcto  
 Tardior a gelida quæ prosilit horrida grando .  
 Fulguribus minor est , minor est Jovis imperus ignis ;  
 Segnius astra cadunt . Illis mora nulla , nec ulla  
 Est requies ; celeri sonipes quatit æquora cornu ,

S

Astra

Astra virum fremitus pulsant, fragor atque tubarum;  
 Acceptas longe frangunt nemora avia voces,  
 Multiplicantque sonos; ut quum per devia cervi,  
 Aut pardi, aut Cynthi nemoris si forte leones  
 Accipere procul fremitum, comitumve Dianæ  
 Larratus hausere canum, rapida ocus aura  
 Attonitos fuga cæca rapit, quaque improbus urget  
 Ire metus pavidos, strepitulque, fragorque sequuntur.  
 Sic ruit, & laxis sonipes volat acer habenis,  
 Et metam longo cursu tenet; inde recursum  
 Convertere vias; tum longe tela reductis  
 Protendunt dextris, vibrantque hastilia læti  
 Ingenti clamore omnes; iterumque labores  
 Ingeminant, cursusque alios, aliosque recursus  
 Tramitibus variis, diversosque orbibus orbes  
 Impediunt, gaudentque suis se ostendere in armis.

Tum geminas acies fingunt, quarum utraque ternos  
 Ala duces, equitum ternas habet utraque turmas  
 Armatas clypeis, jaculisque. Ergo eminus omnes  
 Consistunt, campo adversi; Mavortia ceu quum  
 Agmina raptantur castris, & præscia pugna  
 Hostibus occurrunt, docuit quos pulvere nubes  
 Commoto jam ferre gradum: consistit utrumque  
 Hostis in ore sui cupidum certaminis agmen.  
 Non tamen incaluerit iræ, nec tela cruore  
 Irrubere; pavent sed quo se Martia vertat  
 Gloria, nube later belli tamen exitus alta,  
 Et quibus incerti se Mars indulgeat armis.  
 Agmina sic juvenum, spatiis contraria campi,  
 Vicini stant Martis opus cupientia; sed quo  
 Cedat arundineæ trepidant laus incluta pugna.  
 Cornua sed postquam signum increpuere, cavoque  
 Ære tuba horrificis fregit stridoribus auras,  
 Erumpunt, subitoque viri clamore ruentes  
 Exhortantur equos: prior omnibus æquore aperto  
 Evolat, & patribus divis haud degener, agmen

Arma-

Armatum rapit in pugnam Tongritide natus ,  
Ante aciemque ostentat equum : levis aura comantes  
Multiplicis lini cristas quatit ; ipse ferocis  
Quadrupedis nixu adjutus vibrata per auras  
Tela manu torfit , mediisque locavit in astris ,  
Nubibus extemplo telorum obtexitur æther ,  
Et volitant missæ cœli per inania cannæ .  
Tum jaculis viduata manus fræna arripit , atque  
In dextram retro versis referuntur habenis ,  
Et bovis objectant venientibus ampla manipuli  
Tergora : fit clamor fugientibus ; instat equestri  
Increpitans turma Romanæ stirpis alumnus ,  
Præcipitatque viros , & Apollinis obruit umbra  
Telorum radios ; clypeis quæ grandinis instar  
Insiliunt , nec crebra minus , nec fusa minori  
Turbine ; tum dextram fræno admovet , atque retoquens  
Quadrupedem , refugo retro rapit agmina gyro ,  
Terga tegens clypeo crudi bovis , & latus hosti  
Objiciens tectum taurini umbonis amictu .  
Ecce autem subito insultans clamore Gyronus  
Miscet se pugnæ , & cedentibus imminet , hostis  
Terga fragore premens rapido , jaculoque minaci ,  
Viribus immensis vacuum quod in æra torfit .  
Tela volant , adimuntque diem ; ceu murmure magno  
Miscetur cœlum , & commixta grandine nimbus .  
Quem sequitur propere tunc Pimentelus ; in hostes  
Raptat equum , magnaue Gyronum voce lacessit  
Cedentem : Caput obregito , caput hæc perit istud  
Dextera , ait ; nec mille regas si umbonibus , ictum  
Effugies ; te me juvat id monuisse priorem .  
Personat hæc : volat ille tamen , vultuque sereno  
Respicit instantem , & scutum supereminet ore ,  
Vi liquidum multa donec secat æra telum  
Emissum , capitique viri stridore minatur .  
Tunc demum celer ille caput parmæ obtegit ombra ,  
Et clypeo contactus abijt ; ferit improba culpis  
Incaustum

Incaſſum cetræ corii ſeptemplex orbem .  
 Non tulit id Sylvanus ( erat ceu percitus ira )  
 Fræna manu pernicious equi ſed mollia laxat ,  
 Et ferit indignam ferratis calcibus alvum ,  
 Prorumpitque ferax : & , Quando ſeria ludo  
 Commilcere placet , contorti præmia teli  
 En cape , ait ; jaculoque ducis perſtringit acuto  
 Terga procul : capiti nam dum timet , altior umbo  
 Inferiora viri detexit terga fugacis .  
 Fit ſonus , & miſſo crepuere ſedilia riſu .

At ruit ut Pindi celſo de vertice torrens ,  
 Quum latus avulſum montis trahit , & fragor ingens  
 Imbribus hibernis actum , ſylvaſque , ſeraſque ,  
 Turbine volventem ſequitur , præruptaque laxa :  
 Sic patriæ pater , & Caroli præclara Philippus  
 Progenies crumpit equo , ſequæ hoſtibus infert .  
 Atque inimica globos acies qua denſior arctat ,  
 Illac rumpit iter : ſic quum bella horrida Mavors ,  
 Sudatum multo thoraca labore Cyclopum  
 Indutus , galeamque deum , clypeumque micantem ,  
 Ingreditur , campos implet , ſaturamque cruore  
 Titanum quaſſans haſtam , per tela , per hoſtes ,  
 Odryſio vehitur curru , bellique , neciſque  
 Mille gerit dextra facies : haud ſegniſior illo  
 Ibat progenies Caroli , decus orbis ; anhelu  
 Tantus equo campum complet , tanto emicat ore ,  
 Tantus in arma volat . Capiti micat aurea plumis  
 Criſta rigens , quæque ipla dedit Regina , refulgent  
 Ex humero late pendentia flammea dextro ,  
 Conjugii monimenta novi , & grave pignus amoris .  
 Dextra rigit jaculo , regit aurea cetra ſiniſtram ,  
 Et ruit in medios hoſtes : ceſſere phalanges ,  
 Inque fugam trepidos verterunt agmina grefſus :  
 Ille agit , ut volucres per ſera crepuſcula veſper  
 E paſtu rapidis ad nota cubilia pennis .  
 Tum vibrata manu contorquet tela per auras ,

Et

Et cœlo metuere dei ; volat impetus ingens .  
 Telorum , Phœbumque tegit vis improba ferri ,  
 Quæ clypeis excepta sonat , ceu culmine tecti  
 Æthera de nube cadens a turbine nimbus .  
 Exoritur clamor , renovantur prælia , cannæ  
 Emissæ volitant passim ; nunc flexibus orbes  
 Hi dextros , illi sinuant in cornua lavos ;  
 Nunc hi , nunc illi cedunt , nunc hostibus instant ,  
 Agglomerantque vices , alternaque prælia miscent .  
 Alternosque ictus , alternaque spicula torquent ,  
 Alternos refugo texunt certamine gyros .  
 Et modo agunt versos in tergum cominus hostes ,  
 Et modo rejecti versis referuntur habenis .  
 Haud aliter quam quum Nereus exæstuat , imo  
 Evertens fundo Neptunia regna , relaxatque  
 Oceani fontes , terrasque obvolvere ponto  
 Luctatur , pelagus tumefactum exundat , & æquor  
 Ingruit , & penitus scopulos super æstuat unda ;  
 Mox remeat gurgis , redivivaque littora surgunt ,  
 Lunaque cæruleis immissa per æquora bigis  
 Fertque , refertque fretum , surgitque reciprocus æstus :  
 Sic juvenum pugna est , sic qui modo terga premebant  
 Victores telis cedentia , protinus ipsi  
 Respectant refugi cedentia terga tegentes .  
 Nulla viris requies , pax nulla , fidesve , sed ardens  
 Est in laude furor : credas bella horrida , credas  
 Ticini , Trebiæve acies consurgere ripis ,  
 Remque geri levius ferro : quum Phæbus ab altis ,  
 Unde deum ludos spectabat turba , fenestris  
 Hæc cernens , solitumque ultra se esse moratum  
 Spectandi studio , Hesperiiis caput occulit undis ;  
 Et juvenem pugnæ finem imposuere tenebræ .

Prima Peletronii natarum maxima , mammis  
 Armentalis equæ nutrita & lacte ferino ,  
 Nympharum tamen una decus Gineta , feroci  
 Thessaliæ hanc belli effigiem , simulacraque pugnæ  
 Ostendit

Ostendit terris , Libyæ postquam appulit oris ,  
 Effugitque patrem , perque avia lustra secuta est  
 Hesperium Bethim : nam nondum Bethis in anmem  
 Iverat , aut magnæ dederat sua nomina terræ :  
 Sed puer , ut perhibent ( dictu mirabile ) monstrum  
 Audierat procul orbe alio percussa dedisse  
 Saxa ferum , bellis aptum , gressutque superbos  
 Imposito docilem dorso glomerare sub armis .  
 Nondum notus equus puero ; nam tempore in illo  
 Æquorea sonipes percussis cuspide saxis  
 Thessalicas vilus primum exsiluisse sub auras .  
 Ergo animi impatiens ardentis pulchra videre  
 Munera Neptuni , patria sceptrisque relictis ,  
 Thessalam petit . Extemplo terraque potitur ,  
 Ginetamque videt , visæque accenditur igne ,  
 Et formam stupet , & gestus habitusque decorem ;  
 Utque patri sternebat equum , phalerisque superbis  
 Ad stabula alta domo procul exornabat , amicis  
 Aggreditur verbis : Quam te , pulcherrima , dicam ?  
 O quam commemorem divam ? Certe ille beatus  
 Si quem felici tæda dignabere , si quem  
 Connubio stabili : thalamis dignissima divum ,  
 Odrysiive toro Martis , Phæbove marito .  
 Sed si mortalis tangit te cura Hymenæi ,  
 Ipse deum soboles , terræ regnator Iberæ ;  
 Et nisi me vanæ fallunt prælagia mentis ,  
 Sum quoque cælicolum numero adscribendus , amoque ,  
 Quo potui merito fieri tibi dignus amore .  
 Dixit , & ad lacrymas addit quoque munera , dives  
 Quæ Tagus auratis producit plurima arenis .  
 Quid faciat ? puer est , & divis dignus amari  
 Qui petit ; illa tamen matura , & Thessala , & auro  
 Ambitur , stabulisque procul semota reperta est .  
 Sed pudor inde movet ; dubitantem intercipit heros ,  
 Victaque non ægre est , & virgo , & sola , volensque .  
 Tum juvenem stabulis victorem occultat in altis ,  
Tresque

Tresque adeo latuit luna fræna inter , & auro  
 Quâdrupedum ornamenta manu sudata parentis  
 Virginis auricomæ ; didicit quo tempore Nympha  
 Erudiente puer phaleras , pictosque tapetes  
 Nominibus propriis , & serica noscere pensa .  
 Nam licet ornandis sint quadrupedantibus omnes ,  
 O mi care magis puer ( inquit Nympha ) parente ,  
 Inventæ phaleræ ; varius tamen usus in illis ,  
 Nomina non eadem : fuerat namque inscius ante  
 Sessoris sonipes , donec sua fræna domando  
 Induxit pater , & fregit rudia ora lupatis .  
 Strata dehinc dorso applicuit , cinxitque flagellis ,  
 Quæ quoniam cingunt , merito sunt cingula dicta ;  
 Insideat quibus altus eques , lævaque regendis  
 Gressibus insultantis equi , pendentia frænis  
 Lora manu teneat , pressisque gubernat habenis :  
 Aurea ab auriculis dicta est , atque ore ab ore  
 Chorda rigens auro , frænis demissa tenendis ;  
 Luxuriosa toris , animosæque pectora cingit ,  
 Quæ nequit hoc versu concludi carminis ergo ;  
 Ni solito incedat gravius , celeremque coercens  
 Sustineat gressum , passuque superbiat aucto ,  
 Antilena subest : sic postilena rigentis  
 Sub crispis caudæ setis ; partisque fruuntur  
 Nomine quæque suæ , nam rite antica vocantur  
 Et postica , quibus pars utraque gaudet equorum :  
 Cuncta Peletronii quæ curæ debita patris  
 Miratur mortale genus ; sed plura parenti  
 Prætermissa seni decrant , quæ invenimus ipsi ,  
 Addidimusque novis etiam nova nomina rebus .  
 Nam pensis ornare feri , collumque , caputque ,  
 Et crepitans sistris argentum imponere fronti ,  
 Et mutare genus strati , sellamque vocare ,  
 Qua sedetas , nostro de nomine Ginetæam ,  
 Adductoque pedi stationem apponere fidam ,  
 Et dare quæ servant rebus sua nomina cunctis ,  
Inventum,

Inventum, mea vita, meum est, mea gloria, Bethi.  
Nam quæ fronte micant, frontalia pensa vocari,  
Quæ per utrumque fluunt in mentum tempus ab aure  
Dicta mihi a mento sunt simentalia; sed quæ  
Ingenti perfusa auro colla ardua cingunt,  
A collis placuit mutata parte vocare  
Incallata mihi sumunt de pectore nomen,  
Cætera de stratis, de clunibus: aurea sed quæ  
Ore sonant fistris crepitacula, vocibus aptum  
Nomen habent elemento uno vocalia verbo.  
A pedibus stapedas sistendis diximus, atque  
Calcibus a summis equitum calcaria; quæ si  
Protenfa fuerint acie, tum cuspide acuta  
Composito verbo mihi sunt acicaria dicta.  
Ast illas sellæ partes, quæ casibus arcent,  
Diximus arzones; unde hos qui forte tapetes  
Elusi argento capiunt, fulvove metallo,  
Sunt caparazones, mutilaque a parte mochilæ.  
Quæ quoniam hircina nuper de pelle fuerunt,  
Sunt etiam a corio dictæ quandoque coracæ.  
Erudiebat amans juvenem dea talibus, atque  
Oscula figebat mediis intersita verbis.  
Sed jam tempus erat uterum gestante puella  
Effugisse patrem, seque eripuisse periclo;  
Quandoquidem nec amor, poterant nec furta latere.  
Ergo iter arripiunt equites, perque avia lustra  
Bis septem erravere dies, & aperta viarum.  
Ementos sed iter postquam tellure Libyssa  
Excepit læta fessos Maurusia fonte;  
Pandit opes Gineta suas, & lusibus aptam  
Edocuit gentem cannis certare nigrantem;  
Inde viri demum sceptris matrona potita,  
Hunc cursus morem, & leges certaminis hujus  
Bellaces olim docuit celebrare nepotes.



In celeberrima,

Atque adeo omnium maritimarum maxima victoria

S E R E N I S S I M I

D. JOANNIS AUSTRIADÆ

Ad mare Naupactæum nonis Octobris ,

Victa captaque Turcarum classe potentissima.

M A J E S T A T I P H I L I P P I

Hispaniarum Regis optimi atque invictissimi.

Ferdinandus Ruizius Villegas

Exultationem suam

D.

**M**axima Christicolæ gentis spes , unica mundi  
Gloria , & o rerum certa Philippe salus .

Idem Asiæ , Libyæque timor ; quo sospite , Petri

Nullos non superet sacra carina Notos .

Auspiciis puer ecce tuis , tuus æquora frater

Turcicaque imposito sub pede signa terit .

Suscipit æthereas mundus conversus ad aras ,

Et solvit lætus pro duce vota suo .

Gaudia nec tantum sunt hæc hominumque nurumque ,

Sed gaudent summo sidera clara polo .

Et tibi , magne parens , domitorque atque arbiter orbis ,

Gratatur Casio cum Jove turba deum .

Nullaque temporibus præferri prisca fatentur ,

Aurea si redeant sæcula , posse tuis .

Quando magis legum valuit reverentia ? quando

Est populis æqua jus mage lance datum ?

Cultior & major sub quo pietasque deorum ,

Aut quo libertas sub duce tanta fuit ?

Tanta magistratum majestas ? parque minorum

Obsequium , cultus , gratia , terror , amor ?

Quæ potuit tales ætas spectare triumphos ?

Quæ Capitolino tot data dona Jovi ?

T

Quæ

Quæ templis appensa truci tot ditia ab hoste ,  
 Claraque victrici parta trophæa manu ?  
 Carmina tot , pompasque hilares , lususque , jocosque ,  
 Cunctaque , quæ merito sæcula nostra beant ?  
 Dj tibi dent Pylæ longissima tempora vitæ ,  
 Prospera qui solus tempora nostra facis .  
 Et cape , de Getica quem scripsi cade libellum ,  
 Auspice te , sine quo mortua Musa mea est .  
 Victor Idumea nam quod de classe triumphat  
 Austriades , tota est palma , Philippe , tua .

### AD EANDEM PHILIPPI MAJESTATEM .

**S**I tibi sacravi quem , Rex invictæ , libellum  
 Accipis , hæc merces ampla laboris erit .  
 Si legis , hoc instar magni mihi muneris esto ;  
 Non ego , si placui , Juppiter esse velim .

### EXULTATIO .

**V**incere ( io Præn ! ) didicit qui matris ab alvo ,  
 Inviçto erudiente patre , invictoque Philippo  
 Fratre , puer , totis collatis viribus orbis ,  
 Europæque , Asiæque trucidis , Libyæque potentis ;  
 Vicit ( io Præn ! ) vicit , stravitque furem  
 Turcarum classem : medio jacet obruta ponto  
 Gens inimica , bibitque suo freta sanguine tincta .  
 Mens stupefacta horret , nec tanto credere voto  
 Audet ; vera fidem manifesta que gaudia vincunt .  
 Vix Naupactæum Carolo satus attigit æquor ;  
 Et domitus Turca , & ferro ter millia dena  
 Cæsa inimicorum , bis septem millia vinclis  
 Solvuntur socium , classis deleta , triremes  
 Tercentum captæ , parva vix parte fugata ,

Aut

Aut avidis submersa undis . Non ulla priorum  
Huic par pugna fuit ; certatum est cominus , hostis  
Nec nisi confossus cessit ; tot corpora ferro  
Cedere opus , vincenda tulit quot millia classis  
Barbara , tot casu capienda ex hoste carinæ .  
Et mihi quis Xerxem memoret ; vel turpia mollis  
Arma viri , & vastis contextum puppibus æquor ,  
Actiacis Regina fugam quum cepit in undis ,  
Avertitque rates focias ; aut si qua vetustas  
Æquorea æternis inscripsit prælia fastis ?  
Nil quisquam conspexit adhuc , nil auribus hausit ,  
Nil etiam magna conceptum est mente vel ipsis  
Vatibus ( in majus referant licet omnia vates )  
Commentum , vacuas teneant ut carmine mentes ;  
Quod non huic uni cedat pugna . Ecce fatemur  
Te vicisse etiam vatum miracula vero ,  
Austriade ; atque expleisse Pii pia vota , tuique  
Fratris , & excelsæ tetigisse cacumina laudis .  
Proh patri , fratrique parem ! mundique ruentis  
Nutantem tenuisse manu , & stabilisse salutem !  
O dignum nato Caroli decus ! Illius umbra  
Terruit armatos olim , pepulitque furentes  
Pannonia Turcas ; tu , te expectasse sequentem  
Ausos & vita spolias , & navibus omnes .  
Macte animo juvenis , ducibus prior omnibus , ætas  
Quos vel prisca tulit , feret aut ventura ; subactæ  
Ut terræ cessere patri , tibi serviet æquor ,  
Et victis dominabere aquis ; te oracula quando ,  
Te præsaga notant vatum responsa futurum  
Everforem Asiæ , Libyæque potentis acerbum ,  
Et veræ columen fidei . Perge ire , beata  
Quo te fata vocant ergo , dextraque potenti  
Imperii sedem Solyma cape victor in urbe ;  
Et Nonas numera Octobris candente lapillo ,  
Sol quibus ostendit veniens , victamque recedens  
Barbaricam vidit classem . Proh Juppiter , illa

Quem

Quem te fama die memorat, quantumque fuisse !  
 Qua virtute ducis, quæ munera fortis obisse  
 Militis ! Exorients vix plenos aureus ignes  
 Extulerat Titan spargens super æquora lucem,  
 Quum procul Eoa veniens a parte, corulco  
 Splenduit immanis Turcarum classis ab ortu,  
 Vix numerum capiente freto. Lætaris, opaca  
 Ceu quum subsidens sylva trucidæ ardua tauri  
 Cornua conspexit Libycus leo, quem gravis urget  
 Ex longo collecta fames; it murmure vasto  
 Gaudens, arma licet pastorum dira lacestant,  
 Et prædæ securus, hians immane sub ira  
 Infremit, attonitumque nemus, vicinaque torvo  
 Territat arva sono; violentaque præparat ora  
 In saniem, curvosque ungues, & frangere magno  
 Armenti regem lætus confidit hiatu,  
 Excutiens cervice jubar: sic, magne Philippi  
 Frater, in occusu lætaris classis iniquæ.  
 Et viso exultas hoste, & te concipis acri  
 Victorem fore Marte, licet sit barbarus amplo  
 Prorarum numero melior, virtute minorem,  
 Et causâ tamen esse putas, læsosque movere  
 Arma Deo; gaudesque truci committere bello  
 Omnia, & exacuis vires, animosque tuorum.

Deseris ergo altam puppim, vectusque phaselo  
 Ipse tuam lustras classem; navesque per omnes,  
 Arma viros capere arma jubes, & in agmina certa  
 Ire jubes sub lege rates: ut Doria dextrum  
 Cum quinquaginta moderetur navibus agmen,  
 Ac tribus adjunctis, pelagoque exulter aperto;  
 Et toridem ducat lævo spumantia cornu  
 Robora, telluri vicinior, optimus armis  
 Barbadicus Veneto natus patre, certus iniquæ  
 Pro patria aut superis pugnando occumbere morti.  
 Dextrum signa ferat viridantia, & aurea lævum  
 Agmen; cæruleo signandas ipse colore,

Ter

Ter tibi vicenas binas medio agmine puppes  
Eligis ad pugnam ; duri quæ fulmina Martis  
Sustineant acie media , cornuque ab utroque  
Per spatium distent æquum , quo singula possint  
Agmina converti , quo Mavors postulet & res.  
Opponisque pares pelago , paribusque lacertis  
Ire jubes pullas , & findere cæcula rostris  
Æquo omnes cursu ; ter binas mole priores  
Præmittis pro fronte rates , curæque Duodi  
Committis , summis longe quas æquora tonsis  
Frangentes , validi septenus remigis ordo  
Commovet : hac recta contendere præcipis hostis  
In cuneos , primique ciere exordia belli.  
Extremum claudis terdenis puppibus agmen ,  
Quas sub Bazano signis candentibus omnes  
Ire jubes , classemque sequi , nec munera Martis  
Suscipere , arma armis donec connexa ruinam  
Alterius classis , populique , ducisque minentur.  
Tunc ruat , atque globos classis qua densior arctet ,  
Rumpat iter nostris , fessosque internecet hostes  
Integer , attonitosque novo sub Marte trucidet .  
Hinc manicas , corvosque mones , uncosque parari ,  
Appensisque graves hamis ex ære catenas ;  
Adversas religent puppes quæ puppibus , alto  
Ne possint errare salo , stabilemque profundo ,  
Ac terræ similem reddant bellantibus usum .  
Qui tormenta regant , & plumbea fulmina tetro  
Cum tonitru jaciant succensi pulveris æstu ,  
Quique incant primi pugnam , qui deinde capestant ,  
Designas ; ratibus qui transtra , forosque manipuli  
Defendant , inimica vago qui robora saltu  
Transiliant , sternantque suis in puppibus hostes ,  
Accendisque viros , verbisque ita faris amicis :  
Vicinus , o socii , neque enim Deus æthere ab alto  
Nos , licet indignos , oculis non aspicit æquis  
Arma manu , Christi pro religione , tenentes ,

Pro

Pro pietate, fideque, & nomine dulcis JESU.  
 Credite, vindicibus vobis gens impia pœnas,  
 Quas meruere, dabunt. Sternet navesque, virosque  
 Dextra potens summi divumque hominumque parentis.  
 Vos solitæ tantum memores virtutis adeste  
 His animis, quibus Hungaria pepulistis ab omni  
 Hos ipsos hostes, quibus ardua colla carenis  
 Subjicere armati regumque ducumque soletis;  
 Alta quibus celsæ superastis saxa Guletæ,  
 Aut Meliten quibus, aut quibus obsidione Madauram,  
 Hostibus his ipsis, hac ipsa classe fugata,  
 Hoc ipso domito Turca Numidaque, levastis;  
 Pectore quo dictam rigidæ de nomine rupis,  
 Aut quo formosæ cepistis Cypridis urbem,  
 Quo Samarobrinam, Memoransinumque ferocem,  
 Geldrudemque truci calcastis Terme subactæ,  
 Quoque rebellantem Illiberim, Bradulosque fugastis.  
 An non sternendos nostro sub Marte putatis,  
 Adverso qui bella Deo movere, profanos?  
 An Christum, fontes qui nos vel morte redemit,  
 Certa negaturum auxilia? Ipse ecce, ipse suorum  
 Auspex duxque notat nostræ vexilla salutis,  
 Et ruit in medios hostes capite arma, sequamur.  
 Hoc duce quis mortem lætus non appetat? aut quis,  
 ( Verius ut dicam ) vitam non servet in armis?  
 Cerno equidem, nostras circum victoria puppes  
 Ecce volat, Notus ecce minas deponit & unda,  
 Et melior nos aura juvat. Nunc promite vires,  
 Nunc iusta fervente ira, quot corpora classis  
 Illa vehit, dextris tot dilaniata sub istis  
 Præbebunt mutis optatas piscibus escas,  
 Vos opibus dites horum gaudebitis, & qui  
 Implestis terram partis pontumque trophæis;  
 Ad veteres olim quid ni juvet addere laudes  
 Classis Agarenæ stragem, cædemque, fugamque?  
 Ergo agite, & solitas o nunc, Hispana juvenus

Et

Et Romana, Deo pro nostro promite vires,  
 Pro natis, pro conjugiiis, pro rebus, & ipsa  
 Pro dulci vita, mundique salute ruentis.  
 Ipse ego primus ero, strictis qui cominus armis  
 Hallibbajani dirum caput ense ridadam;  
 Infiliamque rates inimici, & signa profundo  
 Barbara demergam, spoliisque exorner opimis:  
 Nam quis nostra Deo stabit contra arma regente?

Hæc fatus, celeri veheris super æquora cymba,  
 Omnia collustrans, disponens omnia, & omnes  
 Exhortans populos, calcarque volentibus addens;  
 Donec jam prior spumas salis impia classis  
 Hallibbajani ductum ducis ære ruebat.  
 Nam tunc signifera conscensa nave, tubarum  
 Arma sono Martemque cies, hostemque laceffis.

Ille autem fatis rerum committere summam  
 Certus, in occursum rarium secat uda tuarum  
 Marmora, & innumeris late ferit æquora tonfis.  
 Verum ubi terrifici ventum intra fulminis ictum,  
 Et tonitru potuere procul tormenta coruseo  
 Designata cito rarium loca tangere plumbo;  
 Innumeri micuere ignes, subitoque tumultu  
 Miscentur vasto commota tonitrua ponto,  
 Et premitur clamorque virum, stridorque tubarum,  
 Remorumque sonus; nec quid, nisi fulgur & ignes,  
 Auditur reboatque fragor; crepat æther, & alto  
 Pullatis tremuere polis vaga sidera celo.

Protinus ignivomi sinuosa volumina fumi  
 Incubuerunt mari, cælumque diemque repente  
 Eripuerunt viris, & crebro fulmine tactæ  
 Amiserunt rates aplustria, cornua, tonfas,  
 Antennas, malos, proras, tabulata, rudentes,  
 Et vasto suspensa mari fragmenta trahebant.

Fulmina nec tantum curvas tetigere carinas,  
 Discerpere viros etiam, passimque per omnes  
 Membratim naves laceri truncique cadebant,

Effuso

Effuso vastos augentes sanguine fluctus.

Nec minus interea pelagus fecat utraque classis,  
Et conferre manus avidi jam cominus, ampla  
Æquora percurrunt tonsis, verruntque profundum  
Pectora pulsantes remis, & in uncta cadentes  
Transtra viri; rostris donec contraria rostra  
Confluxere gravi crepitu, retroque carinæ  
In puppes rediere. Volant emissa furenti  
Tela manu, cœlumque tegunt, & vulnera miscent,  
Et vitas adimunt multis. Discordia demens,  
Odrisii soror & nutrix fidissima Martis,  
Ingreditur naves, odium ferit, & mover iras.  
Miscent ultrices Diræ bella horrida, terror,  
Armorumque fragor, & Mavortius horror  
Incendunt animos populis, stimulantque citatos.  
Pugnatur valida vi, miscenturque carinæ,  
Confliguntque iterum, cervisque tenacibus hærent  
Injectisque hamis, oriturque miserrima cædes.

Tunc tua ne possint fortissima facta latere,  
Ense caves, magno Carolo fate; & acribus armis  
Conspicuus, passu graderis per transtra forosque  
Ingenti, proramque subis tela horrida contra,  
Contra sulphurei jaculantia pulveris æstu  
Fulmineam plumbi segetem tormenta: nec ignis,  
Nec te dira super circumque volantia tardant  
Fulmina, vipereo nec spicula tincta cruore,  
Aut pluvia æstiva, aut brumali grandine plura.

Nec mora; vix jactis hæserunt robora corvis,  
Quum celeri raperis saltu, & te conjicis hostis  
In puppim, strictoque micas mucrone, ruisque  
Militis in cuneos inimici: unde horrida ferri  
In te grando ruit, pictisque in casside pennis  
Hæret, & ulla tui clypei pars vulneris expert  
Non fuit. Atque utinam cunctos feliciter ictus  
Effugeret corpus; minor est sed laudis amore  
Ipse dolor, pergisque inimicas cedere turmas,

Atque



Atque tuo factos gladio pede victor acervos  
Conterere, & gressu cæsas calcare phalanges:

Talis Achilleides Priami quum Pyrrhus in arcem  
Erupt, Danaïsq; viam vi fecit; & ante  
Talis erat naves fortissimus Hector Achivas,  
Quum rapidis iret flammis dare & urere classẽ.  
Fulmineo sic ense furis, sic obvia cædis  
Omnia, & ipse tuis aperisq; facisque viam vi.

Pugnat ad exemplum miles ducis, & salit altas  
Turcarum in puppes, & cominus ense cruento  
Res geritur, fervensq; furit toto æquore Mavors.

Attamen hybernos percurram promptius imbres,  
Aut vernos Cilicum flores, quibus Hebrus arenis,  
Flaveat Hybla thymis citius, quibus Africa aristis  
Expediam, cælum stellis, & piscibus æquor;  
Quam quos ipse viros ferro demiseris orco,  
Quorve quibusq; modis. Hallibbrajanus Eoæ  
Dux classis, dirique Asiæ Libyæque tyranni  
Præfectus, stragem cernens cædemque suorum,  
Torva fremens, passu graditur per transtra citato,  
Falcatum dextra vibrans immaniter ensẽ.

Et mihi, dixit, erit lux hæc postrema; carinas  
Aut impune meas nunquam insiliisse fereris,  
Austriadæ gentis dux audacissime Iberæ;  
Et vestræ, o locii, cædis comes, aut ego vindex  
Acer ero: didici sævas per vulnera mortes  
Perficere ipse etiam, gladiumque rotare per artem  
Et clypeum, dextraque frui lævaque vicissim,  
Et punctim & cæsim ferrum distringere in hostem.  
Vos tantum memores vestri ne cedite Iberis  
Turpiter, o fortis Turcarum electa juvenus,  
Et mihi commissi locii: non corpora saxo  
Inviçto fabricata gerunt, sed carnea membra  
Sunt illis, faciliq; queunt transfigier iclu,  
Et quovis ferro violari, & cædier hostes.

Sic ait, & validum repetitis iclibus enẽm

V

Terque

Terque quaterque tuæ, magna Tongritide nate,  
 Infixit cono galeæ; tamen ære repulsus  
 Infonuit raucum gladius, tantumque comantes  
 Excussit summo galeæ de vertice cristas.

Tu furis, atque omnes irarum effundis habenas,  
 Inque ensẽm assurgens valida vi percutis hostem,  
 Qua galeæ thorax committitur, & secat ensis  
 Fatalem ferri massam, stridensque resolvit  
 Vocis iter lucisque aditus, & trunca relinquens  
 Membra, fugit gemitu vita indignata sub umbras:  
 Erumpuntque uno nati de vulnere mille  
 Purpurei tepido manantes sanguine fontes,  
 In geminalque cadit partes scissum ære corusco  
 Corpus, & ingenti sonuerunt transtra fragore.

Confurgunt gemitu victi, resonantibus æther  
 Vocibus impletur vincentum, it clamor ad astra;  
 Et longe naves circum, lateque profunda  
 Æquora responsant, cælum ruit omne tumultu.

Tu lævas renovas cædes, & Marte secundo  
 Quotquot tela viros moverunt obvia, fido  
 Ente necas, & signa fretum demergis in imum  
 Barbara; tum spoliis lætaris victor opimis,  
 Captivæque trahis tercentum ad littora puppes;  
 Auditum nullis mundi per tempora sæclis,  
 Et tibi concessum soli. Date laurea, cives,  
 Victori date sarta duci, sacrumque corona  
 Augusta redimite caput; concurrite, patres,  
 Et lætum celebrate diem: plebs indiga magnos  
 Confundat proceres, paret ardua Roma triumphos,  
 Erigat ingentes procera mole colossos.  
 Stet bijugus niveo sonipes candore, lupatis  
 Obryzo fulvis auro, & spumantia mandat  
 Fræna ferox, currusque leves rotet arduus, auro  
 Insignes multo, Capitoliæque alta superbus  
 Dum subit, agglomeret gressus: ferus hostis ahenis  
 Præcat implicitus mæstissima colla catenis,

Et

Et cadat ante Jovis mactatus corniger aras  
Candidus , & rubro fervens in vulnere taurus .  
Vicit , io Pæan , vicit : vaga turba per omnes  
Ingeminet repetatque vias , clamolæque magnum  
Victoris nomen clarum super æthera tollat .

Tu , Pie , tu quoniam Christi regis ardua sceptrâ ,  
Christicolum princeps , mundi pater , optime pastor ,  
Divisas qui primus oves in ovilia sancto  
Fædere junxisti , possent rabida ora luporum  
Ut vitare , canum spumosis moribus , altum  
Tu melior , tu sancte pater , tu dignior unus  
Exorare Deum , & meritas pro munere tanto  
Reddere cælitibus grates , dare thura , beatis  
Christi sacra frequens adolere altaria donis .  
Ergo effunde , pater , pia vota , & sidera pulsa ,  
Et patribus comitate tuis delubra frequentata ,  
Indignum ut populum Deus adjuvet ; eja age , cæpris  
Insistat , largaque dedit quæ munera dextra ,  
Servet , & ipse sui conculcet nominis hostes .

Tu quoque , Christicolæ gregis arbiter , & vir , & idem  
Rexque , parensque , tuæ decus immortale Philippe  
Hesperix , fortes per lustra emitte molossos ,  
Armentique feras inimicas ejice sylvis ,  
Attonitasque truci cornu pete ; perge , age , perge ,  
Dirue turbato Byzantia mænia Turca ,  
Signaque fatalem Solymum rape victor in urbem ,  
Nec nisi Dædalia superata collige Memphi .



# S P H Æ R A M U N D I A

**O** Dea, quæ mundi radios specularis & astra,  
 Uranie, vosque o superi, quibus ardua curæ  
 Sidera, qui regitis cœlos, quique alta moveris  
 Atria; vos aperite polos, vos pandite mundum  
 Et cœli secreta mihi: da guttura centum,  
 Centum, Phœbe, lyras, centumque sonantia plectra,  
 Da toridem voces, meque in centena resolve  
 Ora, precor. Fluat Aonio de vertice rivus  
 Largior assueto; nunc nunc fluat omnis in unum  
 Fons Pindi, totasque in me facer amne soluto  
 Fundat gurgēs aquas, meque obruat omnibus undis.

Post illud deforme chaos, resque ordine nullo,  
 Materiamque rudem; faber ingeniosus Olympi  
 Distinxit geminis totum regionibus orbem.  
 Altera mixtorum species, diversaque rerum  
 Corpora, & æternas elementa gerentia pugnas  
 Occupat in medio; centrum invariabile mundi  
 Fixa jacet tellus; terram circumfluus alto  
 Æquore Neptunus, sed non totam undique cingit,  
 Obruta ne pereant animalia fluctibus: aer  
 Rarior ambit aquas, levis æra circuit ignis,  
 Et nitidam puro contingit vertice Lunam.

Cœlum.

Altera nobilium sedes æterna decorum  
 Æthereos orbes, & Olympica continet astra,  
 Nescia ventorum, nigrae caliginis experts.  
 Non illic habitant nubes, sed sidera semper,  
 Æternique micant ignes, morituraque nunquam  
 Lumina, & æternos æterna moventibus orbes  
 Vita datur; non hos extinguere longa senectus,  
 Non vis ulla queat, non quod rapit omnia tempus.

Hanc etiam misero divum pater ordine molem  
 In cœlos secuisse novem, toridemque dedisse  
 Orbibus aurigas fertur, primumque vocasse  
 Mobile, quod reliquos complectitur undique cœlos.

IX. Cali.

Primum  
mobile.

Cur-

Currere non illic stellas , non ulla vagari  
 Altra dedit : posthac stellatus in æthere circus  
 Venit , ubi certo distantia sidera tractu  
 Fixa manent : dedit inde vagos errare planetas ,  
 Perque suos orbes discurrere . Cernitur illic  
 Dentigera cum falce Senex , nimiumque decora  
 Stella Jovis Phaeton , dignam cui sidera formam ,  
 Pastor avis Scythicæ miserabilis ille Prometheus ,  
 Contulit . Inde suo stat belliger orbe Gradivus ,  
 Et secum antiquos Pyrois testatur amores .  
 In medio tu , Phæbe , micas ; natumque supremo  
 Fulmine dejectum cælestia tollis ad alstra ,  
 Et male conductos curstu meliore jugales  
 Ire doces : sedet inde Venus , Venerisque binomen  
 Lucifer , unde suum quæsitiv Iberia nomen ;  
 Quique ratus forma se vincere posse Dionem est .  
 Te sequitur , formosa Venus , celer ille deorum  
 Nuncius , Assyrio scrutatus acumine cælos .  
 Virgoque fraterno radians splendore triformis  
 Inferiora tenet mundi loca ; quicquid & aer ,  
 Quicquid Neptunus , quicquid turrita Cybele ,  
 Et Vulcanus habet , Lunæ complectitur orbis .

Hoc ubi fidereos prudens natura penates  
 Ordine disposuit ; motu primum ire diurno  
 Fecit ab Eois ad Iberica regna per Austrum ,  
 Atque orbes raptare alios , sphaerasque minores  
 Pene reluctantes , mundumque adversus ituras ,  
 Tendere per Libyen a vespere fecit ad ortum .  
 Denique per mundi nunquam variabile centron  
 Ad Boream rectus deducitur axis ab Austro  
 Vertice finitus gemino ; cui nixus utrinque  
 Volvitur unimoda semper vertigine cælum .  
 Alter in occiduos populos Aquilone perustus  
 Despicit , & nobis se sponte videntibus offert ,  
 Æternaque facit Geticos nive surgere montes .  
 Alter inhumanos Garamantas , & Indica longe

VIII. Sphae-  
ra.

Saturnus .

Juppiter .

Mars .

Sol .

Venus .

Mercurius .

Luna .

Mons primus  
mouille .Mons alius  
non Sphae-  
rarum .

Axis .

Poli .

Rura

Rura videt , nostroque procul semotus ab orbe  
 Lumina nostra fugit . Spaciis æqualibus inde  
 Inter utrumque jacens a cardine distat utroque  
 Linea , quæ mundum sinuoso margine cingit ,  
 Atque dies geminos totidem cum noctibus æquat .  
 Quattuor ipsa pari distantes ordine circos  
 In medio posita aspectat . Nitet Arcticus illic  
 Circulus , hinc fulget sed contra Antarcticus : illum  
 Signiferi vertex duplici conterminus Arcto  
 Efficit ; hunc alium , quem nubibus aspicit Auster .  
 Inde Lycaoniam sed fervidus orbis ad Urfam  
 Tendit , & australes tropicus brumalis ad oras .  
 Phœbus utrumque facit , Phœbum convertit uterque .  
 Nunc declivis enim , nunc in sublime vagatur .  
 Cogitur ardentes Sol inde reflectere currus ,  
 Quem ( modo dum premitur , dum se modo tollit in altum )  
 Ægoceros donat nobis , & Carcinus aufert .  
 Hi numero quamvis non sint nisi quattuor orbes ,  
 Quinque tamen nitido faciunt habitacula cœlo .  
 Semper habent extrema nives , mediumque calore  
 Perpetuo incultum facit intolerabilis æstus ;  
 Semper enim ardentes illa regione qudrigas  
 Phœbus agit : duo sed tepidis habitanda colonis  
 Omniparens natura dedit , mediumque tenere  
 Jussit , & immenso cum frigore miscuit ignem .  
 Hinc quasi certantes gemini per summa Coluri  
 Orbis eunt , mundique polis : secat alter utrumque  
 Obvius ; hic paribus discriminat ardua punctis  
 Solstitia , atque vagi declivia maxima Solis .  
 Bisque dies alter sed circus noctibus æquat .  
 Adde quod in Stygiis medium se abscondit uterque  
 Vallibus , & medium nostris se aspectibus offert .  
 Hos prope finitor spazioso margine visum  
 Terminat , & medium secat incurvatus Olympum ,  
 Partibus & superis partes disternat imas ,  
 Quas hominum aspiciunt oculi : namque altera cœli  
 Pars

Pars occulta fugit, pars cernitur altera nobis.  
 Hic etiam geminatus erit; nam rectior alter  
 Suppositos calido videt æquatore Sabæos,  
 Atque Arabas, nullaque polum plus parte levatum  
 Aspicit; at populos ultro citroque colentes  
 Declivis finitor habet; quibus alter ad imum  
 It polus, atque alio semper plus tollitur alter.

Horizon  
rectus.

Horizon  
obliquus.

Æquator.

Zodiacus.

Lineæ eccli-  
ptica.

Artes.

Taurus.

Tu quoque, qui cœli per bina cacumina transis,  
 Lucis adæquator mediæ, descriptus in albo es  
 Cœlicolum, per te variæ distantia terræ  
 Nota sophis; certo tu gentibus indice monstras,  
 Quantum aliis distet quævis regionibus ora.  
 Hinc & Olympiacos inter latissimus orbes  
 Signifer obliquo circumvolat æthera gyro,  
 Findit & æquantem medium; parsque una Tomitas  
 Vertitur ad boreos, pars altera vergit ad Indos  
 Austricolæ; lucet medio via Solis in orbe,  
 Et certum demonstrat iter, Phœbumque meantem  
 Recta videt: speciosa gerens animalia circus,  
 Bissena illustrat decoratus imagine cœlum.  
 Prima niter tua, Phryxæ, pecus, cui fulvius auro  
 Vellus erat; quæ te peregrinam ad Colchida vectum  
 Pertulit incolumem, & ponto famosa daturam  
 Nomina, deseruit miserandam in fluctibus Hellem.  
 Hic dum Phœbus erit, vigiles estote parandis  
 Frugibus agricolæ; vos tradere semina terris  
 Astra manent: si cura tenet vos fœnoris ampli,  
 Reddite prægnantes fœcundo vomere campos.  
 Tu quoque, Phœnicis vector lascivæ puellæ,  
 Cœlum habitas, septemque caput tibi Plejades ornant,  
 Assuetæ turbare fretum, timidisque minari  
 Classibus, & meritæ tractare cubilia divum.  
 Tres etenim nupsere Jovi, geminæque parenti  
 Equoreo; Mars, una tibi; tibi, Sisyphæ, conjux  
 Una fuit; sed sola latet tua, Dardane, mater,  
 Ora manu vultumque tegens, ne flebile Trojæ

Exci-

Excidium , patriæ ne fata indigna cadentis  
 Cerneret . Has etiam non indignatus alumnas ,  
 Ut pater effusi Bacchus dispendia lactis  
 Munere pensaret , ne tu sine cornibus esses ,  
 Sidere septeno fecit tibi cornua , Taure .

Geminæ .

Et vos , Ledaï juvenes , quos unus & ingens  
 Ad superos evexit amor ; nam funera fratris  
 Interitumque sui pietas fraterna redemit ,  
 Atque ideo alterno nunc ordine fulget uterque ,  
 Alterutro surgente cadens : bonus ipse domandis  
 Castor equis , Pollux contendere cestibus audax ;  
 Rector uterque maris , nebulas ventosque fugare  
 Frater uterque potens , tumidisque imponere pacem  
 Fluctibus , insanumque freti placare furorem .

Cancer .

Æthera quin etiam superatus ab Hercule Cancer  
 Officio Junonis habet , qui morsibus ire  
 Ausus in Alcidem , fuso Lernæ cruore  
 Infelix vada turbavit : pecuaria terræ  
 Arcadiæ ad præsepe nitent , quæ murmure quondam  
 Insolito pavidos consternatura gigantes ,  
 Victores fecere Deos . Leo proxima Cancro  
 Signa tenet , Leo dux nemoris , princepsque ferarum  
 Inclytus , Herculei non ultima palma laboris ,  
 Qui Nemeæ fines , & pauperis arva Molochi  
 Consuerat , tristesque metu vexare Cleonas :  
 Sed tandem meritis prostratus ab Hercule pœnas  
 Invita Junone dedit ; nunc redditus astris  
 Signiferum exornat , gestatque in acumine caudæ  
 De Bereniceo sublatos vertice crines .

Virgo .

Hunc sequitur Virgo , quæ postquam evanuit atas  
 Aurea , & immiti successit ahenea mundo  
 Ob scelera in terris , hæc inferiora reliquit ,

Libra .

Ad superos atque astra volans . Hinc pendula Libræ  
 Brachia ; & irata quondam tellure creatus ,

Scorpius .

Qui nimis audacem laniavit Oriona , serpens .  
 Nunc autem accusans hominum temeraria fata

Obser-



Observare modum docet , & sua pondera quemque  
 Metiri ; ne Therſites ignavus Achillem ,  
 Ne Telamoniaden Heſtor , ne more gigantum  
 In ſuperos mortalis eat . Loca proxima Chiron  
 Occupat , Æmonios arcus pennataque vibrans  
 Tela manu , quo nec melior , nec juſtior unquam  
 Viſus in Æmathiis , potuit qui ſolus amœna  
 Æacidem domuiſſe chely ; ſed ab hospite telo  
 Occidit , & virus lethale ſenilibus hæſit  
 Offibus : o nimium magnis conſueta nocere .  
 Fata viris , vix o ſuperis placabile farum !  
 Si quid enim virtus , ſi quid medicina valeret ,  
 Si quid Theſſaliciſ collectæ in montibus herbæ ;  
 Hic Chiron modo juſte fores , & longa maneret  
 Vita tibi . Sedet inde Caper dilectus Iaccho ;  
 Et ſolitus portare nives , urnaque timendus  
 Imbriferâ juvenis , patria ſublatus ab Ida ,  
 Qui meruit ſervire Jovi , ſeſſiſque parare  
 Dulce merum ſuperis , peperit ſibi forma ruinam ;  
 Ingens forma malum , ſemper diſcrimine forma  
 Plena fuit , ſemper nocuit præſtantia formæ .  
 Tindaris optaret nunquam formoſa fuiſſe ,  
 Ipſaque deformem peteret Lucretia vultum .  
 Extremit Phœbum aſpiciunt , atque ultima cœli  
 Signa tenent gemini Piſces ; quorum alter in Auſtrum ,  
 Alter in adverſum Boream contendit , & Hæmum  
 Stridentem gelidis , quas procreat ipſe , procellis .  
 Non illis Veneri gratum magis ardua cœli  
 Regna tenet ſidus , puero nec Cypridis . Olim  
 In piſces Veneremque ferunt , Natumque figuram  
 Muſaſſe , Euphratem ad fluvium , lævalque gigantum  
 Vitaviſſe manus . Non illis at Syrus hamos ,  
 Non ullos fallax caſſes , aut vincula neſcit .  
 Relligio his menſas onerare , famemve fugâſſe .

Sagittarius .

 Capricor-  
 nius .  
 Aquarius .

Piſces

Hæc per ſigna vagans diſcriminat annua Phœbus  
 Tempora ; ver faciunt cari duo ſidera fratres ,

X

Vector

Vect̃or & Europæ, vect̃orque Athamantidos Helles.  
 Ver placidum, ver sole tepens, ver flore decorum,  
 Ver quoque odoriferum, ver læta rosaria portans;  
 Veris amica Venus, prænuncia veris hirundo,  
 Vere solet dulci spirare Favonius aura.

Æstas nuda venit placidi post tempora veris,  
 Grata æstas, nimiumque avidis sperata colonis;  
 Æstas verus amor Cereris, quæ credita terræ  
 Supra humeros frumenta gerit, velataque culmis  
 Tempora, & agresti redimitum pectus arista.  
 Quam peragunt tria signa, pia cum Virgine Cancer,  
 Herculeusque Leo: lapio Chelys occidet æstu,  
 Pestiferi Chelys autumnii certissimus index,  
 Dum modo frigoribus, flammis modo percita languent  
 Corpora, & incerto nos aere decipit Eurus;  
 Dum Baccus pater, & maturis vinitor uvis  
 Callidus, ipse merum autumnus diffundit ab ore.  
 Barba liquore madet, pendent cervice racemi,  
 Tempora sunt hederæ, sunt brachia cincta corymbo.  
 Scorpious hunc sævo metuendus verbere caudæ,  
 Et pius Arcitenens, æquataque pondera Libræ  
 Lance pari faciunt. Niveis ornata capillis  
 Autumno succedit hyems, dum terra pruinis,  
 Et nivibus vestita riget, dumque acria pungunt  
 Frigora, & arboreas violento turbine frondes  
 Horridus evertit Boreas, dum pendula tectis  
 Stat glacies. Hyemem faciunt signa ultima Pisces,  
 Dardaniusque infans, & quem male rodere vitem  
 Pœnituit, Bacchi maculans altaria tabo.

Cætera nunc agendum, quibus illustratur Olympus,  
 Uranie, dic astra mihi (te namque deorum  
 Nemo prior referare potest) quo tollar in altum.  
 Quæ juga, quos me, Diva, jubes ascendere montes?  
 Jam videor spectare deos, jamque Arcada plaustrī  
 Custodem aspicio; video Cynosuran, & alto  
 Axe Helicem, variis ductrices classibus uras.

Archas.

Cynosura.

Helice.

Altera

Altera nam Tyrios, Danaos regit altera nautas ;  
 In mare neutra cadit , neutra Oceanitide lymp̃ha  
 Mergitur: hoc etenim vetuit Jovis invida conjux .  
 Inter utramque ferum vasta cervice Draconem  
 Aspicio, magni recubantem fluminis instar .  
 Ille sua Herculeos aucturus morte triumphos  
 Inclyta servavit pomis fulgentibus arva .

Amphitryoniadem video radiare coronam  
 Omnibus ornatam numeris, cunctisque decoram,  
 Quas Arabum tellus, aut quas habet India, gemmis.  
 Cujus luce videns tenebroso in carcere Theseus,  
 Antra pererravit tenui labyrinthia filo,

Et rediit tauri domitor . Pulchram Orpheos inde  
 Cerno Lyram, quæ sæpe sui dulcedine cantus  
 Saxa ferasque loqui, Thracum descendere montes,  
 Hebrum vertere iter, Rhodopen descendere fecit .  
 Hic quoque Neptuni te candide vidimus ales  
 Cantantem refono venientia gutture fata.

Hic etiam misera cum conjuge Cephea vidi  
 Æthiopem, immanique datam Cepheida monstro.  
 O miserande parens, sobolesque infausta parentis  
 Andromede, stolidi pœnas pro matre dedisti !

Illa etenim æquoreas vefana laceffere nymphas ,  
 ( Ut vivax aquilam cornicula, Mariya Phœbum )  
 Ausa fuit ; sed tu scopulis religata marinis

Impia maternæ purgasses crimina linguæ ,  
 Ni Jove prognatus, Phorcynidos ille Medusæ  
 Victor Abantiades, duris tibi vineta catenis  
 Brachia solvisset, fatoque immane dedisset  
 Pectora Palladia circumdatus ægide monstrem .

Hunc tandem indomitæ vires, immensaque virtus  
 Cum tot sideribus requiescere fecit olym̃po .

Nec procul anguipedem, quo nemo sagacius unquam  
 Curribus admotos potuit frænare caballos,  
 Vidimus, inque humero signum pluviale sinistro  
 Oleniæ pecudis ; quæ dicitur ubera magno

1772, seu  
 Pindula.

Cycnus.

Cepheus.

Cassiopeja.

Andromede.

Perseus.

Hierosia  
 Erichtho-  
 nius, seu  
 auriga.

Capra Jovis  
 mœna.

Aega

Hædi .

Ophileus ,  
scu angul-  
fer .

Aega dedisse Jovi , fœcundaque cornua gestans  
Imbriferos Idæ genuit sub montibus Hædøs .

Vidi etiam Phœbo pulchraque Coronide natum  
Anguiferum Juvenem , qui tristia fata mederi

Arte sua docuit , manesque emergere bustis ,  
Et superare feram , quamvis domat omnia , mortem .

Sagitta .

Nec non Caucaſeæ tabo madefacta volucris  
Tela , quibus medio cessit de pectore vultur ,

Aquila .

Et quorum auxilio defessa quiescere membra  
Dædalii potuere senis . Jovis ales in æthra  
Inde mihi conspecta fuit ; quæ prima ferarum  
Ausa renascenti est oculos opponere Phœbo .

Cetus , seu  
patrix .  
Delphin .

Quique domos pavidæ nimis infestabat loppes  
Cetus atrox , nec non Cithara qui captus amœna  
Securum ad patriam deduxit Ariona Lesbos .

Pegasus .

Hic & præpetibus volitantem Pegason alis  
Cernimus , excelsum quo raptus in æthera fortis  
Bellerophon Lyciæ rupit tria fila Chimæræ .  
Heu ! Juvenis miserandus erat prope vêtus in altam  
Cœli oram , numeroque deum se inferre parabat &c.



## Æ S O P I F A B U L Æ.

## I.

*Aquila , & Vulpes .*

**I**Nter Reginam volucrum , Vulpemque sagacem  
 Nuper amicitia sociali fœdere juncta ,  
 Contiguas habitare domos statuere , vigeret  
 Officiis ut adactus , & assuetudine longa  
 Vincinis conflatus amor , firmusque maneret .  
 Nec mora , Dictæi Jovis armiger arboris altæ  
 Affixit ramis nidum , pullosque creavit .  
 Occupat huic Vulpes vicina arbuſta , paritque  
 Haud ita ſpernendam ſobolem ; ſed Vulpe proſecta  
 Dilectis , ut ſit , quaſitum pabula natis ,  
 Apta miniſteriis ales Jovis , indiga paſtus  
 Evolat , & Vulpis natos abſentis ab ipſis  
 Extrahit arbuſtis , & adunco ſurripit ungue ,  
 Ereptoſque ſuis cum pullis devorat omnes .  
 Ergo ubi natorum rediens triſtiſſima Vulpes  
 Funera & auctorem mortis cognovit , obortis  
 Lumina perque genas lacrymis , non morte ſuorum  
 Tam dolet infelix , miſeret quam ſortis iniquæ ,  
 Vindiçtæque inopis ; volucrem quod tardior ipſa ,  
 Ut decet , ulciſci propria virtute nequiret .  
 Quod licet , & miſeris facile eſt , & quod datur unum ,  
 Eminus infeſtam dira prece devovet hoſtem .  
 Haud igitur multum poſt tempus , ſacra quibuſdam  
 Rure procul capra facientibus , advolat ales  
 Prædatrix , fructumque rapit , prunaſque ſequaces ,  
 Et nido apponit natis ; ſed ſtantibus Euris  
 Excita nidus ſuccenditur undique flamma .  
 Implumes pulli , nec adhuc cœlique Joviſque  
 Gnari , dum flammâs fugiunt , cecidere jacentes  
 Semuſti in terram : Vulpes accurrit , & omnes  
 Ipſo in conſpectu matris laceratque voratque .

*Af-*

*Affabulatio.*

Fœdus amicitiae violatum ulciscier ipse  
Non potes ? ultores spera ocus adfore divos.

## II

*Aquila, & Scarabeus.*

**I**N lustrum, scetante Aquila, tremebundus opacum,  
Antiquum hospitium Scarabæi, præpete cursu  
Aufugit Lepus, & supplex servarier orat.  
Ille Jovis volucrem per magni summa tonantis  
Numina, perque deos omnes divasque precatur,  
Exiguum quanquam, ne se aspernetur amicum,  
Neu leporem violet; miserataque supplicis, illum  
Illasum turgurj hospitio tutumque relinquat.  
Nuncia sed superum regis, commota furore,  
Alarum oranti pennas incussit, & ungue  
Arreptum misere leporem rostroque recurvo,  
Devorat, & laceros morfu depalcitur artus.  
Exitio Scarabæus at hospitis, atque repulsa  
Indignatus, avem sequitur Jovis, ut videat quo  
Nidificet regina loco pariatque volucrum:  
Nec mora, persequitur, nidumque audacius intrat,  
Ovaeque dilrumpit pedibus revoluta retrorsum.  
Illa grave acceptum vulnus mirata, nec hostis  
Conscia, nec facinus qua quis patnaverit arte,  
Editiore loco nidum partumque reponit.  
Illic sed rursus vindex Scarabæus, eodem  
Affecit damno miseram. Tunc denique patri  
Cœlicolum rapto Ganimedis grata volucris,  
Mentis inops ipsum in cœlum conscendit, & ipso  
Tertia magnanimi gremio Jovis ova locavit  
(In Jovis esse etenim tutela dicitur ales)  
Atque deo supplex commendat, & anxia multa  
Cum prece, depositum quo server sedulus, orat.

Ille

Ille tamen tetra pilula de stercore facta  
 Avolat, inque sinum divumque hominumque parentis  
 Immundamque olidamque polo demisit ab alto.  
 Excutit ille fumum celer, & dum surgit ab aureo  
 Divorum pater atque hominum, quo forte sedebat,  
 Sublimis folio, pariter fulvæ alitis ova  
 Projicit oblitus, projectaque conterit. At quum  
 Arte nefas factum Scarabæi novit, ut ipse  
 Ob læsum hospitium, se seque deosque superbe  
 Acceptos, Aquilam sic ulciscatur iniquam,  
 Quæ se non tantum graviter læsisset, in ipsum  
 Impia sed cœli patrem terræque fuisset;  
 His pater est Aquilam redeuntem affatus amicam:  
 Jure quidem quicquid damni es perpeffa, tulisti.  
 His etenim, ut merita es, Scarabæus læviit in te  
 Affecitque malis: sed cum rarefcere nolle  
 Juppiter omnipotens volucrum genus armigerarum;  
 Consultum voluit Scarabæo, ut fœdere pacto  
 Ire in amicitias Aquilæ curaret: at illo  
 Haudquaquam Jovis imperio parente, Aquilarum  
 Constituit partus, ac tempus contulit, in quo  
 Gens Scarabæorum nullis appareat oris.

*Affabulatio.*

Ne contemne prior quenquam, neu læde minorem,  
 Præsertim ulcisci nequeat quum nemo coactus.

III.

*Philomela, & Accipiter.*

**T**Ereos incestum patula super arbore, non jam  
 Muta, sed argutis cantu Philomela sonoro  
 Addita passeribus, plangens de more canebat.  
 Cum miseram prædo Accipiter, dum quæritat escam,  
 Et videt, & furtim violento corripit ungue:  
 Illa prece Accipitrem multa moribunda rogabat  
 Oppri-

Opprimeret ne se , minimo quæ corpore parva  
 Elca futura foret ventri prædonis acerbi  
 Implendo ; in volucres , si pastus indigus esset ,  
 Majores , satur unde foret , sævire deceret .  
 Ille sed obtutu torvo conversus , & illam  
 Ungue premens . Quidnam , inquit , ais scelerata ? putasne  
 Me fore tam stultum , prædam ut quam forta paravi ,  
 Dimittam , sequar absentem , & spe pascar inani ?

*Affabulatio .*

Quod partum est rerum , sapiens ne amitte , furentis  
 Sed reputa , certas pro incertis linquere prædas .

IV.

*De Vulpes , & Caper .*

**I**N puteum Caper & Vulpes æstuque sitique  
 Compulsi pariter descendunt ; quumque bibendi  
 Est exenta sitis , reditumque pararet uterque ,  
 Nec revocare gradum , superasque evadere ad auras  
 Possent , attonito Vulpes ait improba Capro :

Hirce , bono esto animo , quoniam mihi multa putanti  
 Succurrit ratio , reduces qua simus uterque .  
 Nam tu , macte animo , rectum ( si vera monenti  
 Credideris , neque me cerebri reputaris inanem )  
 Erige te , admotis pedibus primoribus istum  
 Ad murum , mentoque imum sub pectus adacto  
 Cornua , quæ tereti tibi sunt in fronte , reclina ;  
 Ut prior ipsa tuum per tergus , perque verenda  
 Cornua transiliens , putei me in margine sistam ,  
 Educamque manu tunc te . Caper horridus illi  
 Credidit , erigiturque pedes procerus in imos ,  
 Tergaque , cornuaque erectus Vulpi dedit . Illa  
 Accurrit , dorsumque fuga & data cornua vincit ,  
 Et puteum superat saltu , tutoque locatur .  
 Vixque sibi credens tantum evasisse periculum ,

Curfi-



Curſitat huc illuc , puteique in margine ludens  
 Lætitiâ exultat victrix , & deſpicit Hircum .  
 A quo ſed fractæ fidei inculcata , jocose  
 Reſpondet : Tantum ſenſus ſi mente fuiſſet ,  
 Quantum ſectarum mento eſt tibi , barbigèr Hirce ;  
 Haud prius in puteum te deſcendiſſe fuiſſet  
 Par , quam quum reditus foret explorata poteſtas .

*Affabulatio .*

Eventus prudens rerum ſcrutare , priuſquam  
 Accedas , aut rem temere aggrediariſ agendam .

V.

*De Vulpe & Pardo .*

**D**E ſpecie Pardo & Vulpi certamine ſumpto ,  
 Diſtinctam maculis pellem lucentibus ille  
 Oſtentabat agens , & verſicolore micabat  
 Corpore ; quum Vulpes : Quanto ſpecioſior , inquit ,  
 Ipſa ego , cui corpus ſi ſimplex contigit , at ſum  
 Verſicolorem animum , & mentem ſortita ſagacem .

*Affabulatio .*

Ne pete laudari ſpecioſo corpore , mentem  
 Sed cole : pulchrum animum præſtat , quam corpus habere .

VI.

*Sus & Canis .*

**A** Cane Sus , odium natæ obſciciente Diones ,  
 Porcinam in templum non admittentis edentes ,  
 Opprobrio quondam , & liventi voce petita :  
 Hinc , ait , hinc potius , quo me dignetur amore  
 Nata Jovis , promptum eſt cognoscere ; quæ neque morte ,  
 Nec damno paritur , quin averſetur , ab ullo  
 Me lædi quamvis minimo . Tu peſſima , ſed tu  
 Et vivens male oles , & poſtquam es mortua , pejus .

Y

*Affa-*

*Affabulatio .*

In laudem converte tuam quæ objecerit hostis ,  
Si sapias , & rabiem vinctes mordacis honesto .

## V I I .

*Vulpes & Leo .*

**V**idisset nunquam Vulpes quum cauta Leonem ,  
Atque illi media in sylva occurrisset ; acerbo  
Usque adeo , primo aspectu , perculsa timore est ,  
Ut nihil abfuerit quin mortem exanguis obiret .  
Obvia sed rursus regi quum facta ferarum  
Esset , & attonito retro vestigia gressu  
Vertisset , timuit certe , pavidoque recessit  
Calce tremens ; verum non est exterrita ut ante .  
Tertia sed postquam occurrit , viditque ferocis  
Ora feræ , non tantum ausa est consistere , verum  
Alterna accedens regem est affata loquela .

*Affabulatio .*

Accessus hominum nimios vitato modeste ,  
Uso quandoquidem vilescunt omnia multo .

## V I I I .

*Feles & Gallus .*

**C**Ristatum Feles Gallum venatus , & illum  
Nonnulla cupiens causa & ratione vocare ;  
Accusabat agens , turbatoremque vocabat  
Nocturnæ pacis , media qui nocte quietem  
Rumperet assiduis clamoribus , agraque somno  
Haudquaquam fineret mortalia corda vacare .  
Excubitor contra se se excusabat , id ipsum  
Se facere , ut segnes opera ad consueta vocaret ,  
Ex usuque hominum fieri dicebat : At , inquit  
Prædator , matri quum te tamen improbe mîlces  
Concubitu infando , carisque sororibus ; an non  
Impius

Impius es , veneremque petis , scelerate , nefandam ?  
 Nuncia sed lucis volucris Tithonia , quæstus  
 Se facere hoc etiam causa dominique domusque  
 Dicebat ; namque inde pari mortalibus ova  
 Plurima , pullorumque genus tum crescere , & omnem  
 Gallinis Gallisque domum complere beatam .  
 Quum Carus : Heus , inquit , pulchris rationibus & si  
 Exsuperes ; tamen hinc nunquam jejunos abibo .  
 Sic ait , & miseri fauces perstringit acutis  
 Dentibus , & multo solvit jejunia morfu .

*Affabulatio .*

Ne peccato : boni specie peccare maligna  
 Quum siquidem natura nequit , tunc peccat aperte .

## I X.

*Vulpes .*

**I**ncidit in casses Vulpes , caudaque resecta  
 Evasit laqueos infames , præque pudore  
 Vivendam haudquaquam vitam pudibunda putabat .  
 Ergo alias capere insidiis & fallere Vulpes  
 Decrevit , specique boni communis ut ipsæ  
 Abscindant etiam caudas suadere ; levaret  
 Dedecus ut proprium communi sedula damno .  
 Undique collectis igitur rescindere cunctis  
 Suadebat caudas , probro quæ Vulpibus essent ;  
 Nec tantum probro , aut oneri quoque semper inepto ;  
 Atque supervacuo . Ridens quum e Vulpibus una :  
 Grandior heus nostri generis soror , id tibi soli  
 Quod conducit , ait , dum suades omnibus , erras .

*Affabulatio .*

Consule quod rectum est , consultoremque caveto .  
 Turpe tuam est aliis , & iniquum consulere in rem .

## X.

*Vulpes & Rubus.*

**A**nceps dum vitat Vulpes quod forte periculum  
 Gliscebatur, setem conscendit; cumque fuisset  
 Dum properat casura, Rubum complectitur ulnis  
 Acribus hirsutum spinis, perfossaque duris  
 Sentibus exclamat: Misera mihi, namque juvari  
 A te dum posco, tu me pejoribus urges,  
 O Rube, & infestas damnis; nec, pessime, quicquam  
 Porrigis auxiliis, pro quo tamen uris egentem.  
 Cui Rubus: Errasti, Vulpes, ait; an ne putasti  
 Me capere, hamatis qui sentibus omnia carpo?

*Affabulatio.*

Poscito opem superos; stultum est nam poscere ab illis  
 Auxilium, quibus est rabies innata nocendi.

## X I.

*Vulpes & Crocodilus.*

**D**E genere, & veteri de nobilitate parentum  
 Certabant Vulpesque sagax, Crocodilus & ingens,  
 Hyblæique soli, & septemPLICIS accola Nili.  
 Et magnum certamen erat; sed multa superbe  
 De splendore patrum, disciplinisque suorum,  
 De studiisque, scholisque, atque omnibus artibus, ille  
 Quum narrasset; ait Vulpes: Verum, optime, si tu  
 Conticeas, veteri fueris quam exercitus ævo,  
 Ex te, atque ex ipsa callosa pelle videris.

*Affabulatio.*

Discito vera loqui: mendaces arguit ipsa  
 Res, de qua sunt magnifice permulta locuti.

## XII.

*Galli & Perdix .*

**F**ORTE domi Gallos clari Titanis alumnos  
Pascebat quidam , cum quis permisit & emtam  
Pascere Perdicem ; volucres quam lucis amantes  
Pellere , & infestis cæpere affligere rostris .  
Illa quidem merito dolet anxia ; namque putabat  
Se , quoniam specie multum distaret ab illis ,  
Tanquam alienigenam tractari ; sed tamen ipsos  
Quum conspexisset paulum post temporis , atris  
Vulneribus cædi miseros , cæcitque vicissim  
Concertare odiis ; mærore soluta , quid inquit ,  
Amplius afflicter ? videam cum tristibus ipsos  
Intestina odiis , suæque in se se arma ciere ?

*Affabulatio .*

Ferto bono prudens animo , si injuria ab illis  
Est illata tibi , sibi qui nec parcere norunt .

## XIII.

*Vulpes .*

**I**NTROGRESSA domum Vulpes pictoris , & omnes  
Pericrutata ædes , & singula mimica vasa ,  
Incidit in larvæ mirum caput , atque magistri  
Arte laboratum multa ; mirataque , utrisque  
Suscepit manibus ridens , & : Juppiter ! inquit ,  
Quale caput ! cerebri sensum sed non habet ullum ,

*Affabulatio .*

Spernito corporeæ formam speciemque figuræ ,  
Una homines ratio facit , & sapientia dignos .

## XIV.

*Carbonarius & Fullo.*

**Æ**Dibus in magnis cum Carbonius ater  
 Olim conductis Ephyreco degeret ære ;  
 Fullonem accedens , sub tecto habitaret eodem ,  
 Cum prece sollicitus multa blandusque rogabat .  
 At Fullo excusans se se : Potero , inquit , amice  
 Haudquaquam facere , ut petis : est mihi namque verendum  
 Ne meus alba labor quæ reddit , protinus ipse  
 Carbonis furva perdas fuligine tincta .

*Affabulatio .*

Effuge disparibus sociari ; obliqua bonorum  
 Corruptunt perduntque hominum commercia mores .

## XV.

*Piscatores .*

**Q**Uum Piscatores e vasto linea ponto  
 Retia vix multa traherent vi , nempe putabant  
 Ingentem prædam squamosæ gentis inesse  
 Cassibus usque adeo gravibus ; lætique procaci  
 Exultare animo , & sua promere gaudia vultu .  
 At postquam in bibulum traxerunt retia littus ,  
 Viribus innixi sine fine ad pondera multis ;  
 Et gregis undivagi paucos in cassibus esse  
 Conspectere ; gravis sed lubrica pondera saxi  
 Arcto verriculi implicita illaqueataque nexu :  
 Tunc fremere , & mœsto tunc indulgere dolori ;  
 Tunc omnes non tam nodosi piscibus essent  
 Quod vacui casses , gemere & tristatier ; omni  
 Quam quod concepta spe lusi , gaudia luctu ,  
 Lætitiâ mutare gravi mœrore premantur .  
 Cum quidam ex illis natu jam grandior : Ut quid  
 Urimur , atque animos cur despondemus inertes ,  
 O focii ? læta potius persistite fronte .

Læ-

Lætitiæ soror, atque comes fidissima semper  
 Tristitia est; & nos lætatos antea tantum  
 Quis dubitet, fuerit quin par tristarier, atque  
 Quo sumus affecti, aut damnis majoribus uri?

*Affabulatio.*

Humanæ memorem fortis, nec prospera tollent,  
 Nec jam conceptis frangent contraria damnis.

XVI.

*Jactator.*

**A**D patriam peregre, dulcesque reversus amicos,  
 Multa foris se se summa cum laude ferebat  
 Vir quidam gessisse; atque inter cætera saltum  
 Nempe dedisse Rhodi narrabat præpete planta,  
 Quem prævertisset nemo; testelque gerendæ  
 Quique rei intererant, quique auribus omnia certis  
 Audierant, multa jactans cum voce ciebat.  
 Heus bone, tum quidam de adstantibus, heus bone, dixit,  
 Haud opus est, si vera refers, haud testibus ullis.  
 Et tibi quandoquidem, præsto est Rhodus, en quoque saltus.

*Affabulatio.*

Prompta rei fuerit nisi demonstratio gestæ,  
 Turpe viris vano laudem sermone mereri.

XVII.

*Impossibilia promittens.*

**Q**UUM desperatus medicis pauperculus æger  
 Esset, cælicolas supplex orabat: Olympi  
 O regnatores, misero conferre salutem  
 Si libet, atque meæ demum succurrere vitæ;  
 Spondeo (opis pretium) centum taurilia dona.  
 Audiit hæc conjux, & tanto exterrita voto:  
 At tibi, mi vir, ait, superis quod muneris offers,  
 Ut modo convaleas, ubi nam? Proh, suscipit ille,  
 Stulta,

Stulta , fore ut valeam credis ? vel dona reposcant  
A me caliculum centum taurilia turmæ ?

*Affabulatio .*

Multa quidem multis facile est promittere , quæ re  
Haudquaquam , ut decuit , sperant præstare subinde .

### XVIII.

*Malignus .*

**V**Ir, scelere ante alios immanis , Apolline Delphos  
Insignes recta contendit , scilicet ipsum  
Latoum vaturn patrem ut tentaret ; & ecce  
Corripuit sturnum dextra , pugnoque prehensum  
Occuluit Tyria volucremque manumque lacerna ,  
Et tripodem juxta stetit imperterritus , atque :  
Delphice fatorum interpres , qui vatibus , inquit ,  
Inspiras augur mentes , aperisque futura ,  
Dic age , quod manibus teneo , vivitne , supremo  
An functum fato nigris est manibus auctum ?  
Sic rogat , atque dolo Tegearum fallere turpi  
Sperat , & astuta deceptum ludere fraude .  
Nam si defunctum fato dixisset Apollo ,  
Oblaturus erat vivum ; si vivere contra ,  
Enectum pugno , suffocatumque daturus .  
At Deus , obliqua perspecta mente maligni  
Consultoris , ait : Vitæ mortisque potestas  
Te penes arbitriumque esto ; nam utrumque licebit ,  
Quod regis , aut vivum , aut functum proferre lacerna .

*Affabulatio .*

Nè tentato tuum Dominumque , Deumque ; latere  
Neve illum quicquam , falli vel posse , putato .

### XIX.



## XIX.

*Piscatores.*

**P**iscatum egressi , & vastas super æquoris undas  
 Præcipiti velis vecti remisque phaselo  
 Quum Piscatores essent , onerataque plumbo  
 Retia squamigeris huc illuc piscibus omne  
 Per pelagus frustra jecissent , & mare vastum  
 Emensi calamis , escasque sequentibus hamis  
 Omne pererrassent , & nodosis labyrinthis ,  
 Ast nihil optatæ prædæ , multumque laboris  
 Cepissent ; mæsti reditum vacuique parabant  
 Quum subito infanis spumescere fluctibus æquor ,  
 Et late ancipiti nixu freta pulsa sonare .  
 Grande maris monstrum fugiens tum Thynnus iniqua  
 Per freta , vesanoque ruens vada falsa natatu ,  
 Subiectum bifidæ feriens mare verberare caudæ ,  
 Præcipitare fugam , rapidoque per omnia ferri  
 Impete , lethiferumque hostis vitare furorem .  
 Dumque procellosis pavidus modo mergitur undis ,  
 Et modo pendentes nixu libratur in auras ;  
 In saltum erigitur male cautus , & insilit ipsam  
 In Piscatorum cymbam . Læti ilicet olli  
 Accurrunt , prædaque hilares potiuntur amata ,  
 Et terras alacres repetunt , portusque relictos ,  
 Captivumque trahunt sinuosa in littora Thynum .

*Affabulatio .*

Sæpe Deus , summique Dei fortuna ministra ,  
 Quæ labor arsque negant , prabet mortalibus ultro .

## XX.

*Deceptor.*

**I**mplicitus morbo & pæne expugnatus acuto  
 Orabat pauper superos, concedere morti  
 Ne sinerent se se, crudeli aut tæbe resolvi.  
 Si facerent, Orcoque minus paterentur avaro  
 Mactari; centum taurorum, pingua ad aras  
 Corpora cæsurum, redimendæ haud vile salutis  
 Spondebat pretium, & venerans de more, vovebat.  
 Assensere dei, ditaque a peste, levavunt,  
 Tentantes votisne fides audacibus esset  
 Certa futura, dolis an decipienda malignis.  
 Ergo ubi concessum præceps evincere fatum,  
 E morboque datum est evadere (nempe carebat  
 Quandoquidem veris.) quos finxerat ille subacta,  
 E simila, centum tauros adolevit ad aras.  
 Cœlicolæ risere nefas, sceleritque pudendi  
 Ulturi auctorem, recubans ubi membra sopore  
 Laxarat placido, totosque resolverat artus,  
 Assistunt capiti, & per somnum talia fantur:  
 Sic, neglecte, jaces? sic te juvat esse pusilli  
 Ingeniique animique, ut vivas indigus, inter  
 Tot dites animas? quin expergiscere, & udum  
 In litus propera. Sunt Antica pondera mille  
 Drachmarum servata tibi, quæ littore in ipso  
 Invenies. Nosti ipse locum: properato, morasque  
 Rumpito; torpentes miserè misera urget egestas.  
 Sic fati æthereas sedes, firmissima Olympi  
 Regna, domos divum repetunt, & culmina cœli.  
 Ille expectectus, somnique haud immemor, Euris  
 Ocyor exsurgit, stratumque relinquit inane,  
 Et monstrata petit lætus loca: dumque per omne  
 Littus, & oppositi maris oras quæritat aurum,  
 Piratæ occurrens capitur. Tunc denique pondo

Mille

Mille talentorum pro libertate daturum  
 Pollicito , testesque deos in sponsa vocanti  
 Nulla fides adhibetur ; amat nec verba nefandus  
 Prædo ; servitio gaudens sed solvit Acarnan ,  
 Milleque drachmarum pretio divendidit , atque  
 Accepto aliorum divertens navigat auro .

*Affabulatio .*

Votum redde Deo , verisque altaria donis  
 Rite adole : perit ille , putat qui fallere divos .

XXI.

*Rana .*

**R** Anarum sterili duo corpora lecta palude  
 Pascebantur ; aquæ sed flumine solibus assis  
 Contracto , terraque udum sorbente liquorem ,  
 Arescente lacu , solitosque negante recessus ,  
 Sedibus antiquis alias statuere relictis  
 Vestigare domos , melioraque tecta subire .  
 Ergo abeunt , saltuque yiam progressa profundum  
 In puteum tandem veniunt , quem margine ab alto  
 Cum despexissent late salientibus undis  
 Stagnantem : Quid , Rana inquit primæva minori ,  
 Quominus umbrosas alacres saliamus in undas  
 Obstat , & inventis potiamur sedibus ambæ ?  
 Quin descendamus , puteumque habitemus amænum ?  
 Illa tamen circumspiciens : Verum , inquit , amica ,  
 Si rapido aruerit puteus quoque sole , quid intus  
 Sperandum miseris ? aut qua ascendamus egentes ?

*Affabulatio .*

Omnia consulto , temere nihil aggrediaris ,  
 Stultum est in fluxis rebus dixisse : Putaram .

## XXII.

*Senex & Mors.*

**L**ignatum Senior nemora in sylvoſa proſectus  
 Glandiferæ quercus, vel amantis littora pinus,  
 Illicis aut duræ, valida quæ ſciſſa ſecuri  
 Per ſylvam late rauco raſonante fragore  
 Diſſiderat, vinclisque adnexa coegerat arctis;  
 Injuſto rediens ſub pondere fruſta gerebat  
 Debilibus ſuſpenſa humeris, multumque viai  
 Falſe ſub urgenti permensus, frondea ſeſſis  
 Robora deponit ſcapulis, tædetque ſui ſe,  
 Et Mortem vocat. Actutum venit illa, caducas  
 Calva comas, excuſa oculos, naſeſque, genasque,  
 Oraque, & exſtantes labra exertantia dentes,  
 Nec minus exertas nudantia pectora coſtas,  
 Et pro ventre locum ventris, vacuamque cavernam;  
 Brachiaque ex humeris nullo pendentia nexu,  
 Et nulla ſpinæ compage hærentia crura;  
 Oſſea ſed tantum ſpecies, nihil undique præter  
 Oſſa gerens, & diram qua mætit omnia falcem:  
 Inſultatque viro inſtans, & metuenda minatur,  
 Ingentes riçtus pro lingua atque ore reſolvens.  
 Ecce adſum, quicumque vocas; effare, quid optas?  
 Eja age ſis, me me, dic, qua ratione vocaſti?  
 Certe ego te, rerum fortiſſima, viribus iſtis  
 Sublatum hoc ut onus noſtris imponere, dixit,  
 Dignareſe humeris, atque hoc me falſe gravares.

*Affabulatio.*

Omnes natura cupimus ſervariç; unde  
 Cunctarum fertur mors atrociffima rerum.

## XXIII.

*Anus & Medicus.*

Quum marcescentes Anus importuna doleret  
Forte oculos, Medicum pacta mercede peritum  
Conduxit, pretium sub conditione datura,  
Si sanaretur; minime curata, laboris  
Atque operis nullum pretium pensura Melampo.  
Ergo ille in curam venit male habentis, & omni  
Luce putrem vigil ad vetulam accedebat, opemque  
Pæoniam medicis adhibebat sedulus herbis.  
Attamen admotis ad lumina egentia lucis  
Rore Machaonia succis stillantibus arte,  
Cum vetulam propter medicamina posse videret  
Sordida nequaquam deprendere furta; picato  
Vase aliquo, aut alio quovis de sorte bonorum  
Pignore, quoque die clam discedebat abacto.  
Ast Anus imminui, manibusque elabier omnem  
Inque dies abigi rem conspiciebat, obortis  
Lumina perque genas lacrymis; fluxamque dolebat  
Usque adeo, ut sanæ superesset nulla supellex.  
Quare quum Medicus pactum deposceret aurum,  
Utpote qui Vetulæ curasset lumina avaræ,  
Quæ sanata probe jam clara luce videret,  
Et testes in rem produceret: ilicet illa  
Quin potius video modo nil; nam lumine cassâ,  
Inquit, multa meis cernebam ditia tectis,  
Quæ bona nunc penitus, quum tu scelerate videre  
Affirmas, minime video nisi rapta perisse.

*Affabulatio.*

Proditur ipse suis ignarus & improbus actis,  
Nec sinit occultum quicquam Deus usque latere,

## XXIV.

*Agricola & Filii ipsius.*

**A**gricola e vita jam discessurus adultos  
 Optabat natos studio insudare peculj,  
 Nosseque campestris operas, saturiq; beatas  
 Ruris opes, & quæ (vigili nisi) fertilis agri  
 Munera non cedunt; sperans, si forte daretur  
 Expertis rigidi novisse laboris honores,  
 Sollicitos, gnavos, vigiles, ditescque futuros.  
 Ergo his alloquitur natos pater: Ecce peregi  
 Quem fortuna dedit cursum; vocat invida Parca,  
 Nec jussu cessare licet. Phlegethonta videbo  
 Intrepidus, tenebrasque Erebi non tristis adibo,  
 Conscius ipse mihi, nec culpa pallidus ulla.  
 Vos si cura rei augendæ, si vera ulla cupido  
 Nostrorum stimulat juvenes sanosque bonorum;  
 Quærite. Visceribus defossa atque obruta terræ  
 Omnia condidimus, nec vinea nostra negabit  
 Deposita, modo vos penitus tellure cavata  
 Effodiat opes, & vestigetis opertas.  
 Vix hæc pallenti media jam in morte profatus  
 Ore senex, animam pariter vocemque reliquit,  
 Manibus, atque atræ Rhadamanti traditus urnæ.  
 Olli nempe rati terra latitare sub ima  
 Thesaurum, multo fodiunt vineta ligone,  
 Et marris terram durisque bidentibus omnem  
 Exercent, curvis nec cessant scindere aratris,  
 Imaque viniferæ penetrare in viscera glebæ.  
 Thesaurique nihil quamquam iavenerere cupiti,  
 Uberiora tamen fructus sine fine dedere  
 Multiplices vineta, suis bene fossa colonis.

*Affabulatio.*

Nullum tempus iners abeat tibi; namque laboris  
 Præmia divitiæ, virtus, sapientia, cælum.

## XXV.

*Ferus & Canes.*

**T**Empore, subjectis quo terris frigidus imber  
 Actus ab occasu pluvialibus ingruit hædis,  
 Et circumfusus turbat mare sævus Orion,  
 Hybernæ cassum visu caput abditus undis,  
 Horrificisque furens Aquilonibus æra miscet  
 Juppiter, intorquens hyemem, gelidisque pruinis  
 Et Scythicis terram nivibus pontumque coerct;  
 Rure suburbano sub tempestate maligna  
 Detentus quidam pavidas jugulare bidentes  
 Principio, & pictis tostas apponere mensis  
 Et sedare famem: sed enim fervente procella  
 Nimbifona, & tumidis incrudescente sub Austris,  
 Cæditur, & mensas onerat Tegeatis alumna.  
 At Jove nondum etiã placato, sed mage nimbos  
 Præcipitante, gelu mixto, Boreaue nivali,  
 Ruricolæ mactare boves, & in apta secare  
 Frustra juvat, ventremque avidum satiare bovina.  
 Obstupuere Canes, nec sicco lumine funus  
 Conspectere boum fata læta labore colentum,  
 Attonitique inter se sic ore vicissim:  
 Quid nos speramus miseri? quin cedimus (ajunt)  
 Agricolis an num minus abstinuisse juvenis  
 Vidimus, ut nobis velir abstinuisse, putemus?

*Affabulatio.*

Candidius nihil est fidoque proboque sedali  
 Qui tamen ipse suis non abstinet, euge caveo.

## XXVI.

*Mulier & Gallina.*

**G**allinam fraudata viro Muliercula alebat ,  
 Singula quoque die parientem gnaviter ova .  
 Ut tamen humanos animos plus semper habendi  
 Sollicitat vesana fames ; secum illa , futurum  
 Ut pareret gemina ova die , male sana putavit ,  
 Præberet pultis si plus , aut farris edendi  
 Sedula chortis avi : mora nulla , Sicana ministrat  
 Larga farra manu , & confuso lacte farinam .  
 Altilis ergo cibo Gallina ante ora parato ,  
 Et solito dapibus multo uberioribus esu  
 Segnior , & pingui ventrem distenta sagina ,  
 Haud ullum dominæ potuit parere amplius ovum .

*Affabulatio .*

Ingeniosa parum cupidis natura , sed in rem  
 Qua se præcipitat , fit quæstum ut perdat avarus .

## XXVII.

*Morsus a Cane.*

**A** cane morsus , opem medicam qui ferrent , edaci  
 Sollicitus cura , tota vagus urbe petebat .  
 Quum quidam occurrens , postquam quid posceret hausit :  
 Heus bone vir , medicæ nihil hic opis , inquit , egemus ;  
 Tu modo , sanari si vis , mea iussu faceffas .  
 Nam si triticeo siccariis pane cruorem  
 Ulneris accepti , dederitque benignus edendum  
 Illi ipsi , qui te crudeli dente momordit  
 Vexavitque , cani ; oblata curaveris offa .  
 Dispercam nisi me ( ridens respondit ) ab omni  
 Latratrice canum , quot quot sunt urbe , cohorte

Mor-



Morderi deceat , tua si isthæc jussa capessam .

*Affabulatio .*

Improbis haud solum damnis benefacta rependit ;  
Sed mage , de se se meritos bene , acerbius urget .

XXVIII.

*Adolescentuli , & Coquus .*

**A**ssedere coquo nuper puer unus & alter ,  
Pingue ministerium , & fumosæ nigra culinæ  
Instrumenta , rotas , gremiumque , orbisque molarum ,  
Et rapido Cererem tritam fundentia gyro  
Concita saxa , gravi silicium sub pondere pressam ,  
Apraque purgandis pendentia cribra farinis ,  
Picta foraminibus , tabulasque ex ordine læves  
Spectantes , tepidosque focos , avidosque caminos ,  
Ardentesque pyras , consternendisque batilla  
Ignibus , & palas , follesque , bimembriaque æra  
Forcipis , & sculptam regalia stemmata massam  
Fornacis fronte in media ; dorsoque tenentes  
Hinc atque inde pyram succensaque lumina lamnas ,  
Et suspensa igni lymphæ ferventis athena ,  
Admotasque aliter prunis ardentibus ollas ,  
Tectas fictilibus testis , curvasque creagras ,  
Et conchas , cyathosque , scyphosque , cavosque lebetes ,  
Et tripodes subter positos , & longa veruta ,  
Et sartaginibus frixoria mixta , nigroque  
Pinguis ab injectu fuliginis ære patellas ;  
Et crates succo pingues sudantis oscellæ ,  
Et sonitum procul argutum mortaria ab ictu  
Pistilli vasto reddentia , pulso orichalco ;

A a

Et

Et genus id permulta, carent quæ vocibus aptis.  
 Usque adeo superat linguas lascivia turpis  
 Implacata gulæ, fædique superbia luxus.  
 Ergo oculo postquam collustravere sequaci  
 Singula, & artificem grandis videre culinæ  
 Munera curantem mensæ, intentumque labori;  
 Alter in alterius demisit carnis ovillæ  
 Frustra sinum, dextra quæ clam surrepta rapaci  
 Ceperat, & comiti servanda retenderat ægro.  
 Converloque Coquo, carnemque per omnia multa  
 Lustranti cura; qui ceperat, omnia jurat  
 Numina, se nusquam vel micam carnis habere.  
 Qui timido servata sinu condebat, Olympum  
 Et superos omnes prece dira in vota ciebat,  
 Si quid cepisset carnis; cum mente culinæ  
 Arbiter illorum perspecta: Me tamen, inquit,  
 Ut lateatis, cum, perjuro quem ore vocatis,  
 Ne sperate Deum, novit qui cuncta, latere.

*Affabulatio.*

Mortales lateant animos perjuria quanquam,  
 Nulla latere Deum poterunt, vel inulta manere.

XXIX.

*Inimici.*

**V**Asta procellosi juvenes duo marmora ponti  
 Una fulcabant navi, paribusque vicissim  
 Ardentes inter se odiis, diversa locorum  
 Ambitione pari, neque iniqua sorte tenebant.  
 Alter enim celsa puppi gaudebat, at alter  
 Æratæ incumbens proræ, turgentia rostro

Cer-

Cernere velivolam freta lætabatur adunco  
 Scindentem navim, & celeri vada falsa secantem  
 Turbine, rumpentemque viam per inhospita ponti.  
 Cum subito Æoliis misceri marmora alumnis,  
 Turbarique fretum, atque obduci nubibus aer  
 Cœpit, & effusis cælum ruere imbribus atrum.  
 Insanum mugire polus, crebrisque micare  
 Ignibus, & ventis stridentibus æquora tolli,  
 Sideribusque ipsis æquari, & vertier imo  
 Ad summum pelagus, tumidaque horrere procella,  
 Præsentemque viris mortem intentare sub undis.  
 Nauticus astra ferit clamor, stridorque rudentum:  
 Nunc ratis in summo pendet fluctu, modo ponti  
 Ima petit, fluctusque inter distinguit arenam.  
 Nunc ferit in latus insiliens mons turbidæ aquai,  
 A summoque ruens prorumpit vertice pontus,  
 Et totam illuvie & spumis candentibus implet.  
 Extrema trepidant nautæ formidine, mortem  
 Ante oculos certam spectantes; vincitur imbre  
 Jam ratis, & laxis compagibus icta fatiscit,  
 Morsque viris funesta subit. Tunc puppe sedebat  
 Qui celsa juvenis, dubio sic ore magistrum  
 Alloquitur navis: Miseris ecce unda dehiscit,  
 Vincit hyems, nullamque licet sperare salutem.  
 Fare tamen, pars utra ratis prior acta sub undas  
 Ibit, & immensum rupto bibet ore profundum?  
 Ille refert proram: lætas ad sidera palmas  
 Tollit, & ingentes superis agit undique grates  
 Tunc juvenis: Nullaque, inquit, jam morte gravabor  
 Amplius, hic oculis pereuntem si datur hostem  
 Cernere, & infesto pontum prius ore bibentem.

*Affabulatio.*

Interdum nihili pendunt sua damna virorum  
 Multi, dum noxa videant affligier hostes.

## XXX.

*Felis, & Mures.*

**F**orte redundarent opicis cum Muribus ædes,  
 Et prædatori res esset cognita Feli;  
 Actutum occulto se se pede contulit illuc,  
 Et vagus infesto saliens in singula saltu  
 Corpora, continuo multa intercepta vorabat.  
 Ast ubi consumi se se, penitusque viderent  
 Pessum ire attoniti Mures, de rebus agendis  
 Consulturi, alto qua arcetur stiria muro,  
 Suggrundam scandunt celeres, nigroque coacto  
 Concilio: Quæ nos tenuit dementia? dixit  
 Felifuga de gente aliquis; quæ dira cupido?  
 Quæ exegit rabies? ut tuta sede relicta,  
 Nos Feli heu nuda passim objiceremus arena?  
 Scilicet ignari quibus impius unguibus armet  
 Ille pedes, sævo vel quo fera guttura dente,  
 Quo miseros astu per parva foramina quærat  
 Intrantes, vel quo speculatu callidus antra  
 Scrutetur, cruciet miseros quo funere captos.  
 Credimus, insidias neque enim sensistis iniquas,  
 Non luctus, & quæ sævissima funera nobis  
 Intulit, heu! postquam obrepserat; vel cognita vobis  
 Si sunt o socii, mecumque pericula adistis,  
 Et vestræ vos cura tenet non ulla salutis;  
 Si sunt conjugia, & nati, carique nepotes,  
 Ut debent, cordi, neque & hæc contemnitis ultro:  
 Ne quæso, ne vos certæ committite morti,  
 Nec de suggrunda descendite, ni juvat omnes  
 Funditus hostili mactatos ungue perire.  
 Hæc vos a diro sedes tutabitur hoste;  
 Hic spatia, & caveæ, & tecti loci cursibus apta,  
 Et dives victus quærendi copia; quodque  
 Julice me cunctis fuerit præstantius unum,

Huc

Huc quod, ni fallor, nequit illa ascendere pestis,  
 Qua sine vivemus tranquilla pace quieti.  
 Hæc fatus reliquis assedit Muribus, omni  
 Laudarus populo nigro, oblcænoque senatu.  
 Improbus at postquam Feles per inania tecti  
 Securos nullo Mures descendere sensit  
 Velle modo, potius sed se intra tuta tenere  
 Tectorum loca, nec se jam committere terræ;  
 Per fraudem capere incautos, astuque ciere  
 Decrevit frustra. Foribus fuit obditus olim  
 Pessulus; hunc ergo quum conscendisset, iniquo  
 Ceu laqueo vitam misere finisset, ab illo  
 Defunctum simulans suspenditur: Attamen unus  
 Pendentem intuitus de Muribus: Heus bone, dixit,  
 Non ego te, fias etiam si saccus, adibo.

*Affabulatio.*

Prudentem falli figmentis ejus iniquum est,  
 Quem semel expertus fuerit, pravumque, malumque.

XXXI.

*Vulpes, & Simius.*

**S**imius humani simulator callidus oris  
 Concilio quondam in celebri cum forte ferarum  
 Saltasset, multumque esset laudatus ab omni  
 Brutorum cœtu; rex est dementibus unus  
 Impositus pecorum populis, gregibusque vagantum.  
 Invidit Vulpes, & quas in cassibus cicas  
 Viderat, has regi inviso insidiata, faceto  
 Obrulit alloquio. Rex, inquit, amice verendis  
 Sancitum rite cautumque est legibus, ut quem

The-

Theſaurum tellure ima quis forte refoſſum  
 Indice Mercurio dominove invenerit, orci  
 Intactum regi ſervet; nempe ipſa, beatas  
 Cui nunquam leges abrumpere contigit, æquum  
 Ut fuit, intactum reperi quem forte reducta  
 Theſaurum ſub valle, tibi, dulciſſime regum,  
 Servavi. Tu, quem tribuunt tibi jura, capeſſe;  
 Me quoniam tetigiffe neſas. Sic fata, tyrannum  
 Duxit in oppoſitam vallem, digitoque patentes  
 Eſcarum oſtendit cumulos, ſubditque: Repertus  
 Hic mihi theſaurus fuerit licet, attamen uti  
 Invento me jura verant, quæ regibus illum  
 Ex plebiſcito, bellatoriſque ſenatus  
 Conſulto latis tribuerunt legibus. Ergo  
 Imperii qui frena tenes, accurre; repoſtas  
 Accipe opes, avibusque bonis fruire: ecce paratus  
 Eſt tibi theſauri veritus niſi regibus uſus.  
 His animum regis Vulpes hortatibus acrem  
 Implet, & in caſſes occultaque retia mittit.  
 Ille etenim prædæ cupidus, dum carpere amatas  
 Inconſultus opes properat, temere uſque proſectus  
 Corripitur laqueis, atque irretitur amaris,  
 Et nodo implicitus miſer Herculis acribus urget  
 Opprobriis vulpem, ut quæ decepiſſet, & omnes  
 Cœlicolas, ſinerent qui ſe ſe caſſe teneri,  
 Accuſabat. Ovans cum Vulpes pectore ab alto  
 Mordaces fudit late ſclerata cachinnos.  
 Simie, tum paucis, o Simie, dixit, avaræ  
 Cum ſic deſipias mentis, ten' bruta ſuperbo  
 Imperio premere, & populos frenare ferarum?

*Affabulatio.*

Turpis avaritiæ ſtimulos fuge; tum cave ne rem  
 Inconſultus agas, ne te infortunia lædant.

## XXXII.

*Thynnus, & Delphini.*

**P**Ræcipiti curvum freta per spumosa natatu  
 Delphinum pavidus fugeret cum Thynnus, & esset  
 Vincendusque fuga miser, & capiendus iniqua;  
 Vesanus bifidæ pelagus sub verbere caudæ  
 Præcipitabat agens, validoque per æquora nixu  
 Salsa ruens, tumidi spumas maris ore secabat,  
 Ambiguus cupido num jam comprehensus ab hoste  
 Præda foret ventri implendo prædonis acerbi,  
 An rabidos dentes, tangentiaque ora sequentis,  
 Ingluviemque feri, & morsus liquisset inanes.  
 At quamquam addubitat, sed spe volat usque salutis,  
 Qui sequitur, prædæ; perque humida currit uterque  
 Æquora: navigerum resonat mare; spumea, fluctus  
 Qua cursum frangunt, via panditur; impete donec  
 Sub cæco rapti, pelagi regione relicta,  
 Succedunt terris moribundi; præpete cursu  
 Fraudati ponto, atque uda extenduntur arena,  
 Jactantes trepidos artus. Tunc Thynnus egenus  
 Vitalis limphæ, & ripa crudeliter alta  
 Delphinum extensum cernens se propter eadem,  
 Ut potuit, jam morte graves ad sidera vultus  
 Erexit: Superique, inquit, non amplius ulla  
 Mors ingrata mihi, licuit cui cernere, mortis  
 Qui mihi causa fuit, pariter concedere fato.

*Affabulatio.*

Damna ferunt multi levius, cum causa malorum  
 Qui fuerint, damnis cernunt affligier isdem.

## XXXIII.

*Medicus, & Egrotans.*

**Q**uem Medicus curabat, ubi mortem Æger obisset  
 Consumtus febri assidua, pompaque gementum  
 Efferretur humo condendus; pellere frustra  
 Qui morbum medica prius attentaverat arte,  
 His, qui gestabant humeris exsangue cadaver:  
 Si vino abstinuisset, ait, multumque fuisset  
 Purgando vivens ventri clysteribus usus,  
 Duceret æthereas auras, lucemque videret.  
 Ad quem respondens, quidam de adstantibus: Heus, heus,  
 O bone, quid frustra hæc? quæ si fortasse juvabant,  
 Uti cum poterat, non nunc monuisse decebat.

*Affabulatio.*

Est succurrendum miseris in tempore, cum res  
 Postulat; accurrit qui præter tempus, aberrat.

## XXXIV.

*Auceps, & Vipera.*

**E**Xierat volucres captatum callidus Auceps  
 Armatus levibus calamis viscoque tenaci,  
 Et quos hunc caveis vaser asservabat in usum,  
 Passeribus cantu prædam allecçantibus. Ergo  
 Concinnata cibo postquam fuit area fuso,  
 Et captivorum fallaces carmine multo  
 Aucupium in laqueos invitavere volucres;  
 Ecce avidus cella sedit super arbore turdus,  
 Quem simul atque Auceps converso lumine vidit,  
Ad



Ad læves connexa amites cava retia surgens  
 Arripit: at furtim dum comprehensus adiret;  
 Defixosque in avem vultus oculosque teneret;  
 Excitum somno Colubrum pede calcatur inermi.  
 Ille tumet, calcemque viri rabido ore momordit,  
 Vipereos figens extremo in corpore dentes.  
 Ingemit hic, runditurque genas & pectora palmis,  
 Et vitam exhalans picco serpente veneno:  
 Memiserum, exclamat, miserum me o terque quaterque!  
 Insidias aliis qui dum paro, mulctor acerba  
 Morte prior, patiorque, aliis quæ damna parabam.

*Affabulatio .*

Parce per insidias moliri damna vel hosti,  
 Ne patiare, aliis quod vis, Jove vindice damnum.

XXXV.

*Fiber .*

**Q**Uadrupedum de gente Fiber colit algida Ponti .  
 Flumina, & extremis fluviorum visitur oris,  
 Improba & horrendi morsus fera; namq; prehensa  
 Parte hominis, ferro cædit cum littora juxta  
 Arboreos ramos, morsus non ante resolvit,  
 Quam prædura crepent rabidis sub dentibus ossa.  
 Hujus membra ferunt doctis Hyperionis artem  
 Esse usu, & morbos sanare pudenda malignos.  
 Quo fit, odorisequis ut si fortasse molossis  
 Vincula venandi studio quis demisit, & oras  
 Ingentis lustravit Halys, Fibrumque cavernis  
 Excivit, validisque canum latratibus urisit;  
 In se convertat rabiem fera, curque petatur

B b

Gna-

Gnara, suos in se miseranda urgente periclo  
 Mordicus intendat dentes, genitaliaque hosti  
 Objiciat cædens; & vulnere adepta salutem,  
 Castorea humanis ultro male olentia morbis  
 Lætetur, quamvis castrata, dedisse levandis.

*Affabulatio.*

Discito fortunas præ vita pendere parvi,  
 Et dulcem pallenti auro præferre salutem.

XXXVI.

*Canis, & Coquus.*

**P**inguia cum mensæ curaret dona culinæ  
 Arbiter, atque gulæ solers sudaret herili;  
 Nare sagax furtim Canis introgressus ab ignis  
 Detractum verubus, graviterque calente favilla  
 Cor rapuit, fugitque citus; quem sævus cuntem,  
 Et prædam obscæno postquam Coquus ore ferentem  
 Conspexit, clamore sequens: Heus improbe, dixit,  
 Heus scelerate, ego te... Tu sis ubicumque, cavero;  
 Nam mihi quod rapuisse putas cor, nempe dedisti.

*Affabulatio.*

Multa nocent, quæ si propius spectentur, inertes  
 Damna docent rebus curam præstare gerendis.

XXXVII.

*Lupus, & Canis.*

**P**ro stabulo obscænus nuper Canis, ardua cœli  
 Culmina dum nigris premeret vaga Cynthia bigis,  
 Mu-

Munera carpebat somni ; cum Martius illum  
Aggreditur , rabidoque Lupus sub dente fatigat.  
Ille tremat , precibusque iras victoris & atra  
Vulnera declinat supplex , resupinaque solvit  
Ora jacens , pedibusque pedes amplectitur hostis.

Vicisti : tua sum fateor , Lupe , præda , nec atrum  
Mortis iter , Stygiasque undas , & dura recuso  
Fata subire , tuo modo non ingrata palato  
Esca futura neci occumbam . Verum aspice , quali  
Me subigis macie deformem : pellis & ossa  
Sum totus macrore miser ; tenuine juvabit ,  
Exanguique famem lentam depellere morfu ?  
Quin paulum concede moræ : socialia sacra  
Sunt facienda domi , & convivio læta trahenda ;  
Uxorem nam ducit herus , dapibusque superbis  
Accipiet . Tunc multa mihi demergere in alvum  
Opsonia , & pingui jejunia solvere carne  
Pro nutu , dapibusque famem sedare licebit.  
Queis ut ero laute functus , tibi pinguior , atque  
Suavior occurrat , nec tunc periisse pigebit ,  
Quum tibi gratus ero : nam si mihi vera fatenti  
Credideris , non tam miseret me mortis acerbæ ,  
Quam piget ingratum tibi me fore cæde peremptum .  
Dixit , & ut resupinus humi complexa tenebat  
Genua Lupi , tacta firmavit fœdera dextra .  
Annuit , & prædæ parcens vestigia vertit  
In sylvas & lustra Lupus ; secuta domorum  
Tecta Canis subiit formidine plenus & ira .

Attamen haud multum rediens post temporis acer  
Dente Lupus , cæca e nebula super alta domorum  
Tecta Canem vidit resolutum membra sopore .  
Constitit , atque initi monestum fœderis ante  
Ad se se incautum clamorosa voce vocavit .  
Cui Canis : Heus , inquit , Lupe , si me forte quietem  
Pro stabulo rursus carpentem inveneris , ignes  
Connubii ne iterum , nec dulcem expecta hymenæum .

*Affabulatio .*

Prudentem turpe est bis ad unum offendere saxum .  
Turpe, semel cautum, rursus incurrisse periculum .

## XXXVIII.

*Gallus, & Canis .*

**I**Turi peregre Gallus Titanis alumnus,  
Et Canis, Ortygiæ comitum non ultima divæ  
Gloria amicitiae percusso fœdere juncti,  
Actutum, carpsere viam; sed luce peracta  
Cum juga purpureis Phœbus gemmata quadrigis  
Demeret, Hesperiiisque silens nox surgeret undis,  
Arbore conscensa metuenda leonibus Ales  
Lumina jucundo dederat languentia somno,  
Fidus ad ejusdem radices arboris Umber  
Unguibus in stramen primis tellure cavata,  
Fecerat emeritis latebrosa cubilia membris.  
Ergo ubi nox medio tranquilla pependit Olympo,  
Mortalesque ferasque quicta potentia somni  
Solvit, & immotæ tenuere silentia plantæ;  
Ecce vigil pro more suo lucemque diemque  
Auroræ, multo licet ante, Tanagricus albæ  
Nunciat excubitor, croceumque relinquere lectum  
Tithoni jubet, & cantu ventura salutat  
Lumina, & ignavos operum monet, & sua quisque  
Expleat hortatur concinna ut munia voce.  
Quem simul ac Vulpes somno expectata canentem  
Auribus arrectis haurit, collectaque edendi  
Ex longo miseram rabies exegit inani  
Spe prædæ, siccas invitans sanguine fauces,

Accur-

Accurrit : trunco sed cum conspexit in alto  
Securum , nec se sperato posse cruore  
Tingere crudeles fauces ; vix sustinet iras ,  
Impatiens vix dissimulat , vix denique se se  
Colligit , & stans inferius ficto ore profatur :  
Salve , o prima novem Musarum gloria ; salve ,  
Maxima Phœbæi decoris pars ; montibus ornos  
Qui trahere , atque ipsas divino carmine sylvas  
Es potis , & rapidos fluviorum sistere cursus .  
Nam quis non dulci capiatur carmine ? quis non  
Divinum stupeat vatem , sanusque sequatur ?  
Aut quis te modulis prior ? aut quis carmine ? Certe  
Hac ego nocte tuas ut voces auribus hausi ,  
Mæoniumque melos percepi sensibus imis ;  
Confiteor , tales collegi pectore flammæ ,  
Ut potis ipsa mei , nisi te complecterer , esse  
Non possem : tantum hoc concede , ut brachia collo  
Circumdem , foveamque sinu tenerisque lacertis .  
Huc descende , tui faciet me copia ditem ,  
Teque mei nunquam , faxo , meminisse pigebit .  
Dixit , & optato jejunia solvere morsu  
Sperat , & ardentes immergere sanguine fauces .

Ille refert : Hujus radicibus arboris hæret  
Janitor imbelli relolurus membra quiete .  
Hunc tu , complecti si me vis , excute somno ,  
Atque fores referare jube ; portisque reclusis ,  
Nec moror amplexus , nec , si libet , oscula ferre .  
Hæc fatur damni impavidus ; tum ter quatit alas ,  
Ter vocat ignavos vicina per arva colonos .  
Credidit infelix Vulpes , & ut improba ventris  
Exegit cæcam rabies , quibus excubet antris  
Janitor , atque fores quas sit referare necesse  
Dum quærit , conspecta Cani , nec vertere terga  
Molirive fugam potuit , pedibusve salutem  
Quærere : profiliens etenim levisomnus amaro  
Dente Canis , vincitque fuga , laceratque prehensam .

*Affabulatio.*

Quem vitare nequis, tibi si insultaverit hostis,  
Vince dolis, astuque magis committe potenti.



# CYBDELOMASTIX.

I LIBER, I FELIX, DOMINUMQUE ULCISCERE LÆSUM.

**D**Ullichias canat ille rates, canat arma virumque  
Alter, & hic versos in nova monstra viros.  
His focerum generumque, & pila minantia pilis,  
Hic genus Æneadum, Punicaque arma canat.  
Sit labor illius Colchorum gloria serpens,  
Durave Abydeni Sestiadolique mala.  
Hic satyras, elegos ille, & canat ille salutes,  
Tartareos raptus hic canat, ille Jovis.  
Ille gigantæos numero graviore tumultus,  
Hic canat Uraniam, cælicolumque domos.  
Cybdelum mea Musa petat, sit & omnis in unum  
Vis mea: quid possit, sentiat ille, dolor.  
Sentiat iratum calamum, mea bella; furoris  
Sentiat irata frena repulsa manu.  
Unus inassuetum Phœbum mover, unus inertes  
Carmine heu nostri non finit esse deas.  
Ille meos inter primus delectus amicos,  
Non finit heu miserum! nec mea ferre mala.  
Quique fuit nostris laturus flumina flammis,  
Ignibus arduos suggerit ille faces.  
Nec finit absentes mala nostra heu plangere, si sunt  
Quos miseri moveant tristitia fata viri.  
Ille malis gaudet nostris, nostraque superbit,  
Qua sæpe heu nimium est ille levatus, ope.  
Si quid forte mihi gratum est, hoc displicet illi;  
Quæque putat nobis non placitura, placent.  
Sive tacenda ipsi quoties commisimus, omni  
Ad populum fertur fabula nostra foro.  
Sunt etiam quæ multa modo, ut non nota, tacebo,  
Quæ tamen heu nimium sunt bene nota mihi;  
Multaque

Interim  
Cauda.

Multaque, quæ tantum miserum me scire necesse est,

Et queis icis nostras te meruisse preces.

Ergo prius Zephyro neque erit contrarius Eurus,

Nec gelidus tumidis ignibus imber erit.

Ante dabit Phœbus, quando est altissimus, umbras

Majores; nullas nox prius atra dabit.

Arcas •  
Calisto.

Ante Lycaoniam prolem cum matre profundo

Juno dabit tingi, nox erit ante dies.

Iris.

Desinet aduerso potius Thaumantias astro

Roscida vestiri versicolore toga.

Primum  
noctile.

Desinet assidua rapidus vertigine cælos

Volvere, & ante suos deleter ille polos;

Quam tecum nobis posito steter gratia bello,

Quam quæ movisti, deserat arma manus;

Quam quæ rupisti, concordent fœdera, quamque

In te non tumido felle citatus eam.

Hæc tibi semper erit mecum pax, improbe, damas,

Quæque canes, agnos quæ tenet, atque lupos.

Quamque colunt timidi cervi, Pænique leones,

Scylla.

Quamque aquilæ cycnis, quam fera Scylla patri.

Ordo.

Prima quidem versu peragentur prælia mœsto,

Hic pes ad lacrymas funeraque aptus erit.

Ovidius.

Utque poeta suum Pelignus devover ibin;

Sic ego te miserum, perfide, devoveo.

I scambus  
Archilochi  
inver.

Exemplum dedit ille mihi: non vulnera prima

Archilochi, soceri sanguine mixta, dabo.

Si perges, venient sua tempora libera iambo.

Ille ille est, soleant quo pede bella geri.

Nunc cæcis volvam historiis mea carmina, ut inde

Sed quæ te vero nomine, sæve, canant.

Non possem, licet ipse velim, te nomine vero

Non canere: & quis sis, ira loquetur atrox.

Quis sis, ira canet; sed te meruisse memento,

Et dices justas in tua fata preces.

Herodotus.

Semper eris notus, sed sic qui nomen in igne

Quærebat, nunquam nomen habere volet.

Non



Non ego Thespiadesve deas, Phœbumve ciebo:  
 Ingenium Phœbus mite habet, atque deæ.  
 Sint procul hinc mites, procul hinc: modo læva Megara Megara.  
 Adsit, & anguiferas. verset in ora comas.  
 Dux Bellona furens adsit, luctusque, dolorque, Bellona.  
 Et quæ non summo cederet ira Jovi.  
 Tartareique dei, si quos amnesque, lacusque,  
 Sylvarque, aut magni regia Diris habet.  
 Tuque palus superum terror, Phlegethonque superbe Seyn.  
Phlegethon.  
Cerberus.  
 Ignibus, & triplici janitor ore ferox,  
 Et qui perpetuas fatali pollice leges  
 Manibus imponis, sceptraque nigra regis.  
 Quique datis meritis pœnas, qui præmia dignis;  
 Dum precor, has firmas esse jubete preces.  
 Dum canimus diro capiti mala verba, favete:  
 Est quovis dignus perfidus ille malo.  
 Annuite, & nostris adjungite pondera verbis,  
 Nullaque sint precibus vota caduca meis.  
 Eveniet: lævum male nam sonuere cavernæ,  
 Nec gemitum frustra terra adaperita dedit.  
 Atque intorta comas Alecto mille colubris Aleto:  
 Insonat, & totidem bella cruenta mover.  
 Tisiphone pallam madefactam sanguine sumit, Tisiphone.  
 Quæque Athamanteas vasa habuere faces. Faces Atha-  
mantis.  
 Noctigenæ properate deæ; stat perfidus ille,  
 Ad vestras aras victima certa mori.  
 Et tu quid cessas pullas pro tempore vestes  
 Sumere? Nonne vides, hostia qualis eris?  
 Accipe ferales vittas, teque, improbe, cultris  
 Subde meis: fumat funeris ara tui.  
 Terra neget fructus, undas tibi denegat æquor, Denega-  
tio.  
 Atque famas dapibus crescat, & imbre sitis.  
 Te Phœbus fugiat, fugiant te sidera, nec sit  
 Noxve die levior, nec tibi nocte dies.  
 Quamque premis pedibus, tellus mille assonet hydriis;  
 Nulla sit ut misero vita quieta tibi.

C c

Qualque

Quasque petes calido pulmoni , Juppiter auras  
 Aut neget , aut tabo misceat ante datas .  
 Hæreat infixa adverso mala lingua palato ,  
 Officiumque negent singula membra tibi .  
 Nec tibi pes-gressus , nec dent tibi lumina visum ,  
 Nec ferat ista cibum pallida ad ora manus .  
 Omnibus invisus pereas , pauperque , senexque ;  
 Perpetuasque hyemes sub Jove nudus agas .  
 Dentque lares nullos superi tibi , nulla trementem  
 Flamma levet , gelido denegat ignis opem .  
 Exul ames quod mille petant ; potiantur amato  
 Illi , te semper sævus adurat amor .  
 Quamque putes castam , conjux mille impia peccet  
 Illa procis , natos alteriusque feras .  
 Quidquid amas , lacerum videas ante ora perire ,  
 Et quam non possis tradere , clamet opem .  
 Adversusque tuis juvenesque , virique , senesque  
 Latentur , quique his nobiliora tenet .  
 Plurima cum tuleris , nova crescant undique damna ,  
 Sitque tuis nunquam meta futura malis .  
 Sit miser Armeniis discerptus tigribus , & sis  
 Præda Crotoniacis dilaceranda lupis .  
 Quumque habeas causas , mortem tibi denegat illa ,  
 Quæ nec fatali stamina pulla manu .  
 Utque mihi meritas percolvas , improbe , pœnas ,  
 Sis meus , & veniam supplice voce roga .  
 Tunc ego quæ misero , quæ non tormenta parabo !  
 Inque tuas pœnas quam bene doctus erò !  
 Immemor & moris nostri , solitique decoris ,  
 Quas mea dextra dabit in tua fata cruces !  
 In te nobilitas scelus est : pietate carebit ,  
 Qui non crudelis , non ferus esse volet .  
 Sontem animam expellam , tractam per vulnera mille ;  
 Ut miser infernos experiare modos .  
 Tunc Tityi vultus crescentia viscera linquet ,  
 Quæque voret , volucri tu nova membra dabis .

Ad-

Adventu Ixion lætabitur hospitis, & te	Ixion.
Verfabunt celeres in nova frustra rotæ.	
Te lymphæ fugient, & te præstantia poma	Tantalus.
Eludent: cupies, flumine merfus, aquas.	
Te super aspicias jam jam labentia saxa:	Sisyphus.
Posthac cui tradas, Sysiphe, pondus erit.	
Te veniente sinent fallentes Belides undas	Belides.
Haurire, & miseris caussa quietis eris.	
Caucaſea veniet liber de rupe Prometheus,	Prometheus.
Quæ tulit ille diu, tu patiere mala.	
Tu Theſei pigraſque moras, & lenta levabis	Theſeus.
Otia, perpetuos experiere locos.	
Interea tot damna feras, quot pertulit illa,	Hecuba.
Quæ tandem verſa eſt in nova monſtra canis;	
Quotque Syracuſia depulſus ab urbe tyrannus,	Dionyſus.
Qui vix fertur inops arte levaſſe famem;	
Et quot cui cæco miſerum via publica victura	Belſacius.
Tradidit, invictæ præmia ſumma manus:	
Sic miſer occumbas, ut qui ſpumantia Nili	
Oſtia devicit, victor ut hujus over.	
Utque Mithridates, qui dum mala nomina victi	Mithridates.
Non bene fert, telis incubat ipſe ſuis;	
Aut ceu qui fractus bello ſocia arma rogavit,	Pompejus.
Invenitque necem, dum male quarit opem;	
Aut ut qui jacuit medio ſpectante ſenatu,	Julius Cæſar.
Et dixit: Patrem tu quoque, nate, petis?	
Neve magis felix, quam cui ferraria victum	Legitimus.
Ars dedit, & regem viderat ante patrem.	
Nec plus quam Marius, qui dum miſer effugit hoſtes,	Marius junior.
Incertam jugulo præbuit ipſe necem;	
Quamque Jugurthino quem clarum Roma triumpho	Marius ſenior.
Vidit, in obſcæna poſtmodo vidit aqua.	
Nec magis aspicias, quam qui fera facta ſorum	
Senſit, & orbatus lumine damna tulit.	Thamiras.
Qualis erat vates Helenæ damnator, & ille	Eſſechorus.
Qui damnat cauſſam, regia Juno, tuam,	Tyreſias.

Qualis

- Democritus. Qualis & ille fuit, qui lumine captus utroque  
Sperat sic animo posse videre magis.
- Daphnis. Quique gravis Baccho, petiit male sanus amicam,  
Et rediens sensit parte carere sui.
- Sesosthis. Quique senex oculos cæcos exosus, & auras  
Abrupit dextra mortuus ipse sua.
- Polyphemon. Idque quod Ætnæus videas, qui lumine in uno  
Vidit crudeles hospitis esse manus.
- Phœnix. Aut quod Amyntorides, aut cujus sensit uterque  
Morte hic, illa dolo facta nefanda parens.
- Phineus, &  
de ejus filio. Aut quod Phinidæ, qui lumina dextra parentis  
Eruit, & pœnas protinus ipse dedit.
- Homerus. Inque tuis oculis volucris fera spicula condar,  
Hoc etiam Argolico contigit ante seni.
- Polinestor. Et sic luminibus careas, ut Thracius aurum  
Qui rapuit puero, quem dedit ante neci.
- Aeneas. Aut ceu sacrilegus Vestæ grassator, & ille  
P. Cornelius. Qui sua cum vidit somnia, cæcus erat.  
Nec desint vires in te tibi, sed tua ferro
- Lucretia. Corda pete, ut petiit casta puella sibi.  
Ut qui philtra bibit, pereas male sanus amore,  
Et tua stent magno pocula mixta tibi.
- M. Brutus. Aut sic occumbas, ut cui sua dextera lethum  
Conscivit, Romæ quæ fuit ausa nefas.
- Portia. Aut ut quæ flammas avido bibit ore, jacentem  
Vidit ubi esse virum corpus inane suum.
- C. Crassus. Et sic, ut famulo jugulum qui præbuit, & se  
Non meminit fortes ante habuisse manus.
- M. Antonius. Ut qui se gladio fodit, dum falsus amicam  
Credidit infelix occubuisse suam.
- Cleopatra, &  
de ejus amantibus. Sive ut quæ vidit sua brachia morsa ceraestis,  
Quæque huic se comites morte dedere pari.
- Caio Uticensi. Sic ferro valeas, ut qui sua nomina ab urbe  
Duxit, Cæsareas dum timet usque manus.
- P. Crassus. Et dextra moriari tua, quod contigit illi,  
Qui sibi, dum mortem vult fugere, ipse dedit.

Inque

Inque illos nunquam desit tibi barbarus usus,  
 In quos Licinius sponte vocavit eum.  
 Conscius ipse tui fodias mala pectora ferro,  
 Ut qui Virginei damna pudoris habet.  
 Aut ut quem vidit venis Jovis ara solutis,  
 Sanguine fœdantem pectus & ora suo.  
 Et te sic medium sævus transverberet ensis,  
 Ut quem non sensit Cassius ante virum.  
 Utque est expertus comites male Fimbria fidos,  
 Sic miser a turba destituare tua.  
 Sic laqueo pereas fauces constrictus, ut ille  
 Qui liquit tanto territus hoste forum.  
 Aut is, quem judex damnavit Manlius, & se  
 Inferias nato tradere posse negat.  
 Sive ut qui gladio cecidit, cum rapta tyranno  
 Nupta fuit conjux, ut nova nupta cadas.  
 Aut quoque legatos, pacis qui signa ferebant,  
 Qui petiit ferro, quo neque ab hoste licet.  
 Utque sua cecidit stupri comperta puella  
 Usâ manu, sceleris conscius ipse cadas.  
 Ut tulit infracta semper jejunia mente  
 Atticus, æternam tu patiare famem.  
 Et sic dispereas, ut quos Jubellius ense  
 Transfixit, moriens ne male captus agat.  
 Quique magis voluit crudeli occumbere dextra,  
 Quam liber forsan Cæsaris esse manu.  
 Muneraquæ accipias, quæ tradidit Arria Pato,  
 Quæis misera occubuit, quæis miser occubuit.  
 Et premat illa tuas pestis fœdissima fauces,  
 Quæ Festum Stygios fecit adire lacus.  
 Impellatque tuam sceleris mens conscia dextram,  
 In facinus varis traxit ut ante rei.  
 Infixus moriare pedes, ut Silius, utque  
 In quem direxit Dardana tela Paris.  
 Ut Decii scelus usâ suo fugit aspera ferro  
 Sophronia, hac nostras tu fuge morte preces.

Lichnius  
 Cræsus.  
 Apollus  
 Claudius  
 Regilianus.

Cor. Menla  
 Hamedia-  
 lis.

Dolabella.

Fla. Fim-  
 bria.

Lichnius  
 Macep.

Silvanus.  
 P. Silvanus.  
 Octavia.  
 Cn. Norba-  
 nius.

Oppia, aut  
 Oprimia, Ve-  
 ralis.

Pomp. Anie-  
 rus.  
 Tur. Jubel-  
 lius.

Fannius Co-  
 nio.

Arria.

Pæm.

Festus.

Cor. Gallus.

Silius Trall-  
 es.

Achilles.

Sophronia.

Nec

Nec sic effugies: ibis quocumque, sequemur;

Non erit in pœnas mors satis una tuas.

Sis licet clarus, licet hac sis laude superbus,

Sis licet indignus, quem mea Musa perat.

Te tamen ante alios dicam, tua facta canemus,

Sidera dum cœlum, dum mare habebit aquas.

Ante canes parcent lepori, damisque leones.

Ante aquilam cycnus ducet, ovemque lupus;

Juppiter in partem cœli petet ante gigantes,

Et Paridis Juno non erit ante memor;

Quam tibi conveniat mecum: quæ feceris hostis,

Experire: dabit, perfide, tela furor.

Scilicet Hispani jactent se se Hercule natos,

Et numerent hortis aurea poma suis.

Elysiisque habeant campos, Duriumque, Tagumque,

Sitque metalliferis terra superba vadis:

Palladiasque ostendet opes, & Martis honores,

Et quos Neptunus vulnere fecit equos:

Et Parios vincat lapides, Lilybæaque mella;

Nobilis & Bacchi sit, minique ferax:

Lucanumque habeat, Senecas, Fabiumque disertos,

Atque hac jacteretur Silius ortus humo.

Dum quoque non Cybeles huic stella affulsit Olympo

Commoda, nascenti nec fuit apta Venus.

Luna jubar tulit infestum, non præbuit ignes

Utilior Maja natus, Apollo faces.

Juppiter occuluit vultus, matertera Juno

Abfuit, in tecti culmine bubo fuit.

Te fera presserunt Saturni sidera, Martis

Infustusque furor, te canis ore leo:

Ingemuere vadis nymphæ, mæstumque ulurarunt

Hispani montes, liquit Apollo diem.

Illa fuit nigris merito signanda lapillis,

Quæ dedit hoc monstrum, publica damna, dies.

Hunc fera nascentem matris suscepit ab alvo

Tisiphone, hunc fovit sæva Megæra sinu.

Hæc

Alcides Hi-  
spanorum  
Parent.  
Hortj. He-  
rculeum in  
Hispania.  
Elysi cam-  
pi in Hispa-  
nia.  
Durus.  
Tagus.

Lucanum.  
Seneca.  
Fabius.  
Silius.

Orion Cy-  
beles.  
Venus.

Luna.  
Mercurius.  
Apollo.

Juppiter.  
Juno.  
Bubo.

Saturni &  
Martis.  
Canicula in  
leone.

Tisiphone  
obscure.  
Megæra ma-  
ter Cybe-  
les.

Hæc tenerum primo per pallida colla volutum  
Lactavit, puero tradidit illa dolos.

Hæc docuit simulare fidem, prætexere fraudes,  
Hæc falsos risus, hæc bona verba dare.

Hic didicit fratres odiis turbare, sodales  
Fallere, conjunctos dissociare viros.

Quid multis? ipsumque scelus, doctamque magistram  
Vincit, & ingenio prævolat ille suo.

Dignus es, infelix, mancant quem fata Neronis,  
Quem mancant gladii, dignaque Othone manus.

Dextraque, quæ dulcem natum dominumque peremit;  
Qui ne hostem videat, maluit ante mori.

Quæque fames ferrumque dies claufere Petrei,  
Quum miser Hesperia victus ab hoste fuit.

Et ne nostra ferant venti per inania vota,  
In domini fatum sit tua dextra ferox.

Implicet adversis laqueis fera guttura funis,  
Qui dedit in nati funera colla patris.

Sic miser in præceps volvaris, ut æthere ab alto  
Qui cecidit, patrios dum male rexit equos.

Aut veluti pater, ignarum quem filia passa est:  
Aut ille, exitium cui sua forma fuit.

Sisque tuæ vitæ tam prodigus, ut fuit ille  
Cui formosa fuit plena parente soror.

Utque hæres, qui sponte luos dedit ignibus artus;  
Patroni cineres miscuit usque suis.

Aut qui funestum pavido bibit ore venenum,  
Cujus in exitium Cæsaris ira fuit.

Et doleas ut qui curavit morte dolorem,  
Pro medicaminibus tu quoque gypsa bibe.

Accensis moriæ miser carbonibus, ut qui  
Dum mortem fugeret, se dedit ipse neci.

Aut is, cui dominæ pepererunt funera mortem;  
Sit tibi de dominæ funere funus idem.

Sic fatis fungare tuis, ut Portius, atque  
Qui sua dum vidit carmina obisse, perit.

Oraque

Nero.

Otho.

Labes Mar-  
sus.

Petrejus.

Gordianus.

Phaeton.

Valerius.

Belteser-  
phon.

Pappyrus  
Cæcilius  
filius.

P. Cæcilius  
Philotimus.

M. Lollius.

L. Frocu-  
sejus.

Carulus Lu-  
cratius.

Messius.

Portius In-  
tro.

Labicnos . Oraque sint nullis dapibus tibi pervia : finem  
 Messala Coe- Corvini hunc vitæ pene fuisse ferunt.  
 vitus .  
 Longinus . Aut bibe quæ quondam Longinus pocula , vel quæ  
 Socrates . Jam senior tremulo perbibit ore reus .  
 Hadrianus Imp. Aut miser occumbas , ut qui in sua vulnera amicum  
 Impulit , & docuit , quo cadat ipse , locum .  
 Florianus Imp. Aut is , qui Tacito successit , & ut pugionem  
 Julianus Imp. Qui fixit lateri , quique venena bibit .  
 Diocletianus Imp. Ut quem Lugduni vicit Constantius , utque  
 Maxentius . Qui laqueo periit fratris amore sui .  
 Althea . Aut ut Licinii pater , aut sævissima matrum  
 Thestias , & melior facta parente soror .  
 Empedocles . Sic quoque tu præceps salias , ut maximus ille  
 Trinacriæ vates , quem tenet Ætna foco .  
 Cleombrotus . Aut a præcipiti volvaris in æquora muro ,  
 Ut qui Socraticum de nece legit opus .  
 Et tua nobilitas , sic funera , ut ultimus ille  
 Everfor regni Sardanapalus avum .  
 Sardanapalus . Utque Lycambiades rabiosi inventor iambi  
 Licambes & Neobote . Occidit , a nostro carmine victus obi .  
 Hamibal . Aut ut Amilcarides , qui quam servaverat auro ,  
 Permetuens hostes ebibit ore necem .  
 Inque rogos videas cara cum conjuge natos ,  
 Halirubal . Ut quem victum armis , Æmiliane , tenes .  
 Calpurnius . In flammæ sic sponte ruas , ut barbarus ille ,  
 Qui mortem Æmathio dixerat ante duci .  
 Cleomenes rex Lacedæmoniorum . Quosque putes fidos , sic experiaris amicos ,  
 Ut fidum sensit te , Ptolomæ , Lacon .  
 Democritus Milesius . Tu quoque sic fugias , ut qui superatus , Achæos  
 Dum fugeret , mortem dat miser ipse sibi .  
 Demosthenes . Aut is , quem vidit moriturum Ægeia tellus ;  
 Qui , quod servarat ad sua fata , bibit .  
 Eratosthenes Cyrenæus . Utque Cyrenæus pereas , qui tædia morbi  
 Non tulit , æternam sed tulit ante famem .  
 Menippus . Aut is , quem vicit fulvi jactura metalli ,  
 Divitiisque super non valet esse suis .

Aut



Aut ut quas sensit fidas per vulnera conjux,  
 Et doluit quod tam sit bene nota fides;  
 Utque piæ nimum fratris de morte sorores  
 Excepere necem fratre cadente, cadas.  
 Et bibe, Achæorum quod dux bibit, orè venenum;  
 Quod juga habent, tellus Thermopylæ, tua.  
 Quodque Nicoclides, tepido qui sanguine tauri  
 Pocula plena bibit, bella coactus agens.  
 Utque Syracusias, pereas, qui missus in oras  
 Ipse sua cecidit victus ab hoste manu.  
 Aut ut tercentum juvenes, quos una manebant  
 Fata omnes, omnes abstulit una dies.  
 Non fuit heu tanti campus Tyreaticus, & vix  
 Vix Lacedæmonia est, vix tua, Pallas, humus.  
 In te conjuret Nereus, qui carmina vatis,  
 Atque habet auctoris naufraga membra sinu.  
 Quique habet uxorem cum conjuge; tela Philippi  
 Effugiens accidit vir modo, & illa modo.  
 Et ferventis aquæ pereas demissus ahenis;  
 Sic scelus effugit, teque, tyranne, puer.  
 Bubalus utque miser pictæ male præmia formæ  
 Morte habet, in simili tu quoque morte cadas.  
 Causa fuit non magna quidem; tamen illa poetam  
 Movit, & horrendum surgere fecit opus.  
 Non tulit ille ferro spumantia carmina tabo,  
 Sed ruit in pœnas heu miser ipse suas.  
 Quæque manus meruere pati suspendia, solvit  
 Ille; manus causas & dedit ipsa necem.  
 In te justa magis veniunt mea carmina, vota  
 Justa magis, veniet dignaque pœna magis.  
 Signa dedit cælo non inficianda sereno  
 Juppiter, a læva mæsta volavit avis.  
 Ergo quæ miserum tulit in sua fata Cleanthem,  
 Spes vitæ alterius te quoque, sæve, trahat.  
 Atque ut Cambyfes actò per viscera ferro,  
 Occumbe: est meritis mors ea digna tuis.

Monima, &  
Veretina.

Michridatis  
Statira, &  
Roxane.

Critolaus.

Themisto-  
cles.

Nicias A-  
theniensis.

Tercentum  
Atheniensis  
& Lacedæ-  
monis.

P. Terentius.

Theoxena,  
& ejus vir.

Democles.

Bubalus.

Cleanthem.

Cambyfes.

Decebalus. Sive ut quem vicit Trajanus, & inclyta vidit  
 Abscissum proprio vulnere Roma caput.  
 Ananias. Aut is, qui ignitum lapidem te, magne deorum  
 Phœbe, refert, numen nec putat esse tuum,  
 Non currus, radiosve, aut clara jugalia ferre  
 Credit equos, celeres non putat esse rotas;  
 Non quæ declivem limbum, jamque ima secanti  
 Signa, parat requiem, cæruleosque sinus;  
 Suscipiatque toro, foveatque calore diurno  
 Membra fatigati, pertimeatque diem.  
 Ira deum cepit; magna hæc injuria; pœna  
 Digna fuit; meruit; quam bibit ille, necem.  
 Et tu dignus eras, qui quod bibit ille, bibisses,  
 Justior inque tuo crimine pœna foret.  
 Aspiciunt ergo superi si lumine recto  
 Res hominum, justa aut si movet ira Jovem.  
 Mensa Lycaonias. Si ille Lycaonias mensas, & recta tyranni  
 Aper Calydonias. Evertit, memorant si Calydonis aprum.  
 Paris. Si memor Idalii juvenis Saturnia, Trojæ  
 Extremum exitium, sævaque fata tulit.  
 Quid miser expectas? quid non tua pectora ferro  
 Ipse fodis? Veniet sævior ira Dei.  
 Ille meis precibus nunc pondus inesse jubebit,  
 Quæque precor, firma hæc postmodo vota dabit.  
 Atque ego, dum cælum fulgentia sidera habebunt,  
 Effundam sævas in tua fata preces.  
 Emilius. Sic precor ut rabidis lacereris morsibus, ut quam  
 Emilius sævo vulnere flevit amans.  
 Iuba. Et cade, ut immeriti cujus post funera nati  
 De niveis vincti Roma triumphat equis.  
 Quumque habeas altum crudeli in pectore vulnus,  
 Sic vitam in tenebris ac Ecclinus agas.  
 Ecclinus. Inque cavis terræ præceps volvaris hiatus,  
 Pachaum & Curtius. Ut qui placarunt numina morte sua.  
 Cyane. Aut veluti Cyanæ stupri comperta, parentem  
 Mox moritura necat, te tua nata necet.

Qual-

Quasque Lyci caussas habuit pia filia mortis,  
 Has habe, & in nulla contumuleris humo.  
 Sicque tuum jugulum solvas, ut filia patrem  
 Quæ victum fecit proditione sua.  
 Gidica privigni miseranda pendit amore,  
 Sit tibi, qui laqueos præbeat, asper amor.  
 Deque tuo fiant infamia nomina ponto;  
 Quæ te submergat, nomen habebit aqua.  
 Submersus dedit olim Anieni nomina Tuscus,  
 Præbuit insano Graia puella mari.  
 Dædalus Icaris, jam non pater, orbus in undis,  
 Conqueritur nati nomen habere fretum.  
 Te quoque in obscæna submersum, sæve, palude  
 (Hac tu dignus aqua es) defleat orba parens.  
 Aut fleat abscissum caput istud, ut ille cruentas  
 Heu nimium sero qui dolet esse dapes.  
 Sponte tua immisso fodias præcordia ferro  
 Perfida. Democritum sic periisse ferunt.  
 Atque ut Democrates proprio sua viscera telo  
 Transfixit, proprio tu quoque Marte cadas.  
 Utque Dioxippus spectantia lumina vultus  
 Non rulit; in falso crimine multa luas.  
 Victa Britannicæ moderatrix fœmina gentis  
 Occidit, exhausto virus habente mero.  
 Occidis, & rigido confossus pectora ferro  
 Posthume, reginam morte secute tuam.  
 Tu diversa licet fata experiare duorum:  
 Quumque habeas vulnus, toxica, stulte, bibas.  
 Nec tua tardentur inhonesto funere fata;  
 Fama est Milesias hoc tenuisse nurus.  
 Utque pater vitam natarum in funere fudit,  
 Perpetuas lacrymas sanguine tinge tuo.  
 Quæque fames miseram uxorem Camblecta vorare  
 Jussit, & in dominæ fata movere manus;  
 Ipsa eadem te, sæve, trahat, lacerataque duris  
 Morsibus, aut conjux aut tua nata cadat.

Callice.

Balsitiam.

Gidica.

Anhis Antie-  
 ni davis no-  
 men præ-  
 buit.  
 Hylis Hal-  
 lepoato.  
 Icarus Ica-  
 rio maris.

Therms.

Democri-  
 tum.  
 Democri-  
 tes.

Dioxippus.

Boudicca.  
 Puntius Post-  
 humus.

Milesia vtr-  
 gines.

Scedalus.

Camblecta.

Tuque

Tuque tui sceleris pius ultor, ut ille, resolve  
Colla, feris dapibus quæ patuere, tua.

*Timagoras.* Aut ut præcipitem semet dedit ille, Meleti  
Qui paruit, cello præcipitere jugo.

*Timanteus  
Cleantes.* Utque lenex arcum, juvenis quem intenderat olim,  
Frustra conatus tendere vulnus habet;

Sic miser infractis utaris viribus in te,  
In te crudeles, perfide, verte manus.

*Decere.* Utque Semiramidis mater scelus ausa, profundo  
Est submersa lacu, sis precor ipse lacu.

*Nezra  
Salentina.* Sisque Salentina ut virgo, indignata maritum  
Conjugio pactos deservisse toros.

*Menophelus.* Aut Mithridatidis ut custos, non segnis in ima  
Viscera crudeli dirige tela manu;

*Gunilda.* Aut cade, ut exemplum casti Gunilda furoris  
Quæ dedit, extinctum morte secuta virum;

*Pidneus  
Rulpo.* Aut is, qui fauces laqueo constrinxit, & ille  
Admonitus sceleris qui perit ipse sui;

*Stenatereus.* Quicquid dedit jugulum puero, ceciditque, quod ausus  
Est scelus, & pœnæ præbuit ipse manus;

*Grafecius.* Cuique dedere necem temeraria iussa puellæ  
(Heu nimium lævos ausa puella jocosa!)

*Adrastrus.* Quoque modo periit, pueri qui viscera fixit,  
Esse feram credens, per scelus ipse peri.

*Sargapises.* Aut ut Sargapises, essent cui vincla salutis  
Si sua, quod scelus est, non foret ausa manus;

*Boger.* Aut is, qui lecti comites, natosque, domumque  
Imposuit rapidis, seque, suosque rogis;

*Pæmus  
Thracicus  
Patavinus.* Utque Patavinus Thraseas, cui dira Neronis  
Abscissi venis attulit ira necem;

*Pyramus.* Utque miser cecidit juvenis Babylonius, atque  
Quæ tinxit moriens sanguine mora suo;

*Thiasus.* Utque sibi corpus memorant Erychthona morsu  
Conficere, & corpus sic aluisse suum;

*Erychthon.* Sic miser ipse fero divellere viscera dente  
Incipe, deque tuo corpore sume dapes.

Dæda-

Dædalion ut inire rogos, & funera natæ est	Dædalion.
Aufus, ita in rapidos conjiciare rogos.	
Utque ferunt Dido Phrygio mucrone perisse,	Dido.
Ah scelus! hospitium sit tibi causa necis.	
Aut sis merfus aquis, ut quæ modo nympha Numici,	Anna.
Facta est, Anna soror gurgite merfa perit.	
Ah nimium, nimiumque ferox Ænea, superbis	
Acte odiis! Dido sat cecidisse fuit.	
Sat fuit immeritam Troja labente Creusam	Creusa.
Deferuisse; rogis ne super adde rogos.	
Tutius heu Libyci furias perpeffa tyranni	
Anna fores: Latio non premerere vado.	Tarula.
Iphias in medios moribunda ut possit ignes,	Evadne.
Immiscetque suis mortua membra viri;	
Sic precor accensis injectus, perfide, flammis	
Occumbe, & sceleri debita solve tuo.	
Atque pia Hylonome monstrosa ut fata biformi	Hylonome.
Morte imitata sua est, hanc imitere tua.	
Et fratris vetitis ardentem Byblida flammis,	Byblis.
Quæ laqueo periit fortiter ulta nefas.	
Herculeos patiare rogos, lacrymasque parentis,	Hercules ignis.
Qui immutata videt lintea ferre rates.	Ægei lacrymas.
Utque suis dominæ cineres qui miscuit, Hæmon	Hæmon.
Corruit, ipse tuo saucius ense cadas;	
Sive ut Leucadii crimen non vile profundi,	
Sappho Mæonias docta movere deas;	Sappho.
Utque colubrigena, insigni qui vulnere rupit	
Sponte animam, patriæ consulitque suæ;	Menecrates.
Aut ut natarum furiis agitata Creontis	Jocasta.
Filia, quæ primi corruit ense viri;	
Sive ut præcipitem qui se de culmine turris	Myrrha.
Jecit, & a gemino funere funus habet;	
Et sic dispereas, inhonesti ut Phædra furoris	Phædra.
Impatiens, vetitos heu petere aula toros;	
Aut ea, quæ fugit conjux Arhamanta furentem,	Ion.
In mediumque aula est profluisse fretum;	

Sive

- Phyllis.* Sive ut crudeli pendens Rhodopæia zona,  
Non passa abientem est Demophoonta diu.
- Arcadia.* Ut quoque facundi temeraria mater Ulyssis,  
Quæ pendet, longa credula facta mora.
- Ajax Telamonius.* Sive ut, qui nunquam superatus ab Hectore, ferro  
Incubuit, dextra fer male facta tua.
- Iphis.* Atque ut Anaxaretes Iphis de fune pendit,  
*Anaxarete.* Illaque ut est dominum morte secuta suum;
- Amphion.* Utque pater miseris sua funera miscuit umbris  
Natarum, Phœbi quas dedit ira neci.
- Brotheus Canace.* Utque cremanda pyræ Brotheus sua membra dedisse  
Fertur, & ut gladio nata perisse patris;  
Sic tibi sint causæ, miseræ queis tædia vitæ  
Crescant, ut nulla, sæve, juveris ope.
- Ceïs. Milo.* Nec mage felices moveant tua lintea venti,  
Quam queis Alcyones vir jacet, atque Milo.  
Sic sis infelix, ut quæ superesse peremto  
Non potuit tristis Deianira viro.
- Deianira.* Quæque dedit niveo virgo Marathonia collo  
*Erigone.* Vincula, per tetricum fac tibi guttur eant.
- Evenus.* Et rapidis fac nomen aquis, Evenus ut olim,  
*Tyberinus.* Aut cujus senior nunc Tyberinus habet.
- Elíce.* Atque ut, quæ cupido fecit convicia divo,  
Culmine de summo præcipitere jugi.
- Macaria Herculis filia.* Sive ut Tartareas quæ se devovit ad aras,  
Sis precor infernis victima grata deis.
- Tyro.* Sive & quæ voluit Tyro Pegalæa subire  
(Proh decus eximium!) tristia fata viri.
- Alceste.* Aut quæ passa olim est Alcestis fata mariti,  
Impenditque animam casta puella viro.  
Et de præcipiti jacteris, perfide, saxo,
- Jole.* Ut virgo Herculeis sæpe petita toris.  
Aut capite illiso posti, perfunde cerebro
- Herennius Siculus.* Saxa procul: Siculum, quo tucaris, habes.  
Aut capite immisso media inter crura, nitentes
- Coma Isuro.* Linque auras: est qui det tibi Coma modum.

Nec

Nec tibi contingat pater illo justior, ad quem  
 Venit nata iras edomitura deum.  
 Nec qui victoris tepecit sanguine nati  
 Tela pater, sumsit quod verita arma puer.  
 Utque cruenta fero natorum vulnere Colchis  
 Immaduit, madeat sic tua cæde parens.  
 Utque Athamantæo cecidit puer ille furore,  
 Sic patrias proprio sanguine sparge manus.  
 Aut qui vesanæ sensit fera facta parentis,  
 Et cecidit matris vulnere visus aper.  
 Quodque fuit nato crudelis Tantalus, & quod  
 Heu fuit in miserum non bona mater Itym.  
 Quod pater Hippodamas natæ, quod Thestias illi,  
 Qui cum combusto stipite & ipse perit.  
 Quodque parens illi, perit qui in limine recti,  
 Nec potuit fugiens effugere ipse necem;  
 Hoc tibi sit mater, patrioque occumbe furore,  
 Ut quos Dejotarus sponte necavit atrox,  
 Aut quam Virginius ferro transverberat, & quam  
 Hippomenes sævo præbuit asper equo.  
 Atque ut quam terræ infodit pater Orchamus, & qui  
 Præbuit Arpiagæ membra voranda puer.  
 Aut nato patrante nefas occumbe; Gryphilem  
 Fama est heu nati vulnera habere sui.  
 Utque manu cecidit conjux Agamemnonis illa,  
 Quam peperit, nati saucius esto manu.  
 Aut ea, quæ gemino sensit fera facta Neronis  
 Crimine, post stuprum non bene cæsa parens.  
 Aut quæ concubitus nati male sana petivit,  
 Congressusque tulit barbara turpis equi,  
 Sisque tuis notus, quantum Lærtius heros,  
 Qui patitur nati nescia tela sui.  
 Nec tua progenies tibi sit minus impia, quam quæ  
 Credidit in juvenem posse redire senem,  
 Quamque fuit fratris madefactus sanguine Evander,  
 Audeat atque tuam frater iniire necem.

Idomeneus.

Manlius  
Torquatus.  
Medea.

Learchus.

Penthes.

Tantalus.

Progne.

Hippoda-  
mas in Peri-  
nelam fuit.Eurythe-  
sis mater fi-  
lium.Dejotarus  
filio.  
Virginius  
Virginie.Clytemne-  
stra.

Agrippina.

Sir

Sit tibi, si fuerit frater, quod Tydeus illi,  
Qui fratris sensit vulnera facta manu.

*Mides.* Et tua membra soror discerpat, ut illa, parentis  
Claudere quæ casu fratre paravit iter.

Utque Mithridates cecidit, fraterque Quirini,  
In te fraternas experiare manus.

*Oëris.* Truncaque membra geras, ut qui a Typhone peremptus  
Fertur, & Oxylochi qui tulit ense necem.

Aut is, qui fratris natos nil tale putantes  
Ense fero fodit, sis lacer ipse precor.

Utque soror cecidit Critolai, nempe furentis  
Ense cadas fratris \*

Et tua sit, qualis conjux Agamemnonis, atque  
Turba maritali sanguinolenta nece est.

Quum tandem longo defessa in membra labore  
Serpserit alta quies, conjugis ense cadas.

Nec tibi sit thalamus thalamo felicior illo,  
In quo nupta viri cæde cruenta fuit.

Aut quo cæde madens, turba comitata sororum,  
Aula est heu jugulos solvere virgo viri.

Albinamque suo de nomine dicere gentem,  
Gentem quæ Bruti nomine dicta modo est.

Utque perit Cephali conjux miseranda, peremptus,  
Damna feras sævi muneris ipse tui.

Nec tibi vina magis sit fas impune bibisse,  
Quam qui vina simul perbibit, atque necem.

Utque miser sævi facta impia Lausus Amulj  
Heu patitur, patrui tu patiare manus.

Membraque det miseræ ferus ille voranda parenti,  
Ut data sunt nati membra, Thyeste, tibi.

Fraternaue manu juguleris more Sichæi,  
Et quas non habeas, quarat avarus opes.

Et tua sæva magis discerpat viscera mater,  
Quam quæ Chrysippe fata noverca tulit.

Utquæ fero Ægysthus patrui de sanguine dextram  
Tinxit, & ut Perseus est scelus ultus avi:

Ut



Ut Nero longævum properare in fata Neronem  
 Fecit, & ad Stygias per scelus ivit aquas;  
 Sic precor, insidiis pereas, scelerate, tuorum,  
 Et fodiat natus, vel tua membra parens.  
 Aut ut Leucaspis, Lyciæque insignis Orontes  
 Dux classis; pontum naufragus ore bibe.  
 Et tua, si tumidum superaveris improbe pontum,  
 Membra feras, recta ut fert Palynurus humo.  
 Sive ut Priamides, fatis qui corpora pennis  
 Sublevat, in raucas dejiciaris aquas.  
 Sive ut Abydenus juvenis, visurus amicam  
 Cum properes, media destituare via.  
 Comicus exiguis miser est ut merfus in undis,  
 Quamlibet exiguo flumine, sæve, peri.  
 Aut pereas, ut qui Tritona lacessere raucum  
 Ausus, cæruleæ gurgite merfus aquæ est.  
 Aut ut Myrtoo qui fecit nomina ponto,  
 Myrtilus & dominæ proditor, & domini;  
 Utque puer tunicam Nessëo sanguine tinctam  
 Qui tulit, & patri fata sibi que tulit;  
 Utque Agamemnonius puer obrutus, indita de quo  
 Sunt Argensis nomina clara locis;  
 Et ne scissa feris solus sua membra quadrigis  
 Senferit Hippolytus, tu lacereris equis;  
 Deque tua madeant avidæ sic cæde jugales,  
 Ut quæ de domini sanguine pabula habent.  
 Aut per saxosas rapteris, perfide, sylvas;  
 Mettius ut rapidis est laceratus equis:  
 Diraque Threicii regis præsepia palce,  
 Et tua pro dapibus viscera carpat equus.  
 Et tua dente fero divellant membra jugales:  
 Experta est pænæ hoc Hippodamia genus.  
 Sive ut Pyrechmes urbem Cadmeida bello  
 Ausus ab Euboico sollicitare solo;  
 Aut ut equo præceps sua guttura pollice Agenor  
 Clausit, fatali guttura claude manu.

E c

Nec

Nec levius doceas, quam qui cava robora primus  
 Palladii certa cuspide fixit equi;  
 Quamque sâtos tellure armis petere ausus Orion,  
 Hostem qui cælum cernit habere suum.  
 Utque Agamæmnonius temerarius ultor Orcstes,  
 Qui cecidit morfu virus habente, cadas.  
 Teque, Lycurgiadem, seu qui laniavit Adonim  
 Venantem Paphiæ vertice, rumpat aper.  
 Seu qui fulmineis prostravit dentibus olim  
 Idmona, seu miserum quæ lea stravit Hyam.  
 Quique Crotopiaden, seu qui sub imagine cervi  
 Cadmeum juvenem diripuerunt canes.  
 Quæque cothurnarum rabies insana poetam,  
 Quæque Thrasum rapuit turba cruenta canum.  
 Quæque Crotonensis, qua Crathes occidit, illa,  
 Sive Paphagea tu quoque morte cadas.  
 In te sava magis veniant fera tela Tonantis,  
 Quam quæ centimanum diripuerunt Gygen.  
 Aut quæ raptorem deturbavere profundo,  
 Palladis adversa fulmina missa manu.  
 Aut quibus Autonoes periit soror, aut quibus ille,  
 Qui est ausus magni fingere tela Jovis:  
 Aut quibus Æolides, aut qui jacet igne trifulco,  
 Ausus in immensum verba tonare patrem.  
 Utque Lycaonio natus de sanguine, vel qui  
 Dosithoem magni prodidit esse Jovis.  
 Æreque seu Phalaris, seu sævi more Perilli,  
 Ipse geme, & Paphios voce imitare boves.  
 Utque feras sensit Macedo cum conjuge flammæ,  
 Sic, precor, athereo cæsus ab igne cadas.  
 Aut cade, ut a patria missus puer Hectoris arce,  
 Quum raperent acres membra parentis equi.  
 Sive ut qui saltu transigit Thessalus uno  
 Summum Ossam, summo dejiciare iugo.  
 Neve gradus scandas Elpenore cautior, aut qui  
 Doctus opem multis, non tulit ipse sibi.

Ut miser aut altæ præceps de culmine turris  
 Calistus cecidit, sanguine tinxit humum.  
 Utque secuta sui morte est Pleberis amanti  
 Funus, & a miseri defiluit arce patris:  
 Fœdavitque senis proprio de sanguine canos,  
 Et caussas tanti criminis ausa loqui est.  
 Mox Stygios visura lacus moribunda, Caliste,  
 Ingeminat: sine me, sæve Caliste, fugis?  
 Sæve mane, tua te sequitur Melibæa; relicta  
 Me viva, Stygias solus adibis aquas?  
 Heu melius tumulto condemur uterque sub uno,  
 Et Phlegethontæos ibimus ambo lacus.  
 Ecce manet: natam, miserande, heu sume cadentem,  
 Sume pater, comitem sic sequar ipsa meum.  
 Sic pereas, scelerate, pias sic, sæve, tuorum  
 Ipsa move lacrymas \*  
 Nec certa tellure magis spatium, poeta  
 Heu miser Oiclides quam fuit haustus equis.  
 Sive cothurnatus periit qua morte Lycophron,  
 Pectora lethalis fingat arundo tua.  
 Corpore seu toto fons sanguinis effluat isto,  
 Ut de quo Phrygium nomina flumen habet.  
 Denique pauca licet, sed dii rata vota secudent,  
 Multiplicentque meas in tua fata preces.  
 Hæc tibi, pauca quidem, subito properata furore  
 Mittimus, exiguo tempore plura leges.  
 Postmodò fatiferos, scelerate, horreois iambos:  
 Incipe jam trepido, sæve, perire metu.



# CARMINUM VARIORUM

## LIBER.

### AD ANTONIUM FONSECAM

*Amplissimum Pompejopolitanum Episcopum  
De Pompejopoli*

#### SERMO.

**Q**uid mihi visum sit Pompeji de urbe, requiris.  
Difficile est dictu, Fonseca amplissime: nam si  
Arcem, templa, vias, aut mœnia dixeris urbem;  
Pulchrius in toto nihil est, vel amœnius orbe.  
Si cives morsque hominum, quos ipse gubernas,  
Et regis imperio felici; victa recedat  
Religio veteris Romæ, contentaque parvo  
Serrani, Curique domus: gens tota diurno,  
Nocturnoque intenta operi, non cessat ab arte  
Quisque sua, duros assueti ferre labores,  
Et callis durare manus. Num fertilis agri  
Commemorem raras sub adunco vomere fructus?  
Floret ibi alma Ceres, quantam metit Africa, quantam  
Appulus invidet, vel frumentalis Eleusis.  
Corniger uberius nusquam sua munera Bacchus  
Pampinea effudit dextra; generosa falerni,  
Famosique quibus cedant vineta Timoli.  
Uberius nusquam dives Pomona beatas  
Fudit opes, pomive graves felicius hortos  
Servavit rubra metuendus falce Priapus.  
Nec melius campo pecorisve gregisque magister  
Pavit oves, tauros, genus omne armenta Falisco,  
Quam Pompejanis campis, quos fertilis Arga  
Abluit, & placido fecundat flumine, Iberum  
Aucturus, magnum a quo sumsit Iberia nomen.  
Attamen in tanta rerum ubertate requiram  
Ipse quid, ignoras: paucis dicam, accipe, verbis.  
Privatis contenta opibus gens, suataque parvo  
Finibus in patriis semper manet, inscia gentis

Ullius

Ullius hospitio, vel consuetudine, longas  
 Ire in amicitias, peregrinæ aut fœlescere genti.  
 Inde fit, ut si quis nova limina venerit hospes;  
 Miretur nullas gentem Jovis hospitis aras  
 Incolere, & nullos magno dare thuris honores  
 Amphitryoniadi, vastus cui cœssit Avernus  
 Hospitio placido, cui triplex Cerberus, & cui  
 Vorticibus Phlegethon nigris, atraque favilla:  
 Qui vagus instituit primus jura hospitis hospes,  
 Primus & humanis consuefcere moribus orbem.  
 Ergo vix tota reperire est urbe, benigno  
 Qui excipiat quemquam hospitio, aut levet ore vagantem  
 Compita, perque vias, ullo aut dignetur honore.  
 Hinc faciles fugisse rudem Pimpeidas urbem,  
 Castaliâque habitare domum, & sacram Hippocrenem  
 Crediderim, veritas ne si consucta relinquant  
 Forte loca, atque hujus veniant ad inhospita tecta  
 Urbis, ad infamem credant venisse repulsam,  
 Aut inimica ultro sub tecta, & vincla Pyreni.  
 Te solum agnoscunt, nomen qui ducis ab ipso  
 Fonte Caballico, præful doctissime; soli  
 Indulgent teneræ docta cum Pallade Musæ.  
 Dumque isto sunt ore omnes, dum pectore sacro,  
 Nulla deas Pindi tenet, aut Heliconidos undæ  
 Cura, nec Aonios latices, fontemque requirunt.

#### AD JOANNEM PESQUERAM.

*Homines non esse, nisi qui docti sunt,*

#### S E R M O.

**P**Esquera, egregium Phœbi decus, Aonidumque;  
 Præsidiumque ingens, culturæ & tutela Minervæ:  
 Esse homines reris, quos recto corpore in auras  
 Elatos se ferre vides, celsumque cacumen  
 Tolle, & æthereas in sedes surgere vultu,  
 Et frontem exerere, & terras sublimibus omnes  
Dêspicere

Despicere erectos oculis late usque jacentes?  
 Humana specie, atque humanis gressibus alte  
 Qui incedunt, celloque polos passim ore tuentur?  
 Si male desipiunt miseri, nullique gravatos  
 Artubus attollunt animos, & in æthera ducunt?  
 An vacua, & cerebri capita indiga cernere credis,  
 Humanumque nihil, solam nisi habentia formam?

Namque ego, ut ingenue fatear, cohibere cachinnæ  
 Turgentes nequeo, premere aut sub pectore risum,  
 Naturam quoties hominum scrutarier alta  
 Mente paro, atque homines dici rationis egentes  
 Conspicio, & multis brutorum ignobiliores.

Nam quæ cum brutis communia corpora habemus,  
 Recta licet, tamen haudquaquam meliora caducis,  
 Aut minus indomita telis obnoxia mortis,  
 Non homines faciunt. Ratio & sapientia viles  
 In loca mortales deducunt proxima divis,  
 Humanosque docent; homines unde ordine dicti  
 Moribus humanis faciles, comesque, benignique,  
 Et qui doctrina & musarum dotibus aucti,  
 A stolido distant pecore, & se nubibus abdunt.  
 Attamen hæc quæ nos ratio cælestibus infert,  
 Igniculos duce natura licet ardua nostris  
 Accendat quandoque animis, quibus insita recti  
 Semina, naturam ad frugem perducere honesti  
 Possimus; nequit ipsa tamen, nisi culta, favillam  
 Elicere, ignavo cinerum torpore situque:  
 Quin carie, & tenebris vitiorum victa malignis,  
 Deficit extincta face, nec non lumine demto  
 Sordibus obruitur, nebulaque involvitur atra.

Hinc stupor humanos animos, hinc turbida cæcos  
 Caligo rapit in pejus; nec tramite recto,  
 Nec firmo finit ire gradu mortalia corda;  
 Nec licet invento, virtutis sistere calle,  
 Propositumque inceptum homines finemve tenere.  
 Avia præcipites sed per, dumosaque ferri

Cogit,

Cogit, & audaces per lubrica ducere gressus,  
 Diversos prorsum a signo quo tenditur, ac si  
 Quis pro fronte scopum fixurus, spicula retro  
 Jactet, & intentos post tergum porrigat arcus.  
 Est operæ pretium lopitas mentibus ergo,  
 Et multo nigras cinere instaurare favillas,  
 Atque ignem excutere abstrusum rationis ademtæ;  
 Si dici, atque homines merito demum esse velimus,  
 Cum volucres animæ potius, quam corpora simus;  
 Cum soli ingenium fortiti, cum face soli  
 Arcana digni, quæ mentes lumine puro  
 Dirigit, immensi stimulatque cupidine cæli,  
 Calicolumque facit, divinorumque capaces:  
 Utque libenti animo curamus corpora; sic nos  
 (Majus habet pretium-quæ corpore) pascere mentem,  
 Et curare decet, rectique accendere amore:  
 Si juvat humano censei nomine, vel si  
 A grege mutorum secerni. Quare ego pani  
 Doctrinam primo soleo conferre ciborum;  
 Corpora namque ut alit terrarum munus, alumnæ  
 Sic animos Phœbi, & Musarum, & Palladis artes.  
 Utque hominum Cereris vel solo munere vita  
 Nutrirî reficique potest, si cætera desint;  
 Et sine ruriculæ genitricis germine, frustra  
 Quicquid ubique cibum natura creavit, abundet:  
 Haud secus ambrosia mentis, sacroque carentes  
 Nectare, Musarum expertes, & Apollinis antri,  
 Quantumcunque Midæ ornatos, Cræsiq; talentis,  
 Insanis quanquam cumulentur honoribus; at non  
 Dixeris esse homines, meliori parte minutos,  
 Et tota mutilos mente? ut Vulpecula nuper,  
 Quæ caput humanum, figulinam ingressa choragi,  
 Exacte usque adeo fictum, ut si spiritus & mens  
 Adfuerit tantum, reliqua vivisceret arte,  
 Invenit, sumisitque manu; & Proh Juppiter, inquit,  
 Quantum & quale caput, cerebrum nisi decesset in illo.

Contra

Contra doctrinæ sacrum cui nectar abundet,  
 Pieriusque latex animi formator, Ulyssæ  
 Enater ut tandem vel nudior; at Jove solo,  
 Divitiis regnoque, fateberis esse minorem.

Quo fit, ut optarim tecum hæc ridere, coruscas  
 Omnigena qui cum doctrina temnere larvas,  
 Purpureis licet ornatas in vestibus audes,  
 Et ratione homines, at non finire figura.

## AD ANTONIUM VALDELOMARUM.

*De utilitate ab inimicis capienda, ex Plutarcho,*

### S E R M O.

**V**Aldelomare, novem Musarum gloria, fontis  
 Bellerophontei cui labra impleſſe liquore  
 Contigit haud tantum, & bijugum superasse cacumen;  
 Sed quod virtutem ad Musas superaddere puram,  
 Et fieri exemplar doctrinæ, exemplar honesti.

Tu quoque nostra soles legere atque audire libenter,  
 Et pro more tuo, ſim qualiacumque locutus,  
 Aure tamen populi digna, & Libanitide cedro  
 Magnifica cum laude refers, ſuadeſque libellos  
 Ancipitis vulgi naſo committere noſtros,  
 Et calo mandare; tamen mihi curta ſupellex,  
 Nota intus, trutinam ne me extra forte requiram,  
 Cogit, & ut tantum tollam mea munera, & ipſe  
 Mecum habitem, & me caſtigem, nec laudibus iſtis  
 Improbus accedam, vulgi aut examina tentem.  
 Sit ſatis atque ſuper me commiſiſſe duorum  
 Iudicio, vel forte trium, quorum mihi mens eſt,  
 Et conſtans animi candor, doctrinaque nota,  
 Et noſtri ſincerus amor. Tunc te quoque amicus  
 Admoneo videas: ſed tu tibi proſpice, qualem  
 Commendes; ne noſtra legens ſauzedus amicos  
 Maxima pars inter noſtros, Peſquerave quando,  
 Tunc mea forte tibi merito peccata pudorem

Incutiant



Incuriant; quoniam certum est mihi, nostra quod intus  
 Mens agitat, verbis extra depromere apertis;  
 Et tecum, & cum illis tantum, quod nos juvet omnes,  
 Conferre, atque utinam quid sit, quod & utile prosit.

Nil porro invenies, rerum natura creatrix  
 Munere amicitiae majus mortalibus ægris  
 Quod dederit, pulchrumve magis, nec dulcius unquam  
 Utiliusve; licet perpendas cuncta parentis  
 Omnigenae praeclara opera, & data munera mundo.  
 Namque in amicitiam qui non coiere, ferarum  
 More vagi, atque hominum expertes rationis aguntur,  
 Extorres, inopes, domibus sine, & urbibus, & re;  
 Et natis, & conjugis, sanctisque deorum  
 Legibus, ignari curas committere cuiquam,  
 Sermonesque suos, rerumque aperire suarum  
 Consilia; immunes summis parvisque gerendis,  
 Externa confidere ope, audacterque rogare  
 Quæ cupiant, si quæ cupiunt; aut quæ bona dictu,  
 Aut quæ tincta malis, seu seria, sive jocosa,  
 Evomere incauti, temere, tutoque locare.

Attramen hæc, quæ nos in tecta urbesque coegit,  
 Dulcis amicitia, ut varium & mutabile nostrum  
 Est genus, invidiæ & livoris crimine, cæcas  
 Versa similtates, nec non odia aspera gignit;  
 Nosque inimicitias miseros involvit amaris.  
 Usque adeo infirmum est, si quod mortalibus usquam  
 Concessere bonum superi, prudentia quod non  
 Munit, & optatum in finem sapientia ducit.  
 Unica quæ vitæ ratio est, quæquæ unica tantis  
 E tenebris mortale genus moderamine recto  
 Eripere, & tantis vitiorum fluctibus, almo  
 In portu, & clara potis est in luce locare.  
 Quo fit, ut infensos si non vitare inimicos  
 Possimus, damnum ducti ratione queamus.  
 Quodque est mortales supra, dignumque beato  
 Sanguine divorum genitis, non noxia tantum

Tela inimicorum, atque iras contundere acerbis,  
 Sed capere ingentem infestis ex hostibus usum;  
 Eque inimicitiiis ingentia commoda ferre.  
 Namque ut priscorum quidam de sanguine quondam,  
 Pro vita solum, dulcique salute tuenda,  
 Cum rabidis pugnare feris suevere, beatos  
 Se se, quum mortem fugerent vulnuse, putantes:  
 Atque alii ratione feris sine Marte fruendi  
 Inventa, haud solum nunquam læduntur ab illis,  
 Maxima verum etiam capiunt discrimine nullo,  
 Et multum nostram recreantia commoda vitam;  
 Vestimurque pilis, hirsutis pellibus aut cum  
 Munimur, morbis etiam medicamina lacte,  
 Aut felle, aut pingui studium est adhibere sagina;  
 Quis, nisi cui non est mentis scintilla, negabit  
 Vitam hominum fore sylvestrem, duram, atque ferinam  
 Omnino, nullaue( feris sine) parte beatam?  
 Sic qui contenti nihil usquam ex hostibus ullis  
 Se cepisse mali vivunt, nisi commoda fumant  
 Ipsis ex inimicitiiis, quæ plurima possunt;  
 Obscuram, atque inopem, atque humana partecarentem  
 Vitam agere, aut animam potius fortasse, putabo.  
 Illos cælicolum felices vivere more,  
 Distantesque parum a superis, quibus ardua mens est  
 Et ratio, & victrix omnis sapientia noxæ:  
 Uti inimicitiiis qui norunt, & bona ab illis  
 Elicere, illustrem quæ reddant undique vitam.  
 Quare operæ pretium fuerit, qua quærere parte,  
 Qua ratione sui fructum præbere inimicus;  
 Vel qua contingi, valeat ne lædere, possit  
 Noxius, & parte ex alia miserescere semper  
 Nescius, immitis, pugnax, rixosus, iniquus.  
 Principio qua parte magis damnosa simultas  
 Esse potest, illa maiorem inducere fructum  
 Vitæ hominum reputo, maioraque commoda ferre.  
 Namque inimicitiiis ardens flagrantius hostis,

Incum-

Incumbens vigili circumspicit undique sensu,  
 Observatque tuam, lustratque per omnia vitam;  
 Seu quid agas, seu quid reputes tecum, atque loquaris,  
 Sive domi, seu forte foris, penetratque tuarum,  
 Nubila ceu quondam proles Aphareia Lynceus,  
 Ultra tecta, trabesque, & tigna, & saxa domorum.  
 Arcana quæ mente geris, quæ pectore volvis,  
 Quid tandem famulis committis, vel quid amicis,  
 Consortive tori, vel vestro sanguine natis.  
 Cunctaque scrutatur, maledictis dum petit audax,  
 Dum culpis inhiat solers, peccataque captat.  
 Nec secus ac vultur putris raptatur odore  
 Corporis, & sano nunquam validoque moverur:  
 Sic siquid nostra infirmum, vel debile vita,  
 Sic siquid vitio affectum est, hoc excitat hostem,  
 Hoc movet; inque unum hoc assurgens assilite, instat,  
 Vellicat, arrodit, variisque assultibus urget.  
 An non est igitur vitæ per quam utile nostræ  
 Huc adigi, nequid fœde admittamus inertes?  
 Incircumspecti nequid dicamus? & omnem  
 Vivamus cauti vitam, & sine crimine, mores  
 Compositos, castos, incorruptosque tuentes?  
 Hæc quoniam nunc cura avidas a turpibus (hostis  
 Forte metu) cohibet mentes, animosque coercens  
 Cogit, & ut redeant in se se commonet, arcet  
 A vitiis primum, tum in nobis gignit honesti  
 Et recti studium; mox consuetudine, caste.  
 Atque inculpate vivendi assuescimus arti.  
 Haud secus atque urbes, pugnax quibus imminet hostis,  
 Citra neglectum doctæ gerere omnia ab hoste,  
 Legibus assuescunt vigiles, & publica curant  
 Rectius, & parte ex omni virtutibus instant:  
 Sic quos huc odium violenti compulit hostis,  
 Ut sine neglectu vitii contagia vitent,  
 Cordaque contineant feralis sobria culpa;  
 Paulatim sola vel consuetudine ducti,

Egregiæ

Egregiæ insunt opera, moresque pudicos  
 Componunt, gaudentque ulla sine vivere labe.  
 Præcipue in promptu quibus est, ne vota secundent  
 Hostibus, aut faciant, aut afficiantur Achivi,  
 Cur Priamus, Priamoque sati latentur. At hortum  
 Floricomum, multaque rosa & bene olentibus herbis  
 Fecundum, cultumve agrum si viderit hostis,  
 Ingemit, & catulos ægre fert, sive jugales  
 Efferrî, aut digna celebrari laude caballos:  
 Et nos, si iusti sumus, frugique, probique,  
 Cordatique, feret? si Phœbi & Pallidis arte  
 Mirandi, alloquioque graves, rebusque gerendis  
 Sinceri atque incorrupti? si sobria victus  
 Corpora, si mentes pulcherrima pectoris alti  
 Consilia in medium, res ut petat, usque ferentes?  
 Non ea vis ægro est, nec tanta potentia victo.

Mobilis æde senex, quo pacto ulciscier hostem  
 Quis posset, quondam sic respondisse, rogatus  
 Dicitur: Eximium si se se gesserit, inquit,  
 Omnigena virtute virum. Quam, Juppiter, alium,  
 Quam castum, urbanum, sapiens, quam denique dignum  
 Responsum Cynico! siquidem tunc vincitur hostis,  
 Tunc dolet, atque animo tunc discruciat amaro,  
 Cum probitate animi, doctrinæ dotibus, atque  
 Solerti rerum cura, pietate, pudore,  
 Munifica virtute videt se vincier, a quo  
 Ægrius, atque omni ferat impatientius ævo.  
 Tunc dolor obturat linguam; tunc guttura mæror  
 Obsepit, tunc ora silentia tristitia ducunt,  
 Vinculaque captivus sentit nodosa palatus,  
 Dicere ut obleptus nequeat, vel ut hîscere quicquam.  
 Conandum nobis igitur, qua possumus, hunc ut  
 Ex inimicitîis fructum capiamus, acerbis  
 Hostibus ut simus meliores, utque probemur  
 His etiam, nobis qui se male velle fatentur.  
 Cum quibus indignum est probris certare; sed ut sit

Hoc

Hoc quoque nobis invitis quandoque necesse ,  
 Absimus longe probris , absimus ab illis  
 Quæ jacimus ; ne nostra sinum manus improba lædat ,  
 Et populo risum moveamus , turpiter altum  
 Dum in cælum incauti spuimus , faciemque rigamus .  
 Auctori nam versa suo quæ probra pudorem  
 Incutiunt , illis nihil est vel acerbius usquam ,  
 Vel gravius , mentemque magis quod rodât , & angat .  
 Est delcendendum prius ergo in pectus , & illic  
 Lustrandum , cariosum aliquid num viscera rodât ;  
 Num vitiis quæ sint obnoxia turpiter , unde  
 Quis probrum objiciat tragicum ; scatet improbus ipse  
 Ulceribus , medicamque aliis en porrigit herbam .  
 Qui sic ergo alium probris incescit , ut ipse  
 Se contempletur , componat , corrigat , atque  
 In melius vitam commutet ; scilicet ille  
 Ex male dicendo haud minimam se carpere frugem  
 Sentiet : ac parte ex alia fortasse minorem  
 Non capiet , probris si forte affectus ab hoste ,  
 Vulnus Achilleæ submittat Telephus hastæ .  
 Namque hic , ubi medicum nusquam reperisset amicum ,  
 Hostili rursus submisit vulnera dextræ ;  
 Sic quibus officium desit monitoris amici ,  
 Opprobriis inimicorum curentur oportet .  
 Atque ut Thessalicum qui quum mactasse Prometheus  
 Crederet , hostili percusso tubere telo  
 Servavit ; sic sæpe odio conjecta furenti  
 Probra solent animi morbis conferre salutem .  
 Opprobriis ergo tacti videamus oportet ,  
 Verane quæ dirus maledicta objecerit hostis ,  
 Conspersique nota purgemur : lurida ceu si  
 Inficiat vestem macula , ostensamque luamus .  
 Nec minor in falsis cura est adhibenda , nec ob quod  
 Objicitur falsum maledictum , temnere oportet :  
 Sed magis expensa probri ratione videndum ,  
 Quid fuerit causæ , cur hæc objecerit hostis ,

Præbuerit

Præbuerit vel quid maledictis talibus ansam.  
 Num factum, dictumve aliquod, num crimen amici,  
 Num simile objectis quicquam quod fecimus, aut quod  
 Nostrorum quilibet commisit: cumque prehensa,  
 Et ratio objecti fuerit bene cognita prebri;  
 Tunc porro instandum velis remisque, malorum  
 Vitemus causas dictorum, cuncta caventes,  
 Unde inimica petat, vel falso, jurgia lingua.

Adde quod egregium est, alio maledicta vomente  
 Nos regere, & tacita placidos perferre quiete  
 Vipereum virus, veluti mordacia Lissi  
 Æquoraque, & scopulos qui præternavigat atros.

Egregium frænare animos, iramque domare;  
 Et spatium, placidamque moram præbere furori.  
 Impetus, insanusque tumor, vesanaque mentis,  
 Et rationis egens rabies male cuncta ministrant,  
 In præceptisque ferunt. Quare pulcherrima virtus  
 Hos animi motus compescere; qui nisi parent,  
 Noster ut admonuit Flaccus, dominantur oportet.

Sed frænare tamen, rectique tenere catena  
 Ardeites, longa nisi consuetudine, non est  
 Humanæ rationis opus. Qui suescimus ergo  
 Ferre inimicorum taciti maledicta, feremus  
 Iratæ uxoris certamina, fratris, amici,  
 Commoti nullo, perturbative furore.

Et qui rixantes patimur fratresque, propinquosque,  
 Atque inimicorum toleramus verba molesta;  
 Quantum aberit, lapsus etiam ut doceamus utrosque,  
 Atque ut amicorum pariter, pariterque ruina  
 Dira inimicorum tristemur, quodque decorum  
 Est opus, admonuit si forte occasio, nostros  
 Spernamus merita vindicta ulciscier hostes?

Tunc qui non multa celebrandam laude putarit  
 Illius eximiam virtutem, casibus hostis

Qui dolet adversis, placida qui mente roganti  
 Præbet opem, studiumque impendit providus, illum  
 Expli-

Explicet ut dubio pressum fortasse periculo;  
 Hic adamanteum gerit intra viscera pectus,  
 Et chalybe excusum duro; fraudandus honore  
 Quandoquidem merito nemo est, vel iudice diro  
 Hoste: redit quoniam laudati gloria ad ipsos  
 Qui laudant, constansque fides damnantibus hæret,  
 Si quando fœdi quid detestantur in hoste.  
 Nempe inimicorum qui laudibus acta sequuntur,  
 Assueti meritos celebrare, & qui neque ringi,  
 Nec fortunaris angi successibus hostis,  
 Morderive solent; nullo livore videbunt  
 Prospera amicorum, nullis singultibus ora  
 Concurient, nulloque trahent suspiria fletu.  
 Ergo quid utilius? quid pulchrius? aut quid honestum  
 Est magis, invidiam quam quod mortalibus acrem  
 Livoremque adimit, studium? gignitque benignas  
 In nobis mentes, habitumque inducit honesti,  
 Et docet infanda vitiorum absistere noxa?  
 Quandoquidem assueti recte cum turpibus, atque  
 Infensis agere adversis, haud turpiter unquam,  
 Injusteque, doloque malignæ fraudis, amicis  
 Cum nostris, famulisque, & eorum rebus agemus.

Quapropter summis curandum viribus, ut de  
 Imperio, virtute, opibus non turpiter auctis,  
 De laude, atque animi de dotibus, ingenioque,  
 Omnigena de doctrina, de rebus honestis,  
 Sic decertemus cum nostris hostibus ut nos  
 Quod superent, animo ne discruciemur amaro,  
 Aut tæbe omnino contabescamus inertis;  
 Sed magis ut mores inimici, & facta notemus,  
 Et quibus ad summam, qua vincimur, artibus ille  
 Pervenit laudem: torpentem deinde paremus  
 Segnitiam, studio vincendi, mentibus omnem  
 Excutere, & curam solertem impendere, ut illa,  
 Qua vincebamus, ne simus parte minores.

Nam si iudiciis corruptis principis aulam,

Indignive

Indignive tenent inhonesta per omnia, quantum  
 Est auri terram subter vel desuper, hostes;  
 Haud erit unde animo quis commoveatur acerbo,  
 Qui colat eximiam virtutem, cui neque gemmæ,  
 India quotquot habet, nec gloria principis, ipsum  
 Nec quantum est regnorum, est æquiparabile soli:  
 Quandoquidem clarum nihil est, quod turpibus usquam  
 Nascitur, & recta longe ratione remotum est.

Quare inimicorum vitiis non ilia risu  
 Concutienda hilari, nec pulchra gerentibus, acri  
 In fletu & lacrymis mens dejicienda misellis;  
 Sed magis instandum, dum quæ gessere decenter  
 Et recte, studio solerti imitamur, ut illis  
 Omnigena virtute pares reputemur, & omnem  
 Dum fugimus labem, meliores undique simus.

Hæc ego, non ut te moneam, quem culta Minerva,  
 Valdelomare, choro circumfistente Sororum,  
 Et sacram Phœbo citharam pulsante canoro,  
 Erudiit bijugi Parnassi ad culmina, verum  
 Ut tantum experiar vacuæ conamina mentis,  
 Atque caballino discam prodesse furore.

## AD DOCTOREM ILLESCAM

*De Historia sua Pontificali*

### C A R M E N.

**H**ispano historias (decus o, splendorque, jubarque,  
 Illesca, Aonidum gloriaque ampla novem)  
 Hispano sermone, inquam, quod condere gaudes  
 Historias, multa cum ratione facis.  
 Nam quem non patrio bene de sermone mereri,  
 Et Græco, & Latio præposuisse decet?  
 Præcipue in pretio linguæ, cum nomine rerum  
 Scriptarum, doctos quæ erudiere, manent.

Auctorum



Auctorum splendore etiam, qui multa diserte,  
 Multa probe & graviter composuere suis.  
 Nec minus ipsorum natura copia dives  
 Verborum, & locuples ars quibus, atque modus.  
 Quæ si cuncta tuo meliora volumine lucent,  
 Scribier Hispano quis vetat eloquio?  
 Nil etenim historia vitæ morumque magistra  
 Pulchrius, aut scitu dignius esse potest:  
 Historia, memoris sensus quæ vita salusque,  
 Thesaurusque potens, thecaque dives opum est.  
 Nuntia præteriti semper fidissima sæcli,  
 Factorum testis conscia, viva, gravis.  
 Lux veri, pulchre gestorum fama, tenaxque  
 Opprobrium & vindex ingeniosa mali.  
 Nec tamen Hannibalis, nec diri gesta Jugurthæ  
 Scribere, materies digna labore tuo est.  
 Non urbis, gentisve, ducisve alicujus honores,  
 Dogmata non veteris relligiosa Numæ:  
 Sed quantum rerum gestarum Phœbus ubique  
 Aureus, aut Phœbi vidit opaca soror;  
 Tantum Pontificum summorum pressius acta  
 Scribit, & arguta nectis in historia.  
 Tum nostræ divina etiam præcepta salutis  
 Addis, & astriferæ relligionis opes.  
 Quo fit, ne dives scriptarum nomine rerum  
 Aut Græca, aut fuerit lingua Latina magis.  
 Hispanoque illis certare volumine possis  
 Materie & libri regificis opibus.  
 Te vero, o nostri sæcli decus, anne ego dignis  
 Laudibus in cælum tam rudis arte feram?  
 Tam rudis ingenio, tam nulla parte disertus,  
 Tam doctrinarum cognitionis inops?  
 Te quem, cum Latio loqueris sermone, Quirites  
 Prorsus in astra suo cum Cicerone ferunt.  
 Cum Græco, magni doctis reputaris Athenis  
 Aut Ithaci, aut cani Nestoris ore loqui;

G g

Cui,

Cui, cum naturæ caussas rimaris opertas,  
 Quis Plato? vel quis non cedat Aristoteles?  
 Mystica cum sacræ pandis miracula legis,  
 Addi qui posses quinque videre viris;  
 Quem, rigidum dicis cum jus, Chirona fatemur,  
 Atque Prienæam vincere iustitiam.  
 Quæ quanquam summis virtutes laudibus in te  
 Sint dignæ, verum has non ego laudo tamen.  
 Et quoniam magis admiror, quam mente sequaci  
 Percipio, atque index non nisi lingua animi est;  
 Et quia me satius facturum, si nihil hisce  
 De rebus, quam si dixero pauca, puto.  
 Adde, quod ipse tuis tu te es laudabilis actis,  
 Atque micas pura, sicut Apollo, die;  
 Auctores interque alios, ceu Luna, refulges,  
 Inter sidereos altra minora choros.  
 Usque adeo falsi nihil audes dicere, veri  
 Cuncta audes, dulci tam brevitate vales:  
 Tam nulli scribis suspectus, nulla simultras  
 Tam te, tam fallax gratia nulla movet:  
 Membratim usque adeo decurris in omnia, mores,  
 Urbes, arma, viros, tempora, gesta, locos,  
 Sacra, prophana, vias, fluvios, mare, littora, montes;  
 Pacem, bella, duces, vulnera, signa, tubas,  
 Imperia, & nullis gentes sub legibus ortas,  
 Insidias, raptus, dira venena, neces;  
 Idque genus, quæ si fuerint mihi guttura centum,  
 Si linguæ, nequeam connumerare tamen.  
 Cuncta suis digesta locis quæ sic tamen ipse  
 Disponis, mira crescat ut arte liber;  
 Et micet, ut puro fulgentia sidera cælo,  
 Disposita æterna quæ micuere manu.  
 Livius ergo tibi quis non, quis Curtius, aut quis  
 Non cedat Crispus, Cæsar, & Andronicus,  
 Eusebius, Florus, Justinus, Orosius, Afer,  
 Pausanias, Prosper, Naucratisque Charon?

Attamen

Attamen Hispanæ decrit sua gratia linguæ,  
 Et poterat Græca ditior esse liber.  
 Scilicet aut poterat locupletior esse Latina;  
 Neutra tua tibi sit quum peregrina magis.  
 Parcite, Romanæ Musæ; mihi parcite, Grajæ:  
 Præ Musis inopes estis Iberiacis.  
 Exerite, Aoniis quantum pater occulit undis  
 Phœbus, & unguifatis Bellorophontis aquis.  
 Quantum Pymplæis tribuit, Clariisque cavernis,  
 Grynæo nemori, Pieriisque jugis;  
 Quantum Delos habet, quantum Parnassia rupes,  
 Et Rhodos, & Tenedos, Chrysa, Therapna, Paros;  
 Tanto Eldana quidem id totum Tirynthia vincit,  
 Divitiis quanto vinceris, Ire, Mida.  
 Et quantum Babylonis opes, aut Lydia gaza  
 Urceolos superat, Codre, torumque tuum.  
 Quis furor ergo alia, quam lingua scribere Ibera?  
 Aut potuit quali ditior esse liber?  
 Seria, nulla magis graviter, nulla aprius, & tam  
 Præclare pro re, magnificeque sonat.  
 Mollia, nulla magis tenere, pungentia nulla  
 Acrius, aut tanta ludicra cum Venere.  
 Nulli tanta subest verborum copia, nulli  
 Dicendi tot sunt lumina, torve tropi.  
 Tam faciles numeri, tam voces auribus aptæ,  
 Quosque putes superos posse docere, modi.  
 Præterea id justum est patriæ dare, quæ tibi vitæ  
 Principium fausto fidere læta dedit.  
 Ut per quam vivis, vivat per te ipsa superstes,  
 Et patriam fama vincat, Homere, tuam.  
 Atque Eldana, dies qua surgit & occubat almus,  
 Notior Arpino sit, Rhodioque solo.  
 Tum Mæcenati proavis a regibus orto  
 Est operæ pretium te placuisse tuo  
 Qui licet est Græca doctissimus atque Latina,  
 Attamen Hispana gaudet ubique loqui.

Sapius

Sæpius & populum (linguam nervosque corona  
 Mirante) Hispanum mystica sacra docet.  
 Et Manuelæ gentis splendoribus addit  
 Subnixum mitra pontificale caput.  
 Qui, suus ut mos est, opibus te auraque juvabit,  
 Esse sibi nisi vult degener, atque suis.  
 Adde, quod imperium sequitur quoque lingua, quod ultra  
 Oceani extendis, magne Philippe, vias;  
 Ultra iter Herculeum, validique Evantis, & ultra  
 Sidera, & oppositos e regione polos.  
 Qua patet ergo vagi solis via, prospicit arva  
 Qua sua de cælo pulverulenta Ceres:  
 Cingitur infido quaque humida terra profundo,  
 Quaque volant venti, sidera quaque meant:  
 Denique qua domitis Hispana potentia terris,  
 Et patet imperium, magne Philippe, tuum;  
 Illesca, æterna populis cum laude legeris,  
 Et tua sine carens fama perennis erit.  
 Hispanoque volans super astra volumine vinctus,  
 Vincas Aufonios Argolicosque libros.

#### A D V E R Z O S A M.

**D**Um, Verzosa, canis quæ te sunt digna, virosque,  
 Armaque, & immensi ponderis edis opus;  
 Invidiamque moves Phœbo, Phœbique forori,  
 Virgiliumque refers, Mæonidemque senem:  
 Mi satis est, nitidos Mariannæ dicere ocellos,  
 Auratasque meo carmine ferre comas.  
 Purpureasque genas mirari, & frontis honorem,  
 Et multa ambrosias laude notare manus.  
 Multa queri de me, de nostris multa favillis,  
 Hei mihi de domina plurima sæpe mea.  
 Hei mihi multa quoque irato convicia Amori  
 Dicere, nec diva credere matre satum.  
 Hircana sed rupe genus de frigide sæva  
 Duxisse, & Stygio tela levallæ lacu.

Cætera

Cætera me Veneris prohibet puer, ipsaque mater,  
 Et magis ambobus quæ Marianna potest.  
 Tu cane bella gravi numero, divine poeta,  
 Et Mæcenatis fortia gesta tui.  
 Vel perge Antoni titulis ornare sepulcrum  
 (Ah scelus! ah facinus!) sæva Diana, tuum.  
 Seu quodcunque paras, stupeat quod Roma, quod unum  
 Præferat antiquis omnibus orbis opus,  
 Matura; & nomen felix ingentibus ausis  
 Adde pelo: noster sit Marianna labor.

#### A D M A R I A N N A M.

**O** Di te, quanta es, ( fateor, ) Marianna, fateri  
 Nec pudet; odi te, lux mea, si qua fides.  
 Odi, sed quam odi, cuperemque magisq; magisq;  
 Odisse, invitus cogor amare tamen;  
 Depereoque, sequorque invitus: sic tuus iste  
 Me trahit & retrahit, perdit & urit amor.  
 Sic quem sævitia terrefque fugasque proterva,  
 Tam raris revocas formæ animique bonis.

#### D E L I V O R E E T M A R I A N N A .

**N**uper dum nitidos Mariannæ spectat ocellos  
 Semianimis nimiam livor ob invidiam;  
 Miraturque modo divinæ frontis honorem,  
 Colla, manusque modo, purpureasque genas;  
 Brachiolumque modo niveum, teretesque lacertos,  
 Et modo dispersas colla per alba comas;  
 Nunc humeros, nivibusque pares duo poma papillas;  
 Nunc latum ex omni parte, decensque latus;  
 Cætera nunc Scythicas vincentia membra pruinas,  
 Nunc os divino nectare dulce magis;  
 Illa modo, quæ me perimunt, sapientia verba,  
 Eloquium humano dignius ingenio:

Ad

Ad me versus ait: Fatum mihi quale parasset,  
Hæc tibi blanda magis si Marianna foret!

# AD AMOREM.

**I**mprobe, si cælum patria est tibi, Juppiter almus  
Si pater, & peperit te Cytherea Venus;  
Si deus es, mensisque deum, scelerate, recumbis,  
Nectar & ambrosia est si tibus, atque merum.  
Quid toros habitas mecum noctesque diesque,  
Heu oblite poli, Cypridis, atque Jovis?  
Quidve sitim lacrymis compescis, perfide, nostris?  
Nostra medulla tibi pro dape curve placet?  
Curve face æterna cineremque umbramque fatigas,  
O patria atque domo digne puer Strygia?  
O verè rabidum genus exitiale ferarum,  
Quid furis? Umbra sumus, jam levis umbra sumus.

# DE ANTONIO MENDOZZA.

**D**ilectam dum sæpe perit Mendozza Dianam,  
Invidit Cereris filia, & arripuit.

# AD OSSIAM MARCUM.

**M**Arce, quod in tanta versaris luce, placesque,  
Quantum qui vates perplacuerè magis;  
Non Helicon, Pindusve tibi, tribuitve Cytheron,  
Aut quæ Gorgoneo defluit unda jugo.  
Gurges major aquæ majori in monte bibendus,  
Ut carie & tenebris eximerere, fuit.  
Ergo ubi majoris montis juga cautus adisti,  
Hesperiaque redis flumine lotus aquæ:  
Ceu coluber veteri detracta pelle, coruscas  
Fulgentique novo corpore & ore nites.  
Ut dubium, vatine magis qui transtulit, orbis  
Debeat, auctori carminis anne tibi.

DE

## DE MORTE SYGÆÆ.

**E**rgo obiit decus orbis? & hoc jacet inclyta Phœbi  
 Gloria Musarum, spesque, jubarque loco?  
 Illa ergo, illa jacet tumulo hoc, quæ fœmina doctis  
 Anteferenda fuit, diva Sygæa, viris?  
 Illa Palestinæ; Græcæ, Latîæque perita,  
 Quam decimam Musis addidit Hesperia?  
 Nec dirum patrasse nefas, rupisse beata  
 Stamina crudeles erubuere deæ?  
 At facer in lacrymas Helicon, Pindusque, Rhodosque,  
 Nec non Parnassi collis uterque fluit.  
 Quin pater ipse etiam cytharam indignatus Apollo  
 Fregit, &: Hæc quod agat, nil magis, inquit, habet.  
 Per quam numen eram, per quam mihi gratus, adempta est.  
 Umbra modo, & Phœbus non nisi mutus ero.  
 Ad quem Musarum planctu chorus inquit amaro,  
 Singultu voces impediende graves.  
 Hactenus Aonides fuimus, fuit Hippocrene,  
 Numinis atque ingens gloria, Phœbe, tui.  
 Splenduit eloquii jubar hactenus, hactenus ardens  
 Doctrinæ emicuit cultus, & almus honos.  
 Quæ tamen eripuit terris mors dira Sygæam,  
 Phœbeum eripuit Pieriumque caput.  
 Nec quicquam reliqui, lacrymas nisi fecit, & orbis  
 Æternum nequeat quod doluisse satis.  
 Sic divi & pariter tumulo accubuere, sepulcrum  
 Signantes mæsti carminis indicio.  
 Hæc tegit urna novem Musas Phœbumque, Sigæam  
 Quæ tegit, inque uno marmore turba sumus.

## A D M A R I A N N A M.

**S**ic, mea lux, oculos avertis acerbiter istos?  
 Heu quoties me vis cuncta dolenda pati!  
 Perdere

Perdere me tanquam nequeas, Marianna, tuendo,  
 Vel sit in obtutu vis tua morte minor.  
 Sed tu ne peream metuis fortasse beatus :  
 Parce metu, res est certa, peribo miser.  
 Ast hoc, tam miserum quod tu cupis esse, perire ;  
 Servitio felix incipit esse tuo.

## A D C A N D I D U M.

**E**X re nomen habes; nam cum tibi candida membra  
 Omnia sint, mens est corpore candidior.

## I N U X O R E M P A U L I N I.

**S**Alve, o Paulini conjux insulsa, cacantis  
 Quæ vultum, aut vitulæ parturientis habes;  
 Quæ turpe incedis, stas turpe, & turpe recumbis,  
 Turpe sedes, loqueris turpius, & retices;  
 Latrantis catuli quæ rides ore Britanni,  
 Nigraque quæ nec habes lumina, nec cilium,  
 Nec frontem lævem, teretes nec nuda papillas,  
 Nec latos humeros, purpureasve genas:  
 Cui neque forma pedis brevis est, nec candida crura,  
 Nec longi digiti, nec juvenile femur;  
 Sed latus infirmum, tumidoque a pectore venter,  
 Effatæ cunno putidior vetulæ;  
 Alba coma, & nigri dentes, nasusque catellæ,  
 Pallida labra, procax os, sine mente anima.  
 Tene putat bellam sapiens provincia? tene  
 Enarrat, celebrat, deperit, insequitur?  
 Et Marianna, mei tecum confertur amores?  
 \* \* \* \* \*

## A D M A R I A N N A M.

**G**Ratia tanta tua est, formæ præstantia tanta,  
 Ingenium, virtus, & pudor, & probitas;

Ut



Ut credam Euphrosynem, Venerem, Lunam, atque Minervā  
 Et te Junonem, Pallida sive putem.  
 Non tamen Euphrosyne quod tu, vel Juno, vel esse  
 Luna, Venus, Pallas, sive Minerva potes;  
 Par cunctis una es, mea lux: ex omnibus unam  
 Deligere ut cupias, non potes ipsa parem.

DE CATHARINA.

**M**ærebat Catharina domi fraudata marito,  
 Pensabatque uno pignore fata viri.  
 Cum novus ufsit amor miseram, cumque omine mæsto  
 Invenit medio flamma dolore viam.  
 In juvenem male sana furit; tunc arsit & ille,  
 Sed non est æquo fœdere ductus amor.  
 Mox etenim delulâ proco, mox pellice nota,  
 Heu quid agat, furiis percita nescit amans.  
 Nunc in amatorem furit, & nunc morte parata:  
 Vivat, ait, testis criminis usque sui.  
 Mors aliena meum non est flexura dolorem;  
 Vivat, & in letho gaudeat ille meo.  
 Sic fata exhaustit diram imperterrita mortem,  
 Atque ait: Heu! major quanto erat ille dolor!

IN AMICAM, QUÆ COMAM TOTONDIT.

**T**Onsa, capillata suspenſaque ab arbore nostra est,  
 Hei mihi quæ poterat Cypridis esse, coma.  
 Hei mihi quam luci cuperet præponere Apollo,  
 Orbaque non ulla lampade terra foret.  
 Tunc meas crudelis opes luccidere? tunc  
 Tam pulchra passa es parte carere tui?  
 Anne jubas Libycus ponit leo? Bæthicus anne,  
 Quo micat & pexo crine superbit, equus?  
 Deponitne suos nisi turpiter hortus honores?  
 Sylvane frondosa conspicienda coma?

H h

Dispe-

Dispercam, si non Germano es digna marito,  
Si non Gorgonea digna puella nota.

# AD MARIANNAM.

**A**ncipitem, Marianna, tuæ præstantia formæ,  
Et libertatis me meus egit amor.  
Nam, fateor, mihi visa deis dignissima amari,  
Dilecta es votis me renuente meis;  
Invitæque genæ tepido incaluere rubore,  
Frigidus & toto pallor in ore fuit;  
Invitusque imis traxi suspiria venis,  
Et rimui cordis proditor esse mei.  
Sum vero quoties primo oblectatus amori,  
Admovique faces, materiamque malo.  
Quare ultro, Marianna, tibi servire decorum est,  
Servitium levius, quod bene fertur, erit.  
Ergo ego, quem pulchræ rapuit violentia formæ,  
Ultro te, mea lux, & violenter amo.

# DE CATHARINA.

**I**mpatiens Catharina suum læsisse pudorem,  
Atque procum cineri præposuisse viri,  
Certa mori, exhausit tetrum placido ore venenum,  
Atque nefas, inquit, quæ facit, ipsa luat.  
Sit me, dum vixit, major Lucretia; certe  
Conjuge Tarquinii non ero morte minor.

# AD GELLIAM.

**A**ut facito, aut Venerem ne ludas, Gellia, nostram:  
Si facis, accipio, sive proterva negas.  
Non hodie, faciam cras, aut post; obstat eunti  
Aut domina, aut foribus qui sedet usque senex.  
Hoc ego non possum perferre: opus est mihi facto,  
Non verbis, postquam (væ mihi!) flamma furit.

Quare

Quare age, & optata Venere utere, si sapi; aut te  
Expectent Galli: sum Philodemus ego.

# DE SIGÆA.

**C**um rapere ambiret solam mors dira Sygæam,  
Ingens Calicolum copia posse negat.  
Egregia in forma moriar, Venus inquit, oportet.  
Subdit, & in casto pectore obibo, Pudor.  
Culta Minerva: Manus sine me periisse Sygæa;  
Nec possunt sine me lumina, dixit Amor.  
Phœbus Idumæa, Latia, Græcæque loquela,  
Occido, ait, docto turba novena sinu.  
Cum mors indignata refert, rapere ausa Sygæam:  
In superos quid ni sæviat illa manus.  
Dixit, & ctepta Musæ Phœbusque Sygæa,  
Et Venus, & Probitas, Pallas, Amorque jacent.

# AD MARIANNAM.

**A**dmirata tuum mea mens, Marianna, decorem,  
Et compar formæ dotibus ingenium;  
Principio in laudes versa est stupefacta decorum,  
Tam magnam terris qui peperere decus.  
Singula mox in te secum dum laudibus effert,  
Quæ laudat, sensim deperit, atque probat.  
Uritur, utque ipsa æternum durabit in ævum,  
Sic mihi tu semper cura perennis eris.

# AGNETIS CADENÆ EPITAPHIUM.

**S**i Pudor in pretio est, si compar forma pudori,  
Hæc magnos cineres contegit urna brevis.  
Nam tegit Agnetis pulcherrima membra Cadenæ,  
Exemplum ratæ viva pudicitia.  
Accedit marris fato vitæ inscius infans,  
Auctor materni funeris, atque comes.

Ille

Illa fuit Petri conjux præclara Ruyzj,  
Nunc est natorum gloria, & ipsa dolor.

#### AD ACEVEM KALEN. JANUAR.

**A**lma dies hæc est, dantur qua munera amicis,  
Obsequii & gratæ pignora amicitia.  
Nos tibi, quando aliud non est, pro munere carmen  
Mittimus, obsequii pignora, Aceve, mei.  
Parva damus, fateor; nostram tamen excipe mentem,  
Et magnum ex parvo munere munus erit.

#### AD GELLIAM.

**S**i cupis, ecce ego percipio; si non placet, hoc est  
Quod volo: tu tantum ne mihi verba dato.  
Gellia, mendaces odi: male sana puella est,  
Quæ cupit, & gratis, quod cupit ipsa, negat.  
At cupis, atque licet; certum est mihi: quis furor ergo est  
Causari, & temet verba dedisse tibi?

#### VIVIS EPITAPHIUM.

**V**ives ille meus magister, ille  
Magnus, sæcula prisca quem timebant,  
Ille, ille ingenio vir omnibus, quos  
Roma, aut Græcia tota vidit olim,  
Par, hoc conditus est brevi sepulcro.

#### IN CANDIDUM.

**C**andide, habes faciemque albam, barbamq; , comamq;  
Atque oculos albos, atque supercilia;  
Candidiusque nive est collum tibi, candida membra  
Omnia, villi omnes: attamen ater homo es.  
Qui fieri possit, rogitas? quia mens tibi nigra,  
Famaque parta tibi est, sed pice nigra magis.

IN

## IN MARCUM.

**M**Arce, refers uno lecto tibi carmine nosse,  
De tot quis demum scripserit auctor opus.  
Ast ego te credo mentiri; aut dic, age, cum est,  
Conjugis ignorat Marcus adulterium.

## AD P. BENEVENTUM.

**I**mmertum cum me divinis laudibus effers,  
Ingenium agnosco, docte poeta, tuum,  
Qui muscam gryllumque facis Jovis arma tenere,  
Pro volucre armigera, pro Ganymede scyphum.  
Brassica Chrysippo sic commendata nitescit,  
Rapa Dioclea non minus aucta lyra est.  
Calvitiem super astra tulit sic docta Synesj  
Musa, Cononca sic coma fulget ope.  
Idem Tyndaridem laudavit rethor, & idem  
Damnavit, facili nil renuente manu.  
Sic tamen hæc omnes faciunt, laudentur ut ipsi,  
Apri tam nihili res celebrare tamen.  
Tantundem facis ipse, meum cum nomen ad astra  
Erigis, & magno carmine parva tonas.  
Ingenium, vires, doctrinam ostendis, & artem,  
Et quantum inventis, eloquioque vales.  
Ergo ego nec quidquam video in me laude notandum,  
Quæ tibi sat pleno cedit amica gradu.  
Mantua ut invidet Pamplonæ, Tybris ut Argæ,  
Cedat & ut patriæ Roma superba tuæ.

## SYGÆÆ TUMULUS.

**S**iste hospes; brevis est labor; heus consiste: puella  
Te voco, quæ gelido contegor hoc tumulo.  
Hæc fatis ampla moræ merces tibi; sed cape majus  
Hoc pretium, ut quæ sim marmore clausa, legas.  
Hic sum communis mundi dolor, illa Sygæa,  
Illa novem Aoniis addita virginibus;

Erudit

Erudiit cunctis quam Pallas in artibus, & quam  
 Ornarunt forma conspicua Charites;  
 Quam docti stupuere viri, quam maxima Roma,  
 Quam Græci, & Solymi, quamque perusti Arabes.  
 Ergo capit cujus vix tellus nomen, at urna  
 Hæc tegit exiguo marmore membra brevis.  
 Nescius hoc volui ne esses. I, fide caducis  
 Aut formæ, aut rari dotibus ingenii.

#### A D M A R I A N N A M.

**C**andidior niveo cum sis Marianna ligustro,  
 Quis minio tinxit ora genasque tibi?  
 Quis tibi purpureo, mea vita, labella notavit  
 Ostro, tela capit unde Cupido sua?  
 Unde supercilium geminus nigrat arcus? & unde  
 Flaves Phæbæis invidiosa comis?  
 Unde oculis rogos iste tuus, flammæque potentes?  
 Hei mihi, queis crucior, dispereoque miser!  
 O labor exoptande! quies o plena laboris!  
 O sine qua cupiam protinus ipse mori!

#### A D C A N D I D U M.

**C**andide, cum tibi sint membra omnia candida, pectus  
 Est tibi sed niveo corpore candidius.

#### A D A C E V E M.

**N**uper præsulibus quod sis, doctissime Aceve,  
 Assertus, Carolo gratuler, anne tibi?  
 Gratuler anne tibi, munus qui Cæsaris ornas,  
 An Carolo, merito qui tibi dona dedit?  
 Namque tui similes quum tollit honoribus ille,  
 Et se, & regali numine digna gerit.  
 Attollitque suis pietatis signa, beatum  
 Queis hoc imperium, regnaque avita facit.

Tu

Tu quoque majori, quamvis sit Cæsare dignum  
 Hoc quod habes munus, munere dignus eras.  
 Sive juvat mores, aut nomina prisca tuorum,  
 Clarum doctrinæ seu reputare melos.  
 Ergo nec Carolo, nec quod tibi gratuler ipsi,  
 Esse puto; meritas tu capis, is dat opes.  
 Huic urbi, quæ te studiorum excepit ab alvo,  
 Quæque tibi blandos præbuit una sinus,  
 Gratulor, excelsa quod te jam sede locatum  
 Conspicit, & fructum sic pietatis habet;  
 Quæque pium ex facili patronum fecit alumno;  
 Tu, nisi virtutem, nil meminisse potes.

#### DE CATHARINA.

**A** Juvene elusam cum se Catharina videret,  
 Decrevit, manes conjugis ulta, mori;  
 Acceptumque hausit sponte imperterrita virus,  
 Et: Non mors, inquit, sed mihi causa dolet.

#### AD ANTONIUM EREDIAM.

**E** Sse mihi quoties summum te dicis amicum,  
 Eredia, ingenium laudo proboque tuum.  
 Nam scio te alternum nobis bene velle; sed istud  
 Non est, quod jactas, munus amicitiae.  
 Nullus in urbe mihi male vult; sed tu mihi solus  
 Carior ambobus diceris esse oculis.  
 Attamen usque vagus si te fortasse requiro,  
 Tu nusquam in tota es obvius urbe mihi.  
 Nam tota te Castrus habet, vel Guerra (pudendum!)  
 Ludentem chartis nocte dieque malis.  
 Occurrit si forte mihi res seria, vel si  
 Ludicra, quam cupiam proposuisse tibi;  
 Et quam te celasse nefas, quam dicere cuiquam,  
 Te præter, crimen pessimum amicitiae;

Appares

Appares nusquam, ludis semper: potes esse  
 Lutor homo, & cuiquam summus amicus homo?  
 Quid faciam? dicis; patruumne offendere suades?  
 Si bonus est, ludo læditur ille tuo.  
 Tu tamen aut ludi servus, vel noster amicus,  
 Sis licet utrumvis, sis ut utrumque, nequis.  
 Antoni, nunquam servo bene servio amico;  
 Nec servus, noster summus amicus erit.

#### A D M A R I A N N A M.

**D**Epereo magis atque magis quo te, mea vita,  
 Odisti contra tu magis atque magis.  
 Nec precibus, lacrymisve meis, neque amore moveris,  
 Qui causa heu nostri funeris esse velis.  
 Nec fieri proprio cernis discrimine mortem  
 Quam mihi pro nostro sedula amore paras.  
 Amplius ipse meus non sum, Marianna; peribo,  
 Ut jam dispeream non nisi, diva, tuus.

#### A D L O D O I C U M.

**H**ospitium, Lodoice, tuum sic Gellia adibit  
 Nostra, Caballinas ceu rudis hospes aquas.  
 Sed quid? Virgilio placuit passerculus: ergo  
 Displiceat metus est pulchra puella tibi?

#### A D M A R T I N U M M U N N O C I U M

*In obitu Hieronymæ, ejus filie.*

**E**Rgo obiit, Martine, decus vestrum, unica matris  
 Filia (me miserum!) quæ decus urbis erat?  
 Me miserum! jacet ergo exangue Hieronyma funus,  
 Pulchrius in tota qua nihil urbe fuit?  
 Nec puduit patrasse nefas crudelia fata?  
 Hei mihi! nec Lachesim dissecuisse colum?

Et



Et, scelus indignum, teneram rapuisse puellam,  
 Dignam Nestoreos vivere, siqua, dies.  
 Heu ipse vitæ dementes! heu gaudia falsa!  
 Heu sævum imperium, duraque jussa deum!  
 Vosne illam primis, Parca, rapuisse sub annis?  
 Vos teneram sævis unguibus arripere?  
 Exanguesque artus, & frigida membra sepulcro  
 Tam cito, & extremis ossa dedisse rogis?  
 Nec pudet, heu, vitæ non dumbis quattuor annos  
 Tangentem, celeri surripuisse manu?  
 Dicite io præan; vicistis: parva dearum  
 Una puella manu concidit icta trium!  
 Digna tribus divis victoria! digna triumpho  
 Scilicet! en divis victa puella jacet.  
 Dj faciant, tituli laus hæc sit maxima vestri:  
 Sed miser ah! pueros, surripitisque senes.  
 Nec prodest sua forma, decusve, atasve puellis,  
 Mors rapiat nigra quin bona quæque manu;  
 Quin genus omne hominum, rerum genus omne resolvat  
 Impia, & obscuro quin pede cuncta terat.  
 Magna ubi nunc Troja est? ubi nunc fortissimus Hector?  
 Æacides, Telamon, aut Menelaus ubi est?  
 Nunc Amphionix quid sunt nisi pascua Thebæ?  
 Aut Thebas septem qui petiere duces?  
 Quid decus Ischomachæ, quid profuit optima forma?  
 Digna licet posito bella ciere mero?  
 Juppiter Antiopen quid quod Nyctæida flecto  
 Dicitur, & Parcas increpuisse feras?  
 Aspice Tyndaridem, quæ bello miscuit orbem,  
 Digna rapi toties quæ fuit, & repeti.  
 Hanc tamen atra dies rapuit quoque, & intulit orco,  
 Nec timet armatas impia mille rates.  
 Quid juvat ergo decus? viridis quid proficit ætas?  
 Quid pudor? aut acti quid line labe dies?  
 Sis formosa licet, moriere, puella licet sis:  
 Injiciet sævas mors inopina manus.

Vive pudica; tamen rapit improba mors quoque castas,  
 Innocuo nulli profuit ire pede.  
 Etati confide bonæ; ecce Hieronyma primo,  
 Heu primo vitæ limine rapta jacet.  
 Non ego te in tanto solabor, amice, dolore;  
 Ferreus est qui non effluit in lacrymas.  
 Quid Niobe tantum, aut Hecube Priameia planxit,  
 Altera facta lapis, altera facta canis?  
 Memnonis aut mater, vel sævi mater Achillis?  
 Heliadum vel quid, fabula, tota domus?  
 Tu, Martine, potes merito tu plangere, donec  
 Totus eris lacrymæ, guttaque totus eris.  
 Tene rogos tenet? heu, te extremæ, Hieronyma, flammæ?  
 Tam cito tunc cinis, tunc favilla jaces?  
 Hunc generum matri servabas? hosne nepotes?  
 Scilicet has tædas, conjugiumque patri?  
 Heu facies ubi nunc, primis magis alba pruinis?  
 Colla ubi non tacta candidiora nive?  
 Me miserum! crines ubi circum colla fluentes,  
 Quos cuperet Phœbus præposuisse suis?  
 Illanc crudeles potuistis lumina Parcæ  
 Claudere? & in nigra versa videre nece?  
 Illa manus potuit Phœbrum claudere lumen,  
 Quæ potuit tantum sustinuisse nefas.  
 Te Venus alma tamen moriente, Hieronyma, non est  
 Mæsta minus, nato quam moriente fuit.  
 Nec jacuit confusa minus, quam fulmine sævo  
 Inguina cum pueri rupit acerbis aper.  
 Ecce Amor extinctamque facem, everfamque pharetram  
 Rupit, & intactos pulchra Minerva sinus.  
 Sed bene quod nostri superest pars maxima, qua nunc  
 Vivis, & es superis addita virginibus.  
 Sidereosque recens miraris diva penates,  
 Æthereisque comes læta deabus ades,  
 Atque alios jam longe, alios pede plaudis amœno  
 Lætæ choros, alia carmina voce canis.

Tu

Tu, Martine, deæ fletu interrompere ludos  
 Desine : siqua fides, condolet illa tibi.  
 Parce precor lacrymis, precibus tantum utere : non est  
 Tam deslenda patri res, genuisse deos.

#### AD ANTONIUM SORIAM.

**A** Ntoni, hoc subito mea mens percussa dolore  
 Virginis ad vestræ fata profudit opus.  
 Mittere quod volui patri : sed vulnus acerbum,  
 Quis dubitet, quin sit reftricuisse nefas?  
 Ergo tibi nostri hoc statui pro teste doloris  
 Mittere, pro lacrymis, pro gemituque meo.

#### AD BENEVENTUM.

**A** Ut esto, aut dici Beneventus desine : non est  
 Conveniens voci tam mora longa tuæ.  
 Est male compositum nomen, quo diceris ; at vox  
 Te venisse tamen jam bene significat.  
 Dumque ego te expecto, dum tu, Benevente, moraris,  
 Jam fessum terris condit Apollo diem.  
 Et pluit, & gravior nox expectatur, & imber,  
 Et superandus adhuc est Reniega mihi.  
 Ergo vale, & dici Beneventus perge, sed Indum,  
 Aut album vulgus ceu vocat Æthiopem.

#### GREGORII CASTRI TUMULUS.

**P** Arce locum audaci incessu temerare, viator,  
 Petra verecundo est hæc adeunda pede.  
 Gregorius Castrus jacet hic, qui nuper Olympo  
 Additus, hic posuit cum chiragra podagram.  
 Urna tegit morbos, præter quos tertia sancto  
 Parca nihil potuit eripuisse viro.

CA-

## CATHARINÆ RIVERUS TUMULUS.

**I**Nvigilo ægroto dum sedula semper amico,  
 Officioque levo languida membra meo;  
 Adjutum eripui vicini e faucibus orci,  
 Et, fateor, nostra redditus est opera.  
 Indolere tamen, crudelia numina, Parcæ  
 Servatum tanta sedulitate virum.  
 Et secuere meæ currentia stamina vitæ,  
 Et: Sic, dixerunt, vincere disce deas.  
 Vince, sed ista tua tibi stet victoria vita:  
 Ille quidem valeat, dum tamen ipsa cadas.  
 Occubui hyberno contracto frigore morbo:  
 Sed felix, quod te sospite, amice, obii:  
 Marmore in hoc igitur condor Catharina Riverus;  
 Ipse vale, & meritas da tumulo lacrymas.

## D E D I E N A T A L I.

**S**urge age, Phœbe; tuas meus est natalis ad aras:  
 Sume lyram; sacer est, surge age Phœbe, dies.  
 Sume lyram, pulcherque veni, citharæque canoræ  
 Vocales docto pollice tange fides.  
 Pecte comas, nitidoque veni formosus amictu,  
 Sacra dies hæc est, & bona verba cape.  
 Nunc decet intonsam dominæ ostentare juventam,  
 Nunc canere Æmonia carmina læta lyra.  
 Qualia te memorant stabulis cecinisse sub altis  
 Admeti, tardas cum sequerere boves.  
 Regia cum virgo pastoris carmine victa est,  
 Et sensit patrio numen adesse gregi.  
 Funde merum; jam Phœbus adest: da thuris honores,  
 Parte sub extrema quos alit orbis Arabs.  
 Funde puer cyathis plenis; funde, improbe: cedunt  
 Sidera jam Phœbo; funde Falerna, puer.

Sidera

Sidera jam Phœbo cedunt: venit ille recenti  
 Qualis erat mundi Juppiter imperio.  
 Qualis & ipse fuit cælo Pythone, superbam  
 Vel qualis, Daphnem cum sequeretur, erat.  
 Alme veni, lætumque diem suspendito terris.  
 Jam venit; adde merum, funde falerna, puer.  
 Ure, puer, sacra thura: focus quid cessat? adest jam..  
 Incipe Niliacæ corticis urere opes.  
 Ure Arabis myrrhæ succos; ure, improbe, nardum  
 Quod dat Achæmenius, vel quod & Indus ager.  
 Anne vides, toto fugiant ut nubila cælo?  
 Plurima ut arguto gutture cantet avis?  
 Surgit ut ille ruber pleno nitidissimus orbe?  
 Fragret & a multo flore venustus ager?  
 Nunc ego crediderim Veneri accubuisse Gradivum,  
 Et posita amplexus casside ferre deæ.  
 Nuper abit, mensæque suum secum abstulit ille,  
 Vulcano ut melius sic, puto, verba daret.  
 Tertia lux hæc est Martis contermina mensi;  
 Ah sine Marte Venus tres sit amante dies!  
 Adde quod est Veneri mensisque diesque sacratus,  
 Atque aperit veris dives Aprilis opes.  
 Fallor? an hoc ipso deprensos tempore Phœbus  
 Risit, & ad Veneris detulit acta virum?  
 Fallor? an Aprilis media sub nocte Kalendis  
 Senserunt trepido retia cæca metu;  
 Et jacuere toro deprensi turpiter uno,  
 Crimina & ex illo nota fuere die?  
 O utinam sic turpis ego complexus amicam  
 Dicar, & a domina sic ego turpis eam;  
 Et tecum Marianna toro deprender in uno!  
 Conde precor teneras, lux mea, conde genas.  
 Conde sinus, mea lux; formosas conde papillas,  
 Ora verecundo quæque rubore tepent;  
 Aut ego te nostro condam sub pectore totam:  
 Illa mihi veniat sæpe cupita dies.

Dum

Dum loquor, ecce tamen medio est altissimus orbe  
 Phœbus; age ergo, puer, funde age, funde merum.  
 Sparge rosas, & funde merum, multisque penates  
 Floribus, & fictos stipite sparge lares.  
 Stipite crediderim fictos, quos Troius heros  
 Eripuit patriis, urbe cadente, rogis.  
 Ista pium atque gravem scimus coluisse Quirinum  
 Numina, & hæc eadem sacra fuisse Numæ.  
 Nos quoque ab innumeris proavisque atavisque penates  
 Quid mirum, & fictos stipire habere lares?  
 Qualescumque tamen, puer, eja age, sparge coronis:  
 Hæc coluit multus numina noster avus.  
 Hec tutam tenuere domum tria sæcula nostram,  
 Et teneant post hæc sæcula multa precor.  
 Divitiæ periire quidem, princepsque potestas;  
 Sed Villegatum stirpsque domusque manet.  
 Palma fores, laurusque regat, minioque rubenti  
 Splendeat antiquæ limen utrumque domus.  
 Sed properat Phœbus meta propiore quadrigas  
 Solvere, & in teneros Tethyos ire sinus.  
 Quo properas, lascive? mane: nunc luce perenni,  
 Nunc sine nocte decet continuare diem.  
 Continuasse duas sine te Latonia noctes  
 Dicitur, & votis complacuisse Jovis.  
 Quo properas, lascive? mane hic: mihi vota superfuat.  
 Parva futura mora est; tu, puer, adde merum.  
 Adde merum, niveoque cado fragrantia mella:  
 Non ego divitias, arvaque magna petam.  
 Nil mihi cum gemmis Eoi gurgitis: aurum  
 Qui petit, ille fretum naufragus ore bibat.  
 Sit Marianna mihi conjux nova: dirige amores,  
 Phœbe, meos; conjux sit Marianna mihi.  
 Sit Marianna mihi conjux nova: vincula nocte  
 Phœbe pater; conjux sit Marianna mihi.  
 Illa meis oculis, illa est mihi carior auro:  
 Hæc mihi conjugio vincula necat amor.

Vincula

Vincula quæ mancant , donec rugosa senectus  
 Inducat seræ tempora dura necis.  
 Tunc quoque me blanda morituum voce saluter ,  
 Et lacrymis oculos irriget usque meos.  
 Et nunquam reddenda mihi summa oscula libet ,  
 Luminaque admota contegat illa manu .  
 Auguror , eveniet : rubicundo sidere Phœbus  
 Annuit ; interea dulcius annus ear.

#### A D M A R I A N N A M .

**V**Esanos quoties volui , Marianna , furores ,  
 Quasque moves flammæ , forte referre tibi ;  
 Ille meis quamvis semper deus ossibus hæret ,  
 Qui me , ceu prædam , nocte dicque necat :  
 Lingua ipsa , & vox ipsa mihi , meditataque verba  
 Desunt , cumque ipsa tum quoque voce sonus .  
 Et vix sustineor , pedibusque genuque labante ;  
 It saltim passim per mea membra fluor .  
 Occupat & subitis tenebris caligo diemque ;  
 Luminaque , & sensus cæca repente meos .  
 Nec quicquam superest , lacrymæ nisi ; quæ quoque mutæ ,  
 Ut possunt , mea lux , ecce præstantur opem .

#### A D L U D O V I C U M .

**S**Ume , decus rarum Hesperia , Lodoice , præterviam  
 Gelliam , & a Gallo non tibi amante datam .  
 Vinco ego Alexandrum : dedit ille potitus amicam ;  
 Quid mage ? at intactam præbeo : non magis est .

#### D E C A T H A R I N A .

**C**Um miserranda proci Catharina arderet , & illum  
 Ureret in Venesem forte Cupido novam :  
 Non tulit eludi : Moriar , sed protinus inquit :  
 Iusta est læsus amor , dignaque causa necis .

Sic

Sic misera occubuit Dido , sic Lesbia Sappho ,  
 Et fuit his mortis , quam mihi , caussa minor .  
 Perfide , nec satis actus me in morte relinquis ;  
 Nec Latii fuerant regna petenda tibi .  
 Me fugis ; atque ultro moribundam deferis , & te  
 In gremio diræ pellicis esse juvat .  
 Ast ego te famæque meæ , sanctoque pudori ,  
 Et nato ; & vitæ , præposuique viro :  
 Pro quo , & pro nostri miserando fœdere lecti  
 Destituor , Stygios mox aditura lacus .  
 Ergo ibo , & pœnas neglecti conjugis ultro  
 Ipsa dabo , & nostri funeris auctor eris .  
 Dixit ; & ingentem calicem bibit ore veneni ,  
 Morisque , ait , hæc culpam demeruisse potest .

#### HELENÆ MIRANDÆ EPITAPH.

**R**elligione , fide , pietate , pudore Lacæna  
 Major , & heu ! forma non minor hic Helenæ est .  
 Mirandæ nomen virtus dedit , & genus ; cheu  
 Mirandum hoc etiam est , hanc potuisse mori .

#### A D B E N E V E N T U M .

**C**Um jam jam te venturum juraris , amice ,  
 Quis fore tam longam crederet usque moram ?  
 Præcipue cum te Beneventum dixeris esse ,  
 Quod bene quid dudum veneris esse potest ?  
 Hæc me decepit , qua sum ratione moratus ,  
 Sic ut vix possim nocte tenere domum .  
 Noctæ gravis , quæ jam tenebris ruit , instat & imbre ,  
 E borea oppositus dum Reniega mihi est .  
 Tu vale , & hoc nomen , quod me decepit , habeto :  
 Sed me ne hoc iterum fallere posse puta .



## D. MARIÆ CASTANNEDÆ EPITAPH.

**S**I formam inspicias, Veneris sunt membra sepulcro hoc;  
 Si mores, casta Palladis ossa jacent.  
 Nam Maria, hoc tumulo quæ conditur, inclyta gentis  
 Castannedarum gloria quæque fuit,  
 Moribus & forma tam divam vincit utramque,  
 Utraque quam summa est munere diva suo.

## EPITAPH. ALFONSI MOTARIS.

**A**Lfonsi cineres brevis hæc tegit urna Motaris,  
 Sexdecim (id est aliquid si modo) qui vir erat.

## FONS MARIANNÆ.

**P**arvus eram, & fracta Frechas dicebar ab unda;  
 Magnus, io, postquam sum, Marianna, tuus.

## EPITAPH. LUISSÆ MIRANDÆ.

**M**oribus, & forma, & generis cognomine, vere  
 Miranda, hoc tumulo clausa Luissa jacet.  
 Dico quisquis ades: Cælesti pace fruatur.  
 Tam bene quæ vixit, mortua digna polo est.

## VICHII EPITAPHIUM.

**V**ilchius hic cultor, tantumque poësis amator,  
 Sed nulla cultus parte poeta, jacet.

## AD MARIANNAM.

**S**I mihi cara magis non es, Marianna, tibi ipsi  
 Quam sis, Tartarei concremer igne dei.  
 Dispercamque Jovis librato fulmine ab arce,  
 Te nisi amo, plusquam te met amare potes.

K K

Et

Et nisi te puro, ceu nunc, ita semper amabo  
 Pectore, vulturibus sit jecur esca meum;  
 Et lacer extrema jaceam tellure, nec usquam.  
 Ullus jactatis ossibus adsit honos;  
 Te nisi jam fato functus, ceu vivus, amabo,  
 Servabitque ignes ni cinis usque meos.

## A D V I L C H I U M.

**D**Octe poeta, meos celebras dum carmine patres,  
 Et Villegatum tollis in astra genus;  
 Quanta tuis, generique meo, proavilque paratur  
 Gloria carminibus, tanta parata tibi est.  
 Nam quicumque leget per te mea stemmata, versus  
 Extollat miris laudibus ille tuos.  
 Ingenium eloquiumque grave admirabitur, atque  
 In re difficili tam faciles numeros.  
 Vate melos dignum, summo quoque rethore verba,  
 Aptaque digestis lumina sparsa locis.  
 Hac tua sunt summa semper dignissima laude;  
 In me quæ laudas, sunt aliena tamen.  
 Est illustre mihi, fateor, genus: atramen hoc sum  
 Culpandus, proavum ni sequar acta magis.  
 Namque quid ad nostras, si regia stemmata, laudes?  
 Promeruit cæsis hostibus unus avum?  
 Atque Tolosiæ victor si splenduit arvis,  
 Et quas defendit, arcibus emicuit?  
 Si Villegatem conclamavere cohortes,  
 Et patriæ pater est dictus Iberiæ?  
 His extollatur Petrus Fernandus actis  
 Pro meritis, expers laudis at hujus ego.  
 Nam quæ non feci, mea non sunt: tollite Musæ,  
 Tollite ad astra meos, qui meruere, patres.  
 Talibus ornatos virtutibus, haud decet ulla  
 Promeritæ laudis parte carere viros.  
 Illi etenim magno, Roderici a clade, fuerunt  
 Auxilio nostris regibus, & patriæ;

Exceperè

Excepere suis qui fufos fedibus , afper  
 Altur ubi , & durus Cantaber arva colit.  
 Nam Villegates fedem hanc habuere , minores  
 Unde decus fummum nobilitatis habent.  
 His quoniam terris , atque his in montibus orti ,  
 Bellando qui rem reftituere , duces.  
 Donec ad Alphonfi fapientis tempora ventum ,  
 Floruit , undecimus qui mihi Petrus avus.  
 Cujus constanti fidei commiffa fupellex  
 Regia , & aulai tradita fuma fuit.  
 Tradita quin etiam testamentaria cura ,  
 Irrita fublato ne duce juffa forent.  
 Munera quæ tali gelfifti , Petre Ruyzi ,  
 Cum fide , ut hinc laudem vindicet omne genus .  
 Et quantus fueris bello miremur & armis ,  
 Et pacis quantus artibus , atque togæ .  
 Hinc alii fubiare duces , quorum inclyta gelfa  
 Hifpanæ cecinit conditor hiftoriæ .  
 Nec tacuiſſe tuas laudes , Roderice Perezi ,  
 Dicitur ; aut laudes , Petre Ruyze , tuas .  
 Alter apud regem patriæ mandata tulifti ,  
 Alter es Hifpanæ præpoſitus patriæ .  
 Sanctius accedit virtute Ruyzius iſtis ,  
 Pœnarum exactor regius , ac ſclerum  
 Quem patrem virtute inſignem , Alfonſe Perezi ,  
 Sublequeris , nulla ſed ratione minor .  
 Te quoniam , proceres inter , tua patria vidit  
 Adſcriptum ſacræ militiæ numero ;  
 Felicemque magis nato , qui pectore & armis  
 Præclarus , pacis muneribuſque fuit .  
 Burgis præfectus ſclerum exactoribus , atque  
 Regalis præſes qui rationis erat .  
 Omne ſed cura rationum functus iniquo ,  
 Hoſtem Mercurium pertulit , atque Jovem .  
 Nam correptus ubi eſt Petrus Fernandius atra  
 Morte , fuit fiſcus regia præda viri .

Atque

Atque aliena velut conflassent æra minores,  
 Hastæ majorum supposuere bona.  
 Hinc clades generis, sed qua nec territa virtus,  
 Nec fuit extinctus nobilitatis honos.  
 Nam nec prætereo, te Petre Ruyzie, nec te  
 Digna tori consors, fortis Olalla, viri.  
 Nec te magnanimis Burgorum, Petre Ruyzi,  
 Patribus a puero commemorate tuis.  
 Nec te magne, decus patriæ, Fernandæ; Beatrix,  
 Nec te quæ tali es facta beata viro.  
 His successit avus noster, quem Phæbus Apollo,  
 Pieridesque suis asseruere choris.  
 Cui præfici vates assurrexere canenti,  
 Et cessit Ditis regia Tartarei.  
 Ergo mihi tu Petrus eris Fernandus, hæc si  
 Scripta meo fuerint digna nepotis avo.  
 Si fuerint fortasse meo haud indigna parente,  
 Martia qui Musis miscuit arma novem.  
 Et quantum virtute animi, & fulgentibus armis,  
 Ingenii tantum dotibus emicuit;  
 Hujus in arbitrium lusus committere summam  
 Rex atque Hesperii constituere duces.  
 Tanta viri virtus quoniam, tanta unius in re  
 Tam celebri herois cognita religio,  
 Regibus ut fuerit regnandi norma, novique  
 Orbis ad arbitrium qui nova regna dedit.  
 Cujus judicium, missi velut æthere ab alto  
 Numinis, imperii cura severa tenet.  
 Salve igitur, mihi care parens; tua, Petre Ruyzi,  
 Gloria, nomen, honos, fama perennis erit.  
 His atavis, proavisque, atque his ego patribus ortus,  
 Carmine quos celebras, Vilchie docte, tuo.  
 Quorum ego virtutes si forte imitabor, abunde  
 Patris, avi, & proavum sanguine dignus ero.  
 Sin minus, hoc ipso culpandus degener, horum  
 Fretus imaginibus quo minus acta sequor.

Quare

Quare ego, amice, tuo vel motus carmine, vestram  
Præturam cura cum meliore geram.

A D M A R I A N N A M.

**E**X quo visa mihi primum est Marianna, Cupido  
Injecit lævas in mea corda manus,  
Armatusque tuo superavit numine inermem:  
Quid mirum a gemino me periisse deo?

A D F R A T R E M.

**V**ivere tot sine me potuisti dulciter annos,  
Frater, utroque mihi lumine care magis?  
Sed bene, nam nostram de te pendere salutem  
Scivisti, utpote qui vita salusque mea es.  
Quare absens præsensve mihi sic vivere cura,  
Ut mea sit vita prospera vita tua.

A D L I V I A M.

**E**S Livina, ramen divinam dicere possem.  
Hoc forma, & virtus, id potuere patres

V I L L E G A T I S E P I T A P H I U M.

**V**illegas jacet hic; Venusque, Amorque  
Flent; nam quem peperit Venus de Amore,  
Et quem de tenera Cupido matre  
Suscepit pater, impius peremit.

A D A M O R E M.

**Q**uid lacrymis tantum insultas, puer improbe, nostis?  
In tenues umbras quidve, proterve, furis?  
Quid juvar heu cineres semel infestare jacentes?  
Non sum Villegas, non ego, ut ipse putas.

O bone, jam ille obiit; Mariannæ ferre superstes  
 Nec longum caræ dissidium potuit.  
 Nos Villegatîs cineres sumus: illius ergo  
 Qui perit, tenues quid furis in cineres?

# STEPHANINÆ EPITAPHIUM.

**H**ic Stephanina sita est: secum tulit illa lepores,  
 Nec jam numen Amor, nec Venus ulla dea est,

## AD BENEVENTUM.

**S**cilicet o tragico jactura ululanda dolore!  
 Scilicet Iliacis anteferenda rogis!  
 Et magis aut Priamo desenda, aut Hectore cæso,  
 Aut rapta Argolici Pallade fraude ducis.  
 Sollicita nimium cura si charta sodalis  
 Dignior haud nasci, quam superesse, perit.  
 Quæ rapienda fuit per nigram viva culinam,  
 Atque cucullata fronte habitura piper;  
 Cordylas madida vel mox tectura papyro,  
 Fumofave coqui dilaceranda manu;  
 Quæque tuos inter forte asservata libellos  
 Sincerum potuit contemnerare sophos.  
 Turbida ceu nitidum denigrant nubila solem,  
 Conturbat claras aut fera turpis aquas;  
 Picaque Cecropias lædit velut improba voces,  
 Attida multifonum cum nemus omne gemit.  
 Vel cum Ledæos anser strepit inter olores,  
 Offendit ripas, magne Caystre, tuas.  
 Ergo quid potuit vilis fecisse papyrus  
 Rectius, a te quam læta perire semel?  
 A te, cui rursus si se daret illa legendam,  
 Quæ placuit, poterat displicuisse modo!

## DE MARIANNA. -

**Q**ualis ab Idalio rediit Cytherea triumpho ,  
 Vinctrici referens aurea poma manu ,  
 Haud contenta deas forma superasse , nisi orbem  
 Vicerit , a summi labitur arce poli ;  
 Et terras formosa subit , mundoque subacto  
 Urbem , Rellanzon qua fluit , ecce venit :  
 Et petit indigenis forma contendere nymphis ,  
 Si sit in hoc pugnae quæ genus ire velit .  
 Audeat aut secum dextram adjecisse duello  
 Forsitan , aut speret vincere virgo deam .  
 Ergo ubi signa dedit venisse in prælia matrem  
 Armatus fulva cuspide mollis Amor ;  
 En Marianna venit , genus heroumque , ducumque ,  
 Nobiliumque domus Lermias ampla virum .  
 Fulva comas , & nigra oculos , & candida pectus  
 Collaque , & ambrosias , ceu dea , longa manus .  
 Ore lepos , niveisque genis , roseisque labellis ,  
 Et triplex lævi gratia fronte micat .  
 Digna parente Jove , aut si qua est , Jove digna marito :  
 Tantus honos membris , gloria talis inest ,  
 Tam gravis incedit , tam toto corpore magna est ,  
 Tam nulla in magno corpore menda subest .  
 Eminus obstupuit visa regina Cytheris ,  
 Et penitus gelido debilitata metu est .  
 Qualiter admotum cum vidit Pelion Ossæ ,  
 Tela giganteæ vel jacienda manu .  
 Mox ubi sidereum nymphæ propiore refulsit  
 Ore decus , totas explicuitque faces :  
 Vincimur , exclamat ; minor est injuria sponte  
 Cedere , quam invitam succubuisse tamen .  
 En ego me fateor victam : sed cedite , divæ ,  
 Cedite , sive soror , filia sive Jovis .  
 Una omnes Marianna deas discrimine nullo  
 Vincit , & est omnes vincere digna deas .

Sic

Sic Venus : at nympham spoliis cælestibus ornat ,  
 Et pharetra & telis ipse Cupido suis.  
 Arbitriumque dedit ferendi hominesque deosque ,  
 Atque ipse imprimis vulnera sentit Amor.  
 Uritur , inque unam Mariannam incendia sentit ,  
 Et flet , & , Urit , ait , qualiter iste rogas?

## DE PATRIA.

**B**urgensis vitam præstet mihi patria , bustum  
 Præbeat ignota vel niger Indus humo.

## AD IMPLENDAM PAGINAM.

**Q**uærebam vacua quid possem scribere charta ,  
 Et melius visum est , pro hoc quid , inesse nihil.  
 Addimus ergo nihil ; nihil hoc tamen undique chartam  
 Implet , ut affirmes hoc nihil esse aliquid.

## AD CLOHOBARDUM.

**F**orte sacri nuper legeres cum in vertice Pindi  
 Liliaque & teneras , o Clohobarde , rosas ;  
 Te Pallas Phœbusque vident , te agnoscit uterque ,  
 Illa notat Græco nomine , at hic Latio.  
 Te sibi vel vatem , vel summum rethora Roma  
 Vindicat , obsistit Græcia tota tamen.  
 Argolicumque cupit tantum , teque asserit ultro ,  
 Esse magis rethor , sive poeta velis .  
 Attamen hanc pugnam Pallas Phœbusque coercent ,  
 Asserit & vario nomine uterque sibi .  
 Muneribusque suis ornatum gaudet uterque :  
 Sic rethor , vates , Græcus es , & Latius.

## EPITAPHIUM ERASMI.

**H**eus quamquam properes , tamen sepulcrum  
 Hoc te , quisquis ades , rogat moreris

Pau-



Paulisper ; brevis est labor futurus :  
 Ut se respicias , legas , sciasque  
 Quod scriptum est . Jacet hic dolor suorum ,  
 Orbis gloria , gentis , & Batavum  
 Splendor : nunc cinis est , Erasmus olim .  
 Hoc est quod voluit : vale beatus .

#### AD CLOHOBARDUM .

**F**lander eras natus ; tamen es sub Pallade Græcus ,  
 Et sub Phœbeo munere sis Latius .  
 Urbeque donatus Græca Latiæque ab utroque  
 Numine , es en Græcus Flander , & Ausonius ,  
 Exerceſque novem Mufas : ſic numine terno ,  
 Laudi ut ſis Græco ſit , Latio , atque tuo .

#### EPITAPH. ANDRÆ .

**H**ic Venus , hic Charites , Mars , Muſæ , Pallas , Apollo :  
 Hos capit , Andream quæ capit urna brevis .

#### DE ERASMO .

**Q**ui putat extinctum ſupremo funere Erasmum ,  
 Fallitur ; hujus enim vita perennis erit .  
 Namque olim æternam peperit vitamque decuſque  
 Muſa , nec in doctos Atropos ulla dea eſt .  
 Nam ſemel Aonias qui deguſtaverit undas ,  
 Ille nihil prorsus , quod moriatur , habet .  
 Dum volat , obrepat membris ſopor , inclyta fama ;  
 Vita tamen ſurdæ neſcia mortis erit .  
 Spiritus in libris , vox , nervi , ſanguis Erasmi  
 Cernitur , effigies , vultus , & eloquium .  
 Cor quoque , lingua , lepor , lumenque , ſaſeſque , jocique ,  
 Schemataque , & docta gratia cum Venere .  
 Denique vita , fides , animus , pietasque , pudorque ,  
 Simplicitas , candor , religionis amor .

L I

Ergo

Ergo erit æqua polo dum res Hispanica , vives ;  
Vives docte tuis semper Erasme libris.

AD MARIANNAM.

**U**T, Marianna, Venus cedit tibi, sanctaque Pallas  
Et forma & casti dotibus ingenii;  
Sic ego amore omnes , quotquot prior attulit ætas,  
Et superbo quotquot tempora nostra ferent.  
Pulchrior ut dubium sisne , an mihi charior ipsa ,  
Quantumvis pulchra es , sed mihi chara magis,  
Lux mea ; nam facies sero vincetur ab ævo,  
Noster post cineres usque vigeat amor .

LESMI CORALIS EPITAPH.

**L**Esme , tuum fatum non urbs modo tota, sed ipsa  
Quæ secuit filum , Parca severa dolet .  
Ipsaque, quod potuit miserum post funus , & urnam,  
Atque urnæ hoc carmen cum lacrymis posuit .  
Hic cinis est Lesmi Coralis , quem sua virtus  
Fecit post mortem vivere perpetuo .

IN MELCHIOREM.

**M**elchior , adscribis Nasonis carmina vati,  
Talia qui nunquam carmina composuit.  
Idque facis magna populi spectante corona ,  
Et credis furtum posse latere tuum.  
Et facis audacter ; fatuum nam me quoque dicis,  
Detexi risu quod saliente nefas .  
Ipse quidem fatuus , fatui si noscere mendam est ;  
Tu sapiens , mendas dicere si est sapere .

AD MARIANNAM.

**C**ertabat natura potens se numine in uno  
Multorum dotes cogere posse deum.  
Contendunt superi contra , sylvasque Diana ,  
Phœbus jactat equos , Juppiter imperium ;

Osten-

Ostentatque Venus formam ; Mars tela , Minerva  
 Ingenii dotes , Junoque jactat opes .  
 Te solam natura refert , & protinus omnes  
 Exclamant : Uno vincimur hoste dii .  
 Multorum dotes Marianna , & numina divum  
 Sic habet , ut quemvis sorte sua superet .

### ELISABETHÆ BESARIS TUMULUS.

**O** Mors , quam nimio es malis timori !  
 Quam contra nihili bonis putaris !  
 Quæ solas rabiem exeris caducas  
 In res , nec nisi sponte quæ senescunt ;  
 Solvis corpora , nec potes beatos  
 Immutare animos . Putas triumpho  
 Dignum Besaris ossa Elisabethæ  
 Solvisse , & cito traditam sepulcro ,  
 Abs casto temere Alvaro tulisse .  
 Quanto est dignior illa laude summa ,  
 Cujus tam fuit approbata virtus ,  
 Ut dignam satis esse comprobarit :  
 Qua vivente , mala orbis , & labores  
 Pensaret merito probus maritus ?  
 Quam dignissimus hic quoque est triumpho ,  
 Qui postquam comiti optimæ dicavit  
 Saxum hoc , & cineres levi sepulcro  
 Contegit nimis improbo dolore ;  
 Nil dignum amplius esse summo amore ,  
 Nil terris animo viri putavit .  
 Quare quam potuit reliquit orbem ,  
 Et factus monachus Dei sacerdos ,  
 Virtutis specimen , deditque amoris .

### ANDREÆ EPITAPH.

**H**ic jacet Andreas , Parnassi gloria : non jam ,  
 Non quo se clypeo Pallas obumbret , habet .  
 Flent

Flent Musæ, & Charites, plorat Venus, æger Apollo est,  
Rupit amor pharetram, docta Minerva sinus.

# IN HENRICUM BRITANNIÆ REGEM.

**B**Arbaricos thyrſos fileat crudelis Agave,  
Nec remorata patrem vulnera Colchis agat.  
Non ferat appoſitum natum Philomela parenti,  
Sit pius Ægyſthus, ſint Diomedis equi.  
En majora dedit Britannia crimine in uno,  
Auſa quidem, poſſit quid ſcelus omne ſimul.  
Scilicet ejectionem thalamis, ceſſiſſe ſuperbo  
Reginam ſcorto, non grave crimen erat?  
Occupat e media pellex turpiſſima plebe,  
Regalis tulerat quæ modo ſceptra manus.  
Eloquar an ſileam? placuit quoque crimine crimen,  
Et ſcelere inceptum multiplicare ſcelus.  
Porrigit heu ſociæ quondam regni impia conjux  
Pocula, lethali pocula mixta lue.  
Nec licet expulſam regno ſine crimine vitam  
In gemitu, & lacrymis degere, & in tenebris.  
Tollitur e medio divum certiſſima proles,  
Qua poterat tellus æquiparare Jovem.  
Eſſe putas ſuperos ergo, qui talia cernant,  
Henrice? an nullos eſſe putas ſuperos?  
Tarda deum vindicta, ſeverior attamen hæc eſt:  
Nullaque culpa deis proſus inulta manet.  
Aut tua te conjux, quam diligis, improba linquet,  
Accipietque toro perfida mille procos.  
Aut faciet, cur te miſerando iudice mortem  
Oppetat, & dextra concidat iſta tua.  
Nullus amor tibi certus erit, ſed quotquot amabis,  
Efficient ut mox vindice te pereant.

## VIRGILII EPITAPHIUM.

**Q**ui cecini sylvas, agros, & Martia bella,  
Virgilius vates contegor hoc tumulo.

## AD CLOHOBARDUM.

**R**ethora nunc Græcum quod gens stupet alma Quiritum,  
Hoc tuus effecit, mi Clohobarde, labor.  
Ille etenim Argiva tantum olim cognitus urbe,  
Per te est Romanis cognitus, ut Cicero.  
Græcus erat sermo, nunc est te auctore Latinus;  
Et dubium, melius nunc sonet, anne prius.

## AD MARIANNA M.

**P**ostquam sævus Amor miseris mihi sensibus hæsit,  
Nullaque pars nostri libera Amore fuit;  
Sic, Marianna, tuæ crevit reverentia formæ,  
Ut tecum, aut sine te, sit mihi nulla quies,  
Es procul? absentis præsens tamen acrius urit  
Ignis, & a nulla flamma juvatur ope.  
Discrucior præsens, totumque incendia pectus  
Haurit, & obsequio læditur usque suo;  
Emoriarque prius, quanti quam causa doloris  
Sis mihi, vel cupiens significare queam.  
Obstat Amor, vereorque miser, quod sæpe poposci,  
Te tibi dicendi tempus ut esset: Amo.  
Attamen hoc melius quam te, mea vita, carere:  
Utilius summa parte carebo mei.

## DE ERASMO.

**E**xtingto quicumque diem fore credit Erasmo,  
Audeat extincto quarere sole diem.  
Illum terra tulit, quo se conferret Olympo,  
Atque etiam vila est fertilis esse deum.

Scd

Sed minor ipsa suo genitrix mæstissima partu  
 Passa est, quod nequii numen habere, mori.  
 Amissumque dolet misera, æternumque dolebit,  
 Et fraudata suo sole sepulta jacet.  
 Deme polo Phœbum, nox intempesta sequetur,  
 Mortalis terræ Phœbus Erasmus erat.  
 Ille vias reperit, rediturosque oculis ignes,  
 Alternatque ortus versus, & interitus.  
 Huic postquam brevis una semel lux excidit, haud est  
 Alternare vices, exuere aut tenebras.  
 Sed nox, adveniat donec fera judicis hora,  
 Nos tenet, & placidum jam fore crediderim.  
 Non ne vides altris, ut cedunt sidera Phœbo,  
 Hesperus aut regnet, sole cadente, polo?  
 Sic, mihi crede, diem quicumque sequetur Erasmi,  
 Nox erit, obtineat Hesperus astra licet.  
 Luciferum eripuit terris mors improba; non jam  
 Germanis lucem qui ferat, ullus erit.

#### A D C L O H O B A R D U M.

**S**edula cum doctos legisset Musa labores,  
 O Clohobarde, tuos, sic dubitasse ferunt:  
 Num magis ad Latios accedas ipse lepores,  
 An referat Græcos Battalus ipse suos.  
 Et tandem eximios ambos dixisse, Latinum  
 Te, Græcumque illum; te tamen esse magis.  
 Namque illi peraratum opus ut non carcere vinctum,  
 At tibi perpetuo carcere pressa manus.  
 Sic tamen alterius vestigia obisse sequendo,  
 Ut campo forsan liberiore fluas.

#### EPITAPHIUM BERNARDINI.

*Martini Lerme & Leonora Villegatis conjugum.*

**H**oc Bernardinus Martines Lerma sepulchro est,  
 Conjux Villegas cui Leonora comes.

Improba

Improba mors vicit mortalia corpora; verum  
Virtutis formam vincere non potuit.

### DE GALLO.

**P**erdere qui cupiet, poterit rem credere Gallo;  
Sed qui pauca volet perdere, pauca dabit.

### DE GALLA.

**Q**uæ scripsi, omnia pulchra Galla legit,  
Sed nil rettulit: ergo quid negabit?  
Cur non fœmina fertur? est honesta.  
Est, sed fœmina: fœmina & pudica,  
Quum sit fœmina, non potest, negare.

### DE AMICA.

**P**ræda petita canis lepus est, & poscitur hamis  
Piscis, at a nostro nostra puella toro.

### EPITAPHIUM ERASMI.

**H**umanum quodcumque habuit divinus Erasmus,  
Restituit patrio mors violenta solo.  
Sidera cælestis petiit mens, ossa sepulcrum  
Hoc tegit; at nomen vix bene terra capit.

### AD FONTEM MARIANNÆ.

**O** digno donande mero, florumque canistris,  
Fons, qui de dominæ nomine nomen habes;  
Fons Mariannæum referens decus, optima divis  
Præponenda fuit quo Marianna tribus.  
Splendidior vitro, crystallo purior alba,  
Apte magis quo sit, quam mare, nata Venus.

Cras

Cras mihi distincto maculis donaberis hædo,  
 Cui nova jam tereti cornua fronte tument.  
 Destinat & Venerem qui frustra, & prælia, rubro  
 Inficiet gelidas jam tibi sanguine aquas;  
 Et cadet ante gregis soboles lasciva, maritus  
 Quam sit, quam torva prælia fronte gerat.  
 Adspergam Bacchi quoque te cum flore vetusto,  
 Nolle meos proavos quem potuisse reor;  
 Inque hunc a multis servatum patribus usum,  
 Vina forent sacris ut mea digna tuis.  
 Te flagrantis atrox canis os contingere nescit,  
 Si Phaethonteo sæviat igne dies.  
 Defessis adeo das frigus amabile tauris,  
 Cum referunt lasso vomere aratra domum.  
 Et pecus ipse vagum reficis, pecorisque magistros,  
 Membraque ab assiduo fessa labore levas.  
 Fies nobilibus dignus qui fontibus olim  
 Adscribare, lacum me referente tuum;  
 Et scopulum mediis surgentem fluctibus, unde  
 Desilit assiduo murmure lympa loquax.

#### VIVIS EPITAPHIUM.

**C**ujus scripta capit vix tellus, nomen Olympus,  
 Hæc Vivis cineres contegit urna brevis.

#### EPITAPHIUM ERASMI.

**U**T Deus in partem mundi melioris Erasmus  
 Acciperet, mentem sustulit, ossa manent.  
 Astra tenent animum, clauduntur membra sepulcro,  
 Astra animi, cinerum patria terra fuit.

#### AD MARIANNA M.

**A** Brumpi sua jura parens natura dolebat,  
 Esset quod Pallas vertice nata Jovis.

Cyprida



Cyprida cum vidit natam spumantibus undis,  
 Et furit, &: Passim sic ego lædar? ait.  
 Nec satis, æterna nascendi lege solutæ  
 Quod sunt, ni magno sint in honore deæ.  
 Prælit & hæc formæ, teneat sceptræ illa pudoris,  
 Utraque neglectis legibus orta meis.  
 Dj melius; dicarque parens effœta, nisi uno  
 Pignore sustulero nomen utrique suum.  
 Tum totas effudit opes, enixaque summis  
 Viribus in medium te, Marianna, tulit.  
 Utque novum terris fulsit decus, undique cedunt  
 Numina, nec tanto vincier hoste grave est.  
 Tunc Venus egregium formæ deponit honorem,  
 Cecropis eximie sceptræ pudicitie.  
 Ipsa utrumque capis decus immortale, pudoris  
 Et formæ, turba nil renuente deum.  
 At Natura licet divas superasse beatas  
 Gaudeat, evicisse attamen ipsa dolet.  
 Sic etenim totas effudit prodiga vires  
 In te, ut sit partu debilitata suo.  
 Marceat ut totis effœtis viribus, ingens  
 Ut nullum posthac non vereatur opus.  
 Aut si conetur, posset præstare; priorem  
 Ne sit quod timeas, aut, Marianna, parem.

# D E E R A S M O.

**Æ** Thereas postquam sedes pervenit Erasmus,  
 Eloquii eripuit nomina Mercurio.

# A D D I V A M V I R G I N E M.

**O** Virgo, æterni mater sobolesque parentis,  
 Nata enixa patrem, fœmina virgo Deum;  
 Salve, atque instantis famuli, dea, suscipe verbum  
 Ut mea sit celso mens tibi juncta polo.

M m

D E

## DE DOMINÆ EFFIGIE.

**E**ffinxit faciem pictor, mentem ipsa figura  
 Ecce aperit, pulchrosque refert pulcherrima mores,  
 Ipsaque mente nitet, ceu quod complectitur aurum  
 Insignem gemmam, pretio majore nitescit.

## AD MARIANNAM.

**U**T, Marianna, tui tetigit me cura, relicta est  
 Nulla alia in toto pectore cura meo.  
 Noctes atque dies una est sententia cordi,  
 Te solam ut toto pectore semper amem.  
 Hoc placet, hoc unum est, tota quod mente fatisco,  
 Quod juvat, atque animum detinet usque meum.  
 Quid mihi cum Phœbo? quid cum Parnasside turba?  
 Quid mihi cum thyrsis, ebrie Bacche, tuis?  
 Hæc studia inquirant alii; mihi sola placebis,  
 Sola eris & studium, deliciæque meæ.  
 Namque meus quantum durabit spiritus, una  
 Noster eris tanto tempore solus amor.

## DE MORO.

**I**mproba ne solum Diomedis senferit arma  
 Alma Venus, Morus deteriora tulit.  
 Læsa Venus tumidas patrem commovit in iras:  
 Quid fiet, læso nobiliore deo?

## EPITAPHIUM GUIOMARÆ BARBÆ.

**H**oc tumulo Guiomara jacet Vernuvia conjux,  
 Nomen cui generis nobile Barba fuit.  
 Pulchrior in dubio est, fuerit vel amantior æqui,  
 Clarior an rari dotibus ingenii.

Occidit

Occidit ante diem miseranda , dolore peremta ,  
Unde viro geminus perpetuusque dolor .

# AD HENRICUM REGEM ANGLIÆ.

**T**U modo, qui summum feriebas vertice Olympum,  
Æthercis dignus vivere cura deis;  
Heu furis, & vetito raperis male sanus amore,  
Inque toro diræ pellicis esse iuvat.  
Nec; satis audaci nam Morum extingueret ferro  
Ausus es, atque Anglos expoliare patre.  
Si virtus divos, si divos crimina tangant,  
Non impunita, More, jacebis humo.

# A D M A R I A N N A M.

**U**T tua forma parem nunquam, Marianna, videbit,  
Ingenium, virtus, gratia, fama, lepos;  
Sic meus e tantis caussis qui nascitur ignis,  
Fit summus, causæ par sit ut ipse suæ.

# ANDREÆ CARDENÆ EPITAPHIUM.

**Q**uis jacet hic? Phœbi clarum jubar, una sororum  
Gloria. Quis rapuit? Pestis acerba viro.  
Quod nomen misero? Andreæ. Quæ est illa catena?  
Illa est, qua virtus barbariem domuit.  
Quis pater, & quæ mater? Bernardinus, & Agna.  
Hæc, moritur quoniam, vivit; & ille obiit.  
Quos habet hic secum comites? comitantur amicum  
Spes, virtus, pietas, intemerata fides.  
Quid tegit urna brevis? cineres & inania membra.  
Quid de animo factum? Christus in astra tulit.  
Ergo quem appellas miserum? quem facta beatum  
Effecere? comas sit lacerare pudor.  
Non tulit hunc tellus, tellurem non tulit ille.  
Quem non terra tulit, sidera ferre juvat.

DE

## DE VITA ET MORTE.

**P** Rincipium mortis vita est, mors ipsa salutis.  
 Dum vivis, moreris; dum moreris, superes.  
 Vive igitur mortis memor, & morere immemor ejus;  
 Quæ perit, ut vita perpotiare deum.

## TACENDUM.

**V** Era negare licet nunquam, tamen ipsa tacere  
 Fas est, ne gravius pullulet inde malum.  
 Si sapias ergo, tace. Nocuere silentia nulli:  
 Sæpe nocet domino garrula lingua suo.

## IDEM.

**F** Asve nefasve vides, vel acuta percipis aure?  
 Parce, frui si vis; qualiacumque tace.  
 Cuncta videre licet cunctis, audireque cuncta,  
 Ast impune loqui non nisi pauca licet.

## DEO DEBERI OMNIA.

**M** Ella favi, sed parva favos dat apis, quia tu das  
 Mella, favos, & apes, & bona cuncta, Deus.  
 Tu, bene si quicquam cessit tibi, numen adora,  
 O homo; namque tuum nil nisi crimen habes.

## LIMEN CUBICULI.

**D** Ure labor, curæque graves, hoc sistite gressum  
 Limine: sancta quies interiora tenet.

CUBI-

## CUBICULUM.

**I**Te procul, vigiles curæ; procul ite, labores.  
Hæc loca blandus habet sommus, & alma quies.

## VENTURÆ EPITAPHIUM.

**P**lus nimio Ventura fui studiosus equorum,  
Dumque equito, excussus concido, & intereo.

## ALIUD.

**V**enturæ mihi nomen erat, genus a cruce sancta,  
Ordo eques, ardor equi; dumque equito, intereo.

## AD MARIANNAM.

**O** Crudelis adhuc, Venerisque superba potentis  
Muneribus, miserum cur, Marianna, necas?  
Inesperata tuis veniet sed fastibus ætas,  
Quæque humeris volitant, auferet hora comas.  
Puniceaque rosa qui nunc prior est color, ora  
Pallida mutatus deferet, atque genas;  
Vertet & in faciem Mariannæ membra pudendam,  
Quæque puella modo est, postmodo fiet anus.  
Tunc quoties speculo deformia videris ora,  
Fernandique tui forte eris ante memor;  
Quæ mihi nunc (dices) mens est, cur ante puellæ  
Non fuit? his animis incolumesve genæ?

## AD B. VIRGINEM.

**D**iva Dei genitrix, partuque enixa parentem  
Ipsa tuum, mundi spelique, decusque poli.  
Unica virgo parens naturæ lege soluta,  
Fertilis æterna virginitate Deo.

Sponsa

Sponsa patris summi, mater sanctissima nati,  
 Numinis æterni flamine facta parens.  
 Fecundo complexa utero divumque hominemque,  
 Orbis quem totus, sidera nec capiunt.  
 Virgo decens, summoque patri gratissima, Virgo  
 Quæ potis es primum sola piare nefas.  
 Quam Deus elegit, per quam succurreret orbi,  
 Per quam pro nostro est crimine factus homo.  
 Et moriens, comparque patri datus hostia, mundum  
 Lustravit, veniam demeruitque bonis.  
 Huc oculos huc, diva, tuos converte; recumbit  
 In te sola salus, spesque, fidesque mea.  
 Nemo tuas supplex incassum accessit ad aures,  
 Nemo tuam frustra sollicitavit opem.  
 Est aliquis mediis submersus fluctibus, & jam  
 Jam pontum misero naufragus ore bibit?  
 Te vocat, & subito cedit mare, littora surgunt,  
 Servatusque tuo numine liber abit.  
 Illeque lethali confossus pectora telo,  
 Ad tua confugiens numina, sentit opem.  
 Tu maris imperium, tu mundi sceptrâ polique  
 Sola tenes, nato par prope, diva, tuo.  
 Ad te confugio supplex: miserere jacentis,  
 Diva, tui famuli, quem premit atra lues.  
 Obruta ferali languent mea membra dolore,  
 Nec facit officium pesve manusve suum.  
 Vix potis est tandem se mens attollere cælo,  
 Et precibus divos sollicitare piis.  
 Te tandem ante alios omnes, sanctissima Virgo,  
 Testem nostra vocant vota precesque, dea.  
 Erige languentem, dirumque extingue dolorem,  
 Namque potes, fallit nec tua vota Deus.  
 Tu potes exangues artus revocare sepulcris.  
 Ipsa jubes? verus pergit in ossa vigor.  
 Nec tam difficile est: in quo patiare repulsam,  
 Quæ regis imperio sidera clara tuo?

Namque

Namque ubi de nihilo struxit pater optimus orbem ,  
 Componens aderas cuncta , regensque simul .  
 Et prius omniparens proprio quam pondere tellus  
 Staret , vel liquidis unda mearet aquis ;  
 Astra prius quam luce sacra lustraret Apollo ,  
 Lunaque noctivagis alta niteret equis ;  
 Vasta prius vallo quam finiretur abyssus ,  
 Concepta æterni mente parentis eras .  
 Ergo tui famuli fessis , dea , prospice rebus ,  
 Te duce ut optata , Virgo , salute fruar .  
 Protinus ipse tuo servatus numine dicam ,  
 Diva , tuas laudes , & tua gesta canam .

### M O R I E P I C E D I O N .

**V**ix Morus ostentaverat terris caput ;  
 Cum divitis facundiæ  
 Vetrusta rursus effulserat lux litteris ,  
 Honorque major redditus .  
 At sæva tot successibus mors invidens  
 Injecit asperas manus ,  
 Oblivionem tanta ne terris deum  
 Induceret felicitas .  
 Extinxit una , mille quod nunquam dies  
 In integrum reponerent .  
 Non illud at mors dira truncavit caput ;  
 Truncavit eloquentiam .  
 Illo cadente Veneres , atque Gratiæ  
 Una incubuere vulnere .  
 Sed hæc inferias tu doloris accipe  
 Saltem dicatas funeri .

### A D M A R I A N N A M .

**P**er me , perque meum caput hoc oculosque , tuendo  
 Qui , Marianna , tuum deperiere decus ;  
 Perque

Perque dolenda meum perpeſſum plurima peſtus,  
 Me fore juravi, diva, perenne tuum.  
 Hæc mea ſunt, inquis ( ſunto ) ſuſpiria : ſed quid,  
 Quid lacrymæ, & gemitus quid, Marianna, juvant?  
 Quid dolor æternus, quid nocte dieque querelæ,  
 Quum fore me juro, diva, perenne tuum?

# MARTINI MUNOTII SORIÆ EPITAPHIUM.

**H**Eu tantum fatiſ Soria de gente licere,  
 Ut ruat antiquæ gloria tota domus?  
 Tunc etiam, Martine, jaces? tene hæc tegit urna?  
 Calculus hoc potuit, diraque Parca nefas?  
 Scilicet humanæ hæc eſt conditio improba ſortis,  
 Eſſe quod æternum debuit, ut pereat.

## A D V E R Z O S A M.

**Q**uod, Verzofa, novum celebras ornaſque ſepulcrum,  
 Crede mihi, ingenii rem facis ingenuam,  
 Te dignam, atque viro ſinceri cordis amico,  
 Vix qualem quemquam ſæcula noſtra ferunt.  
 Nam quid amicitia, aut animi pars altera amici,  
 Si gelido cineri cuncta ferenda damus?  
 Nec, niſi vivus adhuc & commodus, ullus amatur;  
 Nec niſi inane fides nomen, amorque vacans.  
 Scilicet eſt verum officium virtuſque, ſodales  
 Deſunctos fatiſ eripuiffe ſuis;  
 Et longæ laqueis exſolvere mortis amicos,  
 Ut ſuperent, quicquid mors habet atra mali.  
 Quare age, quem vivum redamaſti, dilige ademtum;  
 Facque ſuiſ ſanctiſ manibus adſit honos;  
 Et ſceluſ indignum pharetræ perge Diana  
 Incuſare, truciſ ſævitiæque deæ.

Ut,



Ut, Verzosa, ferat functo Mendozius heros,  
 Marcelli mater quod pia Virgilio:  
 Et rari exemplum fias memorabile amoris,  
 Frigida qui vivis non minus ossa colis.  
 Nam qui nec cineres, nec inania membra sepulti  
 Diligit, hic nullo tempore amicus erat.

### MARTINI MUNOTII EPITAPHIUM.

**H**ospes, ad hunc tumulum studio quicumque legendi  
 Scripta venis; majus, quod tegit urna, homine est.  
 Martinus jacet hic Munotius: haud jacet unus.  
 Martinus tamen hic, nec tulit hoc Probitas.  
 Quin jacet ipsa etiam, tumuloque est condita eodem  
 Mors, quoniam alterutrum non potuit rapere.  
 Fama tamen superest, expers quæ plurima mortis  
 Vivit, par meritis sola reperta viri.

### PETRI FERNANDII EPITAPHIUM.

**H**oc posuit tumulo Petrus Fernandius ossa,  
 Digna magis templo pignora, quam tumulo.  
 Nam probitas siquem, pietasque, fidelque, deumque  
 Relligio superis sedibus asseruit;  
 Hic fuerat numero divum adscribendus, ab omni  
 Immunis mendo qui, nisi obisset, erat.

### AD MARIANNAM, DE VITÆ BREVITATE.

**L**abitur hora fugax, ætasque volatilis, cheu!  
 Truditur atque dies, o Marianna, die.  
 Volvunturque novis celeres sub solibus anni,  
 Atque eadem nunquam cornua Luna gerit.  
 N n Pergunt

Pergunt occulto sed fallere sæcula gressu,  
 Et properat nigra mors inimica pede.  
 Nec pietas rugis adfert, tremulæque senectæ,  
 Indomitæ aut morti relligiosa moram.  
 Non si, quotquot eunt luces, Plutona trecentis  
 Aut bobus places, aut tot amica ovibus;  
 Effugere, extremæ aut unam superaddere nocti,  
 Aut possis ruga consenuisse minus.  
 Scilicet unum omnes manet illacrymabilis orci,  
 Deucalion tenuit, quodque Epimethis, iter.  
 Una omnes mors atra manet, quicumque beatis  
 Muneribus cæli vescimur, atque soli.  
 Sive erimus reges, inopes seu forte coloni,  
 Attamen adnanda est omnibus una palus.  
 Frustra acies, frustra fugiemus prælia, raucus  
 Adria perfractis aut metuetur aquis.  
 Frustra autumnales sani vitabimus austos,  
 Et missa irati fulmina ab arce Jovis.  
 Sisyphus Æolides semel est visendus, & ingens  
 Pondere sudantem defugiente labor.  
 Visendusque niger Cocytus, & atra Charontis  
 Cymba, graves Furia, tergeminusque Canis,  
 Et Danaï genus infame, & miserabilis undis  
 Tantalus, Ixion, & Titii volucris;  
 Et linquenda domus, tellusque, placensque maritus,  
 Aut uxor, natus, cumque parente soror;  
 Deque his, quas properas modo sedula texere, telis  
 Vix dominam ornatu vestiet una brevi.  
 Mæstaque te de tot comitabitur una cupressus  
 Arboribus, quas nunc tam studiosa colis.  
 Cætera consumet vel centum clavibus hæres  
 Servata, & perget dilapidare bona;  
 Atque pavementum tinget potiore Lyxo,  
 Pontificum mensis, Cæsareaque siti.

GARTIÆ LERMÆ ET FILIORUM  
EPITAPHIUM.

**S**It licet, ut brevis est locus hic, tamen ampla virorum  
Lermæ gentis contegit ossa trium.  
Parta simul cum patre jacent duo pignora: nomen  
Hoc patris, Alfonsi nomen at illud habet.  
Tres animæ superis caræ, tria corpora, belli  
An pacis dubium munere clara magis.  
Magni omnes, omnes genus alto a sanguine Lermæ,  
Maximus hæc ergo est qui capit ossa locus.

ABBATUM DUODECIM EPITAPH.

**A**Bbatum bis sex virtus hoc tegit ossa facellum,  
Sanctorum totidem jure putanda patrum.  
Per quos sacra fides crevit, quæ cœperat olim  
Per totidem Christi tradita discipulos;  
Nempe ut Apollineum crescit per sidera lumen,  
Signaque producit per duodena diem.

ALPHONSI PEREZII EPITAPHIUM.

**H**Æc, licet urna brevis, magni tegit ossa Perezii  
Alphonfi, magnus qui pietate fuit;  
Nec minor ingenio, populi nec honore regendi.  
Heu cinis, & magni nominis umbra modo!

MARIANNÆ TUMULUS.

**P**Arva futura mora est quocumque, viator, abires,  
Ut, quæ sum gelido marmore clausa, legas.  
No-

Nobile erit pretium nomen scivisse puellæ,  
 Qua nunquam viva pulchrior ulla fuit.  
 Nunquam casta magis, nunquam morata, vel (heu!) quæ  
 Præstiterit formæ dotibus atque animi.  
 Cui genus illustre, & compar fortuna, maritus  
 Cui par Villegas unus ut esset, erat.  
 Quique meo sua sistra deis suspendit amore,  
 Quasque habuit, sacras sprexit & odit opes.  
 Nec periit tantum, quam propter vultus ab aris,  
 Una ast mutata condicione perit.  
 Atque, (heu!) quæ rerum passus discrimina? ducta  
 Me tandem superis invidiosus erat.  
 Sed nequit esse diu quis felix; ecce repente  
 Conjugis eripior maxima pars animi.  
 Ergo Lermæ gentis decus, ergo mariti  
 Æternus tumulo hoc sum Marianna dolor.  
 Hoc hospes monitum volui te. Funde sepultæ  
 Non temere, at *tristes cum gemitu lacrymas.*

#### A D S A L C E D U M.

**M**ajori solito Phœbumque diemque nitore  
 Atria lustrare artonitus, totamque replere  
 Insueto fulgore domum mirabar, & unde  
 Tam subita noster paries splendescere luce  
 Cœpisset; cum docta meos tua Musa penates  
 Ingressa, o veteres inter numerande poetas,  
 Et nulli vaturn vates cessare priorum,  
 Explicuit se luce nova, Phœbumque diemque  
 Auxisse, & subiti causam fecisse nitore.  
 Tam bene culta fuit quoniam, tam contra nitensque,  
 Tam tersa, & parte ex omni fulgentibus aucta  
 Gemmarum radiis, fuerit splendentibus ipsa  
 Crinibus ut Phœbi splendori, ipsique dici.  
 Sic Hyperionis radiis cum gemma coruscis

Lu-

Lustratur, se se prodit, lucemque refundit,  
 Flammarumque agiles per quælibet obvia nubes,  
 Igneque depasci majori cuncta videntur.

Affurgo, atque humilis venienti occurro: Novemque

O decus atque ingens Musarum gloria, nostros  
 Quæ dignata lares (inquam) felicibus hospes  
 Venisti auspiciis: teneasque decora meorum  
 Scrinia librorum melior, quibus alma priorum  
 Turba poetarum non te admisisse libenter  
 Gaudebit tantum; tibi sed loca proxima vati  
 Cedere Romuleo, felix quæ purpura velat,  
 Quæ cocco minioque rubent, cedroque peruncta.  
 Induc, Salcedi, jam luxuriantur, honores.

Quin Colophoniacus dudum te expectat Homerus,  
 Suppositas quamvis pulvillo regis, eburnas  
 Alpicit obliquo rapturam lumine sedes.

Perge igitur, fructusque tui tibi carpe laboris  
 Insignem famam, volitaque per ora virorum.  
 Mansura æternum, nec sæcula dira timeto.

His ego complector pavidam, atque in scrinia duco,  
 Virgiliumque inter mediam loco, Mæonidemque.

Tu Salcede vale interea, & dum despicias aurum,  
 Perfruere egregia virtutis laude, tuum te  
 Ingenium ut decoret factis, & Palladis arte.

## AD VILCHIUM.

**Q**UOD scribis nostris peccatum versibus, esse  
 Agnosco & culpam, Vilchië, confiteor.

Vel quia stans uno centrum pede carmina fudi,

Et tot scribendis versibus hora fuit;

Vel quod & hæc fuerit male libera, nempe rogatis

Bissenis etiam testibus atque tribus.


Adde quod a multis numeros oblita diebus

Musa per insuetum non bene currit iter;

Ac-

Acceleransque, manum vix primam passa, relicto  
 Auctori nullo carmine stulta abiit.  
 Quo fit, ut excuses merito me. Quare age, nostros  
 Aut dele, aut versus corrige, vel patere.  
 Me tamen excusa, nisi sim culpabilis, una  
 Quod scribo & testes pergo rogare dic.

# FINIS.










189  
25



Digitized by Google



